

পঞ্চমা

প্রমোদকুমার চট্টোপাধ্যায়

ভট্টাচার্য্য সন্স লিমিটেড
১৮বি, শ্রীমাচরণ দে ষ্ট্রীট, কলিকাতা ১২

প্রকাশক :

শ্রীসত্যনারায়ণ ভট্টাচার্য্য

ভট্টাচার্য্য সন্স লিমিটেড

১৮বি, শ্যামাচরণ দে ষ্ট্রীট, কলিকাতা ১২

মুদ্রাকর :

শ্রীগৌরীশংকর রায়চৌধুরী

বম্মলী প্রেস

৮০।৬, গ্রে ষ্ট্রীট, কলিকাতা ৬

প্রথম প্রকাশ

অক্টোবর, ১৯৫৪

মূল্য

তিন টাকা মাত্র

আজ বেঁচে থাকলে যিনি এই সাহিত্য-প্রচেষ্টা দেখে
সবার চেয়ে সুখী হতেন—সেই পূজনীয় বড় মামাকে
পঞ্চম উৎসর্গ করিলাম।—

ବାଳାମଣି

୧— ୯ ପୃଷ୍ଠା

ତୀକ୍ଷ୍ଣାଗ୍ନି

୧୦— ୧୨ ପୃଷ୍ଠା

ଭରି

୧୪— ୧୮ ପୃଷ୍ଠା

ଅକ୍ଷୟା

୧୯— ୧୮୮ ପୃଷ୍ଠା

বালামণি

এই বালামণির কথাই পিয়ের লোট লিখিয়াছেন। যে মোহিনী শক্তির প্রভাবে খ্যাতনামা এই পাশ্চাত্য লেখকটি মুগ্ধ হইয়া তাহার সাহিত্যের মধ্যে বালামণির কথা বলিয়াছেন, তাহার কথা কিন্তু উত্তর-ভারতের লোকে বিশেষ জানে না। এখানে তাহার জীবন-কথা সংক্ষেপেই বলিতেছি।

দক্ষিণ ভারতে জন্ম, মাদুরা কুম্ভকোণাম, তানজোর, ত্রিচিনাপল্লি, মাদ্রাজ প্রভৃতি দক্ষিণ ভারতের প্রসিদ্ধ স্থান ব্যাপিয়া ছিল তাহার কণ্ঠক্ষেত্র। এখনও সঙ্গীত ও নৃত্যকলারসিক-সমাজের অনেকেই তাহার কথা প্রীতি ও শ্রদ্ধাপূর্ণ হৃদয়ে আলোচনা করেন। এখনও তাহার প্রতি একটি আকর্ষণ দক্ষিণ ভারতের অনেক স্থানেই বর্তমান।

দেবদাসী শ্রেণীতেই তার জন্ম। যৌবনশ্রী উদ্যমের সঙ্গে সঙ্গেই তাহার নৃত্য ও কণ্ঠ-সঙ্গীতের সৌরভ চারিদিকে ছড়াইয়া পড়ে। গৌরবর্ণা সে ছিল না, তবে চমৎকার দেহশ্রী, সুগঠিত অঙ্গ-প্রত্যঙ্গের সৌন্দর্য্য সে ছিল অতুলনীয়। সত্যই তার বর্ণ ছিল শ্রামা, সেই শ্রামা রূপের যে কি অসাধারণ মাধুরী, কি আকর্ষণ ছিল, যে তাহাকে দেখিয়াছে সেই জানে। প্রসিদ্ধ কলাবতী তো ছিলই আবার বিদ্যাবতী বলিয়াও তাহার খ্যাতি ছিল। অল্প বয়সেই রামায়ণ, মহাভারত, পুরাণাদি পড়িয়া ভারতীয় সংস্কৃতির মূল ভাবটি সে ভালমতেই বুঝিয়াছিল। কিন্নরকণ্ঠে যখন সে দক্ষিণের ভক্ত কবিগণের তজনগান করিত, তখন তাহাকে কেহ মানবী ভাবিতে পারিত না। নৃত্যে সে ছিল রম্ভা। বালামণিকে যাহারা নাটকাভিনয়ে একবার দেখিয়াছে, জীবনে তাহাকে আর ভুলিতে পারে নাই। তাহার মিষ্ট কণ্ঠের কথাগুলি লোককে মোহিত করিত। কত লোক তাহার মুখের কথা শুনিবার জন্য এরূপ আকৃষ্ট হইত যে, সে যেখানেই যাইত, ভিড় করিয়া তাহার চারিদিকে ঘিরিয়া থাকিত। একজন বিখ্যাত ইউরোপীয় পর্যটক ভারত-ভ্রমণে আসিয়াছিলেন। দক্ষিণ ভারত ভ্রমণকালে বালামণির কথা শুনিলেন, তখন মাদুরায় তাহার অভিনয় চলিতেছিল। তিনি বলেন, যখন বালামণিকে তাহার নাটকের প্রধান ভূমিকায়, নৃত্যচ্ছন্দে, অপরূপ ভঙ্গিতে অবতীর্ণ হইতে দেখিলাম, এ কথা স্বীকার করিতে আমার লজ্জা নাই যে, আমি যথার্থই সম্বোধিত হইয়াছিলাম। আমি কে, কোথায়, কি উদ্দেশ্যে আসিয়াছি—তাঁহা আমার বহুক্ষণ স্মরণ ছিল না। মনে হইল, ঐ অঙ্গরা-মূর্তির কণ্ঠ-নিঃসৃত অমৃতপূর্ণ শব্দ-তরঙ্গে সেখানকার বায়ুমণ্ডল পূর্ণ হইয়া সমাগত

সকলকেই আমার মতই ভুলাইয়াছিল। রূপে গন্ধর্ব্ব, অথবা কিন্নরকণ্ঠ কাহাকে বলে জানি না,—বালামণির মূর্ত্তি এবং কণ্ঠ হইতে তাহাদের যে অস্ত্র অস্তিত্ব আছে, তাহা কল্পনাও করিতে পারি না। যে কেহ রঙ্গমঞ্চে তাহাকে দেখিয়াছে, তাহার কণ্ঠের সঙ্গীত শুনিয়াছে, নৃত্যচ্ছন্দে তাহার অপূৰ্ণ ভঙ্গিমা, স্বর-লহরীর উত্থান-পতনের সঙ্গে সঙ্গে তাহার অপৰূপ বাহুল্যতার লীলায়িত ভঙ্গি, মুদ্রায়ুক্ত মনোহর আঙ্গুলের চঞ্চল গতিরেকা নিবিষ্ট চিত্তে লক্ষ্য করিয়াছে, তাহার জন্ম ও জীবন সার্থক হইয়াছে। এই ধারণা লইয়া বোধ হয় আমরা প্রত্যেকেই সে রাত্রে তাহার নাট্যশালা ত্যাগ করিয়াছিলাম।

নাতিদীর্ঘ-খৰ্চ শরীর,—কি অপূৰ্ণ তার রেখায়তন ভঙ্গি। শ্রামা রূপের সে লাবণ্য বর্ণনাভীত—যথার্থ শিল্পী যারা, তাহাদের কাছেই সে রূপের সার্থক অমুভূতি,—সাধারণে কেবল মোহিত হইয়াই থাকিত। কোমল বাহুল্যিকার ভঙ্গি, স্বকোমল তীক্ষ্ণাণ অঙ্গুলীর মুদ্রার পর মুদ্রার পরিণতি, প্রতি অঙ্গুলী-সঞ্চালনের অপূৰ্ণ কৌশল, বিস্ময়কর তাহাদের নমনীয়তা,—বিধাতার সেই অপূৰ্ণ সৃষ্টি ভাগ্যবানেরই উপভোগের বিষয়। প্রশস্ত বন্ধের উন্নত পরিণতি, তাহার তলে ক্ষীণমধ্য-কটি, বাসন্তী মেথলায় বেড়িয়া আছে, তার নীচে ভারতীয় কবি-বর্ণিত যে নিবিড় নিতম্ব, তাহাতে অলঙ্কারের বেড়া, দেহগতির সঙ্গে ঝলমল করিয়া উঠিতেছে, আবার ঝটি পড়িয়া নিম্নত হইতেছে। পা দুটি যেন নৃত্য-সিদ্ধির প্রতীক—সুপুঙ্খ ও সুগঠিত অথচ গোড়ালি তার এতটা ক্ষীণ যেন মুষ্টির মধ্যে সহজেই পুরিয়া ফেলা যায়। তার নীচে সে তরল চরণের গতিচ্ছন্দ, তাহার কথা আর কি বলিব,—ঠিক পল্লবের কথাই মনে আসে—যাহার মাধুর্য্য দেবী সারদাকে স্মরণে আনিয়া দেয়। তার পদাঙ্গুলীর এমনই কোমল গঠন-ভঙ্গি যে দেখিলে চক্ষু ফিরাইতে পারা যায় না। দেবদাসী সুলক্ষ্মী অনেক দেখা যায়—মন্দিরে নৃত্যই যাহাদের বৃত্তি;—এদেশের সম্ভ্রান্ত ভদ্র-সমাজের কেহই প্রায় তাহাদের দিকে ভাল করিয়া দেখেন না,—কিন্তু বালামণির প্রতি কি জানি কেন প্রথম হইতেই সাধারণের দৃষ্টি পড়িয়াছিল;—তার শ্রামাঙ্গ সঙ্কেত তার রূপ যে দেখিত, সে-ই গভীর একটি আকর্ষণ অমুভব করিত।

রাত্রে নাট্যকাভিনয়ের মূর্ত্তির সঙ্গে দিনমানের বালামণির রূপের একটা পার্থক্য সকলের চক্ষেই পড়িত, কিন্তু কি জানি কেন, কেহ এই দুই রূপের তুলনা করিয়া দেখিতে চাহিত না। দিনমানের শ্রামাঙ্গী বালামণির আকর্ষণ কোন অংশেই কম বলিয়া কাহারও মনে হইত না। তার সেই শ্রামকাস্তি গৌরবর্ণকেও উপেক্ষা করিতে পারে—সাধারণের তাহাই মনে হইত। কিন্তু সে নিজে তাহা

জানিত না, বুঝিতও না। কালোর মাধুর্য্য যতই চমৎকার হোক, যারা কালো নয় তাদের সংস্কার এবং চির-আচরিত নিম্নদৃষ্টির প্রভাব কালোকে সমাজনেত্রে এমনই ছোট করিয়া দিয়াছে যে রূপের আসরে গোরার পাশে তাহার যেন স্থান হইতেই পারে না। তাই অভিনয়ের পূর্বে তাহাকে সাজিতে হইত,—অর্থাৎ উপযুক্ত বর্ণ-বিশ্বাস অমুলেপনাদির যে প্রথা আছে, তাহারই আশ্রয় লইতে হইত। ইহা সর্বত্র অভিনয়কারী নটনটী সম্প্রদায়ের সংস্কারগত অমুঠান। প্রসাধনের কৌশল বা দক্ষতা, সত্যের দিক দিয়া দুর্বলতার নামাস্তর মনে হইলেও তাহার পক্ষে অপরিহার্য্য ছিল—যাহার জন্ত তাহার কোন সঙ্কোচ বা অমুশোচনা লাগে নাই, সে ইহাকে তাহার বৃত্তির অতি প্রয়োজনীয় সহজ অঙ্গ বলিয়াই মনে করিত।

এই সকল বাহিরের সৌন্দর্য্য অপেক্ষা তাহার অন্তরের মাধুর্য্য ছিল অনীম। করুণার সাগর ছিল তাহার অন্তরের মধ্যে সকল দিক পূর্ণ করিয়া। নব প্রতিভায় উদ্ভাসিত যৌবনে তাহার নৃত্য-গীতের প্রতিষ্ঠার সঙ্গে সঙ্গেই দেশের বণিক, জমিদার তথা ধনী-সম্প্রদায় তাহার অমুরক্ত হইয়া পড়িয়াছিল। তখন প্রথমাবস্থায় তার একরাত্রের মুজরা ছিল দুই শত, ক্রমে তাহা পাঁচশত টাকা পর্যন্ত উঠিয়াছিল। টাকা অগ্রিম পাঠাইয়া তার ভর্তু ধনবান কেহ একরাত্রের মত নৃত্য গীত উৎসবের মধ্যে তাহাকে পাইত। ইহাতেই তাহার প্রভাব কতটা ছিল বুঝিতে পারা যায়। কিন্তু এইভাবে জীবনের শুভদিনগুলি কাটাইতে তাহার প্রাণ চাহিত না। স্বাধীন ভাবে সাধারণ রঙ্গমঞ্চ নির্মাণ করিয়া নাট্যকাভিনয়ের বৃত্তি অবলম্বনের পূর্বে এক ঘটনায় তাহার ভূতপূর্ব্ব কৰ্ম্ম-জীবন পরিবর্তিত হইয়া গেল। সে ব্যাপার উপস্থাসের মতই চিত্তাকর্ষক।

বান্ধদেবন্ নামে এক ব্রাহ্মণ যুগ একদা কোন ধনবানের ঘরে নাচ-গানের আসরে প্রথম তাহাকে দেখিয়াছিল এবং মোহিত হইয়াছিল ;—তারপর সে মজিল। কেমন করিয়া সে বালামণিকে আবার দেখিতে পাইবে, তখন হইতে ইহাই হইল চিন্তার বিষয়। যে পথে বাল। স্নানে যাইত সেই পথে সে দাঁড়াইয়া থাকিত। পরে জানিতে পারিল যে পাঁচশত টাকা হইলে একরাত্র তাহাকে পাওয়া যায়,—কিন্তু একসঙ্গে পাঁচশত টাকা তাহার পক্ষে একেবারেই অসম্ভব। সে কল্পনাও করিতে পারিল না। কেমন করিয়া পারিবে, সে যে দরিদ্র ব্রাহ্মণ-সন্তান। পিতা তাহার ক্ষুদ্র একখানি গৃহ ব্যতীত আর ত কিছুই রাখিয়া যান নাই,—তাহারই কতকটা ভাড়া দিত। বাকি কতকটায় সে থাকিত। সে সন্ধান লইল—তাহার গৃহখানি বিক্রয় করিলে ঐ টাকা পাওয়া যাইতে পারে

কি না। যে দিন সে সম্ভাবনার কথা জানিতে পারিল, তখন হইতে আর বুথা কালক্ষেপ করিল না।

কিন্তু তাহার পর সে থাকিবে কোথায়? খাইবে কি? তাহাদের ব্রাহ্মণ-সমাজেই বা সে আর তাহার কালোমুখ দেখাইবে কি করিয়া? ইহার পর আর কি তাহার এখানে বাস করা চলিবে? সে ভাবিল, বালাকে একরাত্র পাইবার পর তাহার আর বাঁচিবার প্রয়োজনই বা কি থাকিবে? বাঁচিয়া থাকিলে আবার তাহাকে হয়ত পাঁচশোর ধাক্কা ফিরিতে হইবে। কিন্তু তখন ত আর সহজে সে টাকা যোগাড় করিতে পারিবে না,—কাজেই তাহাকে হয় চুরি অথবা কোন প্রকার নীচ ফন্দির পিছনে চলিতে হইবে। ব্রাহ্মণ-সন্তান হইয়া নীচ কর্ম—! ছিঃ! এ সব তাহার দ্বারা হইবে না। তার চেয়ে, রাত্রিশেষে বালামণির বাড়ী হইতে বাহির হইয়া একেবারে সোজা ঐ নদীতে নাগিয়া জীবন শেষ করিয়া দিলেই ত সকল আপদ চুকিয়া যায়। ঠিক ঠিক,—সে তাহাই করিবে। এই সঙ্কল্প মনে মনে স্থির হইবামাত্রই তাহার মনের সকল গোলযোগ যেন কাটিয়া গেল, ভিতরটা হাল্কা হইয়া গেল। একজনের জীবনে গুরুতর দেনা-পাওনার একটা খোলসা হিসাব-নিকাশ হইয়া গেলে যেমন স্বচ্ছন্দ বোধ হয়—তাহারও সেইরূপ হইল। তাহার অহুশোচনার আর কিছুই রহিল না। মাহুবে যুবা অবস্থায় এই ভাবেই অহুশোচনার গুরুভার এড়াইতে জীবনকে একেবারেই শেষ করিয়া দেয় ও যেন নিশ্চিন্তই হয়।

এই ভাবে বাসুদেবন্ যথাসম্ভব গোপনে কয়েকদিনের মধ্যেই তাহার যথা-সর্বস্ব বিক্রয় করিয়া টাকাটা সংগ্রহ করিল এবং যথাকালে বালামণির কর্মচারীর সঙ্গে কথাবার্তা ঠিক করিয়া টাকাটা সেই প্রিয়তমা দেবদাসীর তহবিলে পৌছাইয়া নিশ্চিন্ত হইল।

সেদিন সন্ধ্যার পর, উত্তম বেশ-ভূষা করিয়া, সে জীবনের একমাত্র কাম্যবস্তু লাভের আশায় সারা জীবনের সাধ মিটাইতে তাহার ইষ্টমন্দিরে উপস্থিত হইল। বালা তাহাকে যত্ন করিয়া বসাইল, মহাসমাদর করিয়া পান সুপারী, আতর, গোলাপ-চন্দনাদির অহুলেপনে এবং পুষ্পমালায় ভূষিত করিল এবং তাহাকে ব্রাহ্মণ জানিয়া বিশেষ শ্রদ্ধাপূর্বক তাহার সেবায় আত্মনিয়োগ করিল।

এতাবৎকাল অনেকের সেবাই সে করিয়াছে, কিন্তু আজিকার এই নায়কের মধ্যে সে একটা অস্বাভাবিক এমন কিছু লক্ষ্য করিল, যা সে পূর্বে কখনও কাহারও মধ্যে দেখে নাই। ব্রাহ্মণকুমারের এ প্রকার চাঞ্চল্য এবং উদ্ভাটনা তাহাকে প্রথমটা একটু বিস্মিত করিল, তারপর সহজেই তাহার মধ্যে কেমন

একটা ধারণা হইল এ ব্যক্তি কখনও একরাতে এত টাকা খরচ করিবার লোক নয়। একটা অবোধ্য স্নেহাকর্ষণ অসম্ভব করিয়া কোশলে প্রশ্ন করিয়া, বাসুদেবনের সকল কথা,—সে কোথা থাকে, কি করে, সংসারে তাহার কে কে আছে, কি ভাবে এতটা টাকা জোগাড় করিয়াছে ইত্যাদি, তাহার অবস্থার সকল কথাই জানিয়া লইল।

সরল প্রাণ, উন্মাদ বাসুদেবন্, ঐ নটীর কৌশলময় প্রণের আবেশে পড়িয়া সকল কথাই বলিয়া ফেলিল। এমন কি শেষ কথাটাও গোপন করিতে পারিল না যে, তাহাকে একরাত্র পাইবার পর তাহার আর বাঁচিয়া থাকিবারও প্রয়োজন হইবে না।

সব কথা শুনিয়া বালামণি, ক্ষোভে, বিস্ময়ে, দুঃখে কতক্ষণ পাথরের মত স্থির হইয়া রহিল;—তারপর বুকের মধ্যে প্রবল এক ঝড় উঠিয়া—তাহার অন্তর ক্ষেত্র তোলপাড় করিতে লাগিল, শেনে অশ্রুর বন্যা ঘনাইয়া আসিতেছে—তাহা রোধ করা দুঃসাধ্য অসম্ভব করিয়া হঠাৎ ঘর হইতে বাহির হইয়া গেল।

কতক্ষণ হইয়া গেল, বালা আসে না। কোথা গেল, অহুস্কানে বাসুদেবন্ বাহির হইয়া পাশের ঘরে ঢুকিয়া দেখে, বালা শয্যায় উপুড় হইয়া পড়িয়া আছে। সে ফুলিয়া ফুলিয়া কাঁদিতেছে। তাহার মুখ তুলিয়া সে দেখিল, অশ্রুজলে শয্যা ভিজিয়া গিয়াছে। সে বেচারী ত একেবারেই অবাঁক! একি ব্যাপার? তোমার হইল কি, তুমি কাঁদ কেন? আমি কি তোমার সঙ্গে কোন দুর্ভাবহার করিয়াছি?

বালামণি তখন একখানি হাতে তাহার গলা জড়াইয়া অপর হাতে বাসুদেবনের ডান হাতখানি ধরিয়া আপন মাথায় রাখিয়া বলিল;—বল তুমি, আমার মাথায় হাত দিয়া, ভগবানের নামে শপথ করিয়া বল, তুমি কখনও আসন্ন-হত্যা করিবে না!

বাসুদেবনের বুকের মধ্যেও এক প্রবল আলোড়ন আরম্ভ হইয়া গেল। সে মুখ তুলিতে পারিল না, মাথাটি নীচু করিয়া রহিল আর তাহার চক্ষু দিয়া টপ্ টপ্ করিয়া জল ঝরিতে লাগিল।

বালা তাহাকে আর ছাড়িল না। নানামতে বুঝাইয়া-পড়াইয়া তাহার সংকল্প হইতে নিবৃত্ত করিল। তারপর যাহাতে তাহার সামাজিক মান-সম্মান বজায় থাকে, এমনি ব্যবস্থা করিয়া দিল। এই ব্যাপারের অল্পদিনের মধ্যেই তাহার জ্ঞান একখানি নূতন বাড়ি খরিদ করা হইল এবং সম্পূর্ণ স্বাধীন ভাবে চালাইতে পারে এমনই একটি ব্যবসায় তাহাকে লাগানো হইল। ইহাই

হইল বাসুদেবনের উদ্ভাদ প্রেমের পরিণতি। আর বালার যে পরিবর্তন ঘটিল তাহাও অপূৰ্ণ, এমনটি কেহ পূৰ্বে কল্পনাও করে নাই।

অপৰূপ প্রেমের পরশ লাগিয়া,—সেই দিন হইতে তাহার রাত্রে ব্যবসা উঠিয়া গেল। ক্রিয়া-কর্মে অবশ্য ধনীলোকের ঘরে তাহার মুজরা হইত, কিন্তু টাকা দিয়া কেহ তাহার গৃহে আসিতে পাইত না। ক্রমে নিজ ব্যয়ে চলন্ত নাট্যশালা নিৰ্ম্মাণ করিয়া নাটক অভিনয় আরম্ভ হইল। নাটকাতিনয় উপলক্ষে তাহার নৃত্য ও সঙ্গীতের দেশব্যাপী প্রতিষ্ঠা তাহাকে এমন ভাবে জনপ্রিয় করিয়াছিল, যাহা তাহার পূৰ্ব্ববর্তী কাহারও ভাগ্যে ঘটে নাই।

* * * *

এখন মাছুরা-নিবাসী একজন প্রত্যক্ষদর্শী শিল্পী শ্রীমান সুন্দর শর্মা, যাহার সঙ্গে এক সময় বালামণির পরিচয় হইয়াছিল এবং যাহার জীবনে বালামণির স্মৃতি অক্ষয় হইয়া আছে,—তাহার মুখে যেমন শুনিয়াছি বলিয়া বালার কাহিনী এখন শেষ করিব। তিনি বলেন,—

যখন বালামণির বয়স আন্দাজ ত্রিশ বৎসর, তখন আমরা মাছুরাতে আসিয়া-ছিলাম, সে-সময় আমরা স্থলে এন্টান্স ক্লাসে পড়ি। প্রথম প্রথম আমরা তাহার কথা জানিতাম না। একদিন সকালে দেখি, রাজপথ লোকে লোকারণ্য। শুনিলাম, আজ বালামণি মন্দিরে দেবদর্শনে যাইতেছে। কৌতূহলবশে আমরাও দাঁড়াইয়া গেলাম।

কিছুক্ষণ দাঁড়াইবার পর দেখি, আগে তিন চারিটি সখী, তাহার পশ্চাতে একটি অপৰূপ শ্যামাঙ্গিনী নারীমূর্তি। অগ্রবর্তী সকলকার বর্ণ উজ্জ্বল, হাসিয়া-চলিয়া, ন্যূনভাবে অঙ্গ দোলাইয়া কত কথা কহিতে কহিতে তাহারা চলিতেছে, কিন্তু পিছনের মূর্তিটি ধীর, স্থির, নিঃশব্দ গভীর পাদক্ষেপে চলিতেছে, কাহারও দিকে না দেখিয়া, কেবল নিম্নদৃষ্টিতে পথ দেখিয়া চলিতেছে। শ্যামা হইলেও তাহার মুখশ্রী ও লাবণ্য অপৰূপ। আমরা তাহার গাভীর্য্য দেখিয়া মুগ্ধ এবং শ্রদ্ধায় পূর্ণ হইয়াছিলাম। বলিতে হইবে না যে মন্দিরে আজ অসম্ভব তিড় হইয়াছিল। যেদিন সে যাইত, একুপই হইত।

ঐ ভাবে তাহাকে দেখিয়া আমার আগ্রহ বাড়িয়া গেল। দুই বন্ধু, কেশর-রঙ্গ ও আমি উভয়েই স্থির করিলাম, আজই তাহার অভিনয় দেখিতে যাইব। আট আনার জায়গায় খুব সকাল সকাল গিয়া বসিলাম। অবশেষে যখন যবনিকা উঠিল, তখন প্রথমটা হতাশ হইলাম। দুজন কালো কালো বিক্রী

চেহারার জী-জাতীয় জীব নাচিতে নাচিতে আসিয়া গান ধরিল, দেখিয়া-শুনিয়া আমরা অস্থির হইয়া উঠিলাম।

তাহাদের কাজ হইয়া গেল, তার পর যে আসিল, তাহাকে আমরা ব্যতীত আর কিছু বলা যায় না। সকলেই বলিতে লাগিল, এই-ই বালামণি। সকালে মন্দির পথে যাহাকে দেখিয়াছিলাম, তাহার সঙ্গে ইহার কোন সৌসাদৃশ্যই নাই। কোন প্রকারে কাহারও চিনিবার শক্তি নাই যে, ইহার একই ব্যক্তি। যাই হোক, সে রাত্রে গানের সঙ্গে নৃত্যে যে অদ্ভুত অভিনয় দেখিলাম, জীবনে তাহা ভুলিতে পারিব না। তাহার মধ্যে ছিল, মহাশক্তিশালী কলাবিদ্যার উৎস, নৃত্য ও গীতের আকারে বাহির হইয়া আমার মধ্যে স্তম্ভ শক্তিকে জাগ্রত করিয়া দিল। তখন হইতেই আমার অস্তিত্ব যেন বদলাইয়া গেল।

দ্বিতীয়, তৃতীয় দিন তাহার কলাভিনয় দেখিবার পর কেমন করিয়া বালামণির কাছে যাওয়া যায়, কি উপায়ে আলাপ-পরিচয় পাওয়া যায়, তাহার কথা শুনা যায় কেশরের সঙ্গে এ সম্বন্ধে বহু আলোচনাই হইল। কি জানি, তাহার কাছে যাইয়া অন্তরের শ্রদ্ধা নিবেদন করিতে কেন প্রাণ এতটা ছটফট করিতেছিল। কেশরের কিছু আমাপেক্ষা এ বিষয়ে উৎসাহ বেশী ছিল না, যদিও উপায়ের মতলবটা তাহার মাথা দিয়াই বাহির হইয়াছিল। পর দিন কেমন চমৎকার অভিনয় করিয়া আমরা ঐ প্রসিদ্ধ অভিনেত্রীর স্নেহ ও প্রীতি আকর্ষণ করিয়াছিলাম, তাহাই বলিতেছি,—যদিও সে সব কথা এখন আলোচনা করিতে লজ্জার সীমা থাকে না।

বড় রাস্তার উপর প্রকাণ্ড একখানি বাড়িতে বালামণি থাকিত। খুব উচু ভিত্তি তার, রাস্তার উপর হইতে এক মানুষ উচু হইবে। খুব বড়, প্রকাণ্ড কাঠের উপর স্তম্ভর কারুকার্যমণ্ডিত তাহার প্রধান দরজা, দুই ধারে লম্বা বারান্দা, তাতে সারি সারি কাঠের থাম, তার মধ্যেও বিচিত্র কারু,—আমাদের দক্ষিণ দেশের বড়লোকদের বাড়ি যেমন হইয়া থাকে। প্রতিদিন বৈকালে স্নানান্তে মনোহর বেশভূষা করিয়া সে বাহিরে একখানা উচু চোঁকির উপরে আসনে আসিয়া বসিত। অনেকক্ষণই বসিত, রাস্তায় লোক-চলাচল দেখিত, তার পর উঠিয়া অভিনয়ে চলিয়া যাইত।

সময় বুঝিয়া আমরা দুজনে ঠিক তাহার সম্মুখে রাস্তায় আসিয়া পৌঁছিলাম, তখন সে তাহার স্থানটিতে বসিয়া আছে। সহজেই তাহার দৃষ্টি পড়ে, এমন এক স্থানে আসিয়া কেশর হঠাৎ যেন টকর খাইয়া পড়িয়া গেল। সে দেখে নাই, একটা ঘোড়ার পায়ের ভাঙ্গা নাল সেখানে পড়িয়াছিল, সেটা স্কুটিয়া তাহার

চোটটা একটু বেশি রকমই হইয়া গেল ; তা ছাড়া রাস্তার পাথরে ছড়িয়া এক জায়গায় রক্ত পড়িতেছিল। কেশরের পড়াটা বালামণি দেখিতে পাইয়াছিল, তার পর রক্ত দেখিয়া সে, হায়, হায়, করিতে করিতে চঞ্চলপদে একবারে নিকটে আসিয়া কেশরের দুই বাহ মূলে দুই হাত দিয়া তাহাকে একেবারে তুলিয়া দাঁড় করাইয়া জিজ্ঞাসা করিল, চলিতে পারিবে কি তুমি ?

ততক্ষণে তাহার ভৃত্যও আসিয়া পড়িল এবং তাহার আজ্ঞায় কেশরকে কোলে তুলিয়া তাহার দাওয়ায় আনিয়া বসাইয়া দিল। তৎক্ষণাৎ জল আনাইয়া রক্ত ধোয়া মুছানো হইলে, তাহার দাসীকে একটা কি আনিতে বলিল। কাঁচের কৌটায় দাসী যাহা লইয়া আসিল, তাহা কেশরের পায়ে ক্ষত স্থানে লাগাইয়া নিজ হাতে পটি বাঁধিয়া দিল। দেখিলাম, নিজের হাতে কাজ করিতে তাহার কি অপূৰ্ণ মনোযোগ, এত যত্ন আমি দেখি নাই। তার পর আমায় বলিল, তুমি ঐ আঘাতের চারিদিকে একটু হাত বুলাইয়া দাও, ক্রমে একটু জোর দিয়া টিপিতে থাক, খুব শীঘ্রই যন্ত্রণা কমিয়া যাইবে। নিজে সর্বক্ষণ পাখা হাতে বাতাস করিতে লাগিল ! কেশর অল্পক্ষণেই স্নান হইয়া উঠিল। তাহার মুখে একটা সহজ আনন্দ লক্ষ্য করিয়া বালামণি তখন আমাদের সঙ্গে কথা শুরু করিল। আমি ইহাই চাহিতেছিলাম।

আমরা কে, কোথা থাকি, কি করি, কতদূর পড়িয়াছি ;—প্রতিবৎসর মন দিয়া রাত জাগিয়া পড়ি কিনা,—আমাদের স্বভাব প্রকৃতির খুঁটিনাটি প্রশ্ন করিয়া জানিয়া লইল। এই সব এক পালা হইয়া গেলে—আমরা তাহার কি কি অভিনয় দেখিয়াছি—তারপর কোনটা ভাল লাগিয়াছে জিজ্ঞাসা করিল। প্রশ্ন করা মাত্রই আমি বলিলাম, দশাবতার নাটক এবং তাহার নাচটা সারাজীবন দেখিতে পাইলেও সাধ মিটিবে না। শুনিয়া সে খুবই খুসী হইল। তারপর সে কোঁশলী অনেক কথাই জিজ্ঞাসা করিল, অর্থাৎ সে জানিতে চায় আমাদের জীবনে কোন বিশেষ উদ্দেশ্য গড়িয়া উঠিয়াছে কিনা,—কিন্তু আমরা বিশেষতঃ আমি, তখন খুব ক্ষুণ্ণ ও সহজ জীবনযাত্রার অমুরাগীই ছিলাম, কাজেই সে উত্তরে কিছুতেই সন্তুষ্ট হইতে না পারিয়া আপন মনেই বলিতে লাগিল :

মনুষ্যজন্ম গ্রহণ করিয়া কি হইল যদি মানুষের দুঃখ কিছুমাত্র দূর করিতে না পারা যায়। লক্ষ লক্ষ কোটি কোটি টাকা উপার্জন করিয়া,—নিজের ভোগে ও আপন জনের সঙ্গে স্নেহের সাগরে ভাসিয়া এতটা দুর্লভ এই মানব জীবন শেষ করিলেই বা কি হইল, যদি কারো দুঃখ দূর করিতে না পারিলে ? যে যেমনই অবস্থায় থাকুক না কেন তাহার দ্বারা সমাজের সেই স্তরের মানুষের উপকার

অন্ততঃ কিছু-না-কিছু হওয়া চাই। এই মনোভাব, মানুষের উপকার করিবার উদ্দেশ্যে মানুষ-সমাজে একজনকে বড় করে,—এ কথা যেন আমরা কখনও না ভুলি! বালামণি পুনঃ পুনঃ একথা আমাদের সেদিন বলিয়াছিল।

আমাদের তখন নবীন উৎসাহ প্রাণ পূর্ণ। একে আমাদের অভিলাষ পূর্ণ হইয়াছে,—তাহার উপর বালার অমৃতপূর্ণ কর্ণস্বর—তাহার সেই মিষ্ট কথার মধ্যে এমন একটা মাদকতা ছিল যাহার প্রভাবে আমাদের বিহ্বল করিয়া দিল। আমি বলিয়া ফেলিলাম,—তুমি একটি দেবী—তোমার দর্শনে আমাদের জীবন ধন্য হইয়াছে।

শুনিবামাত্র বালা দুই কানে হাত দিয়া দাঁতে জিত কাটিয়া বলিল—ছি, ছি, অমন কথা কি আমাদের বলিতে আছে! আমরা দেবীর দাসীর দাসী, আমাদের মত ক্ষুদ্রমনা মানুষে কি কখনও দেবী হইতে পারে? দেবীর দাসী হইয়াই আমাদের জন্ম সার্থক। জন্ম জন্ম তাঁর দাসী হইয়াই থাকিতে চাই, আর কিছু চাহি না।

ক্রমশঃ সময় হইল, বালা অভিনয়ে যাইবে দেখিয়া আমরাও উঠিলাম। একখানা জাটকা গাড়ি আনাইয়া তাহার ভাড়া গাড়িওয়ালাকে দিয়া দিল। আর আমাদের দুইজনকে দুইখানি সারা সিজন দুই টাকা সিটে বসিয়া তাহার অভিনয় দেখিবার টিকিট উপহার দিয়া বিদায় দিল। এইভাবে তাহার স্নেহের পরিচয় আমরা এক সময় পাইয়াছিলাম।

তীক্ষ্ণাগ্নি

বলরামপুরের মহেন্দ্র কবিরাজ ছিলেন ধ্বংসুরী,। দূর দূরান্তের বড় বড় জমিদার, রাজা-মহারাজা, নবাব হইতে আরম্ভ করিয়া নিজ স্থানের সাধারণ গৃহস্থ, এমন কি গরীব প্রতিবেশীর ঘরেও তাঁহার খ্যাতি এবং অসাধারণ প্রতিপত্তি ছিল। শুধু রোগমুক্তি নয়, দুঃখীর দুঃখ দূর, অভাবগ্রস্ত একজনের অভাব মোচন, এইরূপ কোন না কোন ভাবে উপকৃত নয় তাঁহার প্রতিবেশীর মধ্যে এমন লোক বড় অল্প ছিল। তিনি ছিলেন মহাশক্তিশালী ব্যক্তি, ১৮ হাত দীর্ঘ শরীর, সেই অল্পপাতেই প্রশস্ত,—শালপ্রাণ্ড মহাভুজ যাহাকে বলে তাহাই; শত সহস্র জনের মধ্যে চিহ্নিত ব্যক্তি। সবার মাথার উপর তাঁহার মাথা অনেক দূর হইতেও নজরে পড়িত;—তাঁহার দৃষ্টিও ছিল সুদূরপ্রসারী। আবার এদিকেও তিনি তান্ত্রিক সাধক, অনেকেই তাঁহাকে কোঁল বলিয়া ভক্তি করিত, যাহারা তাঁহার সে পরিচয় জানিত না, কতকটা ভয় মিশ্রিত শ্রদ্ধায় তাহা পূরণ করিত। তাঁহার ব্যক্তিত্বের প্রভাব ছিল অসাধারণ, সদানন্দময় পুরুষ ছিলেন তিনি। কেহ তাঁহার ব্যক্তিত্বের গণ্ডির মধ্যে আসিয়া পড়িলে তাহার অন্তরে দুঃখ, অবসাদ বা কোনরূপ দুর্বলতা তিষ্ঠিতে পারিত না। রুগ্ন ব্যক্তির নিকটে আসিলে—রোগীর মধ্যে আশা ও উৎসাহ যুগপৎ ক্রিয়া করিত, আরোগ্য নিকট বোধ হইত।

তাঁহার সংসারের আয়তন ছিল বিশাল;—বহু আত্মীয় কুটুম্ব পরিবৃত্ত হইয়া তিনি বাস করিতেন। কিন্তু তাঁহার স্ত্রী ছিল না। একমাত্র কন্যা রাখিয়া তাঁহার সহধর্মিণী আজ প্রায় পঁয়ত্রিশ বৎসর পরলোকে;—তখন হইতে ঐ কন্যাই একমাত্র অবলম্বন। অপূর্ব বিধাতার বিধান,—ঐ কন্যাটির জন্ম স্বজাতীয় একটি সুদর্শন যুবা-পাত্রকে দীর্ঘকাল ঘরে রাখিয়া, তাহাকে শিক্ষা দিয়া উপযুক্ত হইলে যথাকালে শুভলগ্নে কন্যাটির বিবাহ দিয়াছিলেন। ছয় সাত বৎসরে তাহাকে আয়ুর্বেদ শাস্ত্রে দক্ষ এবং সূচিকিৎসক করিয়াও তুলিলেন। তাহাদের একটি পুত্রও হইয়াছিল। এই পুত্রটি জন্মগ্রহণের পর মাত্র দুই বৎসর সংসারে আনন্দের হাট পূর্ণরূপেই বিচ্যমান ছিল,—তাহার পরেই বিস্মৃতিকা রোগে জামাতার মৃত্যু হইল; কন্যাটি বিধবা হইল। এ আঘাত কিভাবে কবিরাজ মহাশয় সহ্য করিলেন তাহার বিবরণ সাধারণের অজ্ঞাত। তবে, তাঁহাকে নিত্য এবং নিয়মিত কার্য হইতে পক্ষাণ্ড অথবা তাঁহার

কর্মধারার ব্যতিক্রম কেহ দেখে নাই। কিন্তু, সবাই, যাহারা তাঁহার নিকটেই থাকিত তাহারা জানিত যে স্ত্রী বিষোগের তুলনায় এ আঘাত বহু পরিমাণে গভীর হইয়াছিল। তাঁর বাহ্য ব্যবহারে ক্রমে এইটুকুই দেখা গেল যে তিনি নিজ ভোগাদি সুখ স্বাচ্ছন্দ্য ত্যাগ করিয়া সম্মানসীমার ছায়া পরার্থেই জীবন উৎসর্গ করিয়া দিয়াছেন।

কন্তার নামটি ছিল অম্বা,—বালিকা কাল হইতেই অম্বা অতীব স্বল্পভাবিণী এবং স্বাস্থ্যবতী; তাহার মধ্যেও একটি ব্যক্তিত্ব ছোট বেলা হইতেই স্বজনবর্গের লক্ষ্যের বিষয় হইয়াছিল। সর্ব বিষয়ে পিতার সেবা ও সহায়তায় অগ্রণী, পিতার সঙ্গে সর্বক্ষণ থাকিয়া, সহজেই সে এই বয়সে অসাধারণ চিকিৎসা নৈপুণ্য অর্জন করিয়াছিল। কবিরাজ মহাশয় আজ কাল গৃহে কোন বিচিত্র রোগী পাইলে আগে অম্বাকে পরীক্ষা করিতে বলিতেন। এইভাবে অম্বার অভিজ্ঞতা বাড়িতেছিল। একজন রোগীকে রোগমুক্ত করিবার তাহার আগ্রহ ছিল অসাধারণ। এমন এক-একটি কঠিন রোগে এমন সহজ প্রতিকার সময় সময় অম্বার বুদ্ধিতে বাহির হইত যাহা দেখিয়া কবিরাজ মহাশয় বিস্মিত হইয়া যাইতেন। কন্তাটির আরও একটি বিশিষ্ট গুণ ছিল—বাড়িতে অতিথি ভিখারী যে কেহ আসুক না কেন তাহার স্বাস্থ্যের প্রতি অম্বার দৃষ্টি সবার আগে! কিভাবে, কাহার মধ্যে কোন্ রোগের সূত্রপাত হইয়াছে, সেদিকে অম্বার ঠিক নজর থাকিত। অক্ষমকে ঔষধ, পথ্য, সকল কিছু দিয়া সুখু বিদায় নহে, মধ্যে মধ্যে আসিয়া অম্বাকে তাহার অবস্থা দেখাইয়া যাইতে হইত। যতক্ষণ না রোগমুক্তির লক্ষণ দেখা যাইত ততক্ষণ তাহার অব্যাহতি ছিল না। অম্বার দাতব্য ব্যবস্থায় কবিরাজ মহাশয়ের অনেক ঔষধ এবং পথ্যাদিতে বেশ কিছু অর্থব্যয় ছিল। তাঁহার ঘরে অর্থের অভাব ছিল না। তখনকার দিনে নিজ দেশে বড় বড় ধনবানের ঘরে চিকিৎসা করিয়া প্রভূত ধন সম্পত্তি উপার্জন করিতেন। কোন বিষয়ই অপ্রতুল ছিল না। কবিরাজ মহাশয়ের গোপন দানও কম ছিল না, অবশু সে সকল অর্থের হিসাব কখনও খাতায় উঠিত না। তাঁহার লোক কল্যাণের প্রবৃত্তি উত্তর উত্তর বাড়িতেই ছিল। যেখানে সাধারণ চিকিৎসায় ফল পাওয়া যাইত না বা ঔষধ কার্যকরী হইত না সেখানে গভীর তপশ্শক্তি অথবা অধ্যাত্মশক্তি প্রয়োগ করিয়া এমন অনেক রোগীকে বাঁচাইয়াছেন। এই সকল কারণে লোকে জানিত এবং বিশ্বাস করিত, কোন প্রকারে একবার তাঁহার হাতে পড়িলে রোগীর আরোগ্য অবধারিত। তাঁহার হাতে রোগী কখনই মরিবে না।

প্রায় পঁচাত্তর বৎসর যখন তাঁহার বয়স, তখনও তিনি চার পাঁচ ক্রোশ হাঁটিতেন। নিত্য প্রাতে, স্বর্ষ্যোদয়ের চারদণ্ড পূর্বেই বাহির হইয়া বড় গাঙের ধার পর্যন্ত হাঁটিয়া যাইতেন একদিনও বন্ধ যাইত না। অস্বাভাবিক কখন কখন তাঁহার সঙ্গী হইত। বৈধব্যের পরে উহা নিয়মিত হইয়াছিল। কিন্তু পিতা-পুত্রীর একই বৈশিষ্ট্য এই ছিল যে, পথে দুর্বল-শরীর রুগ্ন কাহাকেও দেখিলে রক্ষা ছিল না। নিশ্চিৎ তাঁহাকে সঙ্গে করিয়া বাড়িতে আনা হইত। এইভাবে প্রত্যহই অনেকগুলি রোগীর চিকিৎসা চলিত। ঔষধ পথ্য অনেকেই লইয়া যাইত,—আট দশটি রোগী বাড়িতেও থাকিত। ঘরেতে তাঁহার ছাত্র সংখ্যাও কম ছিল না, প্রায় পনেরো ঘোলাটি বিদ্যার্থী, ছাত্রগণ নিজ গৃহের মতই প্রতিপালিত হইত। তখনকার দিনে তাঁহার আয়ুর্বেদে সার্বভৌমিকতা বহুদূর বিস্তৃত হইয়া পড়িয়াছিল, তাহাতেই কবিরাজ মহাশয়কে দূর দূরান্তরে চিকিৎসার জন্ত যাইতে হইত।

তাঁহার দূর গমনের উপলক্ষ ঘটিলে কতটা অস্বাভাবিক উপরই সংসারের সকল কিছুই তার পড়িত। অবশ্য যখন তিনি থাকিতেন তখনও ঐ অস্বাভাবিক সংসারের সর্বময়ী কর্তা।

একবার এক বিচিত্র ব্যাপার ঘটিল। কবিরাজ মহাশয় কোথায় অনেক দূরে এক নবাব পরিবারে চিকিৎসায় গিয়াছিলেন ফিরিবার ঠিক ছিলনা। তাহার সংসারের যাহা নিয়ম,—যে যে ক্রিয়াকর্ম বিধিবদ্ধ ছিল, তাঁহার অল্পপস্থিতিতে তাহার কোন ব্যতিক্রমের যো ছিল না। অস্বাভাবিক সব কিছুই জানা ছিল।

এখন সেদিন একপ্রহর বেলা হইয়াছে এমন সময় ভৃত্য আসিয়া খবর দিল যে একজন আসিয়াছে সে খাইতে চায়। সে একবার আপনার কাছে তাহার কথা আমাকেই বলিতে বলিতেছে, আবার বলিতেছে তুমি আমায় তাঁর কাছে নিয়ে চল। যেন পাগলের মতই আকার প্রকার।

অস্বাভাবিক জিজ্ঞাসা করিল, সে কে, আগে সে এসেছিল কি না এবং কোথা হইতে আসিয়াছে। উত্তরে ভৃত্য বলিল, সে ব্রাহ্মণের ছেলে,—আর কিছু বুঝা যায় না। তবে দূর গ্রাম হইতেই আসিতেছে, আগে তাহাকে এ অঞ্চলে দেখা যায় নাই। লোকটার অদ্ভুত চেহারা, বড় ভয়ানক কিন্তু—

অস্বাভাবিক তৎক্ষণাৎ বাহিরে আসিল বটে কিন্তু তাহার কাছে উপস্থিত হইল না। আড়াল হইতে দেখিল। বয়স লোকটির বেশী নয় ছাতিশ আঠাশ বৎসর হইবে। শীর্ণকায়, সরু সরু হাত পা প্রায় কঙ্কালসার মূর্তি, পেটটা কিন্তু খুবই বড়, যেন প্রীতি যত্নের অসাধারণ ক্ষীতি। চামড়া কঁচকাইয়াছে

একজন অশীতিপর বৃদ্ধের যেমন হইয়া থাকে। মাথার চুলগুলি বহু কাল তৈলবিহীন রুক্ষ, খুলায় খুসরিত, খাবলানো খাবলানো কিস্কৃত কিম্বাকৃতি। গায়ের রং একসময়ে উজ্জ্বল ছিল এখন ম্লান, তাহার উপর এক পরত পুরু ময়লা জমিয়া আছে। পরণে একখানি ময়লা, লাল পাড় খাটো কাপড়, গায়ে সেইরূপ ময়লা চাদর, পায়ে খুলা, অল্প অল্প ফুলাও বোধ হয়।

অম্বা অনেকক্ষণ দাঁড়াইয়া তাহাকে দরজার আড়াল হইতেই দেখিল, তারপর ঘরে প্রবেশ করিয়া তাহার সম্মুখে উপস্থিত হইয়া তাহাকে বসিতে বলিল। সে বসিলে তাহাকে জিজ্ঞাসা করিল, তোমার কি অসুখ বলোতো। অম্বাকে দেখিয়াই প্রথমে সে একটু সঙ্কুচিত হইয়াছিল, এখন সে আবার দাঁড়াইয়া উঠিল, বলিল, কৈ আমার দেহে কোন অসুখ নেই তো।

অম্বা বলিল, তাহলে তোমার শরীর এমন কেন ?

আমার শরীর তো বরাবরই এই রকম,—তবে আজ কাল সবাই বলে, আমার খাওয়াটা একটু বেড়েছে, খাই আমি একটু বেশি। তারপর একটু খামিয়া বলিল, আজ আমি আপনাদের অতিথি, আমি খাবো এখানে।

অম্বা তৎক্ষণাৎ বলিল, বেশ তো, ভাল কথা, তুমি আজ এখানে খাবে তাতে আর হয়েছে কি। আচ্ছা এই খাওয়াটা বেড়েছে তোমার কতদিন মনে হয় ? সে বলিল, তা বোধ হয় দু'বছর হবে।

আচ্ছা, কতটা বেশি খেতে পারো তুমি,—বলতো শুনি।

এই প্রশ্ন শুনিয়া সে বিরক্ত হইল, বলিল, তা পরিমাণ আগে থেকে না জানলে খেতে পাওয়া যাবে না এমন কথা আছে নাকি ?

অম্বা বেশ বুঝিতে পারিল যে তাহার সন্দেহ হইয়াছে পাছে বা এই ভেজজনটা ফস্কাইয়া যায় অতিরিক্ত পরিমাণের কথায়। হাসিয়া সে বলিল, তোমার খাওয়া ঠিকই হবে,—তবে পরিমাণের কথাটা জানতে পারলে আয়োজনের সুবিধা হয়, এই আর কি।

শুনিয়া সে বুঝিল, এবং এবার প্রফুল্ল মুখেই বলিল,—তা অনেক খেতে পারি, দু'তিন জন সাজোয়ান মরদের ভাত খেতে পারি, ভালো তরকারী পাতি থাকলে আরও বেশি খেতে পারি।

এবার অম্বা জিজ্ঞাসা করিল, আচ্ছা তোমার যখন খিদে পায়, পেটের ভিতর আগুনের জ্বালা—যেন জ্বলে গেল এমন বোধ হয় কি ? শুনিবামাত্রই সে বলিল,—ঠিক ঠিক ঐ রকমই হয় তো,—

আচ্ছা, তার পরেই নাড়িগুলো খামচে ধরে এমন একটা যন্ত্রণা বোধ হয় কি ?

হাঁ হাঁ ঠিক ঐ রকমই হয় বটে তো—

শুনিয়া অম্বা আবার বলিল, আর একটা বলতো, আচ্ছা, মাঝে মাঝে একটা কিছু তালগোল পাকিয়ে যেন নীচে থেকে উপর দিকে ঠেলে ঠেলে ওঠে কি ?

ঠিক তো গো,—তাই তো হয়,—ঐ দেখ ঐ দেখ । এই রকমই হচ্ছে এখন ঐ দেখো । বলিয়া সে কসি খুলিয়া দেখাইল । অম্বা দেখিল, বিশেষ লক্ষ্য করিয়াই দেখিল । তারপর বলিল, এখন বলতো, তোমার কি খেতে ইচ্ছা হয়, ভাতের সঙ্গে ডাল, তরকারী, মাছ, দুধ, পরমান্ন কি খেতে ইচ্ছা হয় মনের কথাটা খুলে বলো তো বাপু । তুমি যা চাইবে তা-ই হবে । তুমি নিঃসঙ্কোচেই বলো ।

এইবার সে যেন ভরসা পাইল,—অকপটেই বলিল, হেঁ হেঁ কি জানেন অনেক দিন থেকেই আমার মাংস খেতেই বড় ইচ্ছা । জোটেনি এতদিন কেউ দেয় নি তাই আর কাকেও বলি না ;—আজ আপনি জিজ্ঞাস করলেন তাইতো বললাম ।

অম্বা তাহার কথা শুনিয়া ব্যথিত হইল, শেষে বলিল,—বেশ,—তাই হবে তুমি কচি পাঁঠার মাংসই খাবে কেমন ? তবে বুঝতেই পারো যোগাড় যন্ত্র করতে একটু সময় লাগবে,—তুমি ততক্ষণ বাইরের ঐ চালান্ন, যেখানে ওরা ওষুধ কুটছে এখানে থাকো বা বাইরে একটু ঘোরা ফেরা করো, দেখো শোনো এখানকার কাজ ; রান্না হয়ে গেলেই তোমায় ডাকা হবে ।

সে চলিয়া গেলে তখন অম্বা ওখানকার ভারপ্রাপ্ত কবিরাজ মহাশয়ের প্রধান ছাত্র রেবতী মোহনকে ডাকাইয়া তাহাকে বলিল, ঐ একজন রোগী এসেছে দেখেছ, রোগ ওর নির্ণয় করে ঔষধ ও পথ্যের ব্যবস্থা করতে হবে । বেশ করে দেখো ওকে । তারপর কি বুঝেছ আমায় বলবে । কেমন ? সে স্বীকার করিল, বলিল, বেশ ।

ভিতরী আসিয়া—একটি পাঁঠা কাটাইয়া আলাদা কিভাবে রাঁধিতে হইবে সেবিষয়ে উপদেশ দিয়া সে একজন বিশ্বস্ত ভৃত্যকে গোপনে ডাকিয়া লইয়া গেল, এবং অনেকক্ষণ ধরিয়া অনেক কিছু শিখাইয়া পড়াইয়া যখন অম্বা বুঝিল যে তাহার উদ্দেশ্য ঠিক ধরিতে পারিয়াছে তখন তাহাকে বলিল,—যখন তাহার জন্ত সব কিছু প্রস্তুত সম্পূর্ণ হইবে তখন অতিথিকে স্নান করিতে বলিবে, যদি সে আপত্তি করে তাহাকে বলিবে যে এখানে স্নান না করিয়া খাইবার নিয়ম নাই, অতএব তাহাকে স্নান করিয়াই ভোজনে বসিতে হইবে । ভৃত্যকে সকল কিছু উপদেশ দিয়া অম্বা বাহিরের একটা ঘরে একখানি তক্তার উপর মাছুর তারপর বিছানা বালিশ প্রভৃতি দিয়া পরিপাটি শয্যা রচনা করাইয়া,—নিশ্চিন্ত মনে আপন

কৰ্মে মনোনিবেশ কৰিল। ভোজনের পর অতিথি এইখানে বিশ্রাম কৰিবে বুঝিয়াই ছুতোরী সব কিছুই আঙ্গা মত সমাধা কৰিল। তাহারা গৃহকৰ্ত্তাকে ভালই জানিত।

ইতিমধ্যে একবার রেবতীকে ডাকিয়া অঙ্গা জিজ্ঞাসা কৰিয়া বসিল, রোগী দেখলে কেমন ? কি বুঝলে ?

সে বলিল, ওর প্ৰীতি যত্নে দুইই বিকৃত, এমনকি অকৰ্মণ্য হয়ে পড়েছে ওর প্রতিবিধান নেই। শেষ অবস্থা বোধ হয়। শুনিয়া অঙ্গা বলিল, তা হ'লে অত ভোজন, খাদ্য পরিপাক হচ্ছে কি করে। এখন রেবতী বলিল, কি জানি, এ এক অদ্ভুত রোগ আগে কোথাও এমন দেখিনি।

যাহা হউক এই শবীন অতিথির জন্ত রান্না শেষ হইতে বেলা আড়াই প্রহর হইয়া গেল। এইবার তাহাকে ডাকানো হইল। কিন্তু স্নান তাহাকে কিছুতেই করানো গেল না। যতই অতুরোধ করা হয় ততই সে প্রতিবাদ কৰিয়া বলে স্নান করলে মরে যাবো, এক দিন খাইয়ে কি আমায় মারবেন আপনারা ?

অন্ধরের পথে এক জায়গায় ঠাই হইয়াছে একখানা প্রকাণ্ড কলা পাতাকে চার টুকরা কৰিয়া বেশ বড় একটা পাত্র, তাহার উপর অন্ন স্তুপাকার। তাহার চার ধারে কিছু কিছু ব্যঞ্জন,—আর আসল উপকরণ একখান কাঁসার গামলায় একটি মাঝারি পাঁঠার মুণ্ডটি বাদে সব টুকুই রান্না হইয়াছে। যে কড়ায় রান্না হইয়াছে সেটিও সেখানে রাখা আছে তাহাতে কিছু মাংস এখনও রহিয়াছে, যদি দরকার লাগে। এই প্রকার ব্যবস্থা দেখিয়া তাহার আনন্দের সীমা নাই। যখন সে আসনের উপর বসিল,—কিছু দূরে সামনেই একখানা প্রকাণ্ড মান-পাতায় কি যেন একটা বস্ত্র ঢাকা দেওয়া রহিয়াছে।

ভোজনার্থ যখন তাহাকে বাহির হইতে ডাকিয়া আনিল, অন্ন দেখিয়া তখনই তাহার মুখের ত্রি পরিবর্তিত হইয়া আর একরকম হইয়া গেল। চক্ষু বিক্ষুব্ধ হইল, তাহাতে যেন এক অস্বাভাবিক উজ্জলতা লক্ষ্য করা গেল। একখানি কাঠের পীড়ি পাতা, পার্শ্বেই এক ঘটি জল। সে বসিল এবং গণ্ডুষ না কৰিয়া এমন কি হাতটা পর্যন্ত না ধুইয়া গম্ভীর ভাবেই খাইতে আরম্ভ কৰিল। কাছে কেহ নাই,—একটু দূরে কেবল মাত্র অঙ্গা একখানি পাখা হাতে একটি আসনে চুপটি কৰিয়া বসিয়া গম্ভীর মনোযোগের সহিত তাহার খাওয়া দেখিতেছিল। অতিথি ক্রমে ক্রমে সমস্ত অন্ন এবং সকল রকমের উপকরণ সমেত মাংসের গামলাটিও শেষ কৰিল। তাহার উদরের যে অস্বাভাবিক ক্ষীতি হইল, তাহা দেখিয়া ভয় হয়।

এখন অশ্ব তাহাকে জিজ্ঞাসা করিল,—আর চাট্টি ভাত নেবে কি? সে অন্নান বদনে বলিল, হাঁ। ঐ কড়ার মাংসটুকু দিয়েই খাবো। পূর্ণ এক হাঁড়ি ভাত খাওয়ার পর—আরও ভাত লইয়া সে কড়ার মধ্যকার সেই অবশিষ্ট মাংসটুকু অবলম্বনে খাইয়া যখন সোজা হইয়া বসিল তখন তার শরীর আই চাই করিতেছে। সে বলিল, এমন তৃপ্তি করে কখনও খাই নি। সে যখন শেষ গ্রাসটা মুখে তুলিতেছিল,—তাহার পাতের উপর সুপারীর মতই ছোট একটি পিণ্ডাকার পদার্থ গড়াইয়া আসিল। সে অতটা লক্ষ্য করে নাই দেখিয়া অশ্ব বলিল,—ওটা কি বলো দেখি?

এখন তাহার লক্ষ্য হইতেই সে খপ করিয়া উহা তুলিয়া লইল। এখন অশ্ব বলিল, তুঁকে দেখো দিকি। বলিতেই সে উহার ভ্রাণ লইল, সঙ্গে সঙ্গে মুখটা তার বিকৃত হইল এবং গা বমির ভাব অহুভব করিল। এমন সময়ে তাহার সেই তৃত্যটি আসিয়া উপস্থিত হইলে তাহাকে লক্ষ্য করিয়া অশ্ব বলিল—হাঁরে তুই এটা কিসের মাংস কেটে রাখিতে দিয়েছিলি?

সে বলিল, ওখানে একটি ঘোয়া কুকুর ছিল তাকে কেটে তার মাংসই এর জন্ত রান্না করতে দিয়েছিলাম। এই দেখুন না,—বলিয়া দূরে সামনে রাখা মান পাতার ঢাকা উপরে তুলিয়া কুকুরের কাটামুণ্ডা দেখাইল, আবার কান ধরিয়াই উহা উঠাইয়া অতিথির পাতের উপর ফেলিয়া দিল।

এবার অতিথির মুখখানা খুব বেশি বিকৃত হইল সঙ্গে সঙ্গে,—এঁয়া ঘোয়া ঐ কুকুরের মাংস আমায় খাইয়েচ?

বলিতে বলিতে সে বমনের বেগ সম্বরণ করিতে না পারিয়া ঐখানেই হুড় হুড় করিয়া বমন আরম্ভ করিল। এই ভাবে যাহা কিছু তার উদরে ছিল সবই উঠিয়া গেল। শেষে দেখা গেল এক গোছা মোটা-মোটা নাড়ির মত তার মুখ হইতে ঝুলিতে লাগিল, প্রত্যেকটা এক হাত লম্বা। তৎক্ষণাৎ অশ্ব উহা সবলে টানিয়া বাহির করিয়া ফেলিল। অতিথি ততক্ষণে মুর্ছিত হইয়া পড়িয়া গৈছে। এখানে রেবতী ও ছাত্রেরাও সবাই আসিয়া উপস্থিত হইয়াছে।

ভূত্যের সাহায্যে তার মুখ ধোয়াইয়া তাহাকে সেই ঘরের শয্যায় শোয়াইয়া, অশ্ব আদেশ করিল, তাহাকে কেহ জাগাইবার চেষ্টা না করে। যতক্ষণ না তাহার জ্ঞান হয় ততক্ষণ কেহ যেন কাছে না যায় বা বিরক্ত করে।

এইবার রেবতীমোহন অশ্বকে জিজ্ঞাসা করিল, একি ব্যাপার, দিদি?

অশ্ব বলিল, এটি বিষম ব্যাধি, বাবার কাছে শুনেছি এর নাম তীক্ষ্ণাঘ্নি। পেটে ঐ একপ্রকার কৃমি জাতীয় জীব জন্মায়, সর্বভুক অগ্নির মতই শক্তি

এদের—যা কিছু ভোজন, তা ঐ জীবেরই আহতি স্বরূপ। শুনেছিলাম, বাবা একটি মাত্র রোগী পেয়েছিলেন! এর একমাত্র প্রতিকার রোগীকে কোন প্রকারে বমি করানো। যাকে করানো যায় সেই বাঁচে, না হলে বাঁচবার অন্য উপায় নেই। তিনি সেই রোগীকে যে যে উপায়ে বমনটা সম্ভব করেছিলেন আমায় সে কথা বলেছিলেন,—আমি ঠিক সেই সেই উপায়ে একে বমন করিয়েছি, মনে হয় এ বাঁচবে। নইলে তিন বৎসরের মধ্যে মৃত্যু অবধারিত—এর প্রায় দুই বৎসর হয়ে গিয়েছে।

* * * * *

এই রোগীকে পাঁচ বৎসর পর কেহ যদি দেখিত তাহা হইলে দেখিত, স্বাস্থ্যবান প্রিয়দর্শন রমাপতি, এখন কবিরাজ মহাশয়ের আশ্রমের একজন উত্তমশালী আয়ুর্বেদের ছাত্র এবং মহেন্দ্র কবিরাজের অতিপ্রিয় দক্ষিণ হস্ত স্বরূপ। সর্বত্রই তাঁহার ভ্রমণসঙ্গী এবং সেবকরূপে কৃতিত্ব অর্জনে ব্যস্ত।

উজ্জল ভবিষ্যৎ তাহার আমরা শুনিয়াছি। পরে রমাপতি পূর্ববঙ্গে একজন আয়ুর্বেদশাস্ত্রী কবিরাজ রূপে প্রসিদ্ধ হইয়াছিলেন। তাঁহার বহুতর ছাত্র এখনও বর্তমান।

হরি

বীরভূমে ছিল তাদের ঘর,—নামটি তার হরি,—পূর্ণ নাম হরিমতি । চৌদ্দ দিনের মধ্যে রেখে তার মা গেল মারা । তার মাসী এসে তাকে কোলে নিলে,—স্তন দিয়ে নিজের পেটের সন্তানের মতই তাকে করছিল মানুষ । এক বছরের মধ্যে যখন সে, মাসীও গেল তার মায়ের কাছে । পড়শী সকলে বললে, এ একটা রাক্ষুসী এসেছে, একে মেরে ফেলাই ভালো । তারপর কিন্তু সে আর কাকেও মারলে না,—আপন ভাবেই বাড়তে লাগলো ।

তার বাপ ভালো মানুষটি,—পুনরায় বিবাহ করেছিল হরির মাসী মারা যাবার ঠিক পরেই । হরি কিন্তু কখনও তাকে মা বলেনি যদিও মা বলাবার জন্ত চেষ্টা-যত্নও কম হয়নি । ঐ তোর মা, বোলে যখন কেউ তার বিমাতাকে দেখাতো সে ফ্যাল ফ্যাল করে খানিকটা তার মুখের দিকে চেয়ে থাকতো,—চোখে চোখে মিললে মুখটি হেঁট করে একটু মুচকে হেসে সে খেলায় মন দিত । সে একটু বড় হলে যখন ঝুড়ি-ঝুড়ি পাকা কথায় সবাইকে অবাক করে দিচ্ছে তখন পড়শীরা কেউ যদি তাকে বলতো, হাঁরে হরি ! তু উয়ারে মা বলিস নাই কেনে, উ যে তোর মা হয় ? তখন হাসতে হাসতে সে বলতো, উ কেন আমার মা হতে যাবেক ? আমার মা যে মোর্যা গ্যাছ্যা, উ-যে আমার বাবার মেয়্যা । মেয়ে অর্থাৎ বো । কিন্তু তার আরও এইটুকু বিশেষত্ব ছিল, কখনও যদি তার বাপ বাইরে থেকে কারণ খেয়ে, তালে-বেতালে ঘরে এসে নূতন স্ত্রীকে ধরে গ্রহণ করতো, সে তখন তার বাপকে গুনিয়ে গুনিয়ে বলতো, আমার মাকে তো খেঁয়্যাচো, উয়ারেও খাও, আপদ চুকে যাক, কেনে ?

ক্রমশঃক্রমে সে হয়ে উঠলো এক বলবান,—মোটো-সোটো খিঙ্গী-মেয়ে । গাছ কোমর বেঁধে সে পাড়ায় পাড়ায় বেড়ায় ;—আর ঘরের কাজ ? তার বয়ে গেছে । যেমন তেমন করে যেটুকু না-করলে নয় কেবল সেইটুকুর সঙ্গেই তার সম্বন্ধ । তিনটি প্রাণী তারা, কতই বা কাজ ?

খাবার সে বাড়ীতে প্রায়ই খায়না, ভাতটাও মাঝে মাঝে একরকম জোর করে পড়শী বাড়ী খেয়ে আসে । গ্রামে তাদের ভাতটা সস্তা নয় তা সেও বেশ জানে, কিন্তু, কারো কোন কথা কানে না তুলে সে ঠিক তার হিসাবমত নিজকর্ন্ত সম্পন্ন করে নেয় । যদি পড়শীরা কেউ কেউ বলতো, হাঁরে হরি ! সংয়ার হাতের ভাত ভাল লাগেনা বটে ? সে বোলতো—দূর, তা হবেক কেনে, ভাত

ত আমার বাবার, উ তো তার বাপের ঘর হতে আনে নাই। বাড়ীতে তার কোন উপদ্রবই নাই ;—যত কিছু উপদ্রব পাড়ায়।

গাছে গাছে পাখির ছানা ধোঁজা,—তারপর কার গাছে কি ফল ধরেচে তাতে হরির তীক্ষ্ণ দৃষ্টি থাকে। প্রতিবেশীরা বলে, তোর জ্বালায় ফল-মূল কারো গাছে পাকতে পায় না। কেউ বলে,—পোড়া মূ তোর, তু দূর হ।—কেউ বলে, মুয়ে আশুন তোর, নরগা যা রাকুসী। কেউ বলে, তোর বৃকে বাঁশ দিয়ে দলবো—কেউ বলে, ধিঞ্জীটা, দস্তিটা, হতভাগী মরে যা,—কেউ বলে, লক্ষ্মীছাড়া হাবাতে,—হাড় জ্বালানে মেয়্যা, চ্যান্ডড়, এই সব। সে কিন্তু ওসব গ্রাহ্যের মধ্যেই আনে না। সারাদিন হটোপাটি, দৌড়-ঝাঁপ করে ঘরে আসে সন্ধ্যায়,—তারপর দাওয়াতে খুঁটি ঠাসান দিয়ে বসে যতক্ষণ না ভাত তৈরী হয় ;—শেষে খেয়ে ঘুমিয়ে পড়ে। একপাশেই রাত কাবার করে সকালে উঠেই তার নিত্য-কর্ম শুরু করে দেয়।

যাই হোক এই ভাবে তার জীবনের চৌদ্দটি বছর যখন কেটেছে,—পাড়া পড়শীদের সঙ্গে বড়বস্ত্র বা পরামর্শ করে তার বাবা ফাগুনের এক শুভদিনে নগদ দশটি রজত মুদ্রা, আর তার মায়ের হাতের সোনার রুদ্রী দুগাছি দিয়ে হরিকে লাল চেলী পরিয়ে সম্প্রদান করে দিলে তৃতীয় পক্ষের এক সু-পাত্রের হাতে। পাড়ার যত এয়ো এসে শাক বাজিয়ে তাকে তাদের জাতে তুলে নিলে।

যিনি হরির পাণিগ্রহণ করিলেন, আর কিছু না থাক তার লম্বা শরীরের উপযুক্ত নামটি ছিল যা সকলকে চমৎকৃত করেছিল। বরকে বাসর-ঘরে যখন একটি বর্ষায়সী জিজ্ঞাসা করলে, হেঁ গো বর! আমাদের হরিকে কতদিন বাঁচিয়ে রাখবে বল দেখি ভাই? তখন শ্রীমান সমরেন্দ্ররঞ্জন বিশ্বাস চৌধুরী মশাই একবার মুখখানি তুলে, চেষ্ঠা করে তাঁর সেই ঘোর লাল চক্ষু দুটি গম্বীরের ভিতর থেকেই যথাসাধ্য বিস্ফারিত করে ঐ বক্তার পানে এমন ভাবে চাইলেন যেন তাঁর রক্ষা পাওয়াটা একমাত্র দৈব ব্যাপার; তারপর ভাঙ্গা ভাঙ্গা বাজখাঁই আওয়াজে ;—দেখো! আমি একজন মরদ বটি, মেয়্যা লয়, মস্তুরা চলবেক নাই হেথাকে,—এই বোলে দিলাম ব্যস,—এই উত্তর দিয়ে সকলকে সন্তুষ্ট করে দিলেন। শুনা যায় বাবাজী যৌবনে অনেকদিন যাত্রাদলে ছিলেন।

বয়স তাঁর পঁয়তাল্লিশ থেকে পঞ্চাশের মধ্যেই। দেহটি তাঁর যত লম্বা ততটাই রোগা, আবার ততটাই কালো, আবার ততটাই বাঁকা। ঘন ঘন কাঁচা পাকা কোঁকড়ানো বড় বড় চুলে মাথাটির মাঝখানটা ভরা, ঠিক মাঝে

সিঁথি ; পিছনে আর দুই পাস একেবারে কামানো, একেবারেই হাল ফ্যাসান । হৃদিকে কয়েক গাছা করে চুল আছে গোঁফে । অনেকটা দূরগম্বর প্রবৃত্তি চক্ষু দুটি করঞ্জ চেরা, প্রায়ই শিবনেত্র । ক্ষতে চুল আছে কি নেই বুঝা মুশ্বিল, অনেক সময় চক্ষুর গম্বরের সঙ্গে উপর পাতার ঝাঁজটুকুই জ্র মনে হয় । আঁখি-গোলকটি ঘোরতর রক্তবর্ণ, কারণ বাবাজীর অত্যধিক কারণ-শক্তি । তান্ত্রিকেরা মদকে কারণ বলে, অনেকেই জানেন ।

কোঁচার খুঁটটি গায়ে, খালি পা, বগলে যন্ত্র,—বীরভূমে মদের বোতলের তান্ত্রিক প্রতিশব্দ হোলো যন্ত্র, অবশ্য যন্ত্রের অস্ত্র অর্থও আছে,—হাতে ছাতা, গ্রামের পথে ঘাটে অথবা বাজার পানে তাঁকে দেখতেই সাধারণে অভ্যস্ত । এ ব্যাপারে সকল সময়েই তাঁকে নিঃসঙ্কোচ দেখা যেতো । লজ্জা যে একমাত্র নারী জাতির অঙ্গের ভূষণ একথা তাঁর মত আর কেউ জানে না । এ হেন পুরুষ-অভিমানী শ্রীমান সমরেন্দ্ররঞ্জনের বৃত্তির কথা কেউ জিজ্ঞাসা মাത്രেই এই উত্তর পেতো যে তিনি বাবুদের বাড়ীর গমস্তা । কিন্তু সেই বাবুদের অবস্থান যে কোথা তার ঠিকানা আজ পর্য্যন্ত কেউ জানে না—কেউ আবিষ্কার করতেও পারে নি, পারবেও না ।

বিবাহের পরদিন তিনি হরিকে নিয়ে এলেন যেখানে সেটা বাবাজীর কনিষ্ঠা একমাত্র ভগিনীর স্বামীর ঘর । স্ত্রী পুরুষমাত্র, আর কেউ ছিল না সে-সংসারে । স্নেহময়ী ছোট বোনটি তার একমাত্র আপন জন,—তার নামটি চারুশীলা । সেই এখন হরিকে বরণ করে ঘরে তুললে । গোয়ালার পাশে একখানি ছোট ঘর,—ভাইয়ের জন্ত রাখা আছে, রাতে-বেরাতে অদিনে অক্ষাণে এলে সেইখানেই থাকতো ; এখন সেইটিই হলো হরির ঘর । ননদটি তার ভাল চোখেই দেখেছিল তাকে, বরণ করে তুলবার সময়ে সে হরিকে বোললে,—এবার তোমার পালা, হেথা কেনে মরতে এলে ভাই ? শুনে মুখরা হরি, ফিক্ করে একটু হেসে বললে,—আমু ত আপুনি আসি নাই,—নিয়ে এলে কেনে তুমরা ? যাই হোক এখানে নূতন এক অভিজ্ঞতার পূর্ব্বাভাস ; হরি এক নূতন জীবনের আভাস পেতে উন্মুখ হয়েই রইলো ।

এখানে এসে দুই একদিন পরেই বোভাতের মান রেখে একটু যৎসামান্য অহুষ্ঠানও হয়ে গেল । সেই রাত্রেই আবার স্কলশয্যা ছিল, রাত প্রায় একটার সময় সমরেন্দ্ররঞ্জন দেওয়াল ধরে ধরে কোন রকমে ঘরে ঢুকলেন, হাতড়ে হাতড়ে বিছানাটা ঠিক করে নিয়ে আঃ, বোলে শুয়ে পড়লেন, একটা গভীর আরামের নিঃশ্বাস ফেলে ; হরি তখন গাঢ় নিদ্রায় অভিভূত । পরদিন সন্নি

সুম ভেঙ্গে দেখলে এক অদ্ভুত ভঙ্গিতে ঘুমাচ্ছে তার স্বামী, মাথাটা তক্তা থেকে বেরিয়ে খানিকটা খুলচে। একটু বালিস দিয়ে তার মাথাটা ঠিক করে দিয়ে সে ভাবতে ভাবতে বেরিয়ে গেল। তাদের গ্রামে অনেক মাতালই দেখা আছে হরির।

সেই বৈকালেই তার ননদ,—তার হাতের রুলি ছ’ গাছি দেখিয়ে বললে,—তুমার হাতে এখন শাখা আর নোয়াই থাক, ওতুটা খুলে এখন আমার কাছে রেখ্যা দাও, যখন বাপের ঘরকে যাবে তখন হাতে দিয়ে যাবে। হরি ননদকে বিশ্বাস করলে না, সে বললে,—আমার মায়ের দেওয়া জিনিস এ আমি খুলবো কেনে,—আমি দিব নাই। ননদ আর কিছুই বললে না। হরি ভাবলে, রুলি খুলবার কথা বলে কেনে, এরা—কেমন মালুয গো? ননদটি ভাবলে, মেয়্যাটা চালাক বটে গো।

প্রথম থেকেই স্বামীর দেখা পাওয়া যেতেনা, রাত্রেই প্রথম দেড় প্রহর গত হয়ে গেলে এই কয়দিন সে শুতে আসছিল প্রায় বেএকতিয়ার অবস্থায়। হরি তখন অসাড়ে ঘুমিয়ে পড়েছে। পরদিন বেলা নটা দশটার সময় কখন সে উঠে চলে যেতো কেউ জানতেই পারতো না। হরি কখনও তাকে এখানে দিনে কিছা রেতে পাত পাড়তেও দেখেনি। কোথায় খেতো, কোথায় থাকতো কে জানে। এখন শেষ দিন অর্থাৎ হরির স্বামী-ঘর বা স্বামীর সঙ্গে সাক্ষাৎ বা প্রত্যক্ষ সম্পর্কের শেষদিন বা রাত্রেই কথা :

সে রাত্রে স্বামী তার একটু সকাল সকাল এসেছিল বটে; আর কারণের আনন্দ তখন তার খেন ভাঁটা পড়ে এসেছিল। হরি শুয়েছিল, তবে ঘরের প্রদীপটা তখনও জলছিল, গাঢ় নিদ্রায় অভিভূত হয়নি তখন হরির প্রায় তন্দ্রাবস্থা। এমনই সময়ে—স্নমুখের ঢুলগুলি চ’খের উপর উসকো-খুসকো মাথা, বিবাহের দিন ক্ষৌরকর্ষ হয়েছিল, তারপর ছ’দিন নাপিতের সঙ্গে দেখা হয়নি, শুধু একখানা ময়লা চাদর গায়ে জড়ানো, ঘাম আর মদের গন্ধে ভরা, কাপড় খানাও ময়লা,—কোমরে জড়ানো তাতে পেটের উপর একটা গাঁট বাঁধা,—চুপি চুপি লোকটা চোরের মত পা টিপে টিপে ঘরে ঢুকেই দরজা আস্তে আস্তে বন্ধ করে দিলে। প্রদীপটা তখনও নেবেনি দেখে একটু দাঁড়িয়ে কি ভাবলে, তারপর ধীরে ধীরে তক্তার উপর বিছানায় বসলো আর হরির তন্দ্রাবস্থাও ছুটে গেল।

হরির বুকেটা ধক্ধক্ করে উঠলো; তারপর আস্তে আস্তে অতি সত্তর্পণে যখন তার স্বামীর কঠিন, গাঁট-সর্বস্ব হাতের আঙুলগুলি তার নিটোল, স্বাস্থ্যপূর্ণ

কোমল হাতখানির উপর এসে পড়লো, তখন হরির শরীররোমাঞ্চ,—আর তার মনে কেমন একটা ভয় আর বিষম যুগপৎ খেলা করতে লাগলো, তাতে তাকে চঞ্চল করে তুললে কিন্তু সে চক্ষু চাইলে না। নির্জ্ঞানে এই প্রথম তার সজ্ঞানে স্বামীস্পর্শ অসুভব। তারপর যখন স্বামী, কঠিন হাতটি যথাসম্ভব কোমল কোরে তার হাতখানি তুলে নিয়ে নিজের কোলের উপর রাখলে তখন আবার এক আনন্দের প্লক খেলে গেল হরির সর্কশরীরে, বুকের মধ্যে তার রক্তশ্রোত উদ্দাম হয়ে চলতে শুরু করে দিলে। ভয় একটু আছে কিন্তু সেটা স্পষ্ট নয়, তার জায়গায় মনের মধ্যে একটা অদ্ভুত কৌতুহল জাগিয়ে তাকে তটস্থ করে রাখলে অনাগত কোন অভাবনীয় রসাস্বাদনের কল্পনায়। তখনও হাত টেনে নিলে না। তারপর স্বামী, অপর হাত দিয়ে তার সেই কোমল হাতের উপর কাঠকঠিন আঙুলগুলির মৃদু বুলানি এবং রুলির উপর মাঝে মাঝে বিশ্রাম আর সঙ্গে সঙ্গে সেটার পরিধির অসুভব, অবশেষে স্থানচ্যুতির উত্তোগ অসুভব করতেই হরির প্রাণে একটা প্রচণ্ড আঘাত, সঙ্গে সঙ্গে অন্তরক্ষেত্রে যেন একটি বিষম ভাবের আলোড়ন শুরু হয়ে গেল, তিক্ত হয়ে উঠল তার মন। সে তখনই তার হাতটি বেশ একটু জোরে সরিয়ে নিলে ;—তাতে তার স্বামীর বুঝতে বাকী রইলো না যে সে জেগেই আছে বা এখনই জেগেছে। স্বভাবতঃ হরির ঘুম মোটেই সজাগ নয়, অত্যন্ত গাঢ়। আজ যদি সে যথার্থই ঘুমিয়ে পোড়তো তাহলে তার স্বামী ঐ কাজটি অতি সহজেই সম্পন্ন করতে পারতো তার ঘুমেরও কোন ব্যাঘাত হতোনা ;—স্বামী তার সেই সদোত্তোশ্রু নিয়েই এসেছিল। তাগ্যক্রমে আজ সে গাঢ় নিদ্রায় অভিভূত হবার আগেই স্বামী-সংস্পর্শ পেয়েছিল। যাই হোক চালাক লোক আমাদের এই সমরেন্দ্ররঞ্জন। তৎক্ষণাৎ সে, ক্ষেত্রকর্মপদ্ধতি, যাকে বলে ট্যাকটিকস্, বদলে ফেললে। এখন সে অভিনয় আরম্ভ করলে। রসিক নাগরের ভাবে সে আরও একটু হরির গা ঘেঁষে বসে,—যথাসম্ভব প্রেমবিহ্বল কম্পিতকণ্ঠে,—ওগো স্তনচো, বোলে একেবারে হরির গায়ে চলে পড়লো আর সেই কেটো আঙুল দিয়ে হরির পুরস্ত গালে একটু টিপন দিলে, ফলে, হরি তাকে এক হাতে সরিয়ে উঠে বসে তার রুলিটা ভাল করে উপর দিকে একটু তুলে এঁটে নিলে।

আহা, ভয়কি তুমার গো, আমি তো পর লয়,—বোলে স্বামী সমরেন্দ্ররঞ্জন গমস্তা বাবু একটু ঝুঁকে পড়ে হরির হাতখানি ধরতেই আবার জোরে হাতখানা ছাড়িয়ে নিয়ে হরি একটু সরে গিয়ে ;—টানাটানি কর ক্যানো, ঘুমাতে দিবে নাই ? বোলে আর এক হাতের রুলিটি গুঁজে দিলে উপর পানে।

এবার স্বামীর মেজাজ গেল বিগড়ে,—কতক্ষণ আর ধৈর্য রাখা যায় ? কত ভেবে, মংলব ঠিক করে এসেছিল সে সেই সহজ অরিজিঞ্জাল প্লান ত ফসকে গেলই উপরন্তু এই কচি মেয়েটা তার ব্যবহারের প্রতিবাদ করে বসলো, মরদ স্বামীর আর কত সহ্য হয় ? এবার তার স্বরূপ প্রকাশ করতে ইচ্ছা হলো । কিন্তু কি জানি কি ভেবে সে পুনরায় অভিনয়ের সাহায্যেই হরিকে মোহিত করে কার্য উদ্ধারের চেষ্টাই ভালো মনে করলে । এবার সে কণ্ঠকে অপেক্ষাকৃত নরম করে বললে,—আচ্ছা আমায় তুমার কেমন লাগে, বল দেখি ?

হরি তবুও কথা কয় না দেখে সে আবার আরম্ভ করলে,—আমায় তুমার বুড়া মনে হয় বটে ? তাতেও হরির কথা নাই দেখে সে তার সামনে কপালের উপর ঝোলা চুলগুলি ছুহাতে সিঁথির ছুদিকে মাথার উপর সাজিয়ে একবার হাত দিয়েই যেন বুরুশ করে নিলে । তারপর বললে,—ফ্যাচ ক্যামি তোমার ভাল লাগে না বটে ? আমি একটু ফ্যাচ ক্যা ত বটি গো, উ আমার ভাল লাগে যে ! এবার তার কথা শুনে হরি,—পোড়ার মুয়ের মরণ আর কি, লজ্জা লাগে নাই ?—বোলে আবার মুখটা ফিরিয়ে বসলো । আশা পেয়ে স্বামী এবার,—এখানে তুমার কেমন লাগে গো ? চারুটা (অর্থাৎ ভগিনী) যতন্-আস্তি করে বটে ? হরি একথারও কোন উত্তর দিলে না,—সে মুখ নীচু করে কি ভাবছিল কে জানে ।

তুমি রা-কাড়ো নাই কেনে গো ? এবারেও ধৈর্য্যাশীল স্বামীর জিজ্ঞাসার উত্তরে কোন কথা নাই । এটা বোধহয় তার লজ্জা, মনে করে এবারে প্রবীণ স্বামী তার অভিনয়ের নামে এক দুঃসাহসিক কাজ করে বসলো । সে ভুলে গেল যে হরি এখনও বালিকা, ভুলে গেল এই বিবাহ তাদের এখনও এক সপ্তাহও হয়নি ; অধিকারীর যাত্রায় যেমন কৃষ্ণ রাধাকে কাঁধে হাত দিয়ে জড়ায়, সেইভাবেই জড়িয়ে,—নিভৃত মিলনের অবকাশে দীর্ঘ বিরহের পর রাধার দাড়িটি ধরে প্রেম-নিবেদন করে ; সে,—মনে মনে নিজেকে যুবা কৃষ্ণ আর হরিকে যুবতী রাধায় পরিণত করে রাধাকে চিত্ত নিবেদন, প্রাণ মন সকল কিছুই নিবেদন করতে গেল । গিয়ে করলে কি ? বেশ জোর করে একহাতে হরির উপবিষ্ট দেহবেষ্টন, অশ্রু হাতে হরির মুখখানি টেনে একেবারে নিজের কাছে এনে ;—প্রেম গদগদ কণ্ঠে,—হেঁ গো প্রেমময়ী, বল দেখি তুমি আমার কে ? বোলে সে সাতদিনের তীক্ষ্ণ ঝোঁচা ঝোঁচা গোঁফ-সুন্ধ একটি চুষনে হরিকে মোহিত করতে গেল । তার অধিকার ভেবেই সে হয়ত ও কাজ করছিল । এখন তাতে হলো কি ?—

তার আসল উদ্দেশ্য বুঝতে পেরে একেই সোজা মানুষ হরির মনটা বিধিয়ে উঠেছিল, তার উপর খাম আর মদের গন্ধে, এমন কি তার খাস-প্রখাসে হরির প্রাণটা হাঁপিয়ে উঠেছিল। তারপর এইসব ঢং, আবার টানাটানি, জোর-জবরদস্তি দেখে এক মুহূর্ত্ত অবাক বিন্ময়ে যেন সে স্তম্ভিত, পরক্ষণেই মনে তার এক ঝড় উঠলো, এ বলে কি ;—তুমি আমার কে ?—

স্বামী চমকে উঠলো হরিমতীর মুখের দিকে চেয়ে ; তার চাহনি অগ্নিময়, সে অগ্নি তার স্বামীও অহুতব করলে আর সঙ্গে সঙ্গে,—আমি তুমার যম্ বাঁটি গো ! বলেই সঙ্গেসঙ্গে একটি চড় বসিয়ে দিলে তার স্বামী-দেবতার ঐ তোবড়া গালে ; তারপর ছুড়াড় করে নেমে দরজা খুলে হরি ঘর থেকে বেরিয়ে গেল ছুটে। ব্যাপারটা লিখতে এতক্ষণ গেল কিন্তু ঘটে গেল কএক মুহূর্ত্তের মধ্যেই।

নেশা তো ছুটে গেলই ; কি করতে এসে কি হোলো ! এমন বিপরীত কাণ্ড যে ঘটতে পারে সে কখনো কল্পনাও করেনি। এখন তলের বিষটা উঠলো উপরে ভেসে,—মন থেকে কস্মেদ্বিয়ার সঙ্গে যুক্ত হোলো সঙ্গে সঙ্গে চেপে গেল হিংসার প্রবৃত্তি। উপর মাড়ির অত্যন্ত দুর্বল নড়া দাঁত কটাতে ঘা খেয়ে তার মাথার শির পর্যন্ত যন্ত্রণায় দপ্ দপ্ করছিল, দুহাতে গালটা চেপে যতটা সাধ্য চিৎকার করে অতি কুৎসিত গাল দিতে দিতে বেরিয়ে এলো সে। বাইরে অন্ধকার, পাশেই গোয়াল, ভাবলে ঐ গোয়ালে ঢুকেচে বুঝি তার শিকার !

এ ক্যামন মেয়্যা গো ! দস্তিটা, হারামজাদি,—তারপর,—চলতে চলতে গোয়ালের দিকে ফিরে,—আজ গাড়বো তোয়ারে, খাম, দেখাই,—বোলে গোয়ালে ঢুকলো। একটা কিছু বিষম ব্যাপার ঘটেচে মনে করে তার বোন নিরীহ চাকুবালা ঘর থেকে বেরিয়ে এলো, বোনাইও এলো পিছনে পিছনে আলো নিয়ে।

কুখায় গেল, সে হারামজাদি ?—বোলে রঞ্জন অনেক দস্ত করে ব্যাপারটা শুছিয়ে তাদের গোচর করলে,—তারপর উদ্দেশে অনেক গালাগালি,—সঙ্গে সঙ্গে অহুসকান এদিক-ওদিক চললো কতক্ষণ ;—কিন্তু তাকে কোথাও পাওয়া গেল না। বুদ্ধিমতি ভগিনী ব্যাপারটা বুঝে তখন,—চুলায় যাউগগো দাদা, উ মরুগগা তুমি যাও, শোওগা। বলে নিজেরা ঘরের দরজা মুখো হোলো।

দাদার তখনও দাঁতের যন্ত্রণা কিছু মাত্র কমেনি, গালে হাত তখনও আছে, এসে বললে,—চুলায়ই দিব তারে আজ। বোলতে বোলতে বেরিয়ে গেল। ভাপ্যক্রমেই হরিকে পাওয়া গেলনা, তার আয়ু ছিল তাই বেঁচে গেল সে।

শুক্র পক্ষের জ্যোৎস্না-ভরা নিস্তর রাত,—হরি এক কাপড়েই পাড়ি দিলে গ্রামের পথ, রাস্তাঘাট তার সবই জানা। পথের ধারেই—একখানা বড় বাগান তার পরেই একটা বড় মাঠ, সেই মাঠ পেরিয়েই তাদের গ্রাম। হন্ হন্ করে হরি যেন এক নিঃশ্বাসে এসে উঠলো তাদের গ্রামেতে। এত রাত্রে এ অবস্থায় হঠাৎ হরিকে দেখে তার সৎমা আর বাবা একেবারে চমকে উঠলো। ব্যাপার কি ?

হরি বলে,—ঐ বুড়া মড়ার সাথে থাকতে আমি লারবো। উ মদ খেঁয়ে আমার হাত হতে রুলি খুলে নিতে আইছিলো, চোর মনিষ গো,—আমার এমন জনের সাথে কেনে বিয়া দিলে বাবা।

তার বাবা ভাল মানুষটি, এ ধরণের অহুযোগ শুনে, উচ্চবাচ্য না করে নিজের ঘরের মধ্যে ঢুকলো। সৎমা কেবল এই কথাটি বললে, আমাদের পোড়া কপালে আবার উয়ার চেয়ে ভাল বর হবেক কেনে না ?

এই পর্যন্তই হরির বিবাহিত জীবনে স্বামী-ঘর করার ইতিহাস। সে আর স্বামীর সঙ্গে ঘর করেনি বটে কিন্তু এত সহজে তার হাত থেকে নিস্তারও পায়নি। সে চলে আসবার দুদিন পর বাবাজী এসে উপস্থিত, হরিকে নিয়ে যাবে। হরি কোন মতেই গেল না। তার পর থেকে মাঝে মাঝে এসে হরিকে নিয়ে যাবার প্রবল চেষ্টা আরম্ভ করলে প্রতিবেশীদের দুই তিন জনকে সহায় ক'রে। তারা ঐ দলেরই, ঐ প্রকৃতির লোক,—তরাই ঐ বিবাহটা ঘটিয়েচে,—তারা ধুমধাম করে এখন জামায়ের পক্ষে দাঁড়ালো। যোরান মরদ লোকের মদ খাওয়া, বেস্তা-সঙ্গ করা কি একটা দোষের মধ্যে ধরা যায় ?—ও কাজ ত বেটা ছেলেরই বটে ?

সহজ বুদ্ধিতে যা বুঝেছিল,—হরি তার বাবাকে বুঝিয়ে দিলে যে, এইবার নিয়ে গিয়ে আমাকে মেরে ফেলে এই সোনাটুকু নেবে। আগের দুটাকেও এইরকম করেই মেরেচে। জানিনা এই নির্ধাৎ ইন্ডিয়াজ বষ্ট অমুভূতি হরির কোথা থেকে হোলো, কিন্তু আশ্চর্য সত্য এটা, হরির বাবাও বিশ্বাস করলে তার কথা, কারণ বিয়ের পর সেও ঐরকম কিছু শুনেছিল কারো কারো কাছে। কিন্তু, প্রতিবেশীরা শাস্ত্রজ্ঞ ও ধার্মিক তারা ঐ সব বাজে কথা শুনতে চায়না। হরিকে তারা গাঁয়ের আপদের মতই মনে করে। তাদের বিধি দত্ত অকাট্য যুক্তি এই যে, পায়ে ধরে বিয়ে দিয়েছ যখন, তখন ও ত' উহারই জিনিস বটে। উ মারতে হয় মারবে,—কাটতে হয় কাটবে, রাখতে হয় রাখবে, যা ইচ্ছা তাই করবে ওর নিজের জীকে নিয়ে, তাতে লোকতঃ-ধর্মতঃ আমাদের কিছুই করবার

নাই। মেয়ের বরাতে যা আছে তাই হবে,—দুতরাং ওকে জোর করেই পাঠানো উচিত তা হলেই ঐ ঠেঁটা মেয়েটা জন্ম হবে। মেয়েটা অস্বাভাবিক রকমের দস্তি,—তাতে কারো কোন সম্ভেদই নেই, আর তা থাকবার কথাও নয়।

দুর্কলচিহ্ন হরির বাপ, মনে জোর বলতে কিছুই ছিলনা, পড়শীদের কথাতেই সে রাজি হয়ে গেল। কথা এই রইল যে, হরিকে জোর করে এমন কি হাত পা বেঁধেই পাঠাতে হবে এবার বাবাজী নিতে এলে। বাবাজিকে চটালে অশ্রু, আইনত তারই অধিকার যে। হয়ত শেষে তাই-ই হোতো কিন্তু কি জানি কি মনে করে বাবাজী, হয়তো সে মহাপাতকের কাজে বিতৃষ্ণা বশতই হবে এবার শাস্তভাবে এসে বললেন, উয়ারে আমি চাইনা;—উয়ার হাতের ঐ দু'তরির রুলি দু'গাছা হলেই হবে। দানে পাওয়া সোনা উতো আমারই বটে,—উয়ারে বলগা আমায় খুলে দেখ। সহদয় প্রতিবেশীরা,—হরিকে দূর করতে পারলেই সুখী হোতো,—কিন্তু তা হোলোনা দেখে একটু ক্ষুব্ধ হোলো। তারা বাবাজীকে সাধ্যমত এই কথাটাই বুঝাতে চেষ্টা করলে যে, ও তোমারই সম্পত্তি, ওকে নিয়ে গিয়ে যা করবার তা করলেই তো চুকে যায় লেঠা। আর ঐ ভাবেই উদ্দেশ্য সিদ্ধি সহজেই হবে।—এতে ভয় পাবার কি আছে!

কিন্তু প্রতিবেশীরা খবর রাখতেনা যে একটু কেন বিলক্ষণ ভয়ের ব্যাপার একটা ছিল এর মধ্যে। বাবাজী আগে যে দুজনকে ভবপারে পাঠিয়েচেন তাদের মধ্যে শেষেরটি দাহ করবার পরেই তার কোন আপন জনই কতক প্রমাণ হাতে পুলিশে খবরাখবর করে বেশ ঘোরালো ব্যাপার করে এনেছিল কিন্তু দারোগা সহায় ছিল বোলে কিছু করতে পারেনি। এখন একজন সাধু ভদ্র শিক্ষিত দারোগা এসেছে সেখানে,—সেইজন্তু ভয় আছে। এবারে রক্ষা নাই। কাজেই বাবাজী এবারে সোজা পথ ধরেচেন, ঐ সোনাটুকু পেলেই খুসী হয়ে যাবেন, আর কিছুই চাই না। তারপর এখন ওকে নিয়েই বা যান কোথা, তাড়াতাড়ি নিয়ে গিয়ে কাজ হাসিল করবার জায়গাই বা কোথা। ভগিনীর দ্বার তো বন্ধ হয়েই গিয়েছে। তাই সোজা পথই ধরেছেন। অবশ্য তার প্রস্তাবে অগত্যা রাজী হতে হোলো প্রতিবেশী বন্ধুদের। তখন সকলে হরিকে বললে, খুল্যা দে তু ঐ রুলি দু'গাছা। ওঁটা পেলে, প্রতিবেশীদের দু'বোতল কারণ উপহার দেবার কথা ছিল,—বাবাজীর সঙ্গে।

হরি বলে, আমার মায়ের দেয়া রুলি, উয়ার হোলো কি করে? এ আমি কথখনো দিব না। ধর্মভীরু পড়শীরা তাকে বসিয়ে দিলে। ঐ গওনা-স্বদ্ধ তোর

বাপ তোকে ভগবান সাক্ষী করে বিয়ার রাতে উয়ার পায়ে ধঁরে লোপে দেয় নাই ? তাহলে ও গয়নার লোনা উয়ার হোলো নাই ?—তুই জাক্যা মেয়্যা একথা জানিস নাই ?

এত বড় যুক্তিযুক্ত এই শাস্ত্রের কথা হরির মাথায় ঢুকলো না, সে রেগে গিয়ে বললে,—আমি ছাগল, না গরু, না জলভরা কলসী যে বাবা আমায় ঐ বুড়া-মড়া মাতালকে পায়ে ধরে দান করতে যাবে। আমি প্রাণ গেলেও মায়ের রুলি হাত হতে খুলবো না। উয়াকে দিতে লারবো, তুমরা যাই-ই বলো ক্যামে।

কথায় যে কাজ হবে না একথা তারা বুঝেছিল ভালমতেই ; কাজেই তারা বললে, তাহলে আমরা জোর করে তোর হাত থেকে খুলে ওকে দিব। তাদের ঐ কথা শুনেই ক্রোধে হরির মুখখানা লাল হয়ে উঠলো, সে চিৎকার করে বললে,—তুমাদের বুঝি উয়ার সঙ্গে বকরা-ব্যবস্থা হয়্যাছে এই নিয়্যা ? তা হোক, শুনে রাখো ;—তুমরা যেই হওনা কেনে আমার সঙ্গে যিনি হাত দিবেন তার ঘরকে আঙুন লাগাবো যেয়ে তবে ছাড়বো। তুমাদের মরণ হয়না, ঐ খুনে বদমাস মাতালের লেগে সালিসি করতে আইচো হেথাকে। হরি যেন থর থর কাঁপতে লাগলো,—তার মূর্তি দেখে জ্ঞানী প্রতিবেশীরা স্তম্ভস্ত করে যে যার ঘরের দিকে পা চালিয়ে দিলে। খুব ভাল মতেই তারা জানতো হরির অসাধ্য কাজ নেই।

বাবাজীও তাদের পিছনে পিছনে এই ভাবতে ভাবতে গেল যে, এই একরত্তি মেয়্যা এর এত তেজ ? একবার ঘরে পেতাম ত' ভাল ওমুখই দিতাম,—হারাম-জাদা মেয়্যাকে একেবারে সেথাকে পাঠাতাম যেথা আগে ছুঁজনা গিয়েচে। কিন্তু বাবাজী এতেই কাজ শেষ মনে করলেন না, আবার একদিন মদে বিহ্বল অবস্থায় এসে হরিদের ঘরের স্তম্ভে দাঁড়িয়ে সেই রুলির দাবী করতে,—তার বাপকে চোর, জুয়াচোর ক্রমে পিতৃ-পিতামহ এমন কি সাতগোষ্ঠির উপর অকথ্য গালিগালাজ করতে আরম্ভ করে দিলেন। অনেকটা সহ্য করেছিল হরি, শেষে তার স্বর্গত মাকে লক্ষ্য করে যখন কুকথা অবলীলাক্রমে প্রয়োগ করে তাঁর পৌরুষ জাহির করতে আরম্ভ করলে তখন আর তার সহ্য হলনা, একতাল পচা গোবর এনে সে এমন জোরে নির্ধাৎ ভাবে তার মুখ লক্ষ্য করে ছুড়ে মারলে, বাবাজীর চোখে, মুখে নাকে কপালে আবার কতকটা চুলে, গলায় বুক পর্যন্ত নেপটে একাকার। তারপর হরি চেষ্টা করে বললে, আজ এই গোবর দিলাম ঐ মুখে,—ফের যদি এখানে এসে ঐ পোড়ার মুখে আবার গালমন্দ শুনি, তাহলে

এরপর যা দিব তা আর এখন বলবো নাই,—মনে থাকে যেন মরদের। বাবাজীর নেশা গেল ছুটে, অবশু এরপর আর তিনি আসেননি বটে কিন্তু যাবার সময় বলে গেলেন, এবার আর ওমনি আসবোনা পুলিশ দারোগা এনে সবাইকে ধরে নিয়া জেলে পুরবো তবে ছাড়বো,—আমায় তুমরা চিন নাই।

আর কেউ না চিনুক হরি কিন্তু ঠিক চিনেছিল।

এই ব্যাপারটায় হরিকে নিয়ে তাদের পল্লীতে বেশ একটা আন্দোলন মুরু হয়ে গেল। এমন বিয়ে অনেক মেয়েরই হয় কিন্তু হরি যেরকম কাণ্ড বাধিয়ে তুললে এরকম কেলেঙ্কার এ গ্রামে ত কেউ করে নি। সকলেরই একটা আক্রোশ হরির উপর,—যেন, এ সকল অপরাধই হরির।—মেয়েটা অতি অলক্ষণা। মেয়েরা পর্যন্ত ঘাটে, পথে ঐ হরির কথাই বলে—হরি যেন সকলকার অসহ, পাঁচজনের পাঁচকথায় হরিকে অতিষ্ঠ করে তুললে। সে তাদের সকল কথাই শোনে। তার বাপ বা বিমাতা কিছুই বলে না ;—কিন্তু মন তাদের তার এটা বুঝা যায়। শেষ পর্যন্ত অসহ হয়ে তার বাপও একদিন চুতভাবেই বলে বসলো যে, তোর জালা অসহ হয়েছে, হরি তুই মর।

হরি বললে, আচ্ছা মরবো য়েয়ে আজ নদীতে ডুবে। সত্যসত্যই পরদিন সকাল থেকে আর কেউ তাকে দেখতে পেলো না। প্রায় সকলেই ভাবলে হয়ত' বা প্রাণের ঝিকারে হরি নদীতে ডুবে মরেছে। যে ভাল মাতার জানে সে যে কখনও ডুবে মরতে পারে না একথা কারো মনে হোলো না ;—তারা ভাবলে আপদটা গেল এখন পুলিশের হাঙ্গামটা এড়াতে পারলে হয়।

বয়ে গেছে হরির ডুবে মরতে, সে এলো কলকাতায়।

দেশের অনেক মেয়ে কোলকাতায় কাজ করতে যায়, হরি ছেলেবেলা থেকেই দেখে আসচে,—শুনেচে, আবার জানেও। তার দিদিমাও কোলকাতায় কোন বাঁয়নের বাড়ীতে বুড়ি বয়স পর্যন্ত কিয়ের কাজ করে দুইটি পালি টাকা রেখে মরেছে। বাপ তার সে সবই পেয়েছে।—এ সব সে জানে বৈকি।

সন্ধ্যার পর সে দিব্যি একটা পোঁটলা হাতে করে ছবরাজপুর ষ্টেশনে গিয়ে বসে রইল। তাদের গ্রামের মত্ন আর মানিনী দু'জনা আজ কোলকাতা যাচ্ছে, এ খবর তার জানা ছিল কিন্তু পাছে জানাজানি হয় সে আগে তাদের কিছুই বলেনি, তারা এসে পৌঁছাবার ঘণ্টাখানেক পরেই হরি এসে হাসতে হাসতে তাদের পাশে দাঁড়াল। আরও একঘণ্টা পরেই সে তাদের সঙ্গে রেল চড়লো কোলকাতার উদ্দেশে।

তারা কাজ করতো জগন্নাথ ঘাটের এক ভুলি মালের আড়তে। হরি

এসে জুটলো তাদের সঙ্গে। গতর ছিল তার;—কাজের লোকও সে কম ছিল না। পয়সা উপার্জনের কাজে হরি প্রাণের আনন্দে লেগে গেল। তার একটা দম ছিল পয়সার উপর;—পয়সায় সব হয়—ধর্ম, কর্ম, অভাবমোচন।

তার কাজ হোলো ডাল ঝাড়া। কখনও বা কুলায় মশলা ঝাড়ার কাজ, রোজ চার আনা। সে স্ফুর্ষিতে লেগে গেল। তা ছাড়া সকালে বিকালে বাবুদের বাড়ী বাসন মাজতো, ছু'বেলা খাওয়া আর কাপড় গামছা। এইভাবে তিনটি বছর তার কাটলো। এই তিন বৎসর প্রায় সাড়ে তিনশো টাকা তার জমে উঠলো। পয়সা সে কারো কাছে রাখতো না। তিনবার কালীঘাটে যাওয়া ছাড়া হরি আর কোথাও যায়নি বা কোনো খরচ করেনি। কালীঘাটে তাদের গ্রামের মহেশ পালের হাঁড়ি কলসির দোকান—সে হরিকে মেয়ের মতই ভালবাসতো।

বাবুদের অর্থাৎ আড়তদার ষাঁরা, তাঁরা তিন ভাই। তাঁদের মেজ ভাইটির নজর পড়ল হরির ওপর; তখন হরির সতেরো বছর বয়স, ভরা যৌবন যাকে বলে। তখনকার দিনে তার ছু'তিন ছেলের মায়ের বয়স। একে তার নিশ্চল স্বভাব,—সারাদিনের খাটুনির পর রাত্রে নিশ্চিন্ত ঘুম,—পূর্ণ স্বাস্থ্যবতী হরি, কস্তাপেড়ে সাড়ি পরে মাথায় কাপড় দিয়ে এসে দাঁড়ালে তাকে ভদ্রঘরের বো বলেই মনে হয়। উজ্জল শ্রামবর্ণ কপালে আর দাড়িতে উলকী ছিল তার,—বড় বড় চক্ষু দুটি স্ত্রী মুখ দেখে মেজবাবু কাবু হয়ে পড়লেন। ফর্সা হলেও মেজবাবুর বো ছিল রুগ্না,—চিররুগ্নও বলা যায়, কঙ্কালের উপর পাতলা একখানি চামড়া। দুটি ছেলে, তাঁরাও রুগ্ন,—কাজেই তাঁর যদি হরিকে দেখে মাথার ঠিক না থাকে তাকে বেশী দোষ দেওয়া যায় না। তারপর,—ছু' একদিন ইসারায় চেষ্টা চরিত্র চললো,—হরিকে বাগানো যখন গেলনা,—তখন মেজবাবু একরাতে সত্ৰ ও মণিকে সহায় করে হরির ঘরের সামনে এসে দাঁড়ালো। হরি কিন্তু তাকে শুধু দোষ দেওয়া নয় তাকে বেশ স্পষ্ট গলায়, গলায় দড়ি দিয়ে যমালয়ে যাবার পরামর্শ এবং তৎক্ষণাৎ কাজ ছেড়ে দিয়ে,—তার পুঁজিপাটা সব নিয়ে সেইরাত্রেই হেঁটে কালীঘাটে এসে উঠলো তার মহেশ খুড়োর বাসায়।

এই তিন বছরে পাল-পার্কণে হরি সত্ৰ ও মণির সঙ্গে কালীঘাটে কয়েকবার এসেছিল। আগেই বলেছি তাদের গ্রামের এক ঘর কুমার মহেশ পাল,—অনেককাল কালীঘাটে হাঁড়ি কলসীর দোকান করে বেশ ছু' পয়সা করেছিল। প্রথমবার এসেই তাদের সঙ্গে হরির,—পরিচয় হয়েছিল। মহেশ এখন বুড়ো হয়েছে,

তার ছেলে ভৈরবই সব কারবার দেখে, মাল কেনে, বেচে, আর মহেশ কড়াকড়ি হিসাব রাখে কেবল। হরি তার পুঁজি নিয়ে এসে উঠলো মহেশের আশ্রয়ে। তাকে সরলভাবেই সব কথা খুলে বললে;—তার পুঁজির কথাটাও লুকায়নি। মহেশ বললে, থাক্ তুই আমার কাছে,—তুই আমার মেয়ের মত থাকবি হেথা, কোথাও আর যেতে হবেনা। কথা রইল—সে তাদের সংসারের সব কাজ করবে আর ভৈরবের ছেলেটি মানুষ করবে—আর খাবে-দাবে থাকবে আপন লোকের মত। এই চৈত্র এলে ছেলেটি দু বছরে পড়বে। মা ফসল রাঁধতে, ছেলেটার হয় খোয়ার, যত্ন হয় না। কাজ অনেক তাদের সংসারে,—করবার লোক ঐ বৌটি,—কাজেই সংসারে বিশৃঙ্খল যতটা হবার ততটাই হয়েছে।

হরি এসে এক মাসের মধ্যে মহেশের সংসার গুছিয়ে তুললে,—ভৈরবের ছেলেটিকে সে এই এক মাসের মধ্যে যত্নে তাকে সুস্থ এবং আপন করে নিলে, ছেলে এখন হরিতেই অম্লরক্ত হয়ে পড়ড়ো,—সব দেখে-গুনে মহেশের আর ভৈরবের সুখের সীমা রইল না। হরি,—ভৈরবের ছেলে কার্তিকের উপর মনপ্রাণ ঢেলে দিলে।

তার মধ্যে একটা মাস্তুলের ক্ষুধা চাপা ছিল,—এখন মহেশের সংসারে এসে এই কার্তিককে নিয়ে সে মমতার সাগরে ডুব দিলে। এমনভাবে জড়িয়ে পড়লো যে তার আর ছাড়াবার উপায় রইল না। ইতিমধ্যে ভৈরবের তিনটি ছেলেতে মেয়েতে হয়েছে।—হরির অরণ্যের গতর, সেই গতরের জোরে সংসারের কোন দিকে কোন বিশৃঙ্খলা নেই। হরিকে মহেশ এমন করে রাখতো কথায়-বার্তায় ব্যবহারে—হরি মনে করতো এই তার নিজের সংসার, এই তার স্বর্গের পথ এখান থেকে কখনও তার বিচ্যুতি নেই।

এইভাবে বছর পাঁচ ছয় কেটে গেল, ভৈরবের ছেলেটিকে লেখাপড়া শেখাবার কথা। হতেই হরি বললে, ওকে আমি পাশ করাবো। বাবুদের ছেলেরা যেখানে পড়ে সেইখানেই পড়বে আমার কার্তিক। নিজের পয়সায় কার্তিকের পোষাক, জামা, জুতা, কাপড়—কিনে সাজিয়ে দিতো, স্কুলের মাহিনা মহেশের—আর জলখাবার পয়সা, বই-পেন্সিল,—কাপড় জামা জুতা সব হরির। মহেশ কিছুদিন চুপ করে সব দেখছিল,—বছর তিন পড়বার পর—একদিন সুযোগ বুঝে মহেশ হরিকে বললে,—দেখ হরি,—তুই আমার মেয়্যা বটে ত?—একটা কথা ভোকে বলি বুঝে দেখ্ ক্যানে। কার্তিক কুমারের ঘরের ছেলে, ওর বেশী পড়াশুনা, পাশ করা, এসব ভাল নয়। ইস্কুল কলেজে বেশী পড়ালে ওর ছেলে আর আমাদের নৈপত্য কাজকর্ম করতে চাইবে না।—

বাবুদের ছেলের মত চাকুরী করে মরবে, কখনও গুর দুঃখ ঘুচবে না। বাবু হয়ে বেড়াবে, আমাদের কাজ-কর্মকে দেখবে যেন বাবু,—বিড়ি সিগারেট খাবে, তামাক পর্য্যন্ত খাবেনা, বাপ পিতামোকে, আমাদের ছোটলোক মনে করবে,—চাল বেড়ে যাবে,—তাই বলি আমার কথা শোন,—যেটুকু হয়েছে তাই ভাল আর কাজ নেই বেশী লেখা-পড়ায়। এখন থেকে একটু একটু দোকানে বসুক,—নিজের কাজ-কারবার শিখুক।

হরি প্রথমে কথাটা বুঝতেই পারল না, খানিকক্ষণ অবাক হয়ে মহেশের মুখের দিকে চেয়ে রইল। এ কথাটা যে তার মহেশ খুড়োর মুখ থেকে বেরুতে পারে সে ধারণাই করতে পারেনি। মহেশ তার মুখ দেখে, বুঝলে বিপদ বটে,—এইবার। হলও তাই; হরি, তার কথা বুঝেই ফেটে পড়লো। চিংকার করে সে বাড়ি মাথায় করলে। তার ছটফটানি দেখে মহেশ ভয়ে স্তম্ভিত হয়ে গেল।

রাগে হরি থর থর করে কাঁপতে লাগলো—গলার আওয়াজে দশদিক কাঁপিয়ে সে গলা ভেঙ্গে ফেললে অলক্ষণেই। পরের ছেলেকে মাছুষ করতে গেলে এই রকমই হয়ে থাকে? কেন? আমার কি মাথা ব্যাথা? এত যদি মনে ছিল তো গোড়ায় বল নাই কেনে?

তারপর খানিকটা দম নিয়ে সে অল্প দিকটাও দেখালো। কি বুদ্ধি তোমাদের মহেশ খুড়ো; চিরকালটাই কুমোর হয়ে রইলে? ছেলেকেও কুমোর করে,—আবার নাতিটাকেও সেই কুমোর-গিরিতে ঢোকাতে চাও? কেন? তাকে কি মাছুষ হতে নেই, তাকে কি বড় হতে নেই। যদি পাশ করে সে জ্ঞান-বিদ্যে-বুদ্ধিতে বড় হয়ে যায়, কুমোর-বংশে কি সেটা কলঙ্ক? এই যে আশু পাল,—হাজার টাকা মাইনে পায়—কটা বামনের ছেলে তা পায়? বেটা ছেলে সে, তার কি বংশ ছাড়িয়ে বড় হতে নেই? এইসব অনর্গল বেরুতে লাগলো তার মুখ থেকে।

মহেশ কিছুতেই থৈ পেলেনা, তার কথার তোড়ে ভেসে যেতে লাগলো। মহেশ যত তাকে বোঝাতো যায়—যে কুমোরের ছেলে কুমোর হলেও মাছুষ হতে পারে, বড় হতে পারে। মাছুষ হতে গেলে পাশ করে কেরাণী হবার দরকার নেই,—নিজের বৃত্তির মধ্যেই সে মহৎ হতে পারে। কে তার কথা শোনে, হরি যেন পাঁচটা হয়ে উঠলো। শেষে হরি প্রচার করলে, থাক, তোমাদের ছেলে, আমি চললুম এখান থেকে। পথের মাছুষ আমি পথেই চললুম; বুঝলাম যে এতদিন ভ্রমে বি ঢেলেছি।

বাপরে ! মহেশ একেবারে এতটুকু হয়ে গেল। এ সংসার থেকে হরির চলে যাওয়ার মানে যে কি তা মহেশ খুব ভালই জানে। হরির যাওয়ার সঙ্গে সঙ্গে তার জমজমাট সংসার ভেঙ্গে ঝর ঝর করে পড়বে এ বিষয়ে তার সন্দেহের কোন অবকাশই ছিল না।

কাছেই, অবশেষে হরির জেদই বজায় রইল। কার্তিকের পড়-শুনা চলতে লাগলো। এই সময়েই হরির বাপের মৃত্যু সংবাদ এলো মহেশের কাছে। সে ভট্টাচার্য্য ডেকে কালীগঙ্গার তীরে যথাসাধ্য করলে তার জ্ঞান ধর্ম্ম বুদ্ধিমত। দ্বাদশ ব্রাহ্মণ ভোজন করালে একটাকা দক্ষিণা দিয়ে। হরি তারপর কার্তিককে বোঝাতে আরম্ভ করলে লেখাপড়া না শিখলে মামুষ হওয়া যায় না। তোর হাজার টাকা থাকলেও লেখাপড়া না জানলে লোকে বলবে, মুখ্য। কোন রকমে তুই পাশটা করনা, তারপর বুঝতে পারবি কেমন করে বড় হতে হয়। এইভাবে হরির উৎসাহের ছোঁয়াচ লেগে গেল তার প্রাণে, তখন সে মন দিলে। কিন্তু হরির কাছে তার নিষ্কৃতি নেই, খেতে-শুতে-নাইতে হরি তাকে নিয়ে পড়লো, তাকে ভঙ্গ এবং বড় হতেই হবে।

এইভাবে মহেশের সংসারে হরির আরও পাঁচটি, সব শুদ্ধ এগারটি বৎসর কাটলো—কার্তিক তেরো বৎসরের ছেলে, উৎসাহ প্রথম প্রথম তার পড়া-শুনায় ছিলনা বটে এখন কয়েক বৎসর থেকে তার পড়া-শুনায় মন বেশ বসেচে। এবার চতুর্থ শ্রেণীতে উঠলো। হরি দিন গুন্টে, আর তিনটি বছর তারপর তার কার্তিক একটা পাশ দেবে। নতুন বই কেনা হল, নতুন ক্রাসে উঠে উৎসাহে পড়াশুনা চলতে লাগলো।—এখন আবার রোজ বাড়িতে বিকালে মাষ্টার এসে পড়িয়ে যায়।

সেই বছরে ফাস্তন মাসে বসন্তের হাওয়ার সঙ্গে সঙ্গে মায়ের অল্পগ্রহর হাওয়াও জোর বইতে লাগলো। সরকার থেকে টেড়া পিটিয়ে পল্লীতে পল্লীতে বসন্তের টিকে নিতে ও সাবধান হয়ে থাকতে সবাইকে সতর্ক করে দেওয়া হল। সব বাড়ীতেই টিকে দিয়ে গেল কোম্পানীর ডাক্তার এসে। কার্তিকও টিকে নিলে। টিকে নিয়ে তার জ্বর বেরুল, একদিন পরে জ্বর মিলিয়ে গেল বটে কিন্তু তার গায়ে গুটি দেখা দিলে। শীতলার বামনকে ধরে আনলে হরি। তিনি দেখে বললেন, এটা জ্বাত বসন্তই বোধ হচ্ছে। ক্রমে বড় বড় ও ঘন ঘন হয়ে সর্ব্বাঙ্গ ছেয়ে গেল,—চোখ চাইতে পারে না ; কার্তিকের বড় ভয়ানক রকম চেহারা হয়ে গেল। ক্রমে ছটফটানি বড় বাড়লো।—হরি আহা-নিজা ত্যাগ করে সেবা করলে,—মানত এত রকমের

করলে যার সংখ্যা হয়না,—শেষে,—হে মা শেতলা ! তুমি আমার নাও মা, ছেলেটিকে প্রাণদান দাও । এতটাও হোলো ।

যে ভাগ্যের জোরে দেবতার দয়া পাওয়া যায় সে ভাগ্য হরির ছিল না সুতরাং বিধাতার ইচ্ছা পূর্ণ করে কার্তিক মারা গেল ।

হরিও পথে বেরিয়ে পড়লো । মহেশ আর ভৈরব, বাপ বেটাতে মিলে কোন রকমেই আর হরিকে তাদের ঘরে রাখতে পারলো না ।

এই সময়টায় হরি খবর পেলে সে বিধবা হয়েছে । যে লোকটির অন্তর্ধানে হরি বিধবা হোলো,—তার সঙ্গে যোগাযোগটুকু কেবল তার আইবুড় নামটি খণ্ডাবার জন্ত—এই কথা সবাই জানতো ।

দেশে আর সে গেল না । দেশের কেউ আর তার উদ্দেশ্য করেনি । দেশের ওপর কোন কালেও তার কোন টানই ছিল না । ঐ যে কুমোরের পো কে মাহুব করা, তার না হওয়া, এগারোটি বৎসর তার জন্তে প্রাণপাত করা, যাতে সে আপনাতে আপনি ভরে ছিল, এখন তার ভেতরটা যেন ফাঁকা হয়ে গেল এই আকস্মিক বজ্রপাতে । পাগলের মত সে কিছুদিন পথে পথে মহেশকে গাল দিয়ে বেড়াতো ; রাত্রে কালী মন্দিরের আশপাশে শুয়ে থাকতো । তার ধারণা, মহেশ তাকে পড়াশুনা করতে দিলে না, তাই সে বাঁচলো না ; সে ক্ষণজন্মা ছেলে ঐ পাতকীর ঘরে থাকবে কেন ?—মনোমত হল না বোলেই সে আর রইল না ।

এইভাবে কিছুদিন কাটিয়ে সে সিমলায় এক ভদ্র পরিবারে কাজ নিল । গিন্নি কালীঘাটে এসেছিলেন ;—হরিকে দেখে, পরিচয় পেয়ে স্নেহাবিষ্ট হয়ে নিয়ে গেলেন তাঁদের ঘরে । সেখানেও বেশীদিন থাকতে পারলে না, কারণ সে বাড়ীতে মাহুব করবার মত ছেলেপুলে ছিল না । তারপর শেষে গিন্নীর সঙ্গে খিটিমিটি লাগলো, ছেলের বোকে অজ্ঞায়ভাবে খাটানো নিয়ে । কর্তা সংসারের কোন খবরই রাখেন না । তাঁর ছয়টি ছেলে মেয়ে । দুটি মেয়ের বিয়ে আগেই হয়েছিল গত বছর, সব বড় ছেলেটির বিবাহ হয়েছিল । গিন্নী খুব জাঁহাবাজ । এখন তাঁর কাজ হয়েছে ছেলের বউটিকে শুধুই অবিশ্রান্ত খাটানো, তার উপর তাকে অসহ্য বাক্য-যন্ত্রণা দেওয়া । হরি বৌটিকে ভালবাসতো, যতটা পারতো তার কাজে সাহায্য করতো, সেটাও হ'ল গিন্নীর চক্ষুশূল । কাজেই ঝগড়ার মুখে একদিন ; অমন গিন্নীর মুখে আগুন,—বলে সে তো বেরিয়ে গেল মাইনে-পত্তর কিছুই না নিয়ে । টাকার উপর আর তত মমতা ছিল না ।

সেই বোয়ের বাপের বাড়ি ছিল চাঁপাতলায়, সেখানে আগে সে কয়েকবার গিয়েছিল। এখন গিয়ে হরি তাদের মেয়ের দুঃখের কথা, শাশুড়ীর অত্যাচারের কথা,—কিভাবে কত কষ্টে আছে তাদের মেয়ে, প্রাণের আবেগেই সে সব কথাই জানালো। সবকিছু শুনে তারা তখন এই বলে হরির গায়ে ঠাণ্ডা জল ঢেলে দিলে যে,—তারা ওসব কথাই জানে, ব্যাপার কিছুই তাদের অজানা নয়। কি করবে—তারা নিরুপায়। কুটুমের সঙ্গে ঝগড়া করে মেয়েটি গলায় বেঁধে কি গলায় ডুব দেবে ?

তাদের কথায় হরির অসহ্য হয়ে উঠলো। তারপর তারা যখন বললে, তুমি তো বাছা তাদের ঝি, তোমার এত মাথা ব্যথা কেন বলতো ? ঝি চাকর, ঝি চাকরের মতই থাকোনা কেন,—মনিবদের অতশত কথায় কাজ কি তোমার ?

হরির প্রাণে তখনও কার্তিককে হারানোর গভীর ক্ষত দগ্ধ করছে, সে পাগলের মতই বললে, তোমাদের গায়ে কি মাহুঘের চামড়া নেই গা ? মেয়ে ! মেয়ে বলে কি ফ্যালনা, আপদ বালাই ?—একটা মেয়ের জন্তে কত কত ঘরে হাহাকার পড়ে যায়,—মেয়ের জন্তে রাজত্ব বয়ে যায়,—জাননা কি ? মহারানী ভিক্টোরিয়া, যার রাজত্বে বাস করচ, সেও মেয়েমাহুষ।

যিনি মেয়ের মা,—হরির কথায় তার একটু যেন সহানুভূতি জেগে উঠলো,—তখন তিনি বললেন,—অদৃষ্ট মা অদৃষ্ট। অদৃষ্ট না হলে পাঁচ হাজার টাকা খরচ করে বিয়ে দিয়ে, আমাদের মেয়ের এ দুর্গতি হবেই বা কেন ? কথায় বলে, মেয়ে হলে সাত হাত মাটি নেমে যায়, আর স্বর্গে পিতৃপুরুষেরা দুঃখে শূখ নীচু করে থাকেন, আর ছেলে হলে সাত হাত মাটি উঠে যায়—পিতৃপুরুষেরা আনন্দে দুই হাত তুলে আশীর্বাদ করেন।

• কথাটা শুনেই হরির অঙ্গ জলে উঠলো—সে বলে ফেললে, আমার এই আটাশ ত্রিশ বছর বয়স হোল, মেয়ে হলে সাত হাত মাটি কোথাও নামতে দেখিনি, আর ছেলে হলে সাত কেন এক হাত মাটিও কোথাও উঠতে দেখিনি। পিতৃপুরুষের কথা জানিনি মা, তাঁরা এখনকার পৃথিবীর এই নরক থেকে স্বর্গে গিয়ে আবার এই নরকের দিকেই চেয়ে থাকেন, কোথায় কবে কার ছেলে হচ্ছে আর মেয়ে হচ্ছে দেখে মাথা উঁচু আর নীচু করে থাকেন।

মেয়ের মা বললেন,—ওসব বামুন ঠাকুরদের বিধান মা,—

জান অসম্ভব হল হরির : সে বললে, মুখে আগুন অমন বামুনের বিধান,

যেখানে মেয়ে হলে সাত হাত মাটি নামে আর ছেলে হলে সাত হাত ওঠে। অমন বিধান নিয়ে কি ভাল হবে এ সমাজে ?

গিন্নীর অসহ্য হোল এবার এই ঝি মাগীর কথা শুনে। যা মুখে এলো তাই বোলে শেষে তিনি ঝাঁটা মেয়ে বিদায়ের ব্যবস্থা করলেন অমন ঝি-কে। তখন হরি বললে, যাচ্চি না, ঝাঁটা আর আনতে হবেনা, তুলে রেখে দাও ঐ ঝাঁটা তোমাদেরই মাথার উপর পড়বে যখন সাতহাত মাটি উচুকরা ছেলে, তোমার বড় হবে।

হরির বেকার অবস্থা ছিল দিন দুই। সে ছিল পূর্ণ অদৃষ্টবাদী। তার অসাধারণ মনঃশক্তি বলেই জানতো যে তার কখনও অন্নাতাব হবে না,—যেহেতু সে একলা এবং তার মনে পাপ নেই,—ভগবান তার ভার নিয়েছেন।

ইতিমধ্যে হরি আরও প্রায় দুই বৎসর তিন চার জায়গায় কাজ করেছিল, সব জায়গায় তাকে রাখবার আগ্রহও কম ছিল না, কিন্তু একটা না একটা বাধা এমন ভাবেই এসে গেল যাতে টিকে থাকা সম্ভব হোলো না। আসল কথা হরির মন বোসলো না কোনখানে। শেষে যেখানে কাজ ছিল সেটা এক স্কুল-কলেজের মেস, মাইনে বেশী কাজও বেশী। কাজকে সে গ্রাহ্য করে না,—কিন্তু সে কাজও তাকে ছাড়তে হোলো কারণ রাধুনির সঙ্গে ষড় করে ম্যানেজার বাবু হরিকে মাসিক কিছু টাকা দিয়ে বাঁধতে চাইলেন।

হরি ব্যাপার বুঝে নিয়েই সটান কালীঘাটে গিয়ে মাথা নেড়া করলে না বটে কিন্তু চুলগুলি খুব ছোট করে ছেঁটে একেবারে ঠিক ঠিক বিধবার বেশ ধারণ করলে। সাদা থান কাপড় সে আগেই ধরেছিল। এইবার তার মনে যেন একটা স্বাধীন ভাবের হাওয়া বইতে লাগলো। শরীর মন হালকা,—আর অটুট গতির নিয়ে সে পেয়ে গেল একটা কাজ, দরজীপাড়াতে। ব্রাহ্মণের বাড়ি, যদিও সে বাড়িতে কর্তার মধ্যে ব্রাহ্মণের সদাচার বোলে কিছু ছিলনা। এবারে হরি নূতন অভিজ্ঞতা নিয়ে ঢুকে পড়লো ঐ বাড়ির কাজে। ইতিমধ্যে কয়েক রকমের সংসার সে দেখেছে—এবারেও সে আর একরকম দেখলে। বৌ-পীড়নটা ছিল না বটে কিন্তু এখানে যে সব অশান্তির ব্যবস্থা ছিল তা আগের তুলনায় কিছু কম নয়।

এ বাড়িতে ছেলের বৌ বলে কাকেও সে দেখতে পায়নি প্রথমে, কারণ এদের বড় বৌ তখন বাপের বাড়ি প্রসব হতে গিয়েচে। কর্তা, গিন্নী দুজনেই বর্তমান, কিন্তু দুজনেই বিপরীত প্রকৃতির। তাঁদের পাঁচটি ছেলে তিনটি মেয়ে,—

সকলগুলিই হরির চক্ষে অপক্লপ। মেয়ে দুটির বিবাহ হয়েছে, খণ্ডরবাড়িও তাদের কাছাকাছি, ছেলেপুলেও হয়েছে।

এক হপ্তাহ মধ্যেই হরি গিন্নীর মর্শ্বস্থলে পৌঁছে গেল,—গিন্নী বুঝলেন তাকে প্রাণের দরদ দিয়ে,—হরির পরিচয় পেয়ে গিন্নী অকপটে মনের দুয়ার খুলে দিলেন।

হরি দেখলে বাড়ির গিন্নী অপূর্ব, একটি অসহায় জীব,—তার স্বামী-পুত্র-কন্যা সব থাকতেও কেউ যেন নেই, এ সংসারে তিনি একা। এমনটি হরি আর কোথাও দেখেনি। সহানুভূতিতে তার অন্তর ভরে উঠলো,—তার মুখে মা শব্দটি শুনে গিন্নী তাকে নিজের মেয়ে বোলেই স্বীকার করলেন,—মোটকথা হরিকে পেয়ে গিন্নী যেন একটি আশ্রয় পেলেন। একটু শুচিবায়ু প্রবল, এ ছাড়া আর কোন গোল নেই, হরি প্রথম দিনেই সেটি লক্ষ্য করলে। অতি ধীর শাস্ত, জুজুবুড়ীর মত মানুষটি বিশেষতঃ স্বামীর কাছে গেলে, বোবা। তাঁর গলার স্বর, চার হাত তফাৎ থেকে শোনা যায় না। অগ্নিঅবতার কর্তার কাছে গিয়ে দাঁড়াতে হলে থর থর করে কাঁপতে থাকে তাঁর অঙ্গ। গিন্নীর প্রধান কর্ম ছিল পুজাপাঠ,—আর তাঁর চারিদিকের শুচিতা রক্ষা করা।

কর্তা হলেন একেবারেই বিপরীত, বড় ভয়ঙ্কর মূর্তি—স্ত্রীকে অধিকাংশ সময়, কারণে-অকারণে বিরক্ত হলেই—হারামজাদি, তখনকার দিনে প্রচলিত রুঢ় সম্বোধন করতেন। ক্রোধান্বিত হয়ে উঠতে তাঁর বেশীক্ষণ লাগতো না, আবার ঠাণ্ডা ভালোমানুষ হতেও তাঁর বেশী বিলম্ব হতোনা। কখন কখন স্ত্রীর প্রতি বেশ পছন্দিতপ্রাণ স্বামীর মত,—ও গো সুনচ ? এসনা বলি একটা কথা। এই ভাবের কথাও হরি শুনেছে,—কিন্তু সেটা কন্মের ভাগই। কর্তা হরিকেও প্রথম প্রথম, মা হরি, আমার চায়ের জলটা দিয়ে যাও ত মা, এইরকম মিষ্ট কথা,—তার কয়েকদিন পর ঠিক তাঁর মনোমত কিছু একটা করতে পারেনি বোলে, তখনই, হারামজাদি ইত্যাদি সম্ভাষণ, শুনে হরি হেসেই আকুল হয়েছে। কি অদ্ভুত মানুষ, মাগো! ছেলেগুলিও মনমেজাজে ঐ বাপের ধাঁচা, উপরন্তু প্রত্যেকটি প্রত্যেকেরই যেন প্রতিবাদ মনে হতো হরির। মোটের উপর ঐ অসহায় গিন্নী আর ছোট ছেলেটির জন্ত হরির এইসব ব্যবহার-বৈচিত্র্য তার ঐ গৃহস্থালীতে কিছুদিন থাকবার পক্ষে সহায়তাই করেছিল।

বড় ছেলেটি আর্টিষ্ট, পেণ্টার। হবি আঁকার কাজ করে,—বাড়িতে থাকে বটে কিন্তু সব থেকে সে আলাদা ;—শারো সঙ্গে বেশী কথা নেই, যতটুকু থাকে নিজের কাজ নিয়ে—খাওয়া আর শোয়া ছাড়া বাড়ির সঙ্গে সম্বন্ধ নেই। আর

মেজবাবুই সংসারের ঠিক কর্তা। বড়ই রোগা, এমন কি জ্বোরে কথা কইতেই তার হাঁপ লাগে। হাটবাজার, সংসারের সকল কিছুর ভার তার উপর। তারপর সেজটি আর এক রকমের, তিনিও চাকরী করেন, সংসারে কিছু দেন না, কিছু নেন না,—কোন সম্বন্ধ নেই তার কারো সঙ্গে। তেতলায় একখান ছোট ঘরে—একটি ঠোভ আছে তাইতেই রেঁধেবেড়ে খান। সকালে বাড়িতে থাকেন ছুপুরে আপিস যান। কাশি আর হাঁপানীতে এই জোয়ান বয়সে,—মেজ আর সেজটিকে যেন ফোঁপরা করে ফেলেচে! দেখে দুঃখ হয়,—আর তাদের ব্যবহারে, বদমেজাজের দাপটে এক এক সময় সংসারে মহা অশান্তির সৃষ্টি করে—দেখে তার আশ্চর্য লাগে। চতুর্থ ও পঞ্চমটির পাঠ্যাবস্থা। কিন্তু তারাও দাদাদের ঠিক উপযুক্ত ভাই।

অত্যাচার,—তাকে মাঝে মাঝে সহ করতে হতো—বিশেষতঃ ঐ ছোটো ছটির কাছ থেকেই,—কারণ ঐ ছটি ছোট হলেও অসাধারণ ছুঁ প্রকৃতির। একজন দুর্দান্ত বৃন্দপ্রিয়, দুঃসাহসী, ফট করে যাকে-তাকে মেরে বসে। তার নীচের যেটি রোগা, তারও মেজ ও সেজটির মত ঐ হাঁপ, কাশি, দুর্বল শরীর, মুখ-সর্বস্ব। কাজের বেলা ভিজ়ে বেরালের মত, ধূঁ প্রকৃতি,—এই ছোট বয়সেই সে এমন দুশ্মুখ আর কুচক্রী হয়ে উঠেছিল হরি তা দেখে অবাক হয়ে যেতো। ছোটদাদাবাবু বোলেই হরি তাকে আদর করে ডাকতো।

যিদি পেয়েচে তার,—কাঁদচে। মা পুজায় বোসেছেন—উঠে খাবার দেবেন, তার আর তর সয়না। সে আর্ডনাদ, নাচুনী, ঘ্যান ঘ্যান এইসব সুর করে দিলে। হরি বললে, এস দাদাবাবু আমি খাবার দিচ্ছি। দু পয়সার খাবার এনে তার হাতে দিয়ে বললে, খাও। সে বেশ করে খেয়ে নিয়ে বোললে;—হারামজাদি, তোর মুখে জুতো-সুন্দু লাগি যারবো। হাসির চোটে হরির পেট গুলিয়ে উঠলো, সে বোলে ফেললে, গুটা তোমার দোষ নয় ছোট দাদাবাবু,—যাও খেলা করোগে। গিন্নী এসব দেখে-শুনে, পূজা থেকে উঠে এসে ঘরের বাইরে দাঁড়ালেন,—তঁার কাজ এতক্ষণে হয়ে গিয়েছিল, শুনছিলেন তঁার ছোট ছেলের কথা,—এখন বললেন,—মুখে আগুন অমন ছেলের, যেমন দেখচে তেমনি শিখচে আর হচ্ছেও তেমনি; কি জানো, আকরে টানে মা, আকরে টানে। বোলে হরিকে পয়সা দিতে এলেন। হরি বললে, বাট বাট, মুখে আগুন বোলোনা মা,—ছেলেমানুষ ওরা, জ্ঞান কি ওদের! এইভাবে হরি বছর দুই কাটালো এ-বাড়িতে।

তারপর একদিন হরি, গিন্নীমাকে এক বিপদ থেকে উদ্ধার করতে গিয়ে

কর্তাবাবুর বিঘনজ্বরে পড়ে তার চাকরীটা খোয়ালো। গিন্নী, গোপনে একজনকে কিছু টাকা দিয়েছিলেন একটা হার বাঁধা রেখে। হরিকে তাগাদায় পাঠিয়েছিলেন অনেকদিন তার খবরাখবর না পেয়ে। খোঁজ করে হরি টের পেলে ভজ্জ্বরের মেয়ে সঙ্গে থাকে বটে কিন্তু সে ব্যক্তি একটা জুয়াচোর, তার কাজই ঐ ভজ্জ্বরের মেয়েদের কাছ থেকে ঝুটা গয়না রেখে টাকা নিয়ে সরে পড়া। হরি এসে বললে, দেখি মা গয়নাটা? গয়না তখন কালোবরণ হয়ে এসেছে। সেটা কেমিকেল ছিল।

বড় বিপদে পড়ে এসেছি মা, চার ভরির হারটা রেখে আমার দশটা টাকা দাও,—কাল নাহয় পরশু ছাড়িয়ে নিয়ে যাবো আমার স্বামী মাইনে পেলে। গিন্নীর দয়া হোলো তার বিপদের কথায়, ফলে টাকাটা গেল। কথাটা কর্তার কানে গেল,—গিন্নীর ছোট মেয়েটির মারফৎ। কর্তার সন্দেহ হোলো হরিই এই কাজের মূলে আছে। ফলে,—বেরোও হারামজাদি আমার বাড়ি থেকে।

এবার বোধহয় হরির প্রতি বিধাতার একটু রূপাটুটি পড়লো। কারণ এবারে হরি যেখানে আশ্রয় পেলে সেখান থেকে তাকে আর কোথাও যেতে হয়নি। এটা হোল গিন্নীর মেজ মেয়ের শ্বশুরবাড়ি। এখানে দুই ভাইয়ের সংসার। বুদ্ধ কর্তা বড়-কারবার আর টাকাকড়ি রেখে সম্প্রতি মারা গেছেন। কারবারী লোক তারা, বেশ বড়ই বসতবাড়ি, তা ছাড়া আরো তিনচারখানা বাড়ি আছে তাদের, ভাড়া দেওয়া। ঐ ফুলবাগানের গলির মধ্যে সারি সারি বাড়ি তিনখানি। ঘরের গাড়িও একখানা আছে। ছোট ছোট ছেলেমেয়েগুলি দিদিমণির;—বেশ ফুটফুটে চেহারা। সুন্দর রূপ দেখে, লেগে গেল হরি মনের আনন্দে। দিদিমণিই এখানকার বড় বোঁ। তারই তৃতীয় সন্তানটির উপর পড়লো তার মন। তার মুখখানি দেখেই হরি আবার বাঁধা পড়ে গেল। ভাল নাম তার আত্মনাথ, আদি বোলে ডাকা হোতো। দেখতে দেখতে আদিও বিলক্ষণ অকৃত্রিম জ্ঞাওটা হয়ে উঠলো হরির।

গোপীনাথ বড় আর শ্রীনাথ ছোট। দুইটি ভাই, বড় বড় জঙ্গল জমা নিয়ে রেলের স্লিপার সরবরাহ করা, আসলে ঠিকাদারি তাদের কাজ। দুই ভাই—দুই বোঁ। দুজনেরই ছেলেতে মেয়েতে ঘর-ভরা, তবে হরির যিনি মা, বলেছি তিনিই বড় এখানকার, তারই সন্তান-ভাগ্য প্রবল। তিনি বড় বাবুর দ্বিতীয় পক্ষের। বড়বাবুর প্রথম পক্ষের দুটি সন্তান, একটি ছেলে দশ বছরের, নাম তার সিঁতু, আর একটি মেয়ে শ্বশুর প্রায় বারো, নাম তার কুমুদ। দ্বিতীয় পক্ষেও প্রথমই মেয়ে বেলা, এখন আট বছরের,—তারপর কোলে উপস্থিত

হরি

পর পর চারটি ছেলে। কালী, শ্যামু, আদি ও শিবু। এই আদির সঙ্গেই হরির সম্বন্ধ হয়ে উঠলো বড় ঘনিষ্ঠ। কোলের ছেলেটির উপরেই এই আদি—তাকে নিয়ে মানুষ করতে লেগে গেল হরি। এখানে হরির মনটা বসলো, হরি যেন হাঁপ ছেড়ে বাঁচলো, দরজীপাড়ার সেই ছোট্ট ঘুপসী বাড়ি থেকে এসে, বড় বৌকে মা বলে তার প্রাণটা জুড়লো। ছোট বৌ একটু গুজগুজে স্বভাব। তাতে একটু কালো তার উপর রুগ্ন। দেখতে শুনতে মন্দ নয়। দুই জা-ই গৌরবর্ণ তবে বড় বৌ কমলশশী, এখানে কমলা বোলেই স্বস্তির ডাকতেন—দেখলেই মনে হয় স্বাস্থ্যবতী,—তার সকল কাজ গোছালো আর কথাবার্তাও মিষ্ট। এখন আদিকে নিয়েই হরির সকল কাজের মধ্যে কাল কাটতে লাগল। এইভাবে দুই তিন মাস কাটিয়ে দিলে।

দুজন ঝি, বাসন মাজা, কাপড় কাচা থেকে সেই সংসারের সকল কাজই প্রত্যহ নিয়মিত ভাবেই করতো। তার মধ্যে হরি আদির সকল উপদ্রবই সহ্য করতো, তাকে নিয়ে প্রত্যহ হাওয়া খেতে বিকেলে কোম্পানীর বাগানে যেতো। আর একজন ঝি, ছোট বোয়ের ছেলেমেয়েদের নিয়ে যেতো। সন্ধ্যায় আবার ফিরে এসে সংসারের কাজে লেগে যেতো।

অত্যাশ্চর্যের মধ্যে আগেই তা পরিচয় পাওয়া গিয়েছে—হরির বিশেষ গুণ এই ছিল যে, সে যেখানে থাকবে, পরের সংসারে ঝিয়ের মত নয়, এভাবে সে থাকতেই পারতো না কোথাও। সে যেখানে থাকবে সেটি যেন তার নিজের সংসার।

একদিন সকালের দিকে হরি বাসন মাজছিল। দু'জনের এই কাজটি কিন্তু ঐদিন আর একজনকে দেখা গেলনা, তা সত্ত্বেও যথাসময়ে হরি আরম্ভ করে দিলে। খানিকপরে আদি একটা বড় শব্দ করে পড়ে গেল—তার খুবই লেগেছে, সে কোকিয়ে কেঁদে উঠল—বড় গিন্নী ঠাকুরঘরে ঢুকেচেন তিনি এখন বেরুবেন না কিছুতেই, কাজেই হরি তাড়াতাড়ি হাত ধুয়ে গিয়ে তাকে দেখতে গেল,—তার দাড়িটা কেটে গেছে। তাড়াতাড়ি হরি যথাযোগ্য ব্যবস্থা করলে—তারপর তাকে নিয়ে ভোলাতে বসে গেল। এমন সময় ছোট গিন্নী উপর থেকে নামলেন। আ-মাজা বাসন দেখেই যেন কিছুই জানেন না এমনভাবে হরির ওপর তস্থি করে বলে উঠলেন, এ কি অজ্ঞায়, এখনই সকলে খেতে আসবে, আফিস ইস্কুলের ভাত দিতে হবে,—এমন করে বাসন ফেলে ঝি গেল কোথায়? এ সব ঝি নিয়ে কি হবে? ছি ছি—

দোতলা থেকে হরি তার হুকুমদারী গলায় বললে,—আমি তো আর একলা

ঝি নয় আরও ঝি একটা তো আছে ছোটমা,—আমি এখন ছেলেটাকে দেখচি, আহা বড় পড়ে গিয়েছে গো। ছোটমার অপমানবোধ হোল, বড়কে শুনিয়ে বললেন—কি এত বড় স্পর্দ্ধা, আমায় দোতলায় বসে ছকুম করা হাঁচে অন্ত ঝি ডেকে বাসন মাজিয়ে নিতে,—দিদি তো আর এসব দেখবে না! আমার ছেলে কেঁদে কেঁদে মরে গেলেও কেউ একবার দেখেও না। হরি চুপ করে থাকবার মেয়ে নয়,—এই কথা শুনে বললে, ইঁ্যাগো ছোটমা, তোমার ছেলেপুলেকে কেউ দেখেও না, যত্নও করেনা তারা সব হাওয়ায় আপনা-আপনি মাহুয হয়ে যায়। এখন তোমার সত্ৰ ঝিকে ডেকে বাসনগুলো মাজিয়ে নাও,—এখান থেকে আমি যেতে পারবো না তো, আজ এখনই আদিকে নাওয়াতে হবে যে।

আসলে তখন ছোটমা সত্ৰকে নিজের এক কাজে পাঠিয়েছেন, হয় তো তার আসতে দেরীও হবে, এখন সেটা প্রকাশ হওয়াও অভিপ্রেত নয় কাজেই তাকে একটু বিজ্ঞলোকের মতই ব্যবহার করতে হোল। তিনি বললেন, কে কোথায় আছে আমি কোথায় খুঁজতে যাব,—ছেলেকে শান্ত করে তুমিই এসে মেজে দেবে এখন। হরি কিন্তু সেদিক দিয়েই গেলনা—সে বললে, বললুম তো ছোটমা আমায় চান করিয়ে দিতে হবে আদিকে,—তারপর সে ঠাকুরকে উদ্দেশ করে বললে, এক গামলা জল চড়িয়ে দাও তো ঠাকুর, আদি চান করবে।

এমন সময়, কি হয়েছে! কি হয়েছে! করে ছোটবাবু এসে চুকলেন অন্ধরে। সকল বিষয়েই তিনি তো কর্তা, হামবড়িয়া ভাবটি ঠাঁর স্বভাবগত। ছোট গিন্নী এইবার স্তুবিধা বোধ করে খুব একচোট হরির স্পর্দ্ধার কথা,—আর এসব বিষয়ে বড় বোয়ের উপেক্ষার কথা বেশ রসান দিয়ে বর্ণনা করে ছোটবাবুকে উন্মুখ করে দিলেন। শুনেই ছোটবাবু একেবারে অগ্নিশর্মা হয়ে উঠলেন,—তিনি হরিকে ডেকে, এই হরি, হারামজাদি—বেরিয়ে যা বাড়ি থেকে, চাইনা তোর কাজ।

খবরদার ছোটবাবু, গুরুকম ছোটকথা বোলে গালাগাল দিওনা বলছি :—আমরা গরীব সত্যি,—কিন্তু ইতর নীচ কোন ছোট জাত নয় আর তোমাদের বস্তির ঠিকে ঝিও নয়। এ কথাটা যেন মনে থাকে।

হরি এতদিন এখানে আছে—সে দুই ভায়ের সব রকম ব্যবহারই দেখেছে। দুই ভায়ের প্রীতির ব্যবহার, অপ্রীতিরমূলক ব্যবহার-বচসা দুই-ই দেখে এসেছে কিনা সেইজন্ত সে ঐ কথাটা বার করতে পেরেছিল। তার কথা শুনে ছোটবাবু

গলার স্বর দ্বিগুণ চড়িয়ে দিলেন,—এখনি বেরো বাড়ি থেকে, যত বড় মুখ নয় তত বড় কথা, বড়বৌ স্নিকে একেবারে মাথায় তুলেছে।

হরি এসব কথা গায়েই মাথলে না। ইঁ্যাগো ইঁ্যা ছোটবাবু, মনে কোরেই নাওনা যে আমি বেরিয়ে গেছি, এখন যা কোরলে ভাল হয় তাই করো। মিছিমিছি মাথা গরম করতে নেই গো, সন্ধ্যাবেলা,—যাও আপন কাজে যাও।

বড়মা এমন সময় বেরিয়ে এলেন। আদেশস্বচক কোমলকণ্ঠে বললেন, যা, এখনই বাসনগুলো আগে মেশে দিয়ে আয়—তারপর আদিকে চান করাবি। ঝুড়ঝুড় করে হরি বাসন মাজতে গেল। ব্যস সবই শান্ত হ'ল।

এই ধরনের ব্যাপার হরির সঙ্গে প্রায়ই ঘটতো।

হঠপুঠ বাড়ন্ত ছেলে আদি, বেশ বাড়ছিল। ক্রমে ক্রমে যখন সে প্রায় আড়াই বছরেরটি হোয়েছে, কেমন যেন তার দেহ খয়ে যেতে লাগলো। রোগা হয়ে গেল, অমন হঠপুঠ ছেলে একমাসের মধ্যে শীর্ণকায় কঙ্কালসার হয়ে পড়লো। ডাক্তার একবার দেখানো হল বটে কিন্তু কোন ফলই হোলনা। ছেলে কেন এমনটা হোলো কেউ বুঝতেই পারলে না।

বড়বৌ-এর একটা অপর দিকও আছে। তিনি মোটেই ডাক্তারের ভক্ত নন, যেমন ডাক্তার ভক্ত ছোটবাবু আর ছোটগিন্নী। তিনি ছেলেপুলেদের ডাক্তার দেখাতে রাজী নন, অবশ্য আগেও তাঁর ছেলেপুলের অসুখে কখনও ডাক্তার দেখাননি, নিজেই চিকিৎসা করেন, কি যে করেন কেউ তা জানেনা। তবে সেরে ওঠে। অথচ সংসারে ছোটবাবুর ছেলেপুলের অসুখে প্রতিমাসে পঞ্চাশ ষাট সত্তর অবধি খরচ হয়—আর বড়বৌয়ের ডাক্তার খরচ নেই বলেই হয়। ছেলেপুলের অসুখে যদিও ছোটবাবুর ক্ষেদে ডাক্তার আনা হয়, দেখানো হয়, ওষুধ খাওয়ানো কখনও হয়না। ডাক্তার ভিজিট পায় কিন্তু ঔষধ-বাবদে আর কিছুই পায়না বড়বাবুর সংসারে। এখন ব্যাপারটা গুরুতর দাঁড়িয়ে গেল আদিকে নিয়ে।

হরির ছটফটানি বেড়ে গেল,—কি হবে বড়মা, কেন এমন হোলো, ছেলেটাকে নিশ্চয় ডাইনি লেগেছে। এইসব ব্যাপারে—নানা রকম জলপড়া, মন্তস্ত্র চলতেই লাগলো, কিছুতেই কিছু হয়না—হরি ত' আহা-নিদ্রা ত্যাগ করার জোগাড়। এখন হরির ঘর পোড়া গরুর অবস্থা হোলো।

যাকে পায় তাকেই শুধায়—ইঁ্যাগা তোমরা জান কিছু? শেষে কোথায় এক আভিচারিক ব্রাহ্মণের সন্ধান পেয়ে তাকে তাদের বাড়ির ঠিকানা দিয়ে এলো যাতে শীঘ্র শীঘ্র তিনি এসে ছেলেটিকে দেখে যান। তারপর

একদিন সকালে একজন ব্রাহ্মণ,—হ্যাঁ গা, এ বাড়িতে আত্মনাথ বোলে একটি ছেলের অসুখ আছে? এই বোলে চুকলো। বড় বোয়ের কাছে খবর গেল। তাকে ডেকে ভিতরে এনে আদিকে দেখানো হলো। তিনি বললেন, মহামাংস অর্থাৎ নরমাংস খেয়েছে ঐ ছেলে, তাই এই রকম হয়েছে। কোথায় পেলো? ছাদের উপর হয়ত কাক, চিল, শকুন,—পাখি-পক্ষীতে এনে ফেলেছিল, ঐ ছেলে ছাদে খেলা করছিল, কুড়িয়ে খেয়ে থাকবে। এখন যা যা করতে হবে তার ব্যবস্থা করে, তাঁর দক্ষিণা নিয়ে তিনি চলে গেলেন। তারপর ক্রমে ক্রমে আদি সেরে উঠলো, হরিরও প্রাণ ঠাণ্ডা হলো। আদিকে নিয়ে প্রাণে উদ্বেগের সীমা ছিলনা, এখন হরির চক্ষে সংসার মধুময় হয়ে উঠলো আবার।

এই ভাবে আরও দু' আড়াই বৎসর কাটলো।

বড় বাবুর প্রথম পক্ষের মেয়ে কুমুদিনী, তার এখন বিয়ের কথা হচ্ছে। ছোটবাবু এই ভাবটাই দেখান, বাবা যখন আবার বিয়ে করেছে তখন ছোটবাবুই তাদের বাপের মত, যথার্থই অতিভাবক। বড় বাবু যদি সিতুর সম্বন্ধে কিছু বলেন তৎক্ষণাৎ ছোটবাবু প্রতিবাদ করবেন। নীল রংয়ের একটা সাটিনের জামা তাই পরে সিতু যাবে স্কুলে, বায়না ধরেছে। বড়বাবু বোললেন,—ছি বাবা, স্কুলে কি জমকালো জামা পরে যায়? স্কুলে সাদা জীনের কোট পরে যেতে হয়। ছোটবাবুর জেদ চেপে গেল—হ্যাঁ, ও যাবে সাটিনের জামা পরে। বড়বাবু দেখলেন ব্যাপারটা নিয়ে ছোটবাবু বাড়াবাড়ি করতে চান, তিনি আর কথা কইলেন না; তামাক টানতে লাগলেন। ছোটবাবু ধুমধাম করে সিতুকে স্কুলে পাঠিয়ে তবে নিশ্চিন্ত। এইভাবেই ছোটবাবু সিতুকে বড় করে তুলেছেন বাপের উপর টেকা দিয়ে;—বাপের দ্বিতীয় পক্ষের বিবাহের ষাঁটা,—এপক্ষের সম্ভানগুলির উপর স্নেহই বেশী এই জাহির করাই তাঁহার কাজ।

• হরি যখন ছোটবাবুর কায়দা-কাহ্নন বুঝে নিল,—মনোভাবের পরিচয় পেলে তখন থেকে সে এমন কৌশলে এদের এড়িয়ে চলতে আরম্ভ করলে যাতে ছোটবাবু এবং ছোট গিন্নী নিজেদের বড়ই ছোট মনে কোরতে লাগলেন। একদিন সে গিন্নির স্নমুখেই বোলে ফেললে, ছোটবাবু! বাপকে অপমান করে তারই স্নমুখে যে ছেলেকে এতটা আঙ্কারা দিয়ে উলটো দিকে চালালে তাতে তোমার প্রাণ ঠাণ্ডা হলো সত্যি সত্যি, কিন্তু বাপের প্রাণে যে যা লাগলো,—তার ধাক্কা সামলাবে কি করে?

হরির কথায় চটে আগুন হবার মত অবস্থা ছিল না তখন ছোটবাবুর, একথাটা জানতো হরি,—তাই সে বলতে পেরেছিল।

কুমদিনীর বিয়ে—ছোটবাবু সর্ববিষয়েই কর্তা, বড়বাবুকে কোন বিষয়েই কথা কইতে দিচ্ছেন না। তিনিই যেন অভিভাবক, পাত্র পছন্দ থেকে বিবাহ এবং সারা বছরের তত্ত্ব পর্যন্ত সব ছোটবাবুর কর্তৃত্বে সম্পন্ন হয়ে গেল। সিঁতু আর কুমুদ বড় হয়ে তারা কাকার মহিমা বুঝেছে;—কিন্তু বাল্যাবস্থাটা ছোটবাবুর খপ্পরে তারই প্রভাবে তারা চলেছিল। বড় বউকেও কম দুঃখ পেতে হয়নি ছোটবাবুর ব্যবহারে যদিও নিজস্বগে বড়বৌ সকলকে আপন করেই নিয়েছিল।

* * *

এই ভারতের সর্বত্রই লক্ষ্মীর অপর নাম চঞ্চলা। তাঁর যাওয়া-আসা-থাকা, বাড়া-কমা বড় অদ্ভুত, বিশেষতঃ—কারবারী যারা তাদের ঘরের লক্ষ্মী আবার চপলার মতই চঞ্চলা।

হরি যখন ছয় সাত বছর আগে এসেছিল এদের সংসারে—তখন একখানা ঘোড়ার গাড়ী ছিল; এখন বেশ বড় এক ওভারল্যান্ড এসেছে, আবার একখানা বৃহৎ কেনবার কথা হচ্ছে কারণ গাড়ীখানা অফিসের কাজেই থাকে—বাড়ীতে মেয়েদের কোথাও আসা-যাওয়ার দরকার হলে অফিস-গাড়ী ফেরবার অপেক্ষায় থাকতে হয়—তাই কথা হচ্ছিল আর একখানা গাড়ী হলে বেশ হয়। অবশ্য বড়বৌএর তত মটোর গাড়ীর চান নেই, তার ওপর আবার মেয়েদের জন্তু আলাদা গাড়ী করবার পক্ষপাতী মোটেই নন। তাঁর বাপের বাড়ী যাওয়া, তা একখানা ভাড়া গাড়ীতেই চলে। ছোটগিন্নীর আর ছোটবাবুরই ঝোঁক বেশী। তার একটু কারণ আছে। ছোটবাবুর স্বস্তুর বাড়ী গরীব বটে কিন্তু ছোটবাবুর ভায়রাভাই বা শালীপতি তাই একজন সমাজবরণ্য স্তার উপাধিধারী কোটিপতি। অবশ্য তাঁদের স্নৈকস্বর্ঘ্যের তুলনায় এরা নগণ্য—মোটর হলে ছোটগিন্নী দিদির বাড়ী যাবেন নিজের গাড়ীতে। সাধ কিছুই বিচিত্র নয়।

যাই হোক এই সময়ে লাগলো আবার বড়বাবুর এ পক্ষের বড় মেয়ে বেলার বিয়ে, বেশ ধুমধাম করে হয়ে গেল। এ বিয়েতেও কর্তা হলেন ছোটবাবু। এ জামাইটিও এটর্নী, ধনী লোকের সন্তান,—তবে বিপত্নীক স্বস্তুরটি বাইরে যেমন সভা-উজ্জলকারী জাঁদরেল চেহারা, ভিতরের ব্যবহারে কিন্তু বিপরীত। বেলা মেয়েটি ঐ স্বস্তুরের ব্যবহারে সারাজীবন সুখী হতে পারেনি, যদিও তার শান্ত্তী বহুকাল গত। বৌ-কাঁটকী শান্ত্তী শোনা যায়—এ হল বৌ-কাঁটকী স্বস্তুর।

ছেলে বা পাত্র বা জামাইটি পিতৃভক্ত, অবশ্য তার উপর আবার যে পিতা ধনবান সে পিতার বাধ্য হওয়া ছেলের পক্ষে অতি স্বাভাবিক, তার ওপর এখনও ছেলের উপার্জনের সময় আসেনি, পিতার মুখাপেক্ষী থাকতেই হয় সকল ব্যাপারে।

নতুন বৈবাহিকটি স্বর্গত জীগত প্রাণ, জীর কথা উঠলেই প্রিয়ার গুণকাহিনী বলতে ভালবাসেন, আর তাই বলতে বলতে কেঁদে ভাসিয়ে দেন। সে যে কত গুণের ছিল বলতে বলতে তিনি একদা হরির কাছেই কেঁদে ভাসিয়ে দিলেন। হরি এ সব শুনে চুপি চুপি এসে বড় বৌকে বলে গেল, মা—বেলা খণ্ডরের ব্যবহারে কখনও স্নখী হতে পারবেনা। হয়েছিলও তাই। তাছাড়া বেলা ছিল অত্যন্ত সরল গোবেচারী গোছের মেয়ে, কুমুদিনীর মত চালাক চতুর মোটেই নয়।

যাই হোক এখন এই বিবাহ চূকে যাবার পর দুই ভায়ে বাধলো ঝগড়া,—তুমি কেন এত টাকা খরচ কোরেছ;—এই নিয়ে ছোটবাবু এমন ভান প্রয়োগ করিতে লাগিলেন যা দাঁড়িয়ে শোনাও মুশ্কিল। আসল কমপ্লেন এত টাকা খরচ করে এতবড় ঘরে বেলাকে দেবার কি প্রয়োজন ছিল—যাট টাকা মাইনে, সওদাগরী অফিসে কাজ করে ম্যাট্রিক পাস একটি পাত্রের সঙ্গে সম্বন্ধ এনেছিল ছোটবাবু, সেখানে দিলে দু'আড়াই হাজারে হতো, তা না করে এতটা বড় ঘরে এম-এ, পাস এডভোকেট পাত্র করবার কি প্রয়োজন ছিল?—কুমুদিনীর যে বড় ঘরে বিবাহ হয়েছে তাতে কোন ক্ষতি হয়নি—সে মা-মরা মেয়ে কিনা, যেহেতু এর মা আছে, স্নখেই আছে এ মেয়ে কেন এমনভাবে ধুমধাম করে দেওয়া? যে বিষ উদ্‌গিরণ করলেন ছোটবাবু, বড়বৌ আর দাদাকে নিয়ে যে কঠিন কঠিন কথা বললেন তাতে সেদিন তাঁদের পেটে আর অন্ন গেলনা।

এ ক্ষেত্রে একটা কথা রাগের মাধ্যম ভুলে গেলেন যে তাঁর বাবা মরবার সময় বলে গিয়েছিলেন, দেখ বাবা, বড়বৌ এ সংসারের লক্ষ্মী, কখনও তাঁর মনে কোন কষ্ট দিওনা। তাঁর ব্যবস্থার কোন প্রতিবাদ করোনা আর এ কথাটা কখনও ভুলনা। হরির স্নুখেই এ সব না হোক সে এসব ইতিহাস অনেকবার প্রথম এসে অবধি অনেকের মুখেই শুনেছে। মনে মনে আগুন হয়ে আছে স্নযোগ মত একথা ছোটবাবুকে শোনাতে বোলে। ঝগড়াতেই দিনটি গেল। সেই রাত্রি থেকে ছোটবাবুর এলো প্রবল জ্বর। পরদিন সকালে তিনি হলেন অচৈতন্য।

ছোট বউ এসে,—দিদি কি হবে? বোলে দাঁড়ালেন। ছোটবাবুর ডাক্তারে চির বিশ্বাস তাছাড়া তার ভায়রাভাই ভারত প্রসিদ্ধ ডাক্তার! বড় বউ

বললেন, তব্ব কি—সব সেয়ে যাবে। তারপর ডাক্তার আনবার ব্যবস্থা, পরে সংসারের সব কিছুই ব্যবস্থা করে দিয়ে বসলেন দেওরের মাথার শিয়রে। যখন ছোটবাবুর চৈতন্ত হোল, চক্ষু চেয়ে প্রথমেই দেখলেন বড়বো, মাথায় আইসব্যাগ দিচ্ছে আর ছোটবো পাশে শুয়ে ঘুমুচ্ছে। বড়বো? বলে একবার ডেকে ছোটবাবু তাঁর ডান হাতখানি ধরে—একবার মাথায় একবার বুকে ঘসতে লাগলেন। তারপর আন্তে আন্তে তিনি উঠচেন, দেখে, আহা করকি, উঠানা ঠাকুরপো শুয়ে থাকো, ডাক্তার বারণ করেছে। কে শোনে তাঁর কথা,—উঠে বসে বড়বোয়ের পায়ে মাথা ঘসতে লাগলেন। বল, আমার ক্ষমা কোরলে, তুমি না ক্ষমা কোরলে আমার অসুখ সারবে না। বল, ক্ষমা করবে বল বল। অহংকারের বশে কত কথা বলে আনি তোমার মনে বড় কষ্ট দিয়েছি, আমার নতিচ্ছন্ন হয়েছিল, আমার পাতকের ফলে আজ আমার এই অসুখ। তুমি আমার মা,—বল তুমি আমার ক্ষমা কোরলে, বল বল।

বড়বো সযত্নে ধরে ধীরে ধীরে ভাল করে শুইয়ে, সাস্থ্যনা দিয়ে তাকে ঠাণ্ডা করলেন। আত্মপ্লানির পরাকাষ্ঠা দেখালেন ছোটবাবু। বড়বো জানতেন এমনটাই ঘটবে। তিনি তো ভালমতেই চেনেন দেবরটিকে। যাই হোক তাঁর জ্বর সেই রাতেই না হোক পর দিন ছেড়ে গেল। তিনি ক্রমে সুস্থ হয়ে উঠলেন।

সেয়ে উঠলেন ছোটবাবু। বেশ শান্তির হাওয়া বইতে লাগলো কিছুদিন। তারপর থেকে আবার ঠিক যে সেই। তিনমাস পরে তুচ্ছ এক ব্যাপার নিয়ে গুরুতর করে তুললেন। বড়বোয়ের কাপড় এসেছে, ছোটবউয়েরও এসেছে, একই দাম, একই মার্কী কেবল পাড় আলাদা। বড়বোয়ের নাকি পাড়টা ভাল হয়েছে ছোট বউ অহুযোগ করেছেন।—এ কেমন কথা? এতটা ব্যাপার কেন? কাপড় কিনেচে সরকার। সে ব্যক্তি যে বড়বোয়ের মামারবাড়ির দেশের লোক এই তার অপরাধ। সরকারকে খুব একচোট নেওয়া হোল তারপর দাদাকে আর বৌদিকে অপরাধী করা হ'ল কারণ তাঁদেরই এই চাতুরীটা, এতো স্পষ্টই বুঝা যাচ্ছে।

এইভাবে আরও বছর দুই চললো, তারপর এলো ছোটবাবুর এক মেয়ে কুচির বিয়ে। এবার তিনি মনের সাথে খরচ কোরতে লাগলেন। বিবাহ হ'ল খুব ধুমধাম করে। তারপর কুটুমের খাতির-যত্ন চললো কিছুদিন। এই কুচির বিবাহই সংসারে এদের একটা বিপরীতমুখী পরিবর্তন এনে দিলে।

তারপর কিছুদিন যায়, এতটা ধুমধাম করে যে ছোট বাবুর মেয়ের বিবাহ

ব্যাপারটা হয়ে গেল, হরির কিন্তু কোনদিকেই কোন উৎসাহ নেই। শরীর ঋণাপ বলে দিন কতক সে শুয়ে-বসে রইল গোমড়া মুখ করে;—তারপর কাজকর্ম সবই করে যেতে লাগলো, কিন্তু তার মধ্যে কোন উৎসাহ নেই।

কিন্তু তার মধ্যে ঐ যে বিমর্ষ ভাব সেটা কারো চোখ এড়ালেনা। বড়বো তাকে জিজ্ঞাসা করলেন, কি হয়েছে রে হরি? ছোটবাবু কিছু বলেচে? হরি বলে, ছোটবাবুর আমাকে বলবার কি আছে মা।

তবে কি? হরি কিছুই বলেনা। একদিন ঠিক তাগ্ করে যখন বড়বো ঠাকুরঘর থেকে বেরুবেন,—দরজা খুলেই দেখেন স্নমুখে হরি দাঁড়িয়ে, বড় স্নান মুখ তার।

হরি একেবারে চৌকাটের ওপর দাঁড়িয়ে উঠলো, বড় বোয়ের হাতখানা খপ করে ধরে ফেললে। মা তোমার গহনা কোথা? শুনেই বড়বোয়ের মুখ ফ্যাকাশে হয়ে গেল—তিনি বললেন,—কেন তোর তাতে দরকার কি? সব তোলা আছে সিদ্ধুকে। হরি বলে, আমি দেখবো দেখাও আমাকে। বড়নউ বললেন, আমার কি এখন কাজ নেই হরি—এটা কি দেখাবার সময়?

কেন? এই তো ঠাকুরঘরেই রয়েছে, এই ঘরেই তো সিদ্ধুক, দেখাও না মা? একবার দেখাও আমার মাথা খাও।

তার মা কিন্তু দেখালেনা—এখন সময় নেই, আর একদিন তখন দেখিস, বলে বড়বো বেরিয়ে এল ঘর থেকে। হরি অবাধ হয়ে চেয়ে রইল তাঁর মুখের দিকে।

মা! বলে ডাকতেই বড়বো ফিরে দেখলে—হরি বলে, আমার কাছে লুকুতে পারবেনা মা, আমি জানি। বড়বো বলে, হরি কাজে যা তুই, আমাকে আর জালাসনি।

মাসখানেক পর তাদের গলির মোড়ের চার নম্বরের বাড়িখানা মেরামৎ হচ্ছে দেখে হরি দাঁড়ালো। তাদের যারা মেরামতের কাজ করে সেই ঘানি মিঞাকে হরি বেশ জানতো। অনেকবার তার সঙ্গে কথা কয়েচে সে। এখন দেখলে যে ঘানি মিঞাও নয় বা তার তাঁবেদার মিস্ত্রীরাও নয়—মেরামতের কাজ কচ্ছে অস্ত্র মিস্ত্রী। হরি এগিয়ে গিয়ে একজনকে জিজ্ঞাসা করলে—ঘানি মিঞা কোথায়? তাদের একজন বললে ঘানি মিঞাকে তারা চেনেনা, কে ঘানি মিঞা? হরি জিজ্ঞাসা করলে, তাহলে তোমরা কার লোক? তোমাদের লাগালে কে? যিনি বাড়ি কিনেচেন তিনিই লাগিয়েচেন। আমাদের সর্দারের নাম দলু মিস্ত্রী।

এইভাবে পাঁচ, ছয়, সাত নম্বরের বাড়ি ক'খানাই গেল, জানাজানিও সব

হয়ে গেল। তারপর কয়েকদিন বাদে মোটারখানা মিস্ত্রিখানায় গেল আর এলোনা। বাবুরা ট্রামে যাতায়াত আরম্ভ করলেন। ছেলেরা সব হেঁটে আর ষউরা সব ভাড়াগাড়িতে যাতায়াত করতে লাগলেন। আরও এক বছর গেল, তখন দুই ভায়ে হলেন পৃথক। বড়বাবু এলেন সিভুকে নিয়ে, দশ নম্বরের বড় বাড়িখানা ছেড়ে পুরানো আদি বাড়িতে—আর ছোটবাবু গেলেন স্ত্রীমুখের নূতন বাড়িতে। এই দুখানা রক্ষা পেয়েছিল মাত্র, চাকর ঝি সব ছাড়ানো হল, রইল শুধু বুড়ো ঝি আর হরি। সরকার কালীপদ এই সময় এক কাণ্ড করে বসলো। এক জায়গায় তাগাদায় গিয়ে তিনশো টাকা আদায় করে নিয়ে বেমালুম ডুব দিলে। বাবুরা নানাদিকে অতুসন্ধান ক'রে না পেয়ে শেষে তার দেশে গিয়ে ধরলেন। সে স্পষ্টই বলে, আমার দু' বছরের মাইনে বাকি জমেচে, যা নিয়েচি তার চেয়ে ঢের বেশী পাওনা। আর গোলমাল না কোরে চেপে যাওয়াই ভাল ভেবে বাবুরা চেপেই গেলেন। যাই হোক এর পর কারবারও আলাদা হয়ে গেল যদিও কারবারের দুই-ই নষ্ট হয়েছিল, সুনাম আর মূলধন!

পাঁচটি ছেলে আর ঋণের বোঝা নিয়ে পৃথক সংসারে বড়বাবু অবসন্ন হয়ে পড়লেন। কারবারটাকে কোন রকমেই আর চাগিয়ে তুলতে পারলেন না। ক্রমে অবস্থা শোচনীয় হয়ে উঠলো। এমনই সময় এলো—জোর তাগাদা,—মুদী গয়লা ধোপার টাকা দেওয়া হয়না, ছেলেদের স্কুলে যাওয়া বন্ধ হবার যো, বহুদিনের মাইনে বাকী, দেওয়া হয়নি, বই কেনা হয়না। দুর্ভাগ্য এলো সকল দিক দিয়েই, হাতে কাজ নেই পয়সাও নেই। বড়বাবু পড়লেন—অসুখে পূর্ণ ছয়টি মাস শয্যাগত। এই সময়টা বড় বো আর হরি এই দুজনের অপরিণীম চেষ্টায় ও যত্নে তাদের সংসারটি চলেছে আর রোগীর সেবাও হয়েছে। এতগুলি প্রাণীর আহাৰ জোটানো বিধাতাই জানেন কেমন করে চলেছিল। ছোটবাবু মাঝে মাঝে, কেমন আছে সব,—কেমন আছে? বোলে তাড়াতাড়ি যেমন চুকতেন তেমনি তাড়াতাড়ি বাইরে থেকেই, আচ্ছা আসবো'খনই, বোলে সরে পড়তেন। ছোট বাবুরও অবস্থা তত ভাল নয় তবে তাঁর বড় একজন সহায়, তাঁর শালীপতি ভাই। দুঃস্থ আপন জনকে তিনি অনেক সাহায্য করতেন, কখনও ফেলতেন না। ছোট বাবুর দুটি ছেলের পড়াশুনা ও সংসার খরচ বাবদ তাঁর দুশত টাকা করে মাসিক ব্যবস্থা হয়েছিল। কাজেই ছোটবাবুর বিশেষ কষ্টে পড়তে হয়নি—ব্যবসা মাটি হতে। তাঁর ছেলেদের পড়া বন্ধ হয়নি।

তাঁদের ঐ ব্যবসাটা মাটি হোল কেন? সেটা আর এক কাহিনী, তার সঙ্গে হরির জীবনের কোন সম্বন্ধ নেই, তবে হরি এ কথাটা বড় বোয়ের মুখে শুনেছিল

যে ছোটবাবুর উপর সম্পূর্ণ নির্ভর ক'রে বড়বাবু নিজে একটা গুরুতর কাজে ব্যস্ত ছিলেন, তারি মাঝে ছোটর জেদ বা নিবুদ্ধিতায় ব্যবসার সর্বনাশ হয়ে গেল। বড়বাবু একথা আর কাকেও জানতে দেননি। কারণ তাতে, যা গেছে তা আর তো ফিরে আসবে না।

এখন সিঁতু বড় হয়েছে। অফিস আলাদা হওয়া থেকেই সে বাপের সঙ্গে তাঁরই কাছে কাছে থাকতো, কাজকর্ম শিখতো, আর মধ্যে মধ্যে ছোটখাটো অর্ডার পেলে তা সরবরাহ করে কিছু কিছু উপার্জন করতো। বড় কাজ সামলাবার মতো বুদ্ধি থাকলেও অর্থের অভাবে তা চালানো সম্ভব হোতনা। এখন বড়বাবুর অস্থখে অফিস তুলে দিতে হোল, যেটুকু কারবার ছিল তাও গেল। এখন সিঁতু ছোটখাট যা সামান্য পুঁজিতে হয় তাই সরবরাহ ক'রে অল্প স্বল্প যা পেতো কিছুটা নিজের জন্তে রেখে বাকি মায়ের হাতে দিতো। কিন্তু সে টাকা উল্লেখযোগ্য নয়। কালী শ্রামু শিবু আদিকে আর পড়ানো গেলনা, কেবল শিবু ছাড়তে চাইল না কিছুতেই। সে বলে, আমি যেমন করে পারি পড়বো। আর কিছু চাইনা তোমাদের কাছে, কেবল দুটি খেতে দিও দ্ববেলা। সে দুটো টুইসানী জোগাড় করেছিল তারই ভরসায় তার পড়াটা চলছিল।

এইভাবে হরি দেখলো যে তার এই বারো বছরের কাজের মধ্যে এতবড় একটা পরিবর্তন। যে পরিবর্তনের কথা সে ছ'মাস আগেও কল্পনা করেনি। ছোটবাবুর মেয়ের বিবাহস্বত্রেই তার কাছে ধরা পড়লো। তার পর কিছুদিন বড় মায়ের সব গহনা গিয়ে রুলি সার হওয়া, এটা হরির প্রাণে বড় লাগলো। আজ শেষ দুবছর সে মাইনে বোলে কিছুই পায়নি, বা চায়ওনি। তত্ত্বতাওয়াস নিয়ে গিয়ে যা ছ' পাঁচ টাকা পেয়েছে মাঝে মাঝে আদির এটা-ওটা খাবারটা-আসতায় তা চলে গেছে। মাইনে সেতো চায়না—মাইনের জন্তে সে চাকরী করতে আসেনি। আদি মানুষ হোক, বড় হোক তার ভাবনা কি? তার একটা জীবন, স্বচ্ছন্দে কেটে যাবে।

আদিকে মাঝে মাঝে বলে—হ্যাঁরে, এত কম বয়সে লেখাপড়া ত' গেল এখন একটা কিছু শেখ না কারো কাছে, পরে মাইনে হবে। আদি একটু মুখ-চোরা মানুষ, মুখ কুটেও কিছু বলতে পারে না। তা ছাড়া ছেলেবেলাতেও তাদের ভাল অবস্থার কতকটা আভাস সে পেয়েচে। কেমন বাধো বাধো ঠেকে কাকেও কাজের কথা কিছু বলতে গেলে। আদির শরীরটা, খাওয়া-পানার ক্ষেত্রে এখন ছিলনা তখন বেশ ছিল। দীর্ঘ আড়া তার, চওড়া-চওড়া হাত

প্রায় ছ ফুট লম্বা,—শক্তিমান মূর্তি, এখন রোগা হয়েচে, পুষ্টির খাওয়ার অভাবে।

সে ভেবে দেখলে ফটোগ্রাফি শিখলে কিছু উপার্জন হতে পারে, আর বৃত্তিটাও ভাল, বেশী লেখাপড়ার দরকার নেই। লেখাপড়া ভাল না জানলে, পাস না করলে ত ভাল কাজ পাওয়া যাবেনা, এইরকমই একটা কিছু ধরতে হবে। ভেবে-চিন্তে সে এক ফটোগ্রাফারের দোকানে যাতায়াত আরম্ভ করলে।

এটা-ওটা দেখে, তাদের সঙ্গে একথা-সেকথা কহিতে কহিতে একদিন কোন রকমে বোলে ফেললে—আমায় ফটোগ্রাফি শেখাবেন? বাবু বললেন, প্রথমে শিখতে গেলে অনেক কেমিকেল নষ্ট হবে, তার জন্য দশ টাকা যদি আগাম আনতে পারো তাহলে তোমার শেখা হতে পারে। হরিকে গিয়ে বোলতে সে বললে মাকে কিছু বলিসনি এখন,—আমি দেখি জোগাড় করতে পারি যদি কোথাও। পরদিন দশ টাকার একখানা নোট আদির হাতে দিয়ে হরি বললে,—যা এই নিয়ে মন দিয়ে শিখে নিবি,—দেখিস হারাসনি যেন।

যে ফটোগ্রাফারের দোকানে আদি শিখতে গেল তিনি বড় ভাল লোক নন। প্রথম শেখাবার মুখেই তিনি এমন ক্লট ব্যবহার করতে আরম্ভ করলেন যে আদির মনটা দমে গেল। মুখ না খিঁচিয়ে কথা বলেন না। প্রথমে তাকে যা যা জানতে হবে সে সম্বন্ধে কোন উপদেশ না দিয়েই তাকে ডার্ক রুমের কাজে দিলে ঠেলে; সে বেচারী হাঁপিয়ে ওঠে সেখানে।

ডেভেলাপ করতে করতে কেমিকেলের গন্ধে প্রথম প্রথম গা বমি-বমি করতো। তারপর মাথা টিপ টিপ করে তার একটু একটু জ্বর হতে লাগলো, শেষে আদি আবার শয্যাগত হোল। মাস খানেক ভুগে যখন সে উঠলো তখন আর তার সেই ফটোগ্রাফারের কাছে যেতে প্রবৃত্তি হোলনা। হরি বললে—কাজ নাই আর ওই কাজ শিখে, বেঁচে থাকলে ভগবান কাজ মিলিয়ে দেবেন। একে খাওয়ার জোর নেই তার ওপর এইসব, আদি সেরে উঠে বল পেয়ে বাইরে আসতে অনেক দিন গেল। ইতিমধ্যে সংসারের দুর্গতি চরমে পৌঁচেছে। কাপড় নেই, পরবার জামা নেই, জুতো নেই—বড় বড় ছেলেরা বসে বসে খবরের কাগজ পড়ে আর শুমোয়।

হরিরও একটু কাজ বেড়েছে—সে গোপনে আর এক বাড়ি কাজ নিয়েছে, কাজটা ঠিকে; সকালে একবার গিয়ে তাদের প্রকাণ্ড একগাদা বাসন মেজে দিয়ে আসে,—আর বিকালে তিনটার সময় কলে জল এলে একবার গিয়ে স্কেই

অভঙলি বাসন আবার মেখে দিয়ে আসে,—মাইনে সাতটাকা আর চারখানা কাপড়। বাড়ির আর কেউ একথা জানে না, জানান কেবল বড়মা।

পুরানো বি, তাকে কারো কাছে কাজের হিসাব দিতে হয় না, যখন যেখানে খুসি যায়-আসে কে খবর রাখে—এখানে দরকারের সময় ঠিক হাজির দেয়, সব কাজই করে এমন কি বাবুকে দুই এক ছিনিম তামাক পর্য্যন্ত দিয়ে যায়। আদির জলখাবারের—দুই চার পয়সা এদিক-ওদিক খরচ হরির তবিল থেকেই আসে, মাসকাবারে মাইনে পেলেই এক মন চাল এনে একেবারে জ্বালাজ্বাত করে দিলে। এমন এক একদিনও গেছে এই সংসারে কোন দিকে কিছু না পেয়ে হরির আনা সের দুই তিন ছাতু আর গুড় দিয়েই বাচ্চাকাচ্চা সকলকার অশনের কাজ হয়ে গেল।

হরি দেখেছে মায়ের কাপড় নেই—তবুও তার মা এমন গুছিয়ে সামলে কাপড় পরে থাকে,—লজ্জায় হরি আর চাইতে পারে না তার মুখের দিকে। ইতিমধ্যে গোপীনাথ বাবুর দুই একটা ছোটখাট কাজের যোগাড় হয়েছিল, কিন্তু অদৃষ্ট যখন মন্ড হয় তখন বিপরীত দিকেই হয় গতি। হাতের কাজটা অপর একজন ঠিকাদার দুশো টাকা খুস দিয়ে নিজের ভাগে করে নিলে। আর গোপীনাথের মাল-গোছা-বাঁধা সাইডিং-এ পড়ে পচতে লাগলো। এরকম অবস্থায় পুরানো পাওনাদার একটা মোটা টাকার নালিশ করলে, তাকে হাতে পায়ে ধরে মেটাতেও প্রায় তিন চারশো টাকা গলে গেল। তার মধ্যে কিছু টাকা বড় বোয়ের তাইয়ের কাছ থেকে—তার বোয়ের গহনা বিক্রয় করে পাওয়া গেল। বাকী টাকা—হরির একটা সাড়ে তিন ভরির হার বিক্রি করে এলো। এক সময় হরি সাধ করে একটা হার গড়িয়েছিল—পরতো না বড় একটা। বড় বড় কুটুম বাড়িতে তত্ত্বতাওয়াস নিয়ে গেলে এক একবার পরতো। শেষে রেখে দিয়েছিল—আদির বিবাহ হলে ঐটি দিয়ে তার বোয়ের মুখ দেখবে বোলে; কিন্তু এখন এই দুঃসময় দেখে হরি সেটা আর ধরে রাখতে পারলে না। যাই হোক কোন রকমে সে বিপদ কাটলো। এখন এই উটকো বিপদ থেকে পরিত্রাণ পেলেও নিত্য নিত্য অন্তরবস্ত্রের কঠিন অভাব দেখতে দেখতে হরির হাড়ে কাঁপুনি আসতো। বিশেষত বড়বো, তার মা যিনি; এ দুর্গতি তাঁর চরমে পৌঁছে ছিল। এ দেখা তার পক্ষে অসম্ভব। রাজরাগীর আজ এই অবস্থা। হা, ভগবান!

যে বাড়িতে হরি ঠিকা কাজ করে তারা বড় লোক, হরির উপর তারা সবাই প্রসন্ন,—বিশেষতঃ বাড়ির গিন্নী যিনি। হরি তাঁকে গিয়ে ধরে বসলো, চারখানা কাপড়ের বদলে তার এক জোড়া একটু ভাল কাপড় চাই।

বললে,—বারটা ব্রতটা করি মা, কুমারী আছে, এয়া আছে,—দিওমা, একটু ভাল পাংলা দেখে এক জোড়া। এ জন্মটা ত এই রকমেই গেল, মা—
আশীর্বাদ করো, আর যেন মেয়েমানুষ হয়ে জন্মাতে না হয়

গিন্ধী, হরিকে অহুকম্পার চক্রেই দেখতেন,—তার সরল, সৎ শ্রমপটু জায়াহুগ স্বভাবের জন্ত,—আর একটু ভয়ও বুঝি করতেন তার স্পষ্টবাদিতার জন্ত। যাই হোক এখন তিনি বললেন,—কেন মা, তোর মত এমন মানুষের আবার দুঃখ কি ?

কথাটা শুনেই হরি যেন চমকে উঠলো, তার আবার দুঃখ কি ? গোড়া থেকে তার সকল কথা, দুঃখময় জীবনের কথা কেমন করে বলবে সে, কেমন করেই বা সুখী বাবু পরিবারদের বুঝাবে ? সোজা হয়ে সে উঠে বললে,—

হাঁ মা ?—স্বামীপুতুর নেই, বাপ, মা, আপন বলতে কেউ কোথাও নেই যার,—সারা জীবনটা এই রকম রক্ত জল করে খেটে মরা বড় সুখের জীবন গিন্ধী মা ? বলতে বলতে তার ভিতরের আগুন জল হয়ে চক্ষু দিয়ে ঝর ঝর ঝরতে লাগলো। তাই দেখে মহা অপ্রতিভ গিন্ধীমা, বললেন,—

আহা, ষাট ষাট,—বাছা, আমি তা মনে করে বলিনি,—না, না, মা—তুই কিছু মনে করিসনি হরি, আমার মেয়ের মতই তুই, তোর মনে ব্যথা লাগবে জানলে আমি কখনই বলতুম না, তোর সৎ স্বভাবের কথা মনে করেই বলেছিলাম মা। একটু থেমে তখন গিন্ধী তাঁর বড় মেয়েটির অকাল-বৈধব্যর কথা মনে করে আবার বললেন,—আর মা ! পরিসায় কি সুখ আছে ? এই ত আমার মনোরমাকে নিয়ে বুকে পাষণ বেঁধে রয়েচি ;—এখানে কেউ সুখী নয় মা,—কারো অভাব মেটে না,—আমাদের মেয়ে-জন্ম পাপের জন্ম মা—কেউ যেন আমাদের দেশে আর মেয়ে হয়ে না জন্মায়।

আবার সেই মেয়ের কথা,—সেই সাত হাত মাটি নেমে যাওয়ার কথা মনে হতেই হরির মনে হাসি এলো। যে দেশের গেরস্তের ঘরে ছেলে হলে সাত হাত মাটি ফেঁপে, উচু হয়ে ওঠে,—সে দেশের ঘরে ঘরে এই নাকারা ছেলের দেখে তার বুকের মধ্যে একটা আক্রোশের গুরুভার জমাট বেঁধে উঠতো। সে যদি ছেলে হতো !—আঃ বিধাতা তাকে মেয়ে গড়েছেন,—কেন ? এত বড় অবিচার ! পুরুষের উপর ষ্ণা তার,—দেশে থাকতেই ছোটবেলা থেকে আরম্ভ হয়েছিল ;—সেখানে প্রত্যেক ঘরেই স্বার্থপর নীচমনা, পেট আর টাকা-সর্বস্ব স্থল বুদ্ধি গাঁয়ের লোকদের দেখে। কুঁড়ের রাজা তারা এমন শ্রমবিমুখ,—ঘরে খাবার থাকলে খাটতে যাবে না, কেবল পরের বাড়ি তামুক খেয়ে খেঁড়াবে, কাশবে,

আবার খাবে তারপর ঘরে এসে শুমাবে। তার মধ্যে ফুটে উঠলো সেই রাত্রের স্বামীর মুখচ্ছবি, তখন থেকেই কতকটা বিজ্ঞাতীয় দৃশ্য ও বিদ্যেব জন্ম হয়েছিল তার বুকে, যা হয়ত হিংসার পর্য্যবসিত হোতো আরও কিছু দিন থাকলে। তারপর কলকাতায় আড়তের মেজ বাবুর কাণ্ড,—পরপর—তার মধ্যে পুরুষের উপর বিদ্যেবই উৎপন্ন করেছে। মহেশ পাল, তার ছেলে ভৈরবের নীচ মন, স্বার্থপর, হীনবুদ্ধি যার জন্তু কার্তিক রইলোনা এই জগতে। এইসব কথা অবসর কালে তার মনকে আলোড়িত করে তাকে এমনভাবে ভিতরে ভিতরে শক্ত করে তুলেছিল সারা জীবনে তার পরিবর্তন ঘটেনি।

এদিকে তার বড় বাড়ির গিন্নী প্রসন্ন হয়ে মনোমত উত্তম কাপড় একজোড়া আনিয়ে দিলেন হরিকে—উপরন্তু তার যখন যা অভাব হবে তা যেন তাঁকে জানানো হয়—তিনি তা মোচন করবেন প্রতিশ্রুতি দিলেন। কাপড় দেখে হরির মনটা প্রফুল্ল হয়েছিল, তার নজর ছিল উচু। গোপনেই কাপড় জোড়াটা বাড়িতে এনে তুলে রাখলে। তারপর সময়মত একদিন তার মাকে অর্থাৎ বড়গিন্নিকে সে নিমন্ত্রণ করলে,—মা! কাল আমি তোমায় এয়া করবো :—কোন আপত্তি করতে পাবেনা বোলে রাখচি। কাল, এয়া-সংক্রান্তি ত্রতের দিনই ছিল।

বড় মার একটু বিস্ময়, বিশেষ একটা কোঁতুহল জেগে উঠলো মনে—বললেন,—এয়া করবি? তা বোঁমাকে করনা? বোঁমা,—অর্থাৎ বড় ছেলে সিঁদুর বোঁ। ইতিমধ্যে তার বিবাহ হয়ে গিয়েছিল। উপযুক্ত ছেলে, অবস্থাও খারাপ তাই নিঃশঙ্কেই কাজটা হয়ে গিয়েছিল, সে নিজের পছন্দেই বিবাহটা করেছিল।

বোঁটি বেশ, একটি লক্ষ্মীত্ৰী ছিল তার মধ্যে। দুঃখের সংসার, বড় ছেলের বোঁ, তাকে কিছু করতে পারলেন না, এ দুঃখ তো ছিলই তাই বোঁমাকে এয়া করবার পরামর্শ দিয়েছিলেন তিনি। কিন্তু যাই হোক এখন, মায়ের এই প্রতিবাদে হরি একেবারে সপ্তমে চড়ে এমন সব কথা বললে যে বড় বোঁ আর কোন আপত্তি উঠাতেই পারলেন না।

পরদিন উপবাস করে হরি গঙ্গাস্নান করে যথাসময়ে কিছু উৎকৃষ্ট মিষ্টান্ন এনে থালায় স্নানদর সাজিয়ে, মধ্যে আলতা-সিঁদুর দিয়ে মনের মাধে বড় মাকে উৎসর্গ করে দিলে। তারপর পরম যত্নে পা দুখানি ধুইয়ে আলতা পরিয়ে, কপালে সিঁদুর দিয়ে শ্রীংগাম করে, কাপড় হাতে দিয়ে বোললে, যাও, তুমি পরে এসো, দেখে তবে আমি জল খাবো। সেই কাপড় পরা হলে, দেখে তবে তার শাস্তি।

এখন আদির কথা ।

এদিকে পড়াশুনো ত বিশেষ কিছু হোলো না তার, কিছু শেখাও হোলো না—কি হবে তার ? তার উপরের যে দুটি ভাই. তারাও ডাहा বেকার বসে বাড়িতে । এই সব নাকারা ছেনেদের দেখে হরির শরীর রী-রী করে ওঠে,—বাপ কবে কিছু করে দিতে পারবে সেই ভরসায় এই কুঁড়ের দল ঘুমিয়ে কাটাচ্ছে । এই আক্ষেপ সে অনেকের কাছেই করচে, কিছুই ফল হয়নি । কি হবে এদের,—দুর্ভাবনায় হরির রাতে ঘুম হয় না । মেজাজটা ইদানীং তারি খিটখিটে হয়েছে তার । গজগজ করে ;—এইসব ছেনেদের দেখলে । বুড়ো বুড়ো ছেলেরা,—ছেলের বাপ হোতো বিয়ে হলে, বসে কেবল গিলতে গজবুত, বুড়ো বাপের বুক বসে দাড়ি ওপড়াচ্ছে, লজ্জা নেই । নিজেদেরও কি একটু চেষ্টা চরিত্র করতে নেই ? তা নয়, তোরা কি বিধবা মেয়ে হয়েই থাকবি ? এই ছেলে হ'লে সাত হাত মাটি উচু হয়ে ওঠে । কেন তোরা বোটাছেলে হয়েছিলি রে ! এইসব কথা বড় দুটিকে শুনিয়ে বোলতো ; তাদের আঙ্গসম্মানে যা লাগতো, তারা জলে উঠতো—তারাও হরি যে ঝি, চাকরাণী, তা শুনিয়ে হরিকে নানা কথা বোলতো,—তুই চাকরাণীর মতই থাকবি, তোর দরকার কি আমাদের কথায় ? খবরদার, কথা বলবি না বলে দিলুম । কিন্তু শেষ অবধি হরিকে এঁটে উঠতে পারতো না,—কারণ হরির আসল উদ্দেশ্য, ওদের ভিতরে একটা তীব্র চেষ্টার প্রবৃত্তি জাগানো তা কিন্তু ঘটতে পারতেনা—কারণ সব কটাই মুখচোরা ! বাড়িতে কথাবার্তায়, নিজেদের মধ্যে কৌদল-ঝগড়ায় যতটা দড়ো, বাইরে সব ভিজে বেরাল । ওদের ঐ কথা শুনে যখন হরি বোলতো ;—আহা ! বাবুদের নানে যা লেগেছে গো ? আমি খুব বোলবো,—তোদের মানে কেমন যা লেগেছে তার পরিচয় দে দিকি ! বেরোনা, ঘেন্না করেই বোরোনা, একটা যে কোন কাজ যোগাড় না করে ফিরবো না, এই কথা বোলে রাগ করেই বেরো না বাড়ি থেকে, তবে তো বুঝি বোটাছেলে, মরদ,—তবে বুঝবো মান আছে তোদের । ব্যস্ এরপর আর কথা চলতো না হরির সঙ্গে ।

মাঝে মাঝে হরি,—ঐ বড় বাড়ির গিন্নীকে ধরে বসতো আদির একটা কাজের জন্ত । দাওনা মা ! তোমার দয়া আছে তাই বলি ;—ছেলেটা বাড়িতে বসে বসে নষ্ট হয়ে যাচ্ছে । অমন শরীর, অমন চেহারা, কি রোগা হয়ে গেছে মা, দেখলে তোমার কষ্ট হবে । কর্তাবাবুকে বোলে দেখ না মা, একটা যেমন-তেমন ভদ্রঘরের ছেলেতে করতে পারে এমন

একটা কাজ যদি করে দেন। গিন্নীর সহানুভূতি ছিল—তিনি স্বীকার করলেন বলবেন, তারপর একদিন, কতটা পশ্চাত্তাপ করেচে ভিজ্ঞাসা করলেন গিন্নী। শুনেই হরির মনটা খারাপ হয়ে গেল। হরি বেশ বুঝতো ভদ্রঘরের ছেলের এইখানেই যত মাথা হেঁট, পাশটাশ না করলে পরিচয়ই নেই। এতটা দুঃখ বুঝি আর কিছুতেই ছিল না। কৈ আর পড়াশুনা হোলো মা, ঐ পাঁচ কেলাস অবধি পড়া,—সে কি আর বলার মতো! হরির জীবনে এ বড় দুঃখ যে তার প্রিয় বস্তুটি পাশের পড়া পর্যন্ত পড়েনি। কাজেই বড় বাড়ির গিন্নীর কাছে সুবিধা হ'লোনা কিছুই।

এদিকে আদিও ভিতরে ভিতরে ছটফট করতে থাকে, সে যে কিছুই করতে পারেনা, এখানে কোথায় কি ভাবে যে একটা ভদ্রভাবের কাজ যোগাড় হয়, কোন দিকে কোন পথই সে দেখতে পায়না। অন্তরে অন্তরে সে যেন নৈরাশ্রের চাপে অবসন্ন হয়ে পড়চে। একটু মুখচোরা তো ছিলই; তা ছাড়া কারো কাছে কাজ চাইতে, কিম্বা নিজ পরিচয় দিতে তার যেন দম বন্ধ হয়ে আসতো;—কারণ সে যে লেখাপড়া শেখেনি এটা সে ভালই জানতো, পাছে লোকে মুখ্য বলে তাকে ঘৃণা করে এই ভয়ে সে কারো কাছে যেতেই চাইতো না। ভেবে ভেবে সে যে যথার্থই রোগা হয়ে যাচ্ছে এ দেখে হরি তাকে কতরকমে প্রবোধ দিয়ে মনে তার আশা জাগিয়ে রাখবার চেষ্টা করতো।

তোর এত ভাবনা কেন বলতো;—তুই ছেলেমানুষ, কি করবি একজন করে না দিলে, পারবি কেন? তুই ভাবিসনা—দেখিস তোর কাজ হবে, খুব শীগ্গির হবে। এইসব বোলে সে তাকে শান্ত কোরতো। এমন পুরুষোচিত সুন্দর রূপটি তার দিন দিনই ম্লান হয়েই যেতে লাগলো, এ দেখে হরি কালীবাড়িতে গিয়ে সন্ধ্যার পর মাথা খুঁড়তো,—বাঁচাও মা ছেলেটাকে, একটা কাজে লাগিয়ে দাও মা।

এমন সময় যুরোপে বাঁধলো যুদ্ধ। ক্রমে ক্রমে সে যুদ্ধ ভারতের তথা কলকাতার সর্বত্রই আলোচনার বস্তু হয়েই দাঁড়ালো, সকলের মুখেই যুদ্ধের কথা। জারমানি আর জারমানি। তারপর বছর খানেক পরেই তার থাকা ভারতে এসে পৌঁছালো। গভর্ণমেন্ট প্রত্যেক প্রদেশের উপযুক্ত বয়সের ছেলেদের যুদ্ধের জন্ত তৈরী করতে আগ্রহশীল। কাগজে কাগজে বিজ্ঞাপন বেরুতে আরম্ভ হয়ে গেল। আদি এই যুদ্ধের প্রত্যেক খবরটা রাখতো গোড়া থেকেই। এখন যখন বাজলার ছেলেদের উপরও এই অমুগ্রহ, যুদ্ধশিক্ষা

এক তারতীয় লৈজদলে প্রবেশ করবার অসুবিধি প্রচারিত হলো সংবাদপত্র বিজ্ঞাপনে—তখন আদি যেন অকুলে কুল পেল। কাকেও কিছু না বোলে গোপনে সে যথাস্থানে একদিন উপস্থিত হয়ে যা কিছু জানবার জেনে নিয়ে বাড়িতে এলো। কেন যে আদি হঠাৎ এমন প্রকল্প, এমন চকল হয়ে উঠলো কেউ কিছু বুঝতে পারলে না। এ দেখে হরিণ্ড খুসী হলো, আদিকে মনমরা দেখে তার প্রাণে স্নেহ ছিল না।

ময়লা কাপড়-জামাগুলিতে বেশ করে সাবান দিয়ে কেচে, রৌদ্রে শুকিয়ে তারপর তপ্ত বাটি দিয়ে জামাটা ইস্ত্রি করে নিলে সে। পরদিন সকাল সকাল বেরিয়ে গেল। সারাদিন বাদে সন্ধ্যার পর ফিরে এলো,—মুখে তার একটা দীপ্তি। মায়ের কাছে এসে সে আসল কথাটা এইবার তোললো। খবরটা এই যে,—সে যুদ্ধের সেপাই দলে নাম লিখিয়েচে,—আজ তার ভাস্কর্যের পরীক্ষা হয়ে গেল। মা খবরটা শুনে স্তম্ভিত এবং গম্ভীর হয়ে গেলেন, একটি কথাও বললেন না।

হরি তখন বাড়ি ছিল না। ফিরে এসে শুনেই সে বলতে আরম্ভ করলে ; —না না ওসব করতে হবেনা আদি,—ও কাজ তব্বর ঘরের ছেলের নয়। লেখাপড়ার একটা চাকরী তোর হবে, নিশ্চয়ই হবে, আমি বলছি হবে ; —দেখবি দুদিন বাদে। আদি, তুই যেতে পারবি না বলে দিচ্ছি। তুই নাম কাটিয়ে দিয়ে আয়। সে রাতে তার মুখে আর অল্প উঠলোনা, যখন সে শুনে যে একবার লেখানো হলে শয্যাগত রোগ ভিন্ন সরকারী রিজুটের আসামীদের নাম কাটা যায় না। আদিই তাকে একথা জানিয়ে দিলে।

আদির মুখে এখন হাসি ফুটেছে, মুখমণ্ডলে পুরুষোচিত একটা দাড়্য— একটা মস্ততা তার চক্ষে ! দেখে হরি একটা দীর্ঘশ্বাস ফেললে।

হরি যখনই শুনে যে কঠিন রোগে শয্যাগত না হলে তার নাম কাটা যাবে না ; তখন থেকে সে কামনা করলে আদির জ্বর হোক, একটু বেশী জ্বর হোক। রাতে শুয়ে শুয়ে সারা রাত মান্ত করলে, হে মা কালী,—ওর জ্বর দাও মা, জ্বর হয়ে ওয়েন দিনকতক বিছানায় পড়ে থাকে। হঠাৎ তার ভয় হলো, কার্তিকের মত যদি হয় শেষটা— যদি— সে আর ভাবতে পারলে না। মা,—যেন ওর যাওয়া বন্ধ হয়ে যায় এমন একটু জ্বর করে দাও,—ডাক্তারের সান্টিপিট দিয়ে যেন ওর নামটা কাটানো যায়।

মা, অগদমা,—কিছু বিপরীত বুঝলেন। অর হল বটে কিছু আদির নয়,—পরদিন প্রাতে সকলেই দেখলে হরির প্রবল অর,—চকু লাল,—

আদির মনটা একটু খারাপ হল বটে,—তবে, ও কিছু নয়, সেয়ে যাবে,—এই ভেবে সে যোগাড়ে লেগে গেল। যথাসময়ে তার যাত্রার দিন এলো—সকলের, বিশেষত নির্ঝাঁক হরির কাছে বিদায় নিয়ে ট্রেনিং-এর জন্ত দেরাছন যাত্রা করলে। যাবার সময় বলে গেল, তোমাদের কোন চিন্তা নেই, আমি মাঝে মাঝে খবর দেবো, আবার ট্রেনিং শেষ হলে আসবো। অর গানে হরি তাকে রাস্তা পর্যন্ত এসে গাড়িতে তুলে দিয়ে ফিরে এসে বিছানা নিলে।

গোড়া থেকেই রেডিওর উপর হরির হাড়ের অশ্রদ্ধা,—কোথাও কেউ নেই, মানুষ দেখা যায় না, কি বক বক করে বকে—কিছুই বোঝা যায় না। পাশের বাড়িতে রেডিও। আগে বাড়িখানা ওর মনিবদেরই ছিল, হরি ঐ বাড়িতেই প্রথমে কাজে লেগেছিল—এদের সে সুখের দিন হরির ভুলবার কথা ত নয়! তাই কিছুদিন থেকে আদি যখন ঐ বাড়ির ছেলেদের সঙ্গে ভাব-সাব করে,—তাদের সঙ্গে মিলে গিয়ে প্রত্যাহই রেডিও শুনতে যেতো,—সরকারী সকল খবর ঐ রেডিওর ভিতর দিয়েই আসে, শুধু তাই নয় যুদ্ধের ব্যাপারে যুরোপ, এমেরিকা, জাপান, এমন কি সকল দেশের সকল খবরই ঐ রেডিওর মুখে পাওয়া যেতো, আদি তাই যতটা সম্ভব সুরোগ নিতে ছাড়তোনা। আসল ব্যাপার ত হরি জানতো না, আড়ালে ডেকে আদিকে তিরস্কারের সুরেই বোলতো, হ্যারে—ও বাড়িতে কেন যাস ওসব ছাই পাঁশ শুনতে,—তোর কি একটুও লজ্জা করেনা আদি? আদি বলে, কিসের লজ্জা আর দোষ কি ওদের বাড়িতে গেলে? আমি যানো, আমার দরকার তুই কি বুঝিস? হরি চুপটি করে আদির মুখের দিকে চেয়ে রইলো। কি আর বলবে সে!

রেডিওতে যুদ্ধের খবর বলা হয়, আর আদি সেই যুদ্ধেই গিয়েছে—একথা যখন সে জানতে পারলে তখন থেকে সে ঐ বাড়ির দরজায় সকাল বিকালে ধারণা দিতে আরম্ভ করলে। কান খাড়া করে শুনতো—কি বলে তারা ঐ যুদ্ধের ভিতর দিয়ে। বুঝতেই পারেনা, মুখটি চুন করে ফিরে এসে বিছানায় শুয়ে পড়ে অরে কাঁপতে কাঁপতে। শেষে সে তাদের বাড়ির ভিতরে গিয়ে জিজ্ঞাসা করতে আরম্ভ করলে,—হাঁ গা বাবু, আমাদের আদির কোন খবর আছে? তারা বলে, না। হরির সন্দেহ হয়, হয়ত এরা বলে না তাকে বুড়ি ঝি মনে

করে। হরির বয়স এখনও পঞ্চাশ হয়নি, কিন্তু অবসাদ ও মানসিক আঘাত, নৈরাস্ত তাকে আজ বুড়ির পর্যায়ে এ ফেলেচে।

আদির চিঠি মাঝে মাঝে আসে তা। ছবার কিছু কিছু টাকাও চেয়ে পাঠিয়েছিল। লিখেছে,—সেখানে যা পাওয়া যায় তা খেতেই কুলায় না! সে ছিল একটু ভোজন-বিলাসী। তারপর সেখানে কাপড়জামা জুতা প্রভৃতির জন্ত, খাওয়া-দাওয়া সব নিয়ে একটা মোটা টাকা দিতো তাকে। সেখা সব জিনিসের দাম খুব বেশী; তাই তার খাওয়ায় একটু বেশীই লাগতো।

এদিকে যখন আদির শিক্ষানবিশির কালটুকু কেটে গেল, তখন হকুম হোলো তাকে প্রথমে ফ্রন্টিয়ারে যেতে হবে। অতি অল্প কয়েকদিনের ছুটি পেয়ে সে কলকাতায় এলো। সাধারণ সৈনিক দলে সে যায়নি—গোড়া থেকেই ওখানে আর্টিলারী বিভাগে কাজের উপর তার বড় শ্রদ্ধা, তাই সে গোলন্দাজ বিভাগেই গিয়েছিল এবং শিক্ষা নিয়েছিল। এখন প্রথমে উপযুক্ত হয়েই সে তার শিক্ষকের সুপারিশে কাজ পেয়ে গেল সীমান্তে। নূতন কর্মক্ষেত্রে প্রবেশ করতে যাচ্ছে—প্রাণে তার যুগপৎ ভয় আর আনন্দের গুরুভারে উদ্বেলিত হৃদয় নিয়ে কয়েক ঘণ্টার জন্ত একবার বাড়িতে সকলের সঙ্গে দেখাশুনা করতে এলো। হরি খড়খড় করে বিছানা থেকে উঠে এসে দাঁড়ালো তার স্মৃতিতে। তার ঐ বেশ,—সেপাইয়ের পোষাক দেখে দিশয়ে যেন অবাক হয়ে কতকক্ষণ অপলক নেত্রে চেয়ে রইলো ফ্যাল ফ্যাল করে আদির মুখের গানে। শেষে বললে, আদি তুই রোগা হয়ে গেছিস,—ক্যানো রে? আদি বললে, খাটা-খাটুনি খুব বেশী কিনা তাই হয়ত একটু রোগা দেখাচ্ছে,—শরীর খুব ভালই আছে। তারপর হরির হাতখানি ধরে আদি আবার বললে,—আমার জন্তে তুই ভাবিসনি,—কেমন? বল্ ভাববি না?

হরির চক্ষের জল পাছে আদি দেখতে পায় তাই সে মুখটা একটু ফিরিয়ে নিয়ে বললে,—তা কি বলা যায় রে? নিজের দুর্বলতা সে আজ পর্যন্ত কাকেও দেখায়নি। যাই হোক, হরির ইচ্ছা ছিল একবার তাকে কাছে এনে বসিয়ে; তার সব কিছু কাজকর্মের কথা, খুঁটিনাটি সব কিছু শুনবে আদির মুখ থেকে। কিন্তু আদির সময় কম, সে বড় তাড়াতাড়ি সকলকে প্রণাম করে, ছোটদের আদর করে তাদের হাতে লজ্জা, চকলেট দিয়ে,—হরির গায়ে মাথায় হাত বুলিয়ে চলে গেল। হরিও বিছানা আশ্রয় করলে।

পরদিন তার আরটা প্রবলভাবেই এলো, তারপর বিকার দেখা দিলো—সে বক্তে আরম্ভ করলে;—আদি তুই এত রোগা হয়েছিস,—কেন রে? অবশ্ত

চিকিৎসার যথাসাধ্য চেষ্টা হয়েছিল—কিন্তু কিছুতেই আর কিছু হোলো না।
তৃতীয় দিন ভোরবেলা, সেই প্রবল অর ছাড়বার সঙ্গে সঙ্গে হীমাল হয়ে তার
মহাপ্রাণ দেহত্যাগ করে বেরিয়ে গেল।

আদিকে একবার দেখবে বোলেই যেন সে এ কটা দিন বেঁচেছিল।

পঞ্চমা

বাগদী ঘরের মেয়ে পাঁচি ।

সে যখন হয়েছিল তার জেঠা দ্বন্দ্ব বাগদী নাকি ঢোল বাজিয়েছিল এই বোলে যে এমন মেয়ে বাগদী ধরে হয়না,—তাকে যেন বাবুদের অর্থাৎ তাদের গ্রামের জমিদার বাবুদের ঘরের খুসীদের মত দেখতে । কিন্তু সে ছিল একটু হাবাগোবা গোচের । বাপ তাকে কোলে নিয়ে বেড়াতে আর তার দাদা, তার নামটা ছিল মুড়ো, কাদতো, তাকে কোলে নিতনা বোলে । বাপ তার হারা বাগদী,—যেমন লম্বা-চওড়া শরীর তেমনি বগা, লাঠিখেলায় অস্থিতীয় ছিল । পাঁচি যখন আড়াই বছরের, তার দাদা মুড়ো পাঁচ বছরের, তার মনে আছে বাপের কাঁধে উঠে সে প্রথমে পোলের হাট ইষ্টিশানে, সেখান থেকে রেলের গাড়িতে গোচরে, কোন কুটুম বাড়ীতে নিমন্ত্রণে গিয়েছিল । তার দাদাও ছিল সঙ্গে ।—পাঁচ ছয়দিন পরে ফিরে এসে সে আর তার মাকে দেখতে পায়নি । বড় হয়ে মাসীর কাছে শুনেছিল যে তার মা ওলাউঠা রোগে মারা গিয়েছিল । তার মা নাকি তৃষ্ণায়—জল, জল, কোরে চেষ্টা করেছিল, কেউ তার মুখে এক ফোঁটা জল দেয়নি । তার জেঠা বোলেছিল যে মারা সে যেতোই যে কালরোগে ধরেছিল, জল দিলে হয়তো ঐ চারিটি দিনও বাঁচতো না ; ভাগ্যে তাকে জল দেওয়া হয়নি ।

মায়ের মৃত্যু দেখেনি বাটে,—কিন্তু বাপের মৃত্যু নিজের চোখেই সে দেখেছিল । বাপ তাকে এতো ভালবাসতো যে তারই মুখ চেয়ে আবার বিষে করেনি । তার জেঠা, তাদের সমাজের কত লোক অমরোধ করেছিল ; বিষের কথায় হারা তাদের বলেছিল,—সং মায়ের হাতে পাঁচির দুর্গতি দেখতে পারবোনা । তার মামার বাড়ী থেকে তার দিদিমা তাকে নিতে পাঠালে তার বাবা তাকে পাঠাতে চাইতোনা, তবে পাঁচি কান্নাকাটি করলে তাকে তখন পাঠাতেই হতো,—কারণ পাঁচি তার দিদিমাকে ভালবাসতো খুব, সেটা তার বাবাও জানতো ।

পাঁচ বছরের মেয়ে যখন পাঁচি সেই সময় তার একবার জ্বর হল, সাত আট দিন প্রবল কম্প জ্বর ভোগ করেছিল, তারপর একদিন রাতে আপনি ঘাম দিয়ে জ্বর ছাড়ল । তারপর তার জেঠা দু' একদিন দেখে বললে, কাল জ্বর পধ্য কোরবে সে । তাই হারা ভাবলে যদি কিছু জাওলা মাছ পাওয়া যায় তাহলে কাল সকালেই মাছের ঝোল দিয়ে মেয়েকে ভাত দিতে পারবে ।

এই ভেবে রাত্রে চুপি চুপি বাবুদের মাঠের পুকুরে গেল জাল ফেলতে। পূর্ণিমার রাত্রি, নিশুভি গ্রাম। লোকের চোখ এড়াতে আর যমতার বশেই সে এ কাজ করেছিল।

বাই হোক সে নিঃশব্দে এক হাঁটু জলে দাঁড়িয়ে অতি সন্তর্পণে এক খানা জাল ফেললে। জালটা শুটোবার সময় জলের ভিতরেই তার পায়ের গোছে কি যে কামড়ালো, সঙ্গে সঙ্গেই মাথা থেকে সর্বাঙ্গ জ্বালা মুরু হয়ে গেল। দাদা গো! বলে চিৎকার করে ছুটে চললো হারা। তার চিৎকারে ছুটে ঘর থেকে ব্যস্ত হয়ে বেরিয়ে এসে তার দাদা ঈশ্বর, দেখলে,—সজোরে পায়ের গোছটার উপর দিয়ে জালের দড়ি কতকটা বেঁধে জালটা বুকে চেপে, দাদাগো গেলুম, গেলুম করতে করতে হারাধন দৌড়ে আসছে। আর বেশীক্ষণ দৌড়াতে হোলনা, তাদের ঘরের দাওয়ার নীচেই উঠানে সে পড়েই ছটফট করতে লাগলো। উঠবার শক্তি অল্পক্ষণেই আর রইল না।

দাদাগো বাঁচাও, বাঁচাও, সব জলে গেল। গেলুম, গেলুম করে, সে কাটা ছাগলের মত ছটফট করতে লাগলো। ক্রমে ছটফটানিও কমে এলো। তার দাদা ঈশ্বর গালে হাত দিয়ে খানিক বসে,রইলো। সে রাত্রে পাঁচি আর তার দাদা মুড়োকে ফেলে সে রোজা ভাকতে যেতেও পারলে না, ছোট ভাই পুঁটেও গেলনা,—সে বলে, একলা যেতে পারবোনা এই ঘোর পূর্ণিমার রাত্রে! রাত পোয়ালে তখন গ্রাম থেকে সকলে এসে দেখলে নীলবর্ণ শরীর, কাঠ হয়ে রয়েছে হারাধন। পাঁচি জিজ্ঞাসা কোরলে, বাবার কি হোলো জেঠা? ঈশ্বর বললে, কাল কেউটে কামড়েচে রে আবাগী;—তারপর বললে, মা মনসা নিয়ে গেছে।

কয়েকদিন পরে পাঁচির দিদিমা এসে তাকে নিজের ঘরে নিয়ে গেলো। মামার বাড়ীতে পাঁচি ভালই ছিল। এই পাঁচ বছরেই একবার পাঁচির বিবাহের কথা উঠল, অবশ্য তার জেঠাই তুলেছিল, কিন্তু কি জানি কি মনে কোরে, তার দিদিমাই বেকে দাঁড়ালো। কিছুতেই বুড়ির মত হোলনা,—সবাই জানলো ঐ দিদিমার কঠিন প্রতিবন্ধকতায় তার বিয়েটা ঘটলোনা। তার দিদিমা তারপর বিয়ের কথা আর তুলতেই দেয়নি যতদিন বুড়ি বেঁচেছিল;—বলেছিল, এখন আর ছোটবেলার বিয়ে ভজ ঘরেও হয়না। সুতরাং তার বেশী বয়সেই বিয়ে হবে।

তার মা মরবার সময় এক কঁোটা জল পায়নি একথা সে শুনেছিল দিদিমার কাছে। তারপর সে আঃও শুনেছিল পরসাই সবার বড়ো, তাই

কেবলই শুনতে শুনতে, ক্রমে ক্রমে তারও ঐ ধারণা প্রবল হয়ে গেল। পাঁচি বুঝেছিল যে বিয়ে-থার চেয়ে পরসাই এ জগতে বড়ো, পরসা না হলে কখনও কোন কাজ করা যায়না—সেই জন্তই তার পরসার ওপর একটা ভক্তি জন্মে গিয়ে ছিল। কি জানি কি কোরে সে ঐ বয়সেই বুঝেছিল যে,—পরসা না থাকলে জীবন বুথা; পরসা তার চাই-ই। ছেলেবেলা থেকে তো বাবুদের বাড়ীর দুর্গা ঠাকুর দেখতে গিয়ে পূজার কদিন সে ছু'বেলা তার বাপ জেটার বাজনা শুনে এসেছে। এখন বড় হয়ে বছরে একবার ৬পূজার সময়ে সে আসতো পোলের হাটে বাপের বাড়ি। তখন থেকেই মা দুর্গার কাছে সে মনে মনে প্রার্থনা কোরতো, হে মা দুর্গা আমার যেন পরসা হয়, তুমি আমায় পরসা দিও,—আর কিছু চাইনা। মা জগদম্বা তার কথা শুনবেন কিনা সে তো তা জানতোনা, তবে সে, তার কথা জানিয়েই খামাস। দিদিমার কাছেই শুনেছিল যে মা দুর্গার কাছে যে যা চায় মা দুর্গা তাকে তাই-ই দেন।

তার বড় ভাইটি—বয়স এখন সাত, আট বৎসর। ছেলেটি বেঁটে আর মাথাটা একটু বেশী রকম বড় তাই শিশুকাল থেকেই তার নাম হয়েছিল মুড়ো। হাবা-গোবা ছেলেটি এতই সরল যে অনেকের কাছে বোকা বোলেই পরিচিত ছিল। কিছুদিন পাঠশালায় সে গিয়েছিল, এক দেড় মাসের বেশী হবেনা। গুরুমশায়ের ব্যবহারে মুড়োর মনে এই ধারণা হয়ে গেল যে গুরুর প্রধান কাজই হোলো কেবল প্রহার। বিশেষতঃ কাওরা বাগদির ছেলের ওপর তার প্রবল রাগ। ছোট জাতের ছেলেদের আবার লেখাপড়া শেখা কেন? তার শিক্ষা আরম্ভ হোলো মার। মুড়োর স্বভাবটা ঠাণ্ডা,—মার খেয়েও সে মাস খানেকের বেশী টিকে ছিল, অবশেষে একদিন গুরু মশাইএর জন্তে তামাক নিয়ে যেতে ভুলে গিয়েছিল বোলে বেদম মার খেলে। তার পরেই সে ঠিক করলে যে আর পাঠশালায় যাবে না। ঘরে এসেই খুব জ্বরে পড়লো। আর,—সেই দিন থেকে, আর কখনও পাঠশালায় যাবেনা, বোলে বোসল। শেষে সে তার জেঠার সঙ্গেই রইলো, তাদের দলে ঢাক-ঢোলের সঙ্গে কাঁসি বাজাতে শিখলে। তারপর ক্রমে ক্রমে মাঠের কাজও আরম্ভ করলে জেঠার সঙ্গে। আর মাঝে মাঝে হাটে যেতো কিছু কিছু সওদা নিয়ে বেচতে। শশাটা কলাটা মূলোটা, কিছু মাছ কোনদিন,—জেঠা তাকে যে দর বলে দিত সে ঠিক সেই দরেই বেচে আসতো, কখন ভুল করেনি। এই ভাবে সে বেশ কাজের মানুষ হয়ে উঠলো।

মেয়েটি কি কণ্ঠে জ্বলছিল তা কেউ ধোঁজ করেনি, কারণ বাগদীর ঘরে পাঁজি পুঁথি তো থাকেনা আর জন্ম-পত্রিকা তৈরী করার বাল্যই নেই। তবে তার জেঠা ঈশ্বর বাগদী যে বলেছিল—ঐ বাবুদের ঘরের লক্ষ্মী, ভাগ্যমানী, —খুকীর মতই হয়েছে মেয়েটি,—এটা সত্যি কথা। কিন্তু প্রথমে মা, তারপর বাপকে হারাবার পর থেকেই তার জেঠার গৌরব বোধটাও চলে গেল, এখন সে হতভাগীই হয়ে রইলো তাদের কাছে।

পাঁচ বছর বয়সেই বলেছি, বাবাকে মা মনসা কোলে নেবার পর তার দিদিমার সঙ্গেই গিয়েছিল আমার বাড়ী মাহুষ হতে।

তার মামাদের গ্রামের নাম মড়াপাই লক্ষ্মীকান্ত পুর, মগরাহাটের কাছে। সে গ্রামে ঋষ্ঠানদের বড় প্রভাব। অনেক কাওরা বাগদীদের তাঁরা আলো দেখিয়ে তাদের নূতন বিশ্বাসের ধর্মে দীক্ষিত করেছিলেন। রাম শ্যাম যদু প্রভৃতি তাদের আর দেশী নাম নেই, এডওয়ার্ড, জন জর্জ, যোসেফ, সেমুয়েল মাইকেল, হেনরী, আর মেয়েদের, ইভা, রোসা, এনিটা, মেরী এলিজাবেথ এই রকম ঋষ্ঠানী নামে ডাকা হয়। পাঁচির মামারাও হয়তো ঋষ্ঠান হোতো, তার দিদিমার জন্তে হতে পারেনি। তার দিদিমা বলে আমাদের মা দুর্গা মা কালীর মত দেবতা আছে? শিব, শিবের বড় আবার ঈশ্বর আছে না কি;—ঋষ্ঠান হব কেনে। ইঁ্যা লেখাপড়া করতে হবে ত বটে, না হলে তত্ত্ব হবে কি করে। —লেখাপড়া শেখাবার ব্যবস্থা ভালোই ছিল তাদের ঐ গ্রামের স্কুলেতে। সেইখানেই আমাদের পাঁচি ফ্রক পরে কিছুদিন, প্রায় আড়াই বছর হবে বেশ ভালোভাবেই লেখাপড়া,—যাকে বলে নিয়মিত পাঠাভ্যাস, তা সত্যিই সে করেছিল আর বেশ ভাল মেয়ে বলেই দিদিমণিদের নজরেও পড়ে গিয়ে ছিল। দিদিমণিদের আশা হয়েছিল যে ভবিষ্যতে পাঁচিকে তারা দীক্ষিত সভ্য করে প্রচারের কাজে লাগাতে পারবে। ঋষ্ঠীয় ধর্মে দীক্ষিত না হলেও তার মামাদের ছেলে-মেয়েরাও সেই স্কুলে পড়তো বলেচি। তাদের সঙ্গে,—আড়াই বছরে সে চারখানা বাজালা বই, তার মধ্যে প্রথম শিশুশিক্ষা আর কথামালা প্রায় শেষ করেছিল। যোগ-বিয়োগ, গুণ-ভাগও শিখেছিল ধারাপাতের, শটকে কড়াকে আর নামতা তো প্রথম বছরে হয়ে গিয়েছিল। দিদিমণির নামটি ক্যাথারাইন,—সবাই কাতু দিদিমণিই বোলতো, পাঁচিকে তিনি ভাল বাসতেন। তারপর ক্রমে পাঁচি দিদিমণিদের কাছে লুক লিখিত স্মসমাচার আবৃত্তি শুনে নাকি সে দিদিমণির প্রতি অনেকটাই ভক্তিমতী হয়ে পড়েছিল। কিন্তু ইংরাজী ফাণ্টবুক শেষ হবার

আগেই তাকে মামাদের ঘর ছাড়তে হ'ল। শেষ যখন দিদিমনিরা তাকে আর কিছুতেই আটকে রাখতে পারলেন না, তখন একটা মেমপুতুল দিয়ে তাকে বিদায় দিলেন। তার মনটা সেখানে বেশ বসে গিয়েছিল,—দিদিমাও তাকে বড়ই ভালবাসতো। ঐ জেঠার উৎপাত যার জন্তু পাঁচিকে আর বেশীদিন সেখানে থাকতে হল না। পাঁচিরও জেঠার উপরে বরাবরই একটা রাগ ছিল।—হয়তো সে এবারেও আসতোনা,—একমাত্র তার ভাইটির টানেই সে এলো, এক সঙ্গে দু'জনে থাকবে বোলে। মুড়োর উপরে তার অসাধারণ স্নেহ ছিল।—মামার বাড়ীতে তার সব সুখ, কেবল ভাইটিকে দেখতে না পাওয়াটাই ছিল তার একমাত্র দুঃখ। কিন্তু জেঠা ছিল কাজের লোক, তাতে তার জেঠু ছাড়বেনা—কাজেই পাঁচিকেই আসতেই হোলো। দিদিমার দেওয়া একখানা নীলাশ্বরী আর একখানা সবুজ রংয়ের হাওয়ার সাড়ী, দুটি ক্রক, আর ধারাপাত, ফাষ্টবুক, দ্বিতীয় ভাগ, কথামালা, প্লেটু, পেন্সিল সব কিছুই নিয়ে তাকে চলে আসতে হল পোলের হাটে, তার পিতালয়ে—তার দাদা মুড়ো আর জেঠা-জেঠীর কাছে। কাজেই যখন সে সংসারের কাজে লাগলো তখন সে সাড়ে সাত বছরের বেশ ছুটপুট স্বাস্থ্যবতী মেয়ে।

এখানে এসে বুদ্ধিমতী পাঁচি তাদের সংসারের ব্যাপার সব কিছু তার সহজ বুদ্ধিতেই এক দিনে বুঝে নিলে। পরে সেও এমন ভাবে লেগে গেল, যেন সে গোড়া থেকেই তৈরী ছিল এই অবস্থার জন্ত। বাপের ভিটে, বোলে তার মায়ী বড় কম ছিল না। তার শিশু মনে এটা সব সময়েই জেগে থাকতো যে এখানে তার মা মরেচে, বাবা মরেচে। তার ভাইটিকে, আহা,—এরা কেউ যত্ন করে না, বোকা বোলে,—তার ভাগ্যে কেবলই খেটে মরা। সারা দিনই খেটে যাও, এই খাটুনীই যেন এখানকার আকাশ-বাতাসে নির্দয়ভাবে ভরা। সেও খাটতে শুরু করে দিল, কোমর বেঁধে, অম্লান মুখে। এ যেন আর একটা রীজ্য—এখানে এসে সে কাম্মনোবাক্যে লেগে গেল—আর নিজেকে এমন চমৎকার মানিয়ে নিলে তার মামার বাড়ীর তুলনায় বিপরীত এই পরিস্থিতির মধ্যে, তার জেঠাজেঠি অবাক হয়ে গেল। জেঠীমাকে সাহায্যের কাজেই তাকে বেশী খাটতে হতো।

যখন এখানে আসেনি, তখন তার জেঠাইকে বাবুদের বাড়ীর গোয়াল-কাড়া ও অস্ত্রাস্ত্র কাজে একটা বেলাই কাটাতে হতো। তাতে তার কোলের ছেলেটার শতেক খোন্নার হতো তার উপর আবার আট মাস পোয়াতি, কাজেই পাঁচিকে নাহলে তাদের চলছিল না। পাঁচি এসেই পরদিন থেকে

বাবুদের বাড়ীর কাছেই লেগে গেল, তার জেঠাইকে দিলে মুক্তি। তারপর এখানে তার নূতন শিক্ষা শুরু হয়ে গেল। মাহ ধরতে শেখা, লাউ কুমড়া, শাকবোনা, নানা ফসলের বীজ পোতা, ঘর নিকানো, গোবর কুড়ানো, ঘুটে দেওয়া,—ইত্যাদি ইত্যাদি।

বাবুদের বাড়ীতে সবাই পাঁচিকে খুবই স্নানজরে দেখেছিল, তারও কেমন একটা মমতা আকর্ষণ জন্মেছিল বাবুদের বাড়ীর উপরে—বিশেষতঃ ছোটবোটির উপর তার টানছিল বেশ। একবেলা সেও ওখানে কাটাতে লাগলো, যদিও জেঠির চেয়ে তার কাজ শীঘ্রই শেষ হয়ে যেতো। সকলের কাছেই সে কাজ চেয়ে নিতো, কিন্তু কাজ হয়ে গেলে সে কখনও এক মুহূর্ত বেশী থাকতেনা তাদের সামনে। তারপর কখনও কখনও বাবুদের বাড়ীর বোঁরা তাকে ধোঁজ করে,—কাছে ডাকিয়ে তার মামার বাড়ীর ঝুটানী ইকুলের গল্প শুনতো।

পাঁচির কুড়িটা হাঁস হয়েছিল। প্রথমে পাঁচ ছটা হাঁস ছিল, পাঁচি নিজের ডিম বেচে অনেকগুলো হাঁস কিনেছিল হাট থেকে। ছ'টি ছিল, তাই থেকে কুড়িটা হয়েছে বছর শেষে। সে তার মামার বাড়ীতে মিশনারী ঝুটানদের কাছে হাঁসের ডিমের চাহিদা দেখে বুঝেছিল, ওতে বিলক্ষণ পয়সা আছে। তার উপার্জনের প্রথম ও প্রধান উপলক্ষ্য হ'ল, হাঁসের ডিম বিক্রি করা, আর তা আনায় পাঁচটি করে, তার বাঁধা দাম। তার পাশের লোকে আনায় ছ'টা বিক্রি করছে, তা সে করবে না। মামারবাড়ীতে সে যে, ঐ দরই দেখে এসেছে! জিনের বেশেই হোক, বা আর কোনও কারণেই হোক তার দর ছিল বেশী,—সে বলতো, আমার ডিম বড়, এতবড় ডিম আর কারো কাছে নেই। এটা সত্য,—তার ডিম বড়ো তা ছাড়া তার প্রধান খন্দের হল, বাবুরা। বাবুদের বাড়ী হুগুয়া দুদিন, সকাল বেলায় দুকুড়ি বড়ো ডিম যোগানো তার বাঁধা ছিল। আর যতক্ষণ না দামটা তার হাতে আসতো, ততক্ষণ সে বাবুদের বাড়ী থেকে নড়তো না, ঐ কাছারী বাড়ীর দাওয়ায় বসে থাকতো। এক পয়সাও বাকী রাখবার উপায় ছিল না পাঁচির কাছে। নগদ দাম চুকিয়ে দেওয়া বাবুদের বাড়ির নিয়ম নয়,—কিন্তু পাঁচি বড় বাবুকে ধরে তার ডিমের দাম নগদ আদায়ের ব্যবস্থা পাশ করে নিয়েছিল। এইভাবে কোন সরকার মশায়ই কখনও তার কাছ থেকে কোন স্তুবিধা পাইনি। বাবুদের হুকুম থাকলেও সরকার গমস্তাদের অনেক কারচুপী থাকে কিন্তু পাঁচির সম্পর্কে কিছু করবার যো ছিলনা তাদের। একবার এক নূতন সরকার এসেছিল, সে পাঁচিকে চিনতো না। ডিমের পয়সা চাইতে গেলে পাঁচি, ছোট্ট মেয়ে দেখে সরকার মশাই বললেন,—যা, যা, এখন

হবে না, কাল আসিস্, কিম্বা পরশু আসিস্, আর দু' এক গণ্ডা ডিম নিয়ে আসবি, বুঝলি, আমার জন্তে? পাঁচি ব্যাপারটা বুঝলে, বুঝে একেবারে বড় বাবু যেখানে পুকুর ঘাটে মুখ ধুচ্ছিলেন সেখানে এসে উপস্থিত হল। সঙ্গে সঙ্গে সরকারেরও ডাক পড়ল,—ত' পর যখন কাছারীতে ফিরে এলেন। তখন নূতন সরকারের মুখখানা দেখে পাঁচির ঠোঁটের ফাঁকে একটু হাসি দেখা দিল। তখনই পাঁচির যা প্রাপ্য তা কড়ায়-গণ্ডায় চুকিয়ে দিয়ে শেষে বললেন,—আমি তোমার কাছে, সত্যি সত্যিই কি ডিম চেয়েছি? ঠাট্টা বুঝিস না? অতঃপর, ঠাট্টা বুঝে কাজ করবার বুদ্ধি যে পাঁচির যথেষ্টই আছে, একথা সরকারটি খুব ভালই বুঝেছিলেন।

প্রথম কয় মাসে গড়ে সাড়ে সাতটি টাকা হতেই, সে মনে মনে ঠিক বিশ্বাস করে ফেলে যে, সে যথার্থই একদিন বড় কাজ করতে পারবে। অন্ততঃ পুকুর কাটাতে নিশ্চয়ই পারবে। অবশ্য প্রতি মাসেই তার সাড়ে সাত টাকা তখন হয়নি। বর্ষার দিনে মাছ পাওয়া যেতনা। কারণ তখন ভাসা জলে বড় একটা ধরা পড়ত না মাছ। সেই চার মাস কাঁকড়া মাছ, মুড়ী, চিঁড়া সব নিয়ে সে গড়ে ছয় টাকাও জমাতে পারেনি। আবার তেমন শীতের দিনে কোন কোন মাসে তার পনেরো টাকাও হয়েছে। পাঁচির হাতের গুণে চালকুমড়া, লাউ, তাদের বারো মাসই হোত। কিন্তু তার গাছের শাক, ডাঁটা ছাড়া তাদের সংসারে কখনও আধখানা লাউ দিতনা। জেঠাকে বলতো, কিনে নাও না? জেঠা যদি বলতো, তাদের খাওয়াছি পরাচ্চি, আবার পয়সা দিয়া লাউ কিনবো? কেন তুই দিবি না? পাঁচি বলতো, কেন? আমরা খাটুছি না? তাইয়ে-বুনে গিলে তোমার সংসারে গতর পাত করে খাটুচি,—তাইতো দুটি খেতে দিচ্ছ।

পাঁচির মুখে কথা আটকাত না। তার মনে গোড়া থেকেই এ দুঃখ বড় লেগেছিল যে তার জেঠা নিজের সংসারের জন্তই তাকে মামার বাড়ী থেকে পড়াশুনা, অমন ইন্সুলের প্রাইজ পুতুল ছবির বই সব থেকে বঞ্চিত করে নিয়ে এসেছে। তার পড়ায় যে বেশ মন ছিল তার প্রমাণ, সারাদিন হাড় ভাঙ্গা খাটুনির পর যখন মুড়ো, তার দাদা, সন্ধ্যা হ'তে না হ'তেই খেয়ে ঘুমিয়ে পড়ত, সে কিন্তু একটা ছোট কুপি আলো নিয়ে বসে বসে তার বইগুলি নিজে নিজেই বুঝে পড়তো লিখতো। তার সঞ্চিত টাকার হিসাব রাখতো, এইসব রাত দুপুর পর্যন্ত চলতো। এই অর্থ সঞ্চয় তার এমনই গোপনে গোপনে চলছিল যে তার ঘরের কেউ কখন টের পেতো না। কখনও সে নিজের জন্ত একটি

পয়সাও খরচ করতো না। তবে মুড়োর কাপড় ভাঙা জুতোয় সে মুক্ত হস্তে ব্যয় করতে প্রস্তুত ছিল—কিন্তু মুড়ো জানতো তার বোনের মন, উদ্দেশ্য—। সে যত কম খরচে কাজ হয় সেইটিই চেষ্টা করতো। কখনও এক পয়সার পান বিড়ি খায়নি সে।

পাঁচির জেঠার মনেও একটা দুঃখ ছিল। সে জানত পাঁচি বেশ মন-প্রাণ দিয়ে পয়সা জমাতে আরম্ভ করেছে, কিন্তু সে বেচারী তার কাছ থেকে একটা আধলা পয়সাও কোনদিন বার কর্তে পারেনি। ধার-কৰ্জ্জ বলে চাইলেও পেতো না। তাই তার জেঠা ঈশ্বর বাগদী পাঁচির কৃপণতা দেখে কখনও কখনও ও পাড়ার শম্ভু মুচির কাছে গিয়ে—শম্ভু ছিল তার সমবয়সী বন্ধু,—দুঃখ করতো এই বোলে,—জানিস শম্ভু! চোদ্দ পুরুষে আমাদের ঘরে যা কেউ করেনি মেয়েটা তাই কচ্ছে। বাকী,—কি পয়সাই চিনেছে ওটুকু মেয়ে। সময়ে সময়ে সে মুড়োকে খোসামুদি করতো পাঁচির কাছ থেকে কিছু টাকা যোগার করে দেবার জন্ত।

সামনে পুজা, বাবুদের বাড়ীতে বাজাতে হবে ঢাক্, ঢোল্ কাড়া, এসব নুতন করে ছাওয়া চাই, পুরানো বাজাগুলো সবই ফেটে ছিঁড়ে গিয়েছে, তাই কিছু টাকা তারচাইই। অন্ততঃ সাত আট টাকার কমে হবে না। এমন কঠিন দরকারের কথা যখন ঈশ্বর পাঁচিকে বললে,—আরও বললে,—সামনে ধান কাটার সময় সব টাকাই সে শোধ করে দেবেই। পাঁচির একই ভাব, তার মুখের কথা হোলো টাকা কোথায় পাবে। অনেকবার বললেও সে বলে, শম্ভুর কাছে যাও না, আমার কাছে হবে না। এতোটা মাথা ফাটিয়েও পাঁচির কাছ থেকে যখন এক পয়সাও বার করতে পারল না তখন শেষে সে শম্ভুর সঙ্গে স্নদ-স্বরূপ দু'পালি ধান দেবার ব্যবস্থায় একটা রফা করে, সামনের পুজায় ইজ্জত বাঁচায়।

তাদের বাপেরা ছিল তিনটি ভাই,—ঈশ্বর, হারাধন আর পুঁটে বাগদী। পুঁটে কারো সাথে নেই পাঁচে নেই, আপনি আনে আপনি খায়, কারো ধার ধারে না। তাদের মোট দুই বিঘা জমি। নিজেরাই চাষ করে। তাতে যা হয় খাজনা দিয়ে, সারা বছরের ভাতটা এক বেলা হয়, আর বেশি কিছু হয় না। কাজেই তার জেঠা আর ভাই মুড়ো তাদের জন-মজুরী করতে হয় আর তাতে সব মাহুষের কাপড়-চোপড়ের যোগার করে নিতে হয়। পাঁচিও সেদিকে বড় কম সাহায্য কোরতো না। তার নিজের ভাতটা সে বাবুদের বাড়ী থেকেই জোগাড় করতো, কখন কখনও মুড়োর ভাতটাও জোগাড় করতো

একটু উপরি কাজ করে। মেয়ে-মহলে তার প্রভাব ছিল বেশি, বোদের আর গিন্নিকে সে খুশি রাখতো—তাদের পাঁচটা কাজ করে দিয়ে,—প্রয়োজনীয় অনেক কিছুই সংগ্রহ করেছিল সে। সুধু বাবুদের বাড়ীতে নয় গ্রামের মধ্যে সকল ঘরেই তার যাতায়াত ছিল অবাধ। অনাথা, বাপ মা নেই নোলে গ্রামের সবাই তাকে একটু অনুকম্পার চক্ষেই দেখতো। কেউ কেউ তাকে স্নেহও করতো। তার সহজ জানেই সে বুঝেছিল লোকে কাজ পেলে খুশি হয়। শৈশবে বাপমা হারিয়ে সে অসাধারণ বুদ্ধিমতী, মানুষ দেখলে এবং সামান্য ব্যবহারে চিনে নেওয়া, আর সব কাজে সাবধানী, ছায়-অছায়ের উপর তীক্ষ্ণদৃষ্টিসম্পন্ন হয়ে উঠেছিল সে। তার উপর মেয়েটার অমপটু শত্রু শরীর, সংভাবাদীপ্ত প্রসন্নতা, একটা আত্মসম্মানের গাভীর্য্য প্রায় 'সর্বদা' তার মুখে দেখা যেতো। তার উপর নির্ভীক স্বভাবের জন্ত সে সবাইকে আপন মতামুবর্তী করে নিতে পারতো। কম কথার মানুষ সে হয়ে উঠেছিল যথার্থই কাজের লোক। তাইতেই গ্রামের লোককে সে আপন করে নিতে পেরেছিল। তার দিদিমার কাছ থেকে এখানে এসে সে বোধ হয় প্রত্যেক দিনটিতে কিছু না কিছু শিখেছে, দেখেছে বুঝেছে একদিনও বুথা যায়নি তার।

খুবই হিসেবী হয়ে উঠেছিল সে। প্রত্যেক দিনের কাজের পর রাত্রে শুয়ে শুয়ে সে হিসেব করতো যে কাল কাদের ঘরে কোনটা নিয়ে গেলে বিক্রি হবে। ক্রমে ক্রমে গ্রামের প্রত্যেক সংসারেই পয়সার অভাবের কথাটা সে খুব ভাল করেই বুঝে নিয়েছিল। পয়সা যে কত বড় একটা শক্তি, আর অলস বুদ্ধিহীন অকর্ম্মণ্য লোকেরাই এ থেকে বঞ্চিত এটা সে বোধ হয় প্রত্যেক দিনই বুঝতো মানুষের সঙ্গে ব্যবহারে তার কাজ কর্ম্মের মধ্যে।

বাবুদের হাট বড়-রাস্তার ধারে। লোক্যাল বোর্ডের রাস্তা, মাটি ফেলে প্রতি বৎসর উচু করা হয়,—আর সেই মাটি কাটা হয়, পাশের জমি*থেকে, সুতরাং রাস্তার দু'ধারে বেশ খাল তৈরী হয়ে গিয়েছে, তাতে বর্ষার দিনে পুকুর ডোবা মাঠ ভাসলে তার মধ্যে মাছ এসে পড়ে। হাটের ধারেই পাঁচিদের ঘর। পাঁচি সেখানে চাপা জাল দিয়ে মাছ ধরে, সেই মাছ হাটে বিক্রি করে পয়সা জমায়। এখানে বাপের বাড়ীতে তার লেখাপড়ার সুখ ছিল না বটে কিন্তু অস্ত্র আর একদিকে বুদ্ধির সহায়ে সে তার অভাব পূরণ করেছিল। এইভাবে পাঁচি দু'বছর যখন কাটালে, তার পুঁজিও বেড়ে প্রায় তিনশো টাকার কাছ যেঁসেছিল। পরিশ্রম আর কর্ম্মতৎপরতা তাকে মাত্র এই এগারো বছর বয়সেই বেশ কাজের মানুষ করে তুলেছে। আর সবার উপর বেড়েছে

বুদ্ধিতে উদ্দীপ্ত তার স্নহুতার মুখের লাবণ্য। কর্তব্যনিষ্ঠ স্বভাব তার, প্রাণে আনন্দ সব সময়ে ভরাই ছিল।

বিকালে গাব বেড়ের হাট ছিল। গাছের ছটা পেঁপে পেকেছিল তাই মুড়ির ধামার উপর কলাপাতায় বসিয়ে মুড়োকে হাটে বিক্রী করতে পাঠিয়েছিল। সন্ধ্যায় হাট থেকে মুড়ো ফিরে এসে খবর দিল, পেঁপেগুলো পাঠশালার গুরুমশাই তাকে মেরেধরে জোর করে কেড়ে নিয়ে চলে গিয়েছে, একটা পয়সাও দেয়নি।

পরদিন পাঁচি বাবুদের ছোটবোঁ-এর কাছে গিয়ে সব কথা বলে নালিশ করলে। তোমাদের পাঠশালার গুরুমশাই মুড়োকে রাস্তা থেকে ডেকে তার কাছ থেকে পেঁপে কটা কেড়ে নিয়ে, মেরে তাড়িয়ে দিয়েছে, কত গালাগাল দিয়েছে, বলেছে,—ফের যদি এদিকে আসবি, মুড়ির ধামা কেড়ে নিয়ে বেত মেরে তাড়িয়ে দোব, ইত্যাদি,—সে যা শুনেছিল মুড়োর কাছে, নিখুঁত বর্ণনা করলে। ছোটবোঁ আশ্চর্য হয়ে বললে,—সে কিরে? সত্যি? পেঁপের দামটাও দেয়নি।

আমার ভাই বলেছিল, ওসব ভাল পেঁপে এক-একটার দাম চার পয়সা ছ'পয়সা। সেই শুনে ধমকে বলে যে, এসব তো বাবুদের গাছ থেকে চুরি করে এনেছিস, এর আবার দাম কি? তোদের পুলিশে দিতে হয়। এইসব কথা বলে তাড়িয়ে দিয়েছে।

পাঁচি এভাবে নালিশ করতে অন্দরে কখনই আসতো না, বাইবে বাইরে বড়বাবুর কাছেই সহজে সব কিছুই চুকিয়ে ফেলতো, কারণ বড়বাবুর যথার্থই তার উপর স্নেহ ছিল সে তা ভালই জানতো। কিন্তু সে শুনেছিল, যে বড়বাবু আজ তিনদিন অসুস্থ, মোকদ্দমার কাজে ডায়মন-হারবার গিয়েছেন, ফিরতে দেরি হবে। কাজেই ছোটবোঁ ছাড়া তার কথা বোঝবার দরদী বন্ধু আর কেউ ছিল না। যাই হোক এখন ছোটবোঁকে সব কথা বলে, সে শেষে এই কথা কটাও বললে,—আমরা ছোট জাতের লোক হয়ে জন্মেছি বোলেই কি আমাদের উপর অত্যাচার হবে, আমরা বিচার পাবো না! ছোটমা, তোমার কাছে আমার বিচার চাই।

ছোটবোঁ সত্যিই দরদী, পাঁচির দুঃখ যথার্থই তাঁর মর্মে স্পর্শ করেছিল, ব্যাপারটা তিনি ঠিকই বুঝেছিলেন। শেষে ছোটবোঁ বললেন,—তুই যা এখন, মনে দুঃখ করিসনি, সংসারে সবারই দরকার আছে, তোকেও দরকার আছে, আমাকেও দরকার আছে ভগবানের বিচারে কারো রেহাই নেই, তোর পয়সা নিশ্চয়ই তুই পাবি।

পাঁচি চলে যাবার পর, ছোটবো শান্তুড়ীর কাছে ভাঁড়ার ঘরে কি কাজে গিয়েছিল, দেখল সামনেই চৌকীর উপর বেশ ডাগর ডাগর চারটে পাকা পের্পে রয়েছে। সে জিজ্ঞাসা করলে, এ পের্পে কোথা থেকে এলো, মা ? শান্তুড়ী পুজায় বসেছিলেন, বললেন,—কেন কাল রাতে গুরুমশাই এনে দিয়েছেন, তাঁর ঘরের গাছের পের্পে। -

এই কথা শুনে ছোটবো এবার পাঁচির কাছে যা যা শুনেছিল সব কথাই বোললে। শুনে শান্তুড়ী তো পাঁচির উপরেই প্রশ্নে চটে গেলেন, বললেন, হারামজাদী বাগদীর মেয়ে, কেবল পয়সা আর পয়সা, বাপ মাকে খেয়ে এখন পয়সাই চিনেছেন, মুখে আগুন ইত্যাদি—গুরুমশাই না হয় নিয়েছিল ও কি বলে সে কথা আবার তোমার কাছে নালিশ কোরতে এলো ?

ছোটবো সব শুনে শেষে বোললে,—কিন্তু মা, গুরুমশাই অতো বড়ো একজন প্রবীণ মানুষ হয়ে কি বোলে ছেলেমানুষের কাছ থেকে কেড়ে নিয়ে এলেন, এটা যে কত বড় অজ্ঞায় কাজ হয়েছে তার বিচার তো কোরবেন ? তাছাড়া আমার মনে হয় যে, সে ঐ পের্পের দামটাও সরকারের কাছ থেকে নিয়েছে, আপনাকে এ খোঁজ করতেই হবে। গুরুমশাই লোকটা মুন্সি ধরণের ছিল বটে কিন্তু কাঁচা বুদ্ধি। সে কল্পনাও করেনি যে হাটের প্রজা বাগদীদের মুড়ো তার মারের বহর ভালই জানে সে, এ সম্পর্কে তার বিরুদ্ধে কিছু করতে পারবে। কিন্তু মুড়োর পিছনে যে পাঁচি আছে সে এ কথাটা ভেবেই দেখেনি। কাজেই সরকারের কাছ থেকে দামটা আদায় করে নিজের জন্ত রেখে বাকী ছোটো ভোগের গিনিমায়ের কাছে নিজ গাছের পের্পে বলে চালান দিয়ে বেশ বড় একটা অহুগ্রহ পাবার ব্যবস্থা করে নিয়ে নিশ্চিতই ছিল। ছোট বোর জেদেই একজন বি, গিনির হুকুমে সরকারকে ডেকে নিয়ে এলো। সরকার বোললে কালই গুরুমশাই ঐচরটে পের্পের দাম চারআনা নিয়ে নিয়েছেন সরকারী তবিল থেকে। এই বার গিনি রাগ করলেন গুরুমশাইয়ের উপর। যাই হোক এই তদন্তের ফলে ছোট বোয়ের সব কিছু ভালমতে জানা হয়ে গেল। ওখানে আর কিছু না বোলে, যখন ছোটবাবুর সঙ্গে দেখা হলো তখন আগাগোড়া সকল কথাই খুলে বললেন ও শেষে ছোট বো এই কথা ছোটবাবুকে বললেন,—যে, এসবের বিচার করতে হবে, আর ছটা পের্পের দাম গুরুমশাইয়ের কাছ থেকে আদায় করে দিতে হবে।

ছোটবাবু তো আর বড়বাবু নয়, তিনি বিলাসী, উচ্ছৃঙ্খল, নবীন এবং চঞ্চল প্রকৃতির মানুষ, তবে স্ত্রী কাছে কতকটা সংযত। তিনি বললেন যে, আমরা

পেয়েছি চারটে পৈঁপে, ছ'টার দাম দোবো কেন ? ছোট বৌ তখন বললেন,—
 গুরুমশাই মিথ্যা কথা বলেছেন, উনি নিজে দুটো নিয়ে আর চারটে তোমাদের
 বিক্রী করেছেন আর মাকে বোলেছেন গাছের পৈঁপে খেতে দিয়েছি এতো
 স্পষ্টই বোঝা যাচ্ছে । ছোটবাবু এখন এখানে এইকথা বলে উড়িয়ে দিলেন
 যে, গুরুমশাইয়ের কথা মিথ্যা মনে করা নিয়ম নয় । ছোটলোক, বিশেষতঃ
 ছোটজাতের মেয়ের কথা মিথ্যা হতে পারে এইভাবেই এর বিচার করতে হবে ।
 শুনে ছোট বৌ বললে, ওসব অবিচার চলবেনা, ছোট জাতের মেয়ে বোলেই
 আরও ভ্রায়বিচার করতে হবে । এটাতো জানা উচিত যে ভগবানের কাছে
 ভ্রায়বিচার—ভাঁর কাছে জাতের বিচার নেই । ছোটবাবু বিস্মিত এবং কতকটা
 দম্ভভরে বললেন,—ভগবানের বিচার ভগবানের কাছে হবে, আমাদের বিচার
 আমাদের মতেই হবে । এইকথা বলে বাইরে চলে গেলেন । পাঁচি ছোটবাবুকে
 উপরে যেতে দেখে আর ঘরে চলে যায়নি, সে ঐখানেই ঘুরে-ফিরে বেড়াচ্ছিল ।
 সে জানতো ছোটবাবু এসব শুনে নিশ্চয় বাইরে এসে এর একটা বিচার করবেন ।
 হলও তাই । তিনি গট গট কোরে একেবারেই কাছারীতে এসে পৌঁছালেন ।
 পাঁচিও ঠিক জায়গায় উপস্থিত, সে তো বিধানের অপেক্ষায়ই দাঁড়িয়ে আছে ।
 ছোটবাবু পাঁচিকে দেখতে পেলেন, তার নিশ্চল মুখের দিকে চেয়ে ভাঁর কি মনে
 হল কে জানে,—তিনি পাঁচিকে জিজ্ঞাসা করলেন ;—

ভোর কটা পৈঁপে ছিলে, পাঁচি ?

পাঁচি বললে,—ছ'টা । তখন সরকারের দিকে ফিরে সরকারকে বললেন,—
 দেখ, ওকে ছ'টা পৈঁপের দাম ছ'আনা দিয়ে দাও, আর গুরুমশাইয়ের
 মাইনে থেকে ছ'আনা কেটে সরকারী তবিলে জমা করে দেবে ।

ব্যস, বিচার হয়ে গেল । পাঁচিও চলে গেল পয়সা নিয়ে । ছোটবাবু
 সেইদিকে চেয়ে রইলেন । তারপর একটি দীর্ঘ নিশ্বাস ফেলে চলে গেলেন,
 আপন মনে । কি ভাবলেন কে জানে ?

এই ভাবে কশ্মুজীবনে পাঁচির আরও তিনচার বৎসর কেটে গেল,—এখন
 পাঁচির বয়স চোদ্দ,—কিশোরীর পবিত্রতা তার মুখের লাভণ্য হয়েছেই ফুটে
 উঠেছিল ;—তার মুখে এবং চক্ষে ছিল তীক্ষ্ণ বুদ্ধির জ্যোতি । এসব তার ভাবনার
 বিষয় হয়েছিল । এখন থেকেই তাকে ভিতর বার সকল অবস্থায় বড়ই সামলে
 চলতে হত । তার সহজ বুদ্ধিই তাকে প্রেরণা দিতে আরম্ভ করলে । এ বয়সে,
 এমন ভাবে সকল দিকে লক্ষ রেখে চলা, মোটেই সাধারণ মেয়ের পক্ষে সম্ভব
 নয় । তার অবস্থাই তাকে এতটা সচেতন করে তুলেছিল ।

* * * * *

মুসলমান রাজাদের সময় বাংলায় রাজ-সরকারের দপ্তরে কাম্বুদ্বারা যে কাজের জন্ত বিখ্যাত হয়েছিল এবং প্রাধান্য লাভ করেছিল, ব্যবসা-ক্ষেত্রে মালামালের ঘাঁটিতে ঘাঁটিতে সেই আধিপত্য লাভ করেছিল কয়ালরা। তারা ধান, চাল, ভুসিমালের বাজারে প্রধান হিসেবী বলেই প্রসিদ্ধি লাভ করেছিল। বাজারের মহাজনরা শুধু সে সময় নয় বরাবরই, দেশের ব্যবসা কেন্দ্র কেন্দ্রেই বহু সহস্র টাকার ভুসিমালের কারবার করতো। প্রত্যেক সাধারণ মহাজনের একজন ছজন করে কয়াল, বড় হলে চার পাঁচ জনও কয়াল থাকতো। তারা মালের ওজন, দরবাটা কমে মনিবের কারবার নিখুঁত ভাবে চালাতো। মোটকথা তারাই ছিল মহাজনের গতি-মুক্তি। হিসাবনবিশের কাজে তাদের দক্ষতা ছিল অসাধারণ। কয়ালদের সেকালে খুব কদর ছিল। তখন থেকেই ব্যক্তি-বিশেষের গুণগত বৈশিষ্ট্যের জন্ত পরিচয় অর্পেই কয়াল উপাধি ব্যবহার হোত, পরে উহা পদবীরূপে বংশ-পরম্পরায় থেকে গেল। এখন কয়ালের ছেলে হলেই সে কয়াল, যথার্থ কয়ালী করুক আর নাই করুক। যেমন ব্রাহ্মণ হয়েছে বংশগত উপাধি।

যাই হোক এখন এই গ্রামে ত্রৈলোক্য কয়ালের পূর্ব পুরুষ কয়ালী করে বেশ দু'পয়সা করেছিল, জমি-জায়গাও তাদের কম ছিলনা। কিছু বেশী রকমের সম্পত্তি না হলেও জমিদার বাবুদের নিচেই তাদের খাতির ছিল। কিন্তু ত্রৈলোক্য কয়ালের বাবা আর খুড়োতে মিলে বিবাদ-বিসম্বাদ করে, মামলা চুকিয়ে প্রায় সবই শেষ করে এনেছিল, আরও কিছুদিন বাঁচলে হয়তো বংশের বাতিগুলিকে পথে দাঁড় করিয়ে রেখে যেতে হতো। বিধাতার ইচ্ছায় সাত আট দিনের আড়াআড়িতে বাপ আর খুড়ো দুজনে পরলোকে যাত্রা করলেন—কেবলমাত্র পঁচিশ বিঘা জমি, একটা ভদ্রাসন, তিন বিঘার বাগান-ঘেরা বেশ বড় একটা পুকুর, এইটুকুই অবশিষ্ট রেখে।

ত্রৈলোক্য কখনও কয়ালের কাজ করেনি যেমন তার বাপ খুড়োরাও করেনি। তবে ত্রৈলোক্য কাজটা বুঝতো এবং দরকার হলে করতে পারতো কারণ সে ছিল মেধাবী ছাত্র,—আর সে ছাত্রবৃত্তি পড়েছিল। কিন্তু ঐ পঁচিশ বিঘা জমির খাজনা বাড়তে বাড়তে এই বাবুদের আমলে এত বেশী বেড়ে গেছে, যা প্রতি বৎসর ফসল ভাল না হলে, খাজনা দিয়ে ঘর-সংসার চালানো দায়, সবাই জানে। তার সংসার বেশ বড়ই ছিল—সধবা, বিধবা, পিসি-খুড়ি, ইত্যাদি নিয়ে প্রায় চোদ্দ পনেরো জন লোক। এইসব প্রাণীগুলির আহার তাকেই যোগাতে

হোতো, যেহেতু তার উপরই ভার দিয়েছেন ভগবান। এই ভেবেই কায়মনে সে ভগবৎ নির্দেশ পালন কোরতো, কখনও সে এ নির্দেশ এড়াতে চেষ্টা করেনি। কাজেই ঐ পঁচিশ বিঘা জমিতে ফসল যখন ভাল হোতনা, ভগবান বাদ সাধতেন, তখন এতগুলি প্রাণীর কেমন করে অন্ন জোটানো যায় সেই চিন্তাই বড় হয়ে দাঁড়াতো। তার উপর খাজনা আছে। তখন কতক জমি বন্ধকী দেওয়া ছাড়া উপায় থাকে না। আমাদের এই ধর্মপ্রাণ আশাবাদী অক্ষর, নিরক্ষর সকল শ্রেণীর মধ্যেই এই সংস্কারই প্রবল যে,—ঘরের লক্ষ্মীকে কখনও বিক্রয় করতে নেই, করলে ধরিত্রীর অভিশাপ,—তথা 'অনিবার্য' ভাবেই অশান্তির জের টানতে হবেই। যদিও এর পিছনে একটা এই আশা থাকে যে পরে শোধ হবে। আশায় মরে চাষা। সেই আশাই আর তার পিছনে মরণটাই চাষার একচেটে হয়ে আছে। সেই আশায় সে বন্ধক দেয় ফলে হুদহুদু মরণকে ডেকে এনে সর্বস্ব খোয়ায়। ভগবান উপরে বসে বসে দেখেন। শেষে কণ্টকল বলে আসামীর মনেতে তার মীমাংসা হয়ে যায়। অল্প প্রদেশের কথা জানিনা তবে সোনার বাংলার দক্ষিণে ২৪ পরগণা জেলার, হাজিপুর মহকুমার অন্তর্গত গ্রামের মধ্যে এ ব্যাপার প্রত্যেক চাষার ঘরেই ঘটে থাকে। যারা পল্লীগ্রামের সঙ্গে সম্পর্ক রাখেন তাঁরা অবশ্যই এসব ব্যাপার জানেন। আমি বাল্যকাল থেকে যৌবনের অনেকটাই পল্লাগ্রামে শুধু কাটিয়ে নয়, মাছুষ হয়েই এসেছি,—কৃষক, গৃহস্থদের তাঁড়ার আর রান্না ঘরের মধ্যে অবোধে যাওয়া-আসা করেছি, কাজেই তাদের সঙ্গে আমার ঘনিষ্ঠতা ছিল খুব বেশী এবং সেই কারণে এই সত্যটুকু লেখা আমার পক্ষে সহজ।

ত্রৈলোক্য বেশ একটু ধর্মভীরু লোক। বাল্যকালে পাঠশালায় পড়া-শোনায় ভালো ছিল। সে ছাত্রবৃত্তি পর্য্যন্ত পড়েছিল কিন্তু পাস করেনি—পরীক্ষা দেয়নি। তারপর তার বিবাহ হয়ে গেল। এইখানেই হোলো ঠিক ঠিক সংসার আরম্ভ। ক্রমে সন্তানাদির আগমন,—মহা ব্যস্ত হয়ে পড়লো ত্রৈলোক্য-নাথ সংসার নিয়ে। এর মধ্যেই সে কাশীদাসী মহাভারতখানি চারবার এবং কৃষ্ণবাসী রামায়ণ দুইবার শেষ করেছে। পঞ্চমবার চলছে মহাভারত পড়া। তার ধারণা ছিল যে, মহাভারত পড়লেই যথার্থ ধর্ম লাভ হবে। সহজ বুদ্ধি ছিল তার, কখনও কাউকে সে প্রবঞ্চনা করেনি। অতিরিক্ত অর্থ লোভ ছিল না তার। তার ধারণা ছিল, মাছুষের অভাবঘটিত বিপদ যখন আসে, কঠিন সময় যাকে বলে, তখন হয়ত অর্থের অভাব হয় সত্য কিন্তু ভগবানও অমনি সেটি পূরণ করে দেন। না হলে মাছুষ বাঁচতে পারতো কি,

না কঠিন কঠিন দুঃসময় এড়িয়ে যেতে পারত। তাই জমিদার বাবুদের নায়ক মশাই যখন জানালেন যে, আড়াই বছরের বাকি খাজনা দিতেই হবে, না হলে তিন বছর পূর্ণ হবার চার মাস আগেই নালিশ চলবে, তাই-তো সে উমেশ হালদারের কাছে টাকা হাওলাৎ আর তা না হোলে জমি বন্ধকির ব্যবস্থা নিতে গিয়েছিল।

ত্রৈলোক্য কয়ালের জমি উর্বরা শক্তিতে বাবুদের নীচেই। তার পঁচিশ বিঘার মধ্যে বারো বিঘা ছিল নিম্ন হালেই চাষ, বাকীটা ধান ভাগে দেওয়া। যে বছর পুরা ধান পাওয়া যেতো সে বছরে সেতো বড়লোক। কিন্তু উপরি উপরি তিনটি বছর পুরা ফসল তো হয়নি, তার মধ্যে গত বৎসর আবার অর্ধেকও নয়, কাজেই ত্রৈলোক্যের বড়ই টানাটানি। দেনাও কিছু হয়েছিল। তবুও পরিশ্রমের অমৃত ছিলনা ;—তখন প্রতি হাটে সে বিশ পঁচিশ মন চাল কিনে পরের হাটে বিক্রি কোরতো, সামান্য হলেও তাতেই তার কষ্টমুখে সংসার চলতো। কিন্তু জমিদারের খাজনা বাকী, কেমন করে দেবে সেই দুর্ভাবনায় তার প্রাণ অতিষ্ঠ হয়ে উঠেছিল, রাতে তার ঘুম নেই কদিন।

বাবুদের পোলের হাট, খালের ধারে বোলে জনপথে অনেক মাল আনাগোনা করে। এ অঞ্চলে ধানচালের এতবড় কেন্দ্র আর নেই। সোম শুক্লের হাট, আজ হাটবারে কিছু ধার-কর্জ করবে আশায় সে বোধ হয় প্রত্যেক মহাজনের কাছে হাত পেতেছে। সবাই তাকে চেনে, মানে-গণে—ভাল লোক বোলে একটা গাতির আছে তার ;—কিন্তু টাকা ধার পাওয়া অল্প কথা। তা ছাড়া জমি বন্ধক দিয়ে ধার করা, তাতে সময়ও লাগে। আড়াই শো টাকা ধার দেবার মত গ্রামে কে বা আছে ? হাটের বেলা নিরাশ হয়ে ত্রৈলোক্য পাশের গ্রাম বন্দিপুরে গেল গোপাল মোড়লের কাছে। কিন্তু মোড়ল কর্তার নিজের হাতে কিছু নেই, তার এক আল্লাদে নাতি আছে সেই তার ওয়ারিসান ; এখন থেকেই সব কিছুই তারই খবরদারিতে চলে। নাতির মনোমত হোলোনা ত্রৈলোক্যের সর্ভ, সে বলে শুধু হাতে টাকা নিলে চোটোর সুদ দিতে হয়। তার ভয়ানক টাকা বাড়াবার লোভ সেজন্ত চোটোর সুদ তার বড়ই লোভের জিনিস ! শেষে সব জায়গায় নিরাশ হয়ে সে বাল্যবন্ধু উমেশ হালদারের কাছে এলো : উমেশ বলে, ভাই আর লজ্জা দিসনি আজ তেরো পালি ধান ধার করে তবে সন্ধ করবার ব্যবস্থা হয়েছে। অবসন্ন শরীর মন,—ত্রৈলোক্য ঘরে ফিরে স্নানাহার সেরে হাঁকোটা নিয়ে বোসলো দাওয়ায়,—তামাকটা শেষ করে ভাবছিল—একটু গড়িয়ে নিয়ে বিকালের দিকে একবার হাজিপুরে যাবে কারণ

এই ছিল তার সব শেষ, ভরসা নয়, আশা। এমন সময় পাঁচি এসে ঢুকলো তার অঙ্গনে,—মুখে তার যেন একটু অপ্রতিভের হাসি।

বয়স্ক লোকের মধ্যে সংসারে পাঁচির এক জেঠামশাই ছাড়া আরতো কেউ নেই কাজেই গ্রামের যত বয়স্ক লোক তারা সবাই পাঁচির জেটা, সংক্ষেপে সেটা জেটান্শাই। এই সম্পর্ক এবং সম্বোধনটাই সে বুঝতো ভালো। আজও এখন পাঁচি জেটান্শাই বোলে ঢুকলো, ত্রৈলোক্যের উঠানে।

এত বেলায় কি মনে করে, পাঁচি! এখনও ঘরে যাসনি? বাবুদের গোয়ালের কাজ সারতে দেবী হয়ে গেল বুঝি?

এবার পাঁচি সপ্রতিভ মাহুষ,—সে বললে, কাজ আগেই হয়ে গিয়েছিল,—এখন এ পথে যাচ্ছি, —তা বলি দেখে যাই জেটান্শাই কি কণ্ঠেছে,—তাই এহু।

ত্রৈলোক্য স্নেহের সুরে বললে, তা বেশ করেচিস—আয়, বোসনা ঐখানে। পাঁচি ঐখানে বসে ত গেলই কিন্তু একটিও বাজে কথা না বোলে একেবারে কাজের কথাটা পেড়ে বোসলো, ত্রৈলোক্যকে বিষ্ময়ে অবাক করে দিয়ে।

হেঁ গো জেটান্শাই, তুমি উমেশ হালদারের কাছে টাকা হাওলাৎ করতে গিছিলে;—কেনো গো?

আশ্চর্য্য ত্রৈলোক্য বললে, তুই কেমন করে জানলিরে পাঁচি?—

পাঁচি সব সময়ই একেবারে সোজা রাস্তায় চলে,—এখনও সে সোজাই বললে,—

আমি যে তখন বাবুদের গোলা বাড়িতে দেলে ঘুঁটে দিচ্ছি, কাজ কচ্ছি।

উমেশ হালদারের ঘর, আজিনা বাবুদের গোয়ালের ঠিক পিছনে। মধ্যে একটা চার হাত উঁচু পাঁচিল গোলা বাড়ির শেষ প্রান্তে, তার মাঝে দু একটা ছোট ঘুল ঘুলোও আছে দক্ষিণে। কাজেই আজ তাদের দুজনের কথাবার্তা ওর কানে গিয়েছে বুঝেই ত্রৈলোক্য বললে,—ওহো, তাই বল,—তারপর একটু ভেবে আবার বললে,—তা তুই কি করবি বলদিকি সে কথা শুনে?

পাঁচি জেদ ধরলে,—যেন একটু আবদারের সুরেই বললে,—বলোনা জেটা, দেখি যদি কিছু পারি কণ্ঠে।

কথাগুলো ভাল লাগলোনা,—ত্রৈলোক্য মনে মনে একটু অসচ্ছন্দবোধ করলে। মেয়েটা বাচাল হয়েছে আজকাল,—বয়সের গুণ যাবে কোথা,—না হলে ওর এতটা সাহস কিসের? সে বললে, যা, যা, ছেলেমাহুষী

করিসনি,—ঘরে যা, আমার কাজ আছে—বোলেই হকাটি রাখবার জন্য উঠবার চেষ্টা করলে।

পাঁচি হটেনা, তবুও বললে,—সে হবে এখন, বলোনা তুমি জেটা,—তোমার কতটা দরকার।

এবার ত্রৈলোক্য সন্দ্বিষ্টভাবেই শ্রীষ্ট জিজ্ঞাসা করে বসল,—আমার সাড়ে তিন শো টাকার দরকার,—কেন, তুই দিনি নাকি? কতক পরিহাস কতক উপেক্ষাও ছিল তার কথায়।

পাঁচি বললে,—হাঁ জেটা, তা তো দিতে পারি। ত্রৈলোক্য বললে, যা যা, মস্তুরা করিস না, ঘরে যা; এখন একটু ঘুমবো।

জেটামশাই, তোমার সাথে মস্তুরা করছি আমি! এই কথা বললে তুমি?

শেষে পাঁচির চক্ষে জল দেখা দিলে। ত্রৈলোক্যর ইচ্ছা হল পাঁচিকে একেবারে পাজা কোলা করে তুলে একটু আদর করে, কিন্তু বাঙ্গীদের মেয়েকে তো ছোঁবার প্রথা নেই তাদের সমাজে—জাতে তারা কতো বড়ো। কাজেই সে পারল না। মনে মনে ভাবল একি সত্য? ও সাড়ে তিন শ' টাকা ধার দিতে পারে? ত্রৈলোক্য যথার্থই বিস্মিত হল, বললে,—হাঁরে পাঁচি সত্যি বলছিস তুই? তুই কোথায় পাবি এত টাকা?

পাঁচি কাঁদ কাঁদ হয়ে বললে, কেন আমার কি টাকা নি? আমি কি মামার বাড়িথে' এসে হাঁসের ডিম বেচিনি,—চিড়ে মুড়ি ভাজিনি? আমি কি মাছ বিক্রী করিনি? আমি কি বিলে, কাকড়া, কচ্ছপ ধরিনি, এতদিন এ সব বিক্রি করিনি,—লাউ কুমড়ো এসব? কতোবার তো কিনেচ আমার থে, কেনোনি তুমি? তুমিই কি শুধু? গেরামের লোক সবাই তো কিনেচে?

ত্রৈলোক্য দেখলে, আর অবিশ্বাস করবার উপায় নেই। তখন বললে,—তুই আমায় অবাক করলি যে? তাইত পাঁচি, তোর অত টাকা আছে? আমি ভাবতেও পারিনি। আচ্ছা পাঁচি, এত অল্প বয়সে তুই কেমন করে টাকা চিনলি? এবুদ্ধি তোকে কে দিল? পাঁচি বললে,—দেবে আবার কে? আমরা গরীব, ছোট নোক, বুইতে কি পারিনি যে টাকা না হলে কোন কাজই হয়না! এ বুদ্ধি আমাদের থাকতে নেই জেটা? তোমরা নেকা-পড়া শিখেছ জান আর মুখ্য বোলে কি জানতে নি আমাদের।

যাই হোক তখন টাকাটা পাঁচি গোপনে দেবে, সহজেই স্বীকার করলে বটে, কিন্তু যে চুক্তিটা করলে সেটা বড় সহজ নয়,—আর তা শুনেই ত্রৈলোক্যের আঁকল গুড় ম হয়ে গেল। অবাক হয়ে ভাবতে লাগল, এত ছোট মেয়েকে

এ বুদ্ধি কে দিল ? সে ভাল মতেই জানতো যে, তাকে বুদ্ধি দেবার কেউ নেই। তার দাদাতো নয়ই—তার আপন খুড়োও নয় জেটোও নয়। কারণ তাদের বুদ্ধির দৌড় গ্রামের কারো জানতে বাকি নেই। মনে মনে ত্রৈলোক্য অনেকটাই ভাবলে শেষে মনে করলে,—মা জগদম্বার লীলা, সবই তো তাঁরই ইচ্ছাতে হচ্ছে। এবার বোধ হয় মা বাগদীদের ঘরে এই মেয়েটির উপর প্রসন্ন হয়েছেন। হারার স্মৃতি ছিল হয়তো কিছু।

পাঁচি প্রথমে, সাড়ে তিনশো টাকার বদলে স্নদ আসল করে সবটাই চাইলে চাল, পাইকারি দরে। অর্থাৎ যে দরে সে বেচে সে দরে নয়, যে দরে কেনে সেই দরে। যে কয়বার হাটে চাল দিয়ে শোধ করতে পারে, সেই কয়বারেই শোধ দেবে—তাড়াতাড়ি নেই। এটা খুব শক্ত নয়। শক্ত যেটা সেটা পরে সে—বললে, আমায় চাল দিয়ে তারপর রেলীর বাবুদের কি সোডার বাবুদের দেবে। পোলের হাটে তখন দুই বড় মহাজন চাল কিনতো, এক রেলী আর অপরটি নূতন এসেছে সোডার স্থিথ বলে একটি জাম্বান ফার্ম।

ত্রৈলোক্য অতটা তলিয়ে দেখেনি। প্রথমে চট করেই বললে, আচ্ছা। বলবার পরই যখন পাঁচি বললে,—ঠিক ত জেটান্শাই ? তখন তার চমক ভাঙ্গলো, বললে,—পাঁচি ! তুই কত চাল কিনবি ? তুই কি মহাজন হবি নাকি ? পাঁচি অম্লান বদনে তখন বললে, না হলে টাকা বেশী হবে কি করে জেটো ?

তখন ত্রৈলোক্যের মুখ হাঁ হয়ে গিয়েছে, মেয়েটা তাকে অবাক করবার জন্তেই যেন আজ তার ঘরে এসেছে।

বলিস কিরে পাঁচি ? বলে বড়ই ছটফট করতে লাগলো সে। একবার সে ধড়মড়িয়ে উঠে দাঁড়ালো, তারপর আবার বোসলো। বললে, আচ্ছা বা জিজ্ঞাসা করি ঠিক বলবি ? তুই কি চাল ধরে রাখবি,—না বিক্রি করবি ? পাঁচি সেই রকম আন্তরিকতার সঙ্গেই বললে,—আমরা গরীব লোক, ধরে বেশীদিন রাখতে পারব কেনো জেটো,—অল্প পুঁজি, চটপট বিক্রি না করলে চলবে কেন ? একহাট, বড় জোর, দুহাট। ত্রৈলোক্য তারপরই জিজ্ঞাসা করলে, কাদের বিক্রি করবি ?

কেন, রেলীদের বেচব ?

এতক্ষণে সে বুঝলে, পাঁচি অল্প দিনে পুঁজিকে বাড়াবার বেশ ভাল পথ পেয়েছে। তার মত পাঁচি দু-দশ মন চাল কিনে ফড়েগিরি করতে চায় না,

তেবে তার মুখটি চূণ হয়ে গেল। পাঁচি যদি মহাজ্ঞানিতে নামে, আর যদি পুরো একটা হাটের চাল কিনে নেয়, আর দু'হাট ধরে রাখতে পারে তাহলে তাদের মত ফোড়ের আর ধান চালের কারবার করে খেতে হবে না। সে যেন কাতর হয়ে পাঁচিকে বললে, পাঁচি! তোর কারবার হাটে হাটে দেখা-শুনা এসব করবে কে?

কেন জেটান্শাই, তুমি রয়েচ তো? তুমিই দেখবে, আমার যা কাজকর্ম, তাই তো তোমায় ধরেচি গো। ত্রৈলোক্য যেন অকূলে কূল পেলে। তার সব ধারণা ওলটপালট হয়ে গেল। অনেকক্ষণ পরে সে বললে,—পাঁচি! তোর কত টাকা আছে রে? আনাকে সত্যি করে বল?

আজ আর বোলব না জেটান্শাই, টাকা বড় খারাপ জিনিষ। তবে তোমাকে আমি পরে সবই বোলবো, এখন তোমায় ধর্মভার দিয়ে দিলুম, তুমি আমার জন্তে দু'তিন খেপ হাটে কেনা-বেচা করো,—দেখি, বুঝি, তারপর সব বোলব। একজন সহায় যে, আমার চাই, জেটা, তাই তো তোমাকে ধরেছি। ত্রৈলোক্য বুঝিল বুদ্ধিমতী উদারহৃদয়া পাঁচি তার লোকসান হতে দিতে চায় না। অথচ নিজের প্রাধিক্ত্যও বজায় রাখবে। পাঁচি আজ ত্রৈলোক্য কয়ালের কাছে যা দাবী করলে তা ত্রৈলোক্য সারা জীবনে কখনও কাকেও দেয়নি। তার অবশিষ্ট জীবনের সুখ-শান্তি এখন ঐ মেয়েটির হাতে। যখন কাজের কথা সব শেষ হল তখন কয়াল তাকে জিজ্ঞাসা করলে,—আচ্ছা সত্যি বল দিকি পাঁচি, তুই এই হাটে হাটে চাল কিনে একচেটে রেলীদের সঙ্গে কারবার করবি, এ মৎসব তোকে কে দিলে?

পাঁচির ডাগর ডাগর চোখ দুটি যেন জ্বলে উঠলো। সে বললে,—আমায় আবার বুদ্ধি দেবে কে জেটা? ফি হাটে যেখানে তোমাদের কাঁড়ি কাঁড়ি চাল ঢেলে নাপা হয় তারপর বিক্রি হয়, আমি তো ঠিক তার কাছেই বসে মাছ বিক্রি করি, দেখোনি আমাকে?—বসে বসে আমি দেখতুম যে, ওতে কি রকম লাভ হয়। ঐসব ফড়ীদের কান্নাকাটি, মহাজ্ঞানদের বাচ্চাতুরী, মুটেদের মারামারি, গুণ্ডগোল, রেলীর বাবুদের আসা যাওয়া সব দেখিনি বছরের পর বছর? আজ ছ'সাত বছর ধরে এক নাগাড়ে রোজই তো দেখতিছি, এতদিন ধরে দেখেও আবার কারো কাছে আমায় শিখতে হবে জেটান্শাই। আমার বলে, মন পড়ে রোয়েচে কোথায়!

ত্রৈলোক্য জিজ্ঞাসা করলে, কোথায় রে?

কেন ? ঐ চালের আড়তে । তুমি কি মনে কর জেটা, চিরকালই আমার ঐ পচা মাছ ঘাঁটবার ইচ্ছে ? বাগদীর মেয়ে বলে কি ঘেন্না-পিপ্তি নেই ? চিরকালটা কি ঐ কোরব ?

মনে মনে ধস্তাধস্ত না বলে পারলে না ত্রৈলোক্য ।

আমরা জানি কিন্তু পাঁচি যা বললে প্রায় সবই সত্য হলেও তারই হাত দিয়ে সব চাল রেলীকে বিক্রির বুদ্ধিটা সে বাবুদের গোয়াল বাড়ীতে আজই ঐ ত্রৈলোক্যের কাছেই শুনে এসেছে সকাল বেলায় । যখন সে উমেশকে সব কথাই খুলে বলছিল । অর্থাৎ ফি হাটে আগে চাল সব ফড়েদের কাছ থেকে কিনে নিয়ে রেলীকে বিক্রীর জন্তাই তো ত্রৈলোক্যের একটা মোটা টাকার এত দরকার, না হলে শুধু খাজনার তো খুব বেশী টাকা নয়, একশো টাকার মধ্যেই । বন্ধু উমেশের কাছে ত্রৈলোক্য সব কথাই খুলে বোলেছিল । কাজেই তারপর কি করতে হবে ভেবে নিতে পাঁচির একটুও দেরী হলনা । মৎলবটা তার নিজের মধ্যে তৈরীই ছিল, আজ সকালে ঐ ব্যাপারে ঠিক যেন ভগবান তাকে হাতে করে সূযোগটা তুলে দিলেন । উমেশ হালদারের আজ্ঞানায় টাকার সম্বন্ধে যা যা কথা হয়েছিল, এমন কি উমেশের কাছে টাকা না পেলে বাবুদের বাড়ির দারোয়ানদের কাছ থেকে চোটার সূদে ধার করবে একথাও শুনেছিল । উমেশ তাকে টাকা দিতে পারেনি কিন্তু চোটার সূদে সাড়ে তিন শো টাকা ধার নেওয়া মানে সর্বনাশ ডেকে আনা একথা তাকে বুঝিয়েছিল । সে ধার এ জীবনে শোধ করতে হবে না তাকে । প্রতি হাটে আসল প্রতি টাকায় দু পয়সা সূদ,—সপ্তাহে দু বার হাট, মাসে আটটা হাট,—তাহলে প্রতি টাকায় মাসে চারনা সূদ,—যখন উমেশ বললে, কত টাকা রোজগার করবে তুমি যে সাড়ে তিন শো টাকার প্রতি টাকায় মাসে চারনা সূদ দেবে ? পাঁচি এসব শুনেছিল । হিসেবটা দেখেই ত্রৈলোক্য,—অদৃষ্টকে ধিক্কার দিতে দিতে চলে এলো উমেশের কাছ থেকে ।

এখন পাঁচি পেয়ে গেল সূযোগ । আসলে ভাগ্যদেবী এখন পাঁচিকেই যেন ধান চালের কাজে টাকা খাটাবার এবং বাড়াবার সূযোগটা দিয়ে দিলেন । পাঁচির জীবনে আজ একটি বিশেষ দিন,—সেও বুঝেছিল তার টাকা বাড়াবার ব্যবস্থা হওয়ার জন্ত ততটা নয়, আসলে ত্রৈলোক্যকে একমাত্র সহায় ও বন্ধুরূপে পাবার জন্ত । পাঁচি জানতো ত্রৈলোক্য যথার্থই সৎ, তার সততা এ গ্রামের মধ্যে কারো অজানা নেই সেইজন্ত সেও আত্মসমর্পণ করলে । আবার আজই সকালে ঐ ত্রৈলোক্য কয়ালের মুখেই উমেশের কাছে বোলতে শুনেছিল যে,

নগদ টাকা হাতে যার, কারবার তার। পাঁচির বয়স এখনও পনেরো হয়নি।

এই কয় বছরে, নানা প্রকার শ্রম এবং নানা দ্রব্য উৎপন্ন এবং বিক্রি করে অত্যন্ত গোপনে তার নয় শো বাহান্ন টাকা জমেছিল। খরচও কিছু হয়েছিল তার দাদার কাপড় ইত্যাদিতে, সেও এমন বিশেষ কিছু বেশী নয়। বড় গোপনেই ছিল তার পুঁজি, জগতের দ্বিতীয় ব্যক্তির সন্ধান পাবার সম্ভাবনা ছিল না। তার ব্যবহার বা আচরণে কোথাও এমন কিছুই ছিল না যাতে কেউ ভুলেও সন্দেহ করবে যে তার হাতে কিছু অর্থ আছে। কথা তো সে খুব কমই কইতো কারো সঙ্গে, তাও বিশেষ দরকার বুঝলে তবেই। ছেলেবেলা থেকেই সে একটু হাবা গোবা গোছের ছিল তাইতেই সে লোক সমাজকে এড়িয়ে নিজ গম্ভ্যে স্থির ছিল। পরিচ্ছন্নতা ছাড়া বিলাসের নাম গন্ধও তার মধ্যে ছিল না। তার সংযত প্রকৃতিই ছিল তার রক্ষা কবচ।

বালিকা পাঁচির ব্যক্তিত্বের কথা, তার বুদ্ধি ও কর্মশক্তি শুধু কয়াল ত্রৈলোক্য নয়, এখন থেকে হাটের সবারই জানবার একটা সুযোগ হোল। কারবারও আরম্ভ হোলো শুক্রবারের হাট থেকে।

তখনও ঐ হাটে রেলীর অফিস খোলা হয়নি, গুদামও ছিলনা,—মগরা থেকে বাবুরা ডোঙ্গায় আসতেন, মাল কিনিতেন আর ডোঙ্গাতেই চালান হয়ে যেতো। সেদিন রেলীর খরিদ-বিভাগের বাবু পান চিবোতে চিবোতে বাঁ হাতে কোঁচা ধরে ডান হাতে সিগারেট—ছড়িটা বগলে করে সাড়ে নটার সময় এসে শুনলেন যে হাটের যতো চাল পাঁচি নামে এক বাগদীর মেয়ে প্রথমেই আজ কিনে নিয়েচে; আর একটি চালও নেই, এমন কি নগদ টাকা নিয়ে খোলে ছালা বেঁধে চাবীরা পর্য্যন্ত ঘরে চলে গিয়েচে।

কোঁচা পকেটে গুজতে গুজতে,—লাটি ঠুঁকে মহা তব্বী লাগালেন—ম্যাশেক্কার বাবু;—শেষে সুখালেন, কোথায় তার আড়ৎ, তার কে আছে এখানে?

ত্রৈলোক্য এগিয়ে এসে নমস্কার করে বললে,—আজ্ঞে, আমার সঙ্গে কথা বলতে পারেন।

বাবু বললেন,—আসল মৎলবটা কি? ধরে রাখবে না ছাড়বে?

মাথা চুলকে ত্রৈলোক্য বললে, আজ্ঞে দর পেলেই ছাড়তে হবে বৈকি। পাঁচির বিশেষ আদেশ ছিল দু' আনা হলেই ছাড়বে। কিন্তু তুমি তার উপর কয়ালী-আনা প্রতি মণে আধ আনার বেশী চাপিও না,—খবরদার। দর শুনে বাবু বুঝলেন,—মহাজন মোটেই লোভী নয়। তব্বুনি বাবু আড়াই আনায় রফা

করে মাপতে হুকুম দিলেন। বেলা দুইটার সময় পাঁচির মূলধনের উপর প্রায় ষোল টাকা আর ত্রৈলোক্যের নগদ চার সাড়ে চার টাকা ঘরে উঠলো। অবশু দ্বিতীয় হাটেও হোলো দ্বিগুণ, ক্রমশঃ হাটে হাটে বেড়েই চললো।

এই ভাবে তিন বৎসর চললো পাঁচির চালের কারবার, কখনও রেলী কখনও বা সোডার শিখের সঙ্গে। একদিন চুপিচুপি নিজে হিসাবে বোসলো সে। দেখা গেল নয়শো বাহান্ন টাকার কারবার এই তিন বছরে প্রায় আট হাজার থোক মূলধন হয়েছে, আর চার হাজার টাকা আন্দাজ কারবারের ভিতরে দাননে রয়েছে। খরচের খাতে পাঁচির, মাসে মাত্র একবার অব্যবস্থায় কালী-ঘাটে যাওয়া, তার দাদা, জেটি ও খুড়িকে নিয়ে, তাতে তার দশ থেকে বারো-টাকা খরচ হতো; সারাদিন থেকে, সেখানে রান্নাবাড়া করে, মহাপ্রসাদ খেয়ে সবাই মিলে রাত্রে এসে ঘরে পৌছে যেতো। এই বিলাস তার একমাত্র বিলাস, এ ছাড়া তার দাদার কাপড়, জামা, জুতো, ছাড়া খরচের ব্যাপার আর কিছু ছিল না!

আগে থেকেই পাঁচির আরও একটি ছোট কারবার ছিল। গ্রামের কয়েক ঘর প্রজার কাছ থেকে সে দু'তিনটি নৈবাছুর যোগাড় করেছিল, আজ, প্রায় দু'টি বছর থেকে তারা দুখ দিচ্ছে, গ্রামে, হাটে, কখন কখনও বাবুদের বাড়িতে তার বেশ চাহিদা, তা ছাড়া কয়েক ঘর ব্রাহ্মণের ঘরে তার রোজ দুধের যোগান ছিল;—তা থেকেও বেশ অনেকগুলি টাকা সে করেছিল। তার ভাইও তাকে সাহায্য কোরতো,—বিচালি কেটে দিতো আবার দরকার হলে যোগান দিতেও যেতো যেদিন পাঁচি অল্প কাজে ব্যস্ত থাকতো। ভাই-বোন এক হয়ে কাজ করেছে। সেদিকে পাঁচি খুব সতর্ক, সে জানতো যে এই টাকা সবটাই তার একলার নয়, মুড়োরও অংশ আছে। সে কথা তাকে যখনই বোলতো, তখন মুড়ো,—ধেং,—তুই আমার আলাদা টাকার কথা বলিসনি পাঁচি, ও আমার ভাল লাগেনা। তুই যা বুঝবি ভাই করবি আর আমার যা বলবি আমি ভাই করবো, এইটাই আমি বুঝি ভাল। তার এই রকম সোজা কথা, তার ছিল স্পষ্ট কথা,—আমি মুখ্য, তা মুখ্য থাকাই আমার পক্ষে ভালো—মুখ্য হাতে পয়সা ভাল নয়।

পাঁচির একখানি বেশ মোটা দুশো পাতার একসারসাইজ বই অর্থাৎ খাতা ছিল। গোড়া থেকে তার আজ কম বছরের আয়ব্যয়ের হিসেব তার মধ্যেই ছিল। আবার চালের কাজ আরম্ভ করে অবধি খাতার বিপরীত দিকে আলাদা হিসাব চলছিল। ত্রৈলোক্যের কাছেও একটি হিসাবের খাতা ছিল। তারপর

এখন থেকে মাছ বেচা উঠিয়ে দিয়েছিল—কবল মুড়ি, চিড়ে, লাউ, কুমড়া প্রভৃতি বাগানের কাজ সমান চলছিল। তরুণ পৃথক হিসাবই ছিল। তারসঙ্গে ব্যয়ের হিসাব, টাকার জমা ও খরচ তা, পৃথক ছিল। এইভাবে আরও দু' বছর কাটলো পাঁচির। হাতে এখন প্রায় মনেরো ঘোলো হাজার টাকা জমেছে।

এই টাকার সম্বন্ধে আরও একটু কথা আছে। হাজার হোক পাঁচি যে সমাজের মানুষ তাতে মনের কথা, গোপন উদ্দেশ্য কিছু পাছে প্রকাশ হয়ে যায় তার সাবধানতাও সেই ভাবের ছিল বুঝতে হবে। কথা তিনকান হলেই আর গোপন রাখা যাবে না এ সংস্কার ছিল তার বদ্ধমূল। তার টাকার কথা একমাত্র ঐ কয়ালের সঠিক পরিমাণ জানবার কিছুটা সম্ভাবনা ছিল। তবুও পাঁচির ভয় ত্রৈলোক্য পাছে কথায় কথায় কাকেও বোলে ফেলে যেহেতু মানুষটা সরল এই ভেবে তাকে মা কালীর নামে শপথ করিয়েছিল সে কখনও কারো কাছে যাতে কোন কথা প্রকাশ না করে। তখনই সরল বুদ্ধি পাঁচি ত্রৈলোক্যকে কারণটিও খুব ভাল করেই বুঝিয়ে দিয়েছিল এই বোলে ;—দেখো জেঠা,—টাকা জিনিসটা যত লোভের জিনিস এমনটি আবার কোন জিনিসই নয় ;—তাই ও জিনিসটা যতো ভালো করতে পারে মন্দও ততটাই করতে পারে সেই জন্তাই পুঁজির কথা কখনও কাকেও বলতে নেই।

তার সবার বড়ো আপন ছিল ঐ ভাইটি,—কিন্তু মুড়োকেও কখন জানতে দেয়নি তার হাতে কত আছে। মুড়োকে তার অবিখ্যাস ছিল না, তার বেলাও ভয় ঐ সে অত্যন্ত সরল, কথায় কথায়, পাছে সে কারো কাছে প্রকাশ করে ফেলে ; তার দাদার খোলা প্রাণটাই সে ভয়ের চোখে দেখতো। আসলে মুড়োর যে বিষয়ে জ্ঞান নেই—তার সম্বন্ধে কোন কৌতূহলও নাই,—কল্পনাও নেই ! মুড়োর বন্ধু বান্ধব যারা প্রকারান্তরে নানা কৌশলে তাকে প্রশ্ন করেও কোনক্রমে তাদের কিছুই জানবার সুবিধা হয় নি যে, পাঁচির হাতে কত টাকা আছে—আর কোথায় আছে।

এই যে পাঁচির টাকা রাপার জায়গা, তার কোষাগার যে কোথা, এক ভগবান ছাড়া আর কারো জানবার সম্ভাবনা ছিল না। সে নিশ্চিত হয়ে যেখানে সেখানে যেতো, এমনই ভাবটা লোকে দেখতো যেন তার বিশেষ কিছু নেই,—সে নিশ্চিত, তার যেন কোন বন্ধনই নেই।

তবে প্রতি মাসে ঐ অমাবশ্যায় সে কালীঘাটে যেতো, কখনও মুড়ো থাকতো আর কয়াল জেঠা থাকতো, তবে এক রাত্র বাস করে পর দিনই ফিরে আসতো।

পাঁচির জীবনে দিদিমার প্রভাব ছিল অসাধারণ। পাঁচির দিদিমা কালীভক্ত ছিল, দিদিমার সঙ্গে সে অনেকবারই কালীঘাটে গিয়েছিল। তার সঙ্গে সঙ্গে মা কালীর উপর কেমন একটা টান জন্মেছিল। ভগবান বলতে তার মনে মা কালীর মূর্তি ফুটে উঠতো। ঐ কালী উপলক্ষ্য করেই তার প্রাণ কলকাতার পানেই টানছিল। তার পক্ষে ঐ একটা বিষয় অর্থাৎ একটা পুঙ্খরিণী প্রতিষ্ঠা ছাড়া এখানে পড়ে থাকবার কোন সম্ভব কারণ ছিলনা। সে বুঝেছিল এখানে কখনই স্বাধীনভাবে তার কর্ম প্রসারিত করতে পারবে না। তার নিজের জীবনের সার্থকতার সুযোগ এখানে কখনও হতে পারবে না, এখানকার বায়ুমণ্ডল কোনরকমেই তার অম্লকূল নয়। এই যে জমিদারের জমিতে বাস, কতবড় দুর্ভোগ তা সে হাড়ে হাড়ে বুঝেছিল। সে আরও বুঝেছিল যে ঐ জমিদার বাবুদেরও সংসারেও ভাঙ্গন ধরেচে, এতদিন কখনও টিকে থাকতো না যদি বড়বাবু না থাকতেন। ঐ বড়বাবুর ধর্মবুদ্ধি আর মেজবাবুর কর্মবুদ্ধিই এদের বাঁচিয়ে রেখেছে।

এখন থেকেই যেন সে একেবারেই নিজেকে লুপ্ত করে ফেললে। তার কারবার সবই ঠিক চলতে লাগলো, কেবল পাঁচিকে বিশেষ কোন উপলক্ষ্য ব্যতীত কেউ গ্রামে দেখতে পেতো না। সে দৃঢ় অধ্যবসায় সহকারে নিজের কর্মটুকু শেষ করে এখান থেকে সরে পড়বার ব্যবস্থায় মন প্রাণ ঢেলে দিলে।

পাঁচির নিজের বিদ্যালয়ের ঝোঁক বরাবরই অন্তরে অন্তরে চাপাই ছিল। তার সঙ্গে মুড়োকেও একটা স্বাধীন কাজে লাগানো এ ইচ্ছা তার প্রবল ছিল।

গোড়া থেকেই বুদ্ধিমতি পাঁচি বুঝেছিল যে লেখাপড়া শিখে তত্ত্বলোকের চাকরীই করে আর মুখ্য শ্রমজীবী যারা,—গতর খাটিয়ে খায়,—কারো দুঃখই ঘোচেনা, না চাকরীতে না পরিশ্রমে। তার জেঠা, খুড়ো, মাস মাইনেতে জন মজুরী করে কেবল ভাত আর কাপড়ের দুঃখও ঘোচাতে পারেনি। তার এখন ভাবনা তার দাদাটির কি হবে। তাকে কেমন করে মাহুষ করা যায়। লেখাপড়া তো কিছুই হলো না,—তার কাজে অবশ্য সে প্রাণ দিয়ে খেটে যাচ্ছে,—কিন্তু তাতে তার নিজের কি হলো? তাকে এখন নিজস্বভাবে একটা এমন কাজে লাগাতে হবে যাতে তার নিজের কাজ বোলে দম থাকে, আপন বুদ্ধিতে উন্নতি করতে পারে। এই বয়সে,—সে এই সংসারের অনেক কথাই ভাবতো। আমার কাজে তাকে আটকে রাখা তার নিজের উন্নতির পথ বন্ধ করা। সে বেশ করে ভেবে চিন্তে, শেষে ত্রৈলোক্য জেঠার সঙ্গে পরামর্শ করে, মুড়োকে একদিন ডেকে বোলল, আচ্ছা দাদা,

আমাদের এই হাট তলায় একখানা ছোট কাপড়ের দোকান করলে কেমন হয়, তোমার কি মনে হয়, চলবে ?

শুনাই মুড়ো আনন্দে লাফিয়ে উঠলো,—বললে, কাপড়ের দোকান ?—তুই কর পাঁচি খুব ভাল চলবে,—দেখিসনি এখানকার গ্রামের লোক কাপড় কিনতে সেই ঘাটেশ্বরার হাটে যায় : তারা গলাকাটা,—ভয়ানক বেশী দাম নেয়,—এখানে হলে কত ভাল হয় আর দূরে যেতেই হয়না, সস্তাও হবে।

পাঁচি বললে এখানে তুমি সস্তায় দেবে কি করে ?

মুড়ো বললে, কেন,—ত্রৈলোক্য জেঠা কলকাতা থেকে পাইকারী দরে আনবে আর আমরা খুব কম লাভ রাখবো,—তা হলে ওখানকার চেয়ে সস্তায় দিতে পারবো।

পাঁচি ভারি খুলী হোলো মুড়োর কথা শুনে, ব্যবসাবুদ্ধির পরিচয় পেয়ে গেল তার কথায়, সুতরাং তাইই করলে। মাসখানেকের মধ্যে মুড়োকে সে একখানা ছোট কাপড়ের দোকান করে দিলে। তাকে বুঝিয়ে দিলে যে এই থেকে তাকে উন্নতি করতে হবে। এটা যেন সে মনে রাখে। ঐ কাপড়ের দোকানের সঙ্গে তাকে লাগিয়ে রাখলেই সে কারবারটা নিজ বুদ্ধি আর কৰ্ম্ম শক্তিতে দাঁড় করাতে পারবে তার এ বিশ্বাস প্রবল ছিল। এদিকে তার একটা বেশ শান্তি হোলো বটে কিন্তু তার প্রাণের সাধ যেটি তার নিজের লেখাপড়া ভাল করে শেখবার ইচ্ছা তার প্রাণের গহ্বরে পাথর চাপা দেওয়া রইলো এখন। একখাটা ভেবে তার একটা নিঃশ্বাস পড়েছিল। এখন বাকি কাজ সেরে সে কেমন করে এই শ্বাসবদ্ধকর বায়ুমাণ্ডল ছেড়ে কলকাতার মুক্ত হাওয়ার মধ্যে গিয়ে সহজে নিজ সাধগুলি পূর্ণ করতে পারবে। সেইজন্য তার অন্তরে একটা ছটফটানি নিরন্তর চলতে লাগলো।

এখন আর এক উৎপাত তাকে খানিক উদ্বিগ্ন করে রাখলে। সে লক্ষ্য করছিল কিছুদিন থেকে গ্রামের কয়েকজন যোয়ান ছেলে তার পিছনে লেগেচে। তারা ভদ্র ঘরের বটে কিন্তু স্বভাবে প্রকৃতিতে চাষাদেরও বেহুদ। পাঁচির সংযত এবং গম্ভীর স্বভাব, অত্যন্ত স্বল্প ভাষী সেতো ছিলই, তার সঙ্গে এ অঞ্চলে সবার উপর একটা সং ভাবের প্রতিপত্তি থাকায় তাদের সাহসটা কিছুতেই কার্য্যকারী হতে পারছিল না।

ইতিমধ্যে তাকে বিবাহ করতে তাদের স্বজাতির মধ্যেই দুই একজন এগিয়ে এসেছিল। তার ভাল ধান চালের কারবার, হাতে নগদ বেশ কিছু আছে, তার উপর হৃন্দর রূপ, পরিচ্ছন্ন বেশভূষা

তাদের জাতিভাইদের বিপরীত—এইসব দেখেই তারা পাঁচির জেঠা ঈশ্বরকে ধরেছিল। জেঠা বলে, ও বাবা ও কেউটে সাপ, ও কাল নাগিনী মেয়ের কাছে এণ্ডবে কে ;—তোমাদের দরকার হয় তোমরা গিয়ে বোলে দেখোনা। কিন্তু আশ্চর্য্য ব্যাপার কারো এ সাহসটা হোলো না, তার সামনে এসে কথাটা উত্থাপন করে। ওদিকে বিয়ের কথা যাই হোক,—এখন গ্রামের ছেলেদের দিকে লক্ষ্য করে পাঁচি মনোমত বেশ মাঝারী সাইজের ইস্পাতের ছোরা একখানি সংগ্রহ করে যত্ন করে সব সময়েই সঙ্গে রাখতে আরম্ভ করে দিলে। বাপ্পির মেয়ে সে আশ্চর্য্যকার সাহস তার কম ছিলনা।

যাই হোক মন তার উচাটন হলেও তিনটি কাজে সে আটক পড়েছিল, প্রথমটা তার বেশ কিছু ধন সঞ্চয়, আর দ্বিতীয় আশা, গ্রামেই বেশ বড় একটি পুকুর প্রতিষ্ঠা ;—যেহেতু মা তার জলের তৃষ্ণা নিয়ে মরেচে, দিদিমার মুখে শুনেচে, তাকে এক ফোঁটা জল কেউ দেয়নি। দশ হাজার টাকার মত লাগবে। বাবুদের তো এখন পড়ন্ত দশা, পুরানো পুকুর কাটিয়ে গ্রামের জলকষ্ট দূর করতে পারে না। বড়ই জলকষ্ট তাদের, গ্রামে মোটে একটি পুকুর বাবুদের—বাবুরা সকলকে জল নিতে দেয় না। গ্রামের সব লোক মাঠের পুকুর থেকে জল খায়। আর তৃতীয় কাজটি—তার ধান চালের ব্যাপারে যে টাকা দান দেওয়া আছে তা উত্তোল করা। ত্রৈলোক্য বলেচে—এ বৎসরের শেষে ফসলের মুখেই তা অনেক উঠে আসবে।

গ্রামের জলকষ্ট সে বরাবরই দেখচে। সে মামার বাড়ী থেকে যখন আসে, তখন তাদের স্থলে যে নিয়মে পরিস্কৃত জল খাওয়া হোতো, মামাদের ঘরেও সেই মত ব্যবস্থা করে নিয়েছিল। সেটা এই যে, লম্বা তিনটি খাড়া বাঁশ, মাথায় তিন কোণা এককরে বাঁধা, মাটিতে তিনটি পা একমাপে পৃথক পৃথক পোতা;—তিন কোণ, লম্বানখি ঠাঁড় করিয়ে তাতে চারটি বড় কলসী পর পর রাখার ব্যবস্থা। উপর থেকে প্রথমে মাথার কলসীতে পুকুরের জল, তার নীচে কলসী, তৃতীয়টিতে বালি, নীচের কলসে পরিস্কৃত জল ;—তিনটি কলসীর তলায় সরু ফুটো ;—এই ভাবে ব্যবস্থায় তারা জল খেতো। খুঠানদের এই নিয়ম সারা গ্রামে চলেছিলো। এখানে এসে ঐ নিয়মেই তাদের নিজের ঘরে জল পরিস্কৃত করে নেওয়া ও খাওয়া হোতো। কিন্তু এ গ্রামে সে রকম ব্যবস্থা নেই। বাবুদের বাড়ীতে সে যখন ছোট বৌকে সব বুঝিয়ে বলেছিল, ছোটবৌ তো কর্তা নয় সে তার শাশুড়ীকে বুঝিয়ে বললে,—শাশুড়ী সে কথা শুনে তখন, রাম রাম, বলে কান গজা জল দিয়ে ধুয়ে ফেলে দিলেন,—

বলেন, যাগো, ছোট বোঁমা তুমি বল কি ? ঐ বাগদীর মেয়ে যে রকম করে জল খায়, আমরাও ঐরকম করে জল খাবো ? হোক না পরিকার, জল নারায়ণ, সব জলই পরিকার। কাপড়ে ছেকে খেলেই তো হয়। শাওড়ীকে বোলে কোন ফল হলনা দেখে সে স্বামীকে বললে,—স্বামী বললেন, কাজ কি অত গোলমালে, একটু ফটকিরি দিয়ে যখন কাজ হয়, অত হাজারা করার প্রয়োজন কি ?

যৌবনোদ্যমে পাঁচির যে একটা আকর্ষণের কথা বলেছি এটা গ্রামের মধ্যে এক শ্রেণীর আলোচনার বিষয় ছিল ; পাঁচিও এটা জানতো আর সে জ্ঞান সে খুব সাবধান হয়ে চলছিল। কিন্তু যারা তাকে শিশুকাল থেকে দেখেছে, এমন কি তাদের রক্ষক বোলে যাদের জানতো তাদের মধ্যেও যে এমন একটা বিকৃত দৃষ্টি হতে পারে তাই দেখে শুধু আশ্চর্য্য নয় তার প্রাণে একটু ভয়ও যেন এসে গেল। বাবুদের ঐ ছোটবাবু, যখন পাঁচি ছয় সাত বছরের, তখন থেকে দেখেছেন, লক্ষ্যই করেননি, কিন্তু এখন,—যৌবনোদ্যমে তাকে দেখে ছোটবাবু একটা অস্বাভাবিক আকর্ষণ অহুতব করলেন। একদিন ছোট বোয়ের ঘর থেকে আসবার পথে মিঁড়িতে এক ঘটনা ; যে ব্যাপার ঘটেছিল, তাতে কেবল-সেই ছোটবাবুর দিকে এমনভাবে চাইলে তাতেই তিনি সঙ্কুচিত হয়ে গেলেন, বললেন, না, না, পাঁচি তুই কিছু মনে করিস নি, আমার অজ্ঞায় হয়েছে। বুদ্ধিমতী পাঁচি সেটাকে আর বাড়তে দেয়নি, তারপর ও একথা কাহাকেও জানতে দেয় নি। সে আজ অনেক কিছুই বুঝলে। বাবুদের বাড়ি,—বিশেষ ছোটবাবুদের ঘরেতে যাতায়াত তখন থেকে সে খুবই কমিয়ে দিলে।

একদিন ছোট বো বললে,—পাঁচি আজকাল তুই আর তেমন আসিস না, কেনরে ? পাঁচি বললে,—কখন আর আসি বলুন, ছুঁটোর আগে তো খাওয়াই চোকে না, তারপর মুড়ী ভাজতে বসি, তারপর হাট আছে। ছোট বো বললে,—ওসব তো আগেও ছিল, নতুন কিছু নয়, তবে হঠাৎ আসা বন্ধ করলি কেন, তোর কি বর জুটেছে নাকি রে ?

আমাদের আবার বর কি, ছোট মা ?

হাঁরে পাঁচি, তোর বিয়ে করতে ইচ্ছা হয় না।

পাঁচি বললে,—আগে আগে ছোট এখন আর হয় না। বেটাছেলেদের স্বভাব দেখে আর ভাল লাগে না। নাই বা বিয়ে হোল, ছোট মা, আমি বেশ ভালোই তো আছি।

তোদের বরগুলো বড় মদ খায়, না ?

তা ধর, সারাদিন খাটে-খাটে—একটু যদি খায় তো দোষ কি ?

সে জন্তে নয়,—তবে ?

তারা ঘরের বোঁকে মনে করে, ছাগল, গরু, যা খুসি তাই করে, সেটা আমার ধাতে নয় না। গালাগালি করে, বিক্রী বিক্রী কথা বলে, ওসব ভাল লাগে না। একেবারে মুখ্য সব।

ও তুই তাহলে পণ্ডিত বর চাস।

পণ্ডিত নাই হল, একটু লেখাপড়া কি জানতে নেই। আমার বাড়িতে তো আমাদের জন্তে কেমন ইঁস্কুল করে দিয়েছে। মেয়েদের আলাদা, ছেলেদের আলাদা। কেন ছোট মা, বাবুরা কি এখানে একটা মেয়েদের জন্তে ইঁস্কুল করে দিতে পারে না ?

তবেই হয়েছে,—বাবুরা নাকি তোদের জন্তে পাঠশালা করে দেবে ? নিজেদের ছেলেরা পড়ে একটা পাঠশালা—ডিস্ট্রিক্ট বোর্ডের পাঠশালা, আর একজন আছে বাড়িতে ছেলেদের পড়ায়, তার জন্তে সে মাইনে পায় না সব মাসে।

পাঁচি বললে,—বাবুদের তো পয়সা আছে ছোট মা ! তাঁরা কেন একটা বাঁধা ইঁস্কুল করে দেয় না, যেখানে গ্রামের সব ঘরেরই ছেলেরা লেখাপড়া শিখতে পারবে। বছর বছর বেশ সরস্বতী পূজা হবে। কি সুন্দর যে হয় তা হলে, না ছোট মা ?

তা তো হয় পাঁচি, কিন্তু কে দেবে, কেউ দেবে না। বাবুরা সব কলকাতায় যাতায়াত করে—মকদ্দমা, তিন নম্বর চার নম্বর ডিক্রী জারি করতে করতেই জীবন কাটিয়ে দিলে, তাদের দ্বারা কোনো ভরসাই নেই রে। এখন যদি তুই পারিস ঐ রকম একটা ইঁস্কুল করতে, চেষ্টা কর। যদি হয়, তোর দ্বারাই হবে।

পাঁচি বললে,—ছোট মা ! আমরা গরীব, ছোট জাত, মুখ্য বলে ঠাট্টা কোরচ বুঝি ? বলতে বলতে পাঁচির চক্ষু ছুটি ছলছল করে উঠল। তা দেখে ছোট মা বললে,—হাঁরে পাঁচি আমার কথাটা কি ঠাট্টার মত শোনালো ;—এই কথায় তোর মনে কষ্ট হোল ; এতে দুঃখ পাবার কি আছে বল ? এখন কিছু ভাল কাজ ছোট জাতের দ্বারা তারাই তো করচে, তুই কি খবর রাখিস না ? সখিমণির অমন পুকুরটা কে কাটিয়েছিল ? বন্দিপুরের হাইস্কুল, কোন বড় জাতের বামন ঠাকুর প্রতিষ্ঠা করিয়েছিল ? এইসব ভেবেই না বলেছি,—যদি হয়তো তোর মত একজন মানুষের দ্বারাই হবে। আমার মনে যা বিশ্বাস তাই তো বললুম।

পাঁচি এ রকম একটা কিছু করবার কথা ঠিক না ভাবলেও তাদের মত গরীবের ছেলেদের লেখাপড়া শেখার বাধার কথা ভুলতে পারেনি, সত্য। মনে মনে জগদম্বার কাছে এই প্রার্থনা এখন করলে যে, হে মা জগদম্বা, তুমি আমার এমন পয়সা দাও যাতে আমি একটা ইঁস্কুল করতে পারি। সেখানে গ্রামের সব ছেলে পড়তে পারবে। ইঁতর আর ভদ্র বোলে কিছু থাকবে না, সবাই হবে ভদ্র। যার যতদিন ইঁচ্ছা পড়তে পারবে। কিন্তু তার মনের ভিতর তখন—প্রধান উদ্দেশ্য ছিল পুকুর কাটিয়ে জলকষ্ট দূর করা।

ভদ্রলোকের গ্রামের দিকে লক্ষ্য নেই; ছোট বেলা থেকেই সে দেখে আসচে গ্রামের এই জলকষ্ট, কিন্তু বাবুদের মন পড়ে আছে কলকাতায়। জলকষ্ট যদি দূর করতে হয় ভদ্রলোকের সাহায্য কতকটা পাওয়া যাবে এই উদ্দেশ্যে সে গোপনেই এগিয়ে খোঁজ খবর করে ছিল, ফলে ক্রমে ক্রমে গ্রামের ভদ্র নামে যারা চক্ষু-কর্ণহীন তাদের উপরে তার একটা বিতৃষ্ণা এলো। এ পর্য্যন্ত পাঁচি ঘুণাক্ষরে তার উদ্দেশ্যের কথা কাকেও জ্ঞানতে দেয়নি। এর ফলেই কিন্তু ত্রৈলোক্যনাথের সঙ্গে, তার কলকাতায়, কালী দর্শনে যাওয়াটা বেড়ে গেল। ত্রৈলোক্য একটা বিষয়ে কিছুতে মনস্থির করতে পারছিল না; এই মেয়েটি,—এতটা নগদ টাকার ভার, কেমন করে সহ্য করছিল। কোনো কাজে বেচাল নেই, মুখে একটা দস্ত অহঙ্কারের কথা নেই, বিলাস ব্যসন নেই সকাল সন্ধ্যা একইভাবে নির্দ্বারিত কাজগুলিতে সময় কাটে তার। তার মনের গুমট সহ্য করতে না পেরে একদিন ত্রৈলোক্য তাকে স্পষ্টই বোলে ফেললে; দেখ পাঁচি, তুই যা করচিস, যেমন করে নিজেকে ঢেকে রেখেচিস আমি হ'লে পাগল হয়ে যেতাম। তোর মধ্যে টাকার গরম লাগেনা, এতবড় আশ্চর্য্য আমি আর দেখিনি!

পাঁচি বললে, জেঠা, আমার দাদাকে দেখেচ ? আমি তারই বোন-জেনো। ছ'জনেই মুখ্য তাই আমাদের গরম নেই।

অবশেষে সে সকল ব্যাপার নিজের কানে শুনে একটা হেস্তুনেস্ত কয়ে ফেলবে এই ভেবেই একদিন মুড়ো ও ত্রৈলোক্যকে সঙ্গে করে বাবুদের পুরোহিত অম্বিকা ভট্টাচার্যের বাড়ী হাজির হল। পুরোহিত পাঁচিকে দেখেই প্রথমে বোসতে বল্লেন উঠানে। উঠানটা অপরিষ্কার,—দেখেই তো মুড়োর অসহ্য হল, তার দিদি কি একটা ফেলনা মাহুয ? মুড়ো বললে—এখানে কি বস।

পুরোহিত বললে,—তোর যে বড় চ্যাটাং চ্যাটাং কথা দেখতে পাই,

বামনের বাড়ীতে কোথায় বসবি শুনি ? একসঙ্গে এই দাওয়ায় বসবি নাকি ? পাঁচি মধ্যস্থ হয়ে বললে,—ওর কথা শোনেন কেন ঠাকুর মশাই ? ওকি জানে,—যা তুই, ওখানে বসতে পারিস তো বোস, না হলে চলে যা। আমরা যে বাগদী, আমরা কি দাওয়ায় বসতে পারি ?

পাঁচির কথাটা শুনে ঠাকুর মহাশয়ের বোধহয় মন্থস্থলের মধ্যে আঘাত লাগল,—তিনি কি বললেন মৃদুস্বরে তা বোঝা গেল না। পাঁচি ত্রৈলোক্যকে বোললে,—কথাটা বলা না জেঠান'শাই, আমাদের সেই কথাটা।

মর্দাহত হয়ে, একটু এগিয়ে প্রণাম করে ত্রৈলোক্য সংক্ষেপেই বললে,—পাঁচি একটা পুকুর প্রতিষ্ঠা করতে চায় তাই কি রকম খরচ জানতে এসেছে।

বহুদিন পর একটা শিকার পাওয়া গিয়েছে, আনন্দে ঠাকুর মশাইয়ের প্রাণটা নেচে উঠল। তৎক্ষণাৎ বললেন,—ও, এই জন্তে, তা বোসনা পাঁচি, না হয় দাওয়ায় উঠেই বোস না ? তাতে কি হয়েছে বোস বোস উঠে বোস। তোর দাদাকেও বসতে বল না।

পাঁচি বললে,—না ঠাকুর মশাই, আপনি বলুন, আমরা এখান থেকে স্তনতে পাব। তিনি ধীরে ধীরে বলতে আরম্ভ করলেন,—জমি কিনে পুকুর কাটাতে যে খরচ তা তো আছেই,—তারপর সেই পুকুর প্রতিষ্ঠা ইত্যাদি হোম, শান্তি-স্বস্ত্যয়ন, দান দক্ষিণাদি করে কম পক্ষে দু হাজার টাকা আদায়, কিছু বেশীও হতে পারে। এই কথা বলে, ঐ টাকার কথায় তার প্রতিক্রিয়াটা দেখবার জন্তই পাঁচির মুখের দিকে চাইলেন। শেষে বললেন,—তারপর আরো একটা ব্যাপার আছে, পুকুর কাটিয়ে প্রতিষ্ঠা করবার পর একজন ব্রাহ্মণকে দান করতে হবে, তবে সে পুকুর সবাই ব্যবহার করতে পারবে। পাঁচি বললে,—জমি কিনে পুকুর কাটিয়ে প্রতিষ্ঠা করবার পরও আবার ব্রাহ্মণকে দান কর্তে হবে কেন ?

বিরক্ত হয়ে পুরুষমশাই বললেন,—তোরা একে মেয়েমানুষ, এসব বুঝতে হলে মগজের দরকার বুঝলি ? সহজ নয় এ ব্যাপারটা, গুরুতর ব্যাপার, বুঝলি ? বাগদীদের পুকুরে কে নামবে বল ? ভাল জাত যারা তারা ও জল ছোঁবেই না, সেইজন্য একজন ব্রাহ্মণকে দান করা, তখন শুটা হবে বামুনের পুকুর। এবার বুঝতে পারলি আমার কথা ? মহা গম্ভীর পাঁচি বললে,—হ্যাঁ।

এখন বাগদীর ঐ পুকুর নেবে কে ? মাথা নাড়তে নাড়তে ব্রাহ্মণ বললেন,—বামুন হয়ে বাগদীর দান নেওয়া এটাও একটা কথা বটে। তবে কিছু বেশী করে দিয়ে-থুয়ে যদি কোন সৎব্রাহ্মণকে রাজী করাতে পারিস, বুঝলি কিনা ?

পাঁচি কি একটা জিজ্ঞাসা কর্তে যাচ্ছিল, হঠাৎ মুড়ো বলে বললো,—একজন ব্রাহ্মণকে দান করলে, জলটা কি মিষ্টি হয়ে যাবে নাকি ?

ঠাকুর মশাই অগ্নিশর্মা হয়ে মুড়োকে,—পাজী, নচ্ছার, মুখ্য, ছোটলোক বলে শেষে বললেন, ছোটলোকের পয়সা হলে লম্বু শুক্ক জ্ঞান থাকে না,—বলতে বলতে হাঁপাতে লাগলেন ।

পাঁচি বললে,—ঠাকুর মশাই, ঐ বোকাটার কথায় রাগ করবেন না । যখন সব স্তন্যাম তখন শেবটুকুও শুনে যাই বলুন, কে ব্রাহ্মণ বাগদীর দান নেবে, এবং কত টাকা দিলে রাজী হবে—সেটা আলাদা খরচ তো ?

ঠাকুর মশাই বড় গম্ভীর হয়ে অনেকক্ষণ চিন্তা করবার পর বললেন,—একজন ভাল যজন-যাজনশীল অধ্যাপক ব্রাহ্মণ, তাকে বোধহয় দেড় হাজার দু'হাজার দিলে রাজী হতে পারে, তাঁর আবার সন্তুষ্ট মনে নেওয়া চাই । তাঁরই নামে সঙ্কল্প হবে কিনা, বাগদীর নামে তো আর সঙ্কল্প হতে পারে না । তারপর একটু একটু চিন্তিত ভাবেই বললেন, তবে আমাকে যদি বল, এক গ্রামে থাকি, হাজার খানেকে আমি রাজী হতে পারি । দানেরও একটা ক্রিয়া আছে কিনা, শাস্ত্রমত সব করতে হবে, যা তা করে ছেড়ে দেওয়া তো যায় না ।

এখন তাহলে আমরা আসি ঠাকুর মশাই, বলে প্রণাম করে পাঁচি উঠল । মুড়ো প্রণাম না করেই আগে বাইরে চলে গিয়েছিল । ঠাকুর মশাই কল্যাণ হোক, বলে, ঘরে প্রবেশ করলেন ।

বাইরে বেরিয়ে মুড়ো বললে, - পাঁচি আমার একটা কথা স্তনবি ?

পাঁচি বললে,—বলনা, তোমার কথাটাও শুনে নি ; অবশি কি করবো তা ভগবানই জানেন ।

মুড়ো বললে,—আমার কথা তো স্তনবিনা, বলে কি হবে বল ?

তার কথাটা শুনে করুণ নয়নে পাঁচি ভাইকে একবার দেখে নিলে তারপর বললে, আচ্ছা বলেই দেখনা শুনি কিনা । মুড়ো তবুও বলে, আমার মাথায় হাত দিয়ে বল । পাঁচি দৃঢ়ভাবেই বললে,—তা বোলব না । অমনি বল,—দিব্যি করা আমার অভ্যাস নেই জান তো ?

মুড়ো বললে,—আমি বলি কি পুঁকুর কাটিয়ে যাসনে শালা বামুনদের পেট ভরাতে । অতটাকা তুই শুধু শুধু খরচ কেন করবি ? একটা টিউবকল কর হাটের ওপর, দুতিনশো টাকায় হবে, না হয় চার পাঁচশো, বড় জোর হাজার টাকায় একটা খুব ভাল কল হবে । এখন এই টিউবকল হয়েছে, তার কি পরিষ্কার জল—তাতে অত প্রতিষ্ঠার হাজার দরকার হবে না । জল

কোনদিন নোংরা হবে না, পুকুরের মতই অগাধ জল—। মুড়োর কথা শুনে ত্রৈলোক্য জেটা পাঁচির দিকে চেয়ে বললে,—বড় মন্দ কথাটা মুড়ো বলেনি পাঁচি ? আমারও মনে হয় ঐটাই সব চেয়ে ভাল ।

পাঁচি বললে, কিন্তু পুকুরে জল সহজ তাবে যেমন ব্যবহার করা যায়, ওতে কি আর তা হবে ? পুকুরের ধরণই আলাদা । মুড়ো বললে,—বেশ হবে, বেশ হবে, ধরণ ভালই হবে । আবার যদি পুকুরের কথা বলো তাহলে গলায় দড়ি দিয়ে মরব । তোর অত টাকা খরচ করে পুকুর কাটাতে হবে না । আমরা যেন ঞ্জাল-কুকুর আর কি, ওরা বামুন বলে যা মনে করবে তাই হবে ।

কথায় কথায় তারা ত্রৈলোক্যের বাড়ীর কাছে এসেছে, দেখে সে বললে,—আচ্ছা, আমি তা হলে এখন যাই পাঁচি ।

এবার মুড়ো বললে,—আচ্ছা পাঁচি, বামুনদের এত তেজ কি করে হল বল দিকি ? ওরা ছাড়া আর সব ছোটলোক, এ বুদ্ধি ওরা পেল কি করে ?

পাঁচি বললে,—লেখাপড়া শিখে হয়েছে । তা নয়ত আবার কিসের তেজ ?

তবুও মুড়ো বললে, সে যদি বলিস্তো লেখাপড়া তো আমরাও শিখতে পারি ইচ্ছা করলে, আমাদের যে ইস্কুলে নেয় না, তুই বরং একটু চেষ্টা করে ইস্কুল কর, সেখানে কেবল বাগদীরা পড়বে, বামুন চামারদের ছেলেরা চুকতে পারবে না । পাঁচি স্থির হয়ে বললে,—দাদা ! তুমি থামো, ওসব কথা বলতে নেই । মা সরস্বতীর দুয়ারে বামুন বাগদী নেই । বিত্তে সকলের জন্তে, যে শিখবে তারই । শেষে মুড়ো বললে, পাঁচি চল, কোলকাতায় যাই আমরা, সেখানে—

প্রাণের গুহু যে কথা, তা মুড়োর মুখে শুনে পাঁচি কোন উচ্ছ্বাস প্রকাশ করলে না । তার স্বাভাবিকসংযত কণ্ঠে, চিন্তিত মনে পাঁচি বললে,—যদি শেষ অবধি তাই করতে হয়,—টিউবেলটা কোথায় করা যায় বল দিকি ?

কেন হাটে, ঠিক আমাদের ঘরের কাছেই । শুনে পাঁচি বললে,—তাহলে যে গ্রামের লোকেরা আসতে পারবে না ।

চুলোয় যাক গ্রামের লোক,—তাদের বামুনের পুকুর আছে ।

পাঁচি বললে,—এমন একটা জায়গায় করলে হয় যেখানে গ্রামের লোক,—

বাধা দিয়ে মুড়ো রেগে বললে,—তুই তাহলে গ্রাম গ্রাম করেই মর ;—গ্রামে আমাদের থাকতে দেয়নি,—হাটের পাশে থাকতে দিয়েছে, আমাদের কি ওরা ভালবাসে না খেতে দেয়,—তুই যে কেবল গ্রাম গ্রাম করে ভেবে সারা হচ্ছিল ? চিন্তিত মনে পাঁচি বললে,—তুমি কি দেখোনি, গরমের দিনে কোথা থেকে ওরা জল নিয়ে আসে—তখন পুকুরগুলো তো সব শুকিয়ে যায় ।

আর হাটে হলে, কত লোক আসবে যাবে, ব্যবহার করতে পারবে, গ্রামের চেয়ে ঢের বেশী লোক তো আসবেই আর আমাদের বাগদী যে ক'ধর আছি—কত সুবিধা হবে, আর তুই কিনা বল'স,—

পাঁচি চমকে উঠে বললে,—তাতেও বলবে ঐ কথা ?

কেন বলতে বাধা কি ? যারা বাগদীদের পুকুর ছোঁবে না, তারা টিউবেল ছোঁবে কেন ? লজ্জা হবে না ? শুনে পাঁচি বললে,—দাদা,—ওসব কথা তুমি বোঝ না, ধর্ম নিয়ে কথা আমরা বুঝি না। বামুনদের হাতেই ধর্ম, আমাদের মানতেই হবে। না মেনে উপায় নাই যে ? মুড়ো বললে,—মানতে হয় তুই মানগে যা—আমি ওসব জানি না, বোলে চলে গেল ওদিকে। চিন্তিত মনে পাঁচি মনে মনে ভাবলে,—কাল তাহলে জেঠাকে আর একবার জিজ্ঞাসা করে দেখব।

পরদিন পাঁচি সকালে হাটে এসে ত্রৈলোক্যকে ধরলে যে, আমার রেলীদের বাবুর সঙ্গে দেখা করিয়ে দাও। ত্রৈলোক্য অবাধ হয়ে বললে,—সে কি রে ? রেলীর বাবুদের সঙ্গে তুই দেখা করে কি করবি, তারা তন্দর লোক।

তা হোক তুমি আমার নাম করে বোলবে, আমি তাঁদের সঙ্গে দেখা করতে চাই। ত্রৈলোক্য ভাবলে, এবার বোধহয় পাঁচি আমার অন্ত মারবে, হয়ত প্রত্যক্ষ বাবুদের সঙ্গে দেখা করে—নিজেই কারবার চালাবে। ত্রৈলোক্য একটু দমে গেল। তার ভাব দেখে পাঁচি তেতরের কথাটা বুঝে ফেললে, একটু হেসে বলে,—না না ব্যবসার জ্ঞান নয়, আমার অন্ত কথা আছে জেঠা,—তুমি আমার হাত, হাতকে কাটবো নাকি ?

রেলীর ভার ছিল ত্রিলোচন বসু নামে একটি ভদ্রলোকের উপর। তিনি মধ্যে মধ্যে হাটে আসতেন। এখন এই হাটে তাঁদের একটা অফিস ও গুদাম হয়েছিল, প্রতি হাটে একজন লোক সেখানে থাকতো ; ত্রিলোচনবাবু যেদিন আসতেন না, সেদিন একজন সহকারী কর্মচারীকে পাঠাতেন মগরা থেকে। পাঁচি, সকলকেই চেনে। তারাও সকলে পাঁচিকে চেনে কিন্তু সাক্ষাৎ ব্যবহার ছিলনা। ত্রৈলোক্য যখন বুঝলে ব্যবসার ব্যাপারে নয়, তখন বিশ্বাস করে তাকে রেলীর গুদামে নিয়ে গেল।

সেদিন হাটে ত্রিলোচন এসেছিল। প্রথমে ত্রৈলোক্য গিয়ে পাঁচির কথা বলতে, তিনি তখনই বাইরে এসে দাঁড়ালেন। তিনি মনে করেছিলেন পাঁচি একজন বুদ্ধা বা প্রৌঢ়া বিধবা নারী,—কিন্তু স্রমুখে তাকে দেখে একেবারে চমকে উঠলেন। পাঁচির মাথায় কাপড় ছিল না স্ততরাং মুখখানি পরিষ্কার দেখা যাচ্ছিল।

তিনি গিয়ে দাঁড়াতেই পাঁচি জোড় হাতে, মাথাটি নিচু করে যেভাবে উচিত প্রণাম করে দাঁড়ালো, আশ্চর্য্য হয়ে তিনি দেখলেন, যেন সাধারণ ভক্তগণের বেশ শিক্তিত মেয়ের মত, উজ্জ্বল শ্রামবর্ণা, মুখে লক্ষ্মীপ্রী মাখান, বিশেষ তার ভাসা চক্ষু ছুটি যা দেখলে হান্ধা ভাবের মাহুষ মনেই হয় না। কেমন একটা স্নেহমিশ্রিত শ্রদ্ধা আকর্ষণ করে। তারি ভালো লাগল তাঁর অদ্ভুত এই বাগদীর মেয়েটি দেখে। তিনি প্রণাম গ্রহণ করেই জিজ্ঞাসা করলেন,—কি মা! আমার কাছে কেন এসেছ আমি কি করিতে পারি?

পাঁচি বললে,—আমরা বড়ই দুঃখী মাহুষ, বাবুদের হাটের প্রজ্ঞা,—ছোটজাত, সে জন্তে আমরা মনে করলে একটা কোন ভাল কাজ করতে পারি না। এখানে এমন কেউ নেই যে, একটু স্নেহের চক্ষে দেখে, তাই আপনার পায়ে এসে পড়েছি। আমায় আপনার মেয়ের মত মনে করে যদি একটু দয়া করেন, তাহলে একটা কাজের মত কাজ করা যেতে পারে।

ত্রিলোচন বললে,—কি কাজ করতে চাও, বলো? আমার যা সাধ্য তা আমি নিশ্চয় কোরব।

আমার কথা অনেক,—বিশেষ করে এখন আপনার কাজের ঝঙ্কাট এ সময় হবে না। আমার উপস্থিত একটা জলের ব্যবস্থা করতে হবে এই গ্রামে। তাছাড়া আজ আরও কথা আছে। আজকের কাজ যখন আপনার শেষ হবে, তখন যদি শোনেন তাহলে ভাল হয়। তিনি বুঝলেন এই বুদ্ধিমতী মেয়েটি তার কথা সকলের সামনে এভাবে বলতে চায় না।

তিনি বললেন,—আচ্ছা তাই হবে, তখন তোমায় ডেকে পাঠাব; এখন তাহলে তুমি এসো।

পথে আসতে আসতে ত্রৈলোক্য বললে,—হাঁরে পাঁচি, পরামর্শ বুঝি আমরা তোকে দিতে পারতুম না,—তুই কিনা গেলি কলকাতার বাবুদের কাছে পরামর্শ কোরতে?

ত্রৈলোক্যের কথা শুনে পাঁচি প্রথমে কথা কহিলে না;—তারপর সে যে কথা বললে,—সেটা সত্যই একটা নিরীহ অভিমানের কথা মাত্র। তবে এমন অভিমান যে পাঁচির মধ্যে আছে পূর্বে দেখা যায়নি। আসলে তার এই ভাল কাজটার অর্থাৎ পুরুষ-প্রতিষ্ঠার সাধটি এখন টিউবওয়েলে পরিণতিতে সে প্রাণে কম আঘাত পায়নি, কাজেই যখন ত্রৈলোক্য তাকে কলকাতার বাবুদের কাছে পরামর্শ নেবার কথা বোলে খোঁটা দিলে সে তখন আর মনের কথাটা চেপে রাখতে পারলে না। তার সহজ ঝরেই বললে,—দেখো জেঠা, আমরা হলুম

বাগদী, ছোট জাত,—তোমরা বড় জাত পয়সার কাজ ছাড়া আর যত কিছু কাজে আমরা অপবিত্র তোমাদের কাছে। বেশী কথা কি, আমাদের এই দেহটার ছাওয়াও তোমাদের কাছে অপবিত্র,—তখন তোমাদের সঙ্গে পরামর্শ করতে গেলে, ধর্ম বাধবে না কি ?

তার এভাবে কথাটার তাৎপর্য সরল ত্রৈলোক্য প্রথমে ধরতেই পারেনি, তাই পাঁচির কথায় সে একটু উন্মাদ প্রকাশ করেই বললে,—আর কলকাতার বাবুদের বুঝি তোকে বাগদী বোলে মনে হবে না ?

পাঁচি তখনি, তার উত্তরে অতি সহজ ভাবেই বললে,—এমন তো কিছু এখনও বুঝতে পারিনি, জেঠা ; যে ক'বার বাবুদের সঙ্গে—তোমার সামনেই তো দেখা হয়েছে হাটে, বাগদীর মেয়ে বোলে তাদের কথায়, ব্যবহারে কোন ঘেন্না বা অশ্রদ্ধার পরিচয় পাইনিতো ? তা ছাড়া কলকাতায় কত রকমের কাজ,—আর সেখানে শুনেছি কত কত কলকারখানা ; সেখানে কতো জাতের কত দেশের মানুষে কাজ করে ;—বাবুদের সে-সব ভাল জানা আছে, সেখানে কাওরা, বাগদী বোলে পরিচয় নয়, কাজের সঙ্গে কাজের লোকেরই পরিচয়। তা ছাড়া এখানকার লোক, কলকজার ব্যাপার—তোমরা ঐ বাবুদের চেয়ে কি বেশী বোঝ ? তাই তো ঐ কাজটার জন্তু গুঁদের ধরেচি, জেঠা।

এখন পাঁচির কোন কথারই প্রতিবাদের ভাষা নেই ত্রৈলোক্যের মুখে। তাই দেখে পাঁচি শান্তভাবেই বললে, কাজটা গুঁরা যদি দাঁড়িয়ে থেকে বুঝে-বুজে করে দেন তাতেই বা তোমার ক্ষতিটা কি, তোমার হাত থেকে কি কিছু বেরিয়ে যাচ্ছে ?

চমকে উঠলো কয়াল পাঁচির এই কথাটা শুনে। এটা তো নির্বাণ সত্য। ও যদি বিচক্ষণ বাবুদের হাত দিয়ে তাঁদের খবরদারীতে কাজটা করায় সত্যই তো, আমাদের তাতে ক্ষতি কিছুই নেই বরং কাজটা কলকাতার বাবুদের ধরে করবার ব্যবস্থা করে পাঁচি মহা বিচক্ষণতার পরিচয় দিয়েছে। এইসব কথা ভেবে সে আবার শ্রদ্ধাবান হয়ে উঠলো পাঁচির প্রতি।

এখন সে আবার বিপরীত ভাবে আরম্ভ করলে :—কার অগ্নে তার সংসার চলছে আজ ক'বছর, —ঐ বাগদীর মেয়ে যদি তাকে এক কথায় সাড়ে তিনশো টাকা—করকরে, হাতের উপর গুণে না দিতো, সেদিন চোটার স্নেহে যদি তাকে ধার করতে হতো—এই তিন বছরে স্নেহ-আসলে তার কি পরিণাম হতো ভেবে তার গায়ে কাঁটা দিয়ে উঠলো। তার বদলে তার জমিদারের আড়াই বছরের খাজনা শোধ,—মাসে মাসে সংসার খরচের টাকা পঁচিশ থেকে কোন

কোন মাসে পঞ্চাশ টাকা আসছে, কাপড়ের দোকান থেকে ছেলের হাত দিয়েও পনেরো বিশ টাকা প্রতি মাসেই আসচে। আজ গ্রামের মধ্যে সজল সংসার তাদের, সবাই জানে। সবই তো ঐ বাগদীর মেয়েরই অমুগ্ধে। এইসব তার মনে উঠে নিজেকে পাঁচির তুলনায় কত ছোট সে কথাটা স্পষ্ট হয়ে উঠল, বড় কাতর হয়েই বললে,—তুই কিছু মনে করিসনি, পাঁচি,—তোকে মেয়ের মতই মনে করি,—তাই বলেছি ও কথাটা—ইত্যাদি বোলে পাঁচিকে সাশ্বনা দিতে চেষ্টা করলে।

আসলে ওটা ওর নিজেরই সাশ্বনা। এ কথাটা তার বুদ্ধিতে না আসুক কথাটা বোলে মনটা কতক ঠাণ্ডা হোলো—অপরাধ থেকে যেন মুক্ত হল। এ পর্যন্ত পাঁচি তাকেই মুগ্ধি ধরে বাজারের কাজে নেমেছিল, সবাই জানতো পাঁচির কাজ ত্রৈলোক্যেরই কাজ। কাজের বিষয় পাঁচি জানে ত্রৈলোক্য আর ত্রৈলোক্য জানতো বুদ্ধির খেলা যা কিছু তা পাঁচিরই,—এই সত্য সে যেমন বুঝে এমন আর কেউ বুঝে না,—তবুও সে পাঁচিকে এমন ভুল বুঝলে কি করে? আশ্চর্য্য মানুষের মন!

রেলীর বাবুদের কাছ থেকেও পাঁচি নলকূপের কাজে নামবার জোর সমর্থন পেয়েছিল। যে বুদ্ধিতে মুড়ো তাকে টিউবকল করবার পরামর্শ দিয়েছিল রেলীর বাবুরাও তাকে ঠিক সেইদিক থেকে সেই পরামর্শই দিলেন। তখনই তার মুড়োর বুদ্ধির উপর একটা শ্রদ্ধাও হোলো,—তাকে বোকা বোলে বুঝে এসেছে লোকে, তার বুদ্ধির যথার্থ পরিচয় লোকে যে পায়নি। লোকে কেবল বাইরেই দেখে।

পুকুর হোলোনা পাঁচির,—তার যে দুঃখ তা এখন অনেকটা কম হয়ে গেল যখন নলকূপ করাই সাব্যস্ত হোল। কিন্তু পুকুর কাটা হলে একটা স্থায়ী কাজ চিরকালের মত—একটা কাজের মতই কাজ হোতো একথা তার মনের ভিতরে মাঝে মাঝে উকি দিতে লাগলো বটে কিন্তু উপায় নেই। আসলে—সে যথাসর্ব্ব্ব দিয়েও পুকুর-প্রতিষ্ঠার কাজে নামতে রাজিও ছিল,—কিন্তু ঐ যে কথাটা, উপরি আরও হাজার দেড় হাজার টাকা দিয়ে ঐ পুকুরটি একজন বামুনকে দান করতে হবে তবে তার জল শুদ্ধ হবে, বামুনেরা ছোঁবে;—কথাটার মধ্যে তারা ছোট জাত বোলে যে দ্বণ্ডা, এটা বেদনা হয়ে লাগলো পাঁচির সরল এবং নিশ্চল প্রাণের মধ্যে। এইখানেই সে মুড়োর সঙ্গে একমত আর এইটাই প্রবল বাধা হয়ে পুষ্করিণী প্রতিষ্ঠার সকল আশাই উলটে দিলে। তার সঙ্গে আরও কিছু করে

ফেললেন তার মনের বিধাতা,—এই যে বামুন বৈষ্ণব কায়স্থ কৈবর্ত কাওরা বাগদী ডোম এইসব ছোট বড় জাতের ঢেউ কোথা থেকে উঠেছে আর তার মীমাংসাই বা কোথা, এইসব নিয়েই এক প্রশ্ন নিরন্তর তার অন্তরক্ষেত্রে জেগে রইল। বোধহয় জীবনের প্রতিটি দিনে প্রতিটি কণ্ঠের মধ্যেই জেগে রইল।

আরও বিশেষ যে কারণে পাঁচির বুদ্ধি ভিতরে ভিতরে পেকে উঠছিল,—যেজন্ত সে টিউবওয়েল প্রতিষ্ঠায় সহজেই রাজি হয়েছিল। ছোটবাবুর ব্যাপার দেখে অবধি সে বুঝেছিল এ গ্রামে তার থাকা হবে না, তাকে এ পাপ ভূমিদারের সম্পর্ক ছাড়তেই হবে। ত্রৈলোক্যকে সে ভাবিয়ে তুলেছিল যে, তার ধানচালের কারবার, যেটা তার প্রাণ, সেটা কলকাতা অর্থাৎ কালীঘাট থেকে কেমন ভাবে চালানো যেতে পারে। তাছাড়া পুকুর কাটাতে অনেক দিন লাগবে নলকূপ অল্প দিনেই হয়ে যাবে। আরও এইজন্ত নলকূপের ব্যবস্থায় সে সহজেই রাজী হয়ে গেল। তার প্রচ্ছন্ন মনের আর এক খবর যা মুড়ো ছাড়া আর কেউ জানতো না,—সেটা তার লেখাপড়া শিখবার প্রবল ইচ্ছা,—মামার বাড়িতে তাদের ইকুলের দিদিমণিদের মত শিক্ষিত তাকে হতেই হবে। এখান থেকে না যেতে পারলে তার কোন সম্ভাবনাই নেই।

এখন থেকে সে তার বড় ভাইটিকে পরামর্শদাতার গৌরব দিতে একটু বেশী ব্যগ্রই হয়েছিল। এতে ত্রৈলোক্য একটু মৃদু ঈর্ষান্বিত হলেও সে বুঝে দেখলে এতে তার আর্থিক ক্ষতির সম্ভাবনা ত নেইই বরং কিছু কাজ বাড়ায় আর্থিক লাভের দিকটাই বেশী, কারণ পাঁচির এ গুণটির কথা পাঁচির বড় শত্রুও স্বীকার করতো যে, কারো পরিশ্রম কখনও বুথা বা অল্পমূল্যে ফাঁকি দিয়ে সে কখনও নেয় নি। দুর্দিনে গ্রামের কেউ মজুরী করতে গেলে পাঁচির কাছেই আগে যেতো। জনমজুরদের অভাবে বাবুরাও একবার পাঁচিকে শাসিয়েছিল যে, তার জন্তই মজুর পাওয়া যায় না, আর এই যে মজুরীর দর বেড়েছে এর জন্ত পাঁচিই দায়ী।

পাঁচি বলে, আমি কি ধনের মাহুষ যে মজুরের দর বাড়াতে যাবো,— জিনিষ-পত্রের দর আঙুন হয়েছে, মাহুষ না খেয়ে মারা যাচ্ছে, তাইতেই মজুরীর দাম বেড়েচে। ধান-চালের বাজার দেখেই তো মাহুষের জীবন-যাত্রার মান ঠিক বুঝা যায়। বাবুরা এটুকু বুঝতে পারেন না এ বড় আশ্চর্য্য কথা তো।

অনেকদিন বাদে এবার বাবুদের মেজবাবু দক্ষিণের আবাদ থেকে এসেই খুব তথ্য লাগিয়েছেন—লাটের কিস্তির সময় এসেচে, টাকা চাই। মেজবাবু

পাঁচির পুকুর প্রতিষ্ঠার কথা পুরুত অধিকা ভট্টাচার্যের মুখে শুনে বললেন,—
ওর ইতিমধ্যে এত পয়সা হয়েছে যে পুকুর কাটাতে? এত পয়সা হ'ল
কি করে?

পুরুত ঠাকুর সর্বজ্ঞ, অনেকটা মোসারোব শ্রেণীর লোক, বাবুদের গোপন
আড্ডায়ও গতিবিধি আছে, কাজেই সকল খবরই খুব খাঁটি রকম জানেন,
বললেন,—হবে না? কাঁচা বয়েস, দিনে-রাতে রোজগার চলছে যে,—যদি
পুকুর কাটিয়ে পাপের ভার একটু কমান যায় তাহঁতো লেগেছে এ কাজে,—
আমার কাছে তো সেইজন্তে এসেছিল। তার ভাঁইটা আবার গুরু-পুরুত মানে
না। তার ওসব ইচ্ছা নয়, কিন্তু পাঁচির মন রয়েছে। শৌখ-খবর সব নিলে,
বোধ হয় আসচে মাসেই কাজ আরম্ভ করবে। আপন মনেই ঠাকুর মশাই
বলে যেতে লাগলেন, ফন্দিবাজ মেজবাবুর মনে একটা দাঁওয়ার আশা জাগিয়ে
ভুলতে আর তাঁকে প্রসন্ন করতে।

মেজবাবু বললেন,—পুকুরটা কাটাতে কোথায়, কার জায়গায়? পুরুত
নিছক কল্পনার আশ্রয় নিয়ে বললেন,—বড় রাস্তার ধারে, রসিক হালদায়ের
কাছ থেকেই চার পাঁচ বিঘা জমি কিনে নেবে, বোধ হয়।

কে তাকে ও জমি নিতে পরামর্শ দিলে? আমাদের জমিটায় এনে ফেলতে
পারলেন না? পুরুত বললেন,—বোধ হয় ত্রৈলোক্য কয়ালের পরামর্শে, ঐ
লোকটাই তো ওর ধান-চালের কারবার দেখা-শোনা করে, পায়ও বেশ মোটা
রকম। ওরই মতলবে মাগী কাজ করে কিনা।

ডাকাও তো একবার এখন সে হারামজাদাকে, ও জমি নিতে কে পরামর্শ
দিয়েছে দেখতে হবে।

চৌধি আহির দেউড়ীতে ছিল, মেজবাবু তাকে জোর গলায় হুকুম দিলেন,
—ত্রৈলোক্য কয়লাকে একুনি ধরে নিয়ে এসো।

ত্রৈলোক্য এসে পড়লে—হয়তো তাঁর আর সুবিধা হবে না এই ভেবে,—
‘আজ্ঞে তাহলে এখন আসি, এই বোলেই সাঁটে নমস্কার সেরে গুটি গুটি সেরে
পড়লেন পুরুত মশাই।

অল্পক্ষণেই কাঁধে গামছা ত্রৈলোক্য এসে উপস্থিত। জোড়হাতে প্রণাম
করে বললে,—আমায় ডেকেছেন মেজবাবু?

মেজবাবু রুদ্ধস্বরে বললেন,—প্রায় সাড়ে তিন বছরের খাজনা আর কতদিন
ফেলে রাখা যায়? ত্রৈলোক্য বললে,—আজ্ঞে হজুর আড়াই বছরের খাজনা
তো সেদিন শোধ করে দিয়েছি, কেবল গত সনের অর্ধেকটা বাকি আছে।

এঁরা আড়াই বছরে শোধ করেছে ? কবে করলে ?

আজ্ঞে তখন আপনি লাটে ছিলেন, আপনি নায়েব মশাইকে জিজ্ঞাসা করে দেখুন না ?

দাখিলা পেয়েচ ?

আজ্ঞে কাঁচা চিঠি পেয়েচি—নায়েব মশাই বলছেন, এ নাসের শেষে পাকা দাখিলা পাবো ।

হন্ হন্ করে মেজবাবু কাছারীতে চলে গেলেন, একেবারে নায়েব মশায়ের কাছে গিয়েই সোজা জিজ্ঞাসা করলেন : ত্রৈলোক্য কয়াল আড়াই সনের খাজনা দিয়েছে ? নায়েব বললে,—আজ্ঞে ইঁয়া, আর কাঁচা রসিদ দিয়েছি ।

তুমি জ্ঞান ও টাকা পেল কোথায় ? ওর তো ফসল হয়নি গত বছর ?

আজ্ঞে বোধ হয় পাঁচি দিয়ে থাকবে । ও পাঁচির কারবার দেখে কিনা ? বাবু বললেন,—ওকে যেন পাকা রসিদ দেওয়া না হয়, একেবারে তিন সনের সবটা নিয়ে নালিশ হবে ।

নায়েব বললে,—ওয়ে, বড়বাবুকে ধরে আমার সঙ্গে পাকা রসিদ পাবার দিন ঠিক করে গেছে । বড়বাবুর হুকুম, সই সবই হয়ে গেছে ।

আঃ ওকে এসব বুদ্ধি কে দিল ? ওটা চিরকালই সোজা লোক ছিল । পাশেই বড়বাবুর ঘর, ঘরে ঢুকেই জেষ্ঠ্যকে,—বেশ একটা হুমকী দিয়ে মেজবাবু জিজ্ঞাসা করলেন,—তুমি ত্রৈলোক্য কয়ালের আড়াই সনের খাজনার পাকা রসিদ দিতে হুকুম দিয়েছ ? বড়বাবু একটু চমকে গেলেন, বললেন,—ইঁয়া, কিন্তু কেন ? ও যখন সুদে-আসলে নগদ করকরে একশো দশ টাকা দিয়ে গেল ঐ অসময়ে, কি বিপদে পড়েছিলুম তখন ঐ দুঃসময়ে, তুমি ছিলে দক্ষিণে, তোমার কাছ থেকেও কিছু পাওয়া গেল না, তো ঐ টাকাটা তখন পাওয়া গেল । সহজে যেমন পাওয়া গেছে, রসিদটাও তেমন দেওয়া উচিত নয় কি ?

তাহলে বাকি এক সনের খাজনা সহজে আদায় হবে কি করে ?

ফসল যখন হয়নি, তখন না হয় ধীরে ধীরে দেবে, আর তাছাড়া মাত্র আধ সনের বাকি । কত প্রজাদের দুঃসন তিন সনের খাজনা এখনও বাকি রয়েছে তাদের তুলনায় এটা এমন কি বেশী ?

ওকে হাতে রাখা দরকার যে,—

কেন ?

বাগদী পাঁচি পুকুর কাটাতে । যাতে ও আমাদের জমি নেয়—তার ব্যবস্থা ওকে দিয়েই যে করাতে হবে ।

ওকি করবে ?

ওযে, পাঁচির মুকুন্নি । ও বেটা রসিকের জমিটা নিতে পরামর্শ দিয়েছে ।
এখন যদি পাঁচি আমাদের জমি না নেয়,—তাহলে,—

বাধা দিয়ে বড়বাবু বললেন,—পাঁচি পুকুর কাটাতে কে বললে ?

তাইতো শুনচি । আমাদের জমি হলে বেশ মোটা টাকা সেলামী আদায় করা যাবে, জায়গার দাম ছাড়া ।

বড়বাবু বললেন,—দেখ, ধোঁজ-খবর করো, ওকে হাতে রাখা শক্ত হবে না—

সেই রকম হন্ হন্ করে মেজবাবু আবার আটচালায় ফিরে, জোরগলায় ত্রৈলোক্যকে বললেন,—পুকুর কাটাবার জন্তে পথের ধারে ঐ রসিক সরকারের জমি নিতে পাঁচিকে কে পরামর্শ দিলে ?

কে আপনাকে এখন দিয়েছে ? পুকুর কাটান হবে কিনা এখনও তো স্থির হয়নি, তবে ও আমাকে সঙ্গে করে পুরুত ঠাকুরের বাড়ি গিয়েছিল এইমাত্র । কিন্তু মতুলব যা কিছু সব তার নিজের, ও কারো সঙ্গেই পরামর্শের ধার দিয়েও যায় না । ওকে আপনারা চেনেন না বাবু, ও আলাদা মানুষ । ছেলেমানুষ হলেও ওর যুক্তি পরামর্শ সব নিজের ।

আচ্ছা শোন, ও যদি পুকুর কাটায় তাহলে যাতে আমাদের জমিটা নেয় সেই চেষ্টা করবি ।

ত্রৈলোক্য বললে,—আপনি বুঝতে পারবেন না, মেজবাবু ? ও কারো পরামর্শ নেয় না, নেবে না । ওর নিজের মন যা চাইবে তাই সে করবে,—সেই তাইবেই করে আসচে । তা ছাড়া ও পুকুর কাটাতেও না ।

মেজবাবু একটু যেন দমে গেলেন, বললেন, কেন ?

ত্রৈলোক্য বললে,—পুরুষ মশাই তাকে যেভাবে একটা বেয়াদা ফর্দ দিলেন,—একটা দেড় দু' হাজারের উপরি খরচ দেখালেন তাইতেই ও বিরক্ত হয়ে গেছে ;—বোধ হয় টিউবওয়েলেই কাজটা শেষ করবে ।

এবারে মেজবাবু অল্প কথা ভাবলেন, চিন্তিত মনে জিজ্ঞাসা করলেন, ওর কত পয়সা হয়েছে, টাকা, টাকা কতটা করেছে জানিস কিছু ?

ত্রৈলোক্য বললে,—আজ্ঞে, সে খবর কেউ জানে না । তবে চার, পাঁচ হাজার টাকার ফি হাতে চালের কারবার চলছে, এটা জানি । আমায় দয়া করে রেখেছে ! রেলীর বাবুদের সঙ্গে ও কথা বলে নিজে তাদেরও হাত করে রেখেছে । আমায় আবার কবে জবাব দেয়, তাহলে আসচে সনে চাষ করবার খরচও থাকবে

না। মেজবাবু তৎক্ষণাৎ বললেন,—তাই নাকি ? ও আবার এত বড় কেলবর হয়ে উঠলো কবে তাতো জানিনা ; শুনিওনি কারো কাছে। দিনে রাতে কারবার করে নাকি ?

ত্রৈলোক্য জিব কেটে,—ও কথা বললে জিব খসে যাবে বাবু ! ভুলেও ওকথা যেন মনে আনবেন না। আর, যদি কাকেও বলতে শোনেন তাহলে কানে নেবেন না। সে মিথ্যে, আমার চেয়ে ওকে কেউ বেশী জানে না। ওর সম্বন্ধে, মন্দ একটা কথাও কেউ বলতে পারবে না। ওযে হারা বাগদীর ঘরে কেমন করে এলো আমি তাই ভাবি। আপনাদের অন্দর-মহলে বোঁমারা সবাই ওকে জানেন ভালো। রাজ্যিসুদ্ধ লোককে ও আপন করে রেখেছে। ওকে যে সবাই ভালবাসে।

মেজবাবু বললেন,—মাগীর নাকি ভারি তেজ্ঞ শুনেচি, আমাদের প্রাধান্ত মানতে চায় না ?

ত্রৈলোক্য বললে ;—তেজ্ঞ ওর আছে সত্যি বাবু, তবে কারো অধিকারে ও যায় না, অত্যায কখনও কিছু করে না, সহও করে না। ও বলে সবার সঙ্গে সদ্যবহারেরই সম্বন্ধ, অত্যায কেন সহ করবো ? উপকার করতে পারি ভাল, অপকার কারো কখনও করবো না। জমিদারদের সঙ্গে ঠিক মত খাজনা দেওয়ার সম্বন্ধ কিন্তু রাজা-প্রজা সম্বন্ধ নয়। কোথায় ওর মামার বাড়ি ;—সেখানে খুস্তানী ইস্কুলে ও পড়তো তারাই সব শিখিয়েছে।

যাই হোক ত্রৈলোক্য এইসব খবর দিয়ে নিজ ঘরে গেল ; প্রণাম করে যাবার সময় বলে গেল,—দোহাই বাবু, পাকা রসিদ যেন পাই,—আমি বড় গরীব।

ত্রৈলোক্য জেষ্ঠ্যকে সহায় করে ইতিমধ্যে পাঁচি, এক লগ্ণে একশো ধারো বিধা ধান জমি কিনেছিল, সুন্দর বন অঞ্চলে। তখনও বেশ সস্তা ছিল জমিগুলি। গভর্নমেন্টের সঙ্গেই তার বন্দোবস্ত, মধ্যে জমিদার নেই। গত বৎসর থেকে তার চাষ হচ্ছে। সেই ধান বাবদে সে এবার আড়াই হাজার টাকা পেয়েছে। ত্রৈলোক্যেরও কম লাভ হয়নি। সে জমি উর্ধ্বরা, নূতন হাঁসিলি জমি, পরে আরও বেশী আয়ের সম্ভাবনা আছে। ত্রৈলোক্যই তাকে ধান ভাগে চাষ করবার ব্যবস্থা করে দিয়েছিল। আধা আধি ভাগ, চাবীরা নিজ ব্যয়ে চাষ করবে ফসল যা হবে অর্ধেক পাওয়া যাবে। কেবল আড়াই শো টাকা, হাল গরু প্রভৃতি চাষের প্রয়োজনীয় জিনিসের জন্ত পাঁচিকে দিতে হোয়েছিল। পাঁচি সে টাকা আর তাদের কাছ থেকে দাবী করেনি ;

সেই জন্তু তারা পাঁচির অশুভগত এবং বাধ্য হয়েছিল। পাঁচির প্রাণটা মমতায় ভরা, চাষীদের যাতে সচ্ছলে সংসার চলে, যাতে তারা ভাল থাকে তাদের অভাবে পড়তে না হয় সেদিকে তার তীক্ষ্ণ দৃষ্টি ছিল।

এই জমি খরিদ ব্যাপারে গত বৎসর থেকেই তার সঞ্চয় হহ করে বেড়ে যাচ্ছিল,—তাতে তার বাস্ব ব্যবহারে তিলমাত্র ব্যতিক্রম ঘটেনি। জমির কথাও তার গোপন ছিল। তার ভাই মুড়া সেও জানতে পারেনি প্রথমে, তারপর গোপনে একদিন পাঁচি এ সম্বন্ধে সকল কথাই তাকে বোললে,—আর একথাও জানিয়ে দিলে যে তার সুন্দর বনে ঐ জমি নেওয়ার কথা প্রকাশ হলে—তাদের এখানে থাকা ভার হবে। জমিদার বাবুদেরও নজর পড়বে, শেষে তাদের ব্যতিব্যস্ত করে তুলবে। মুড়াও বুঝেছিল। তার বুদ্ধি ছিল;—তা ছাড়া এখন পাঁচির, দাদার সাহায্য দরকার, একা ত্রৈলোক্যের পক্ষে সব কিছু করা সম্ভব নয়;—তাই এই দুজন লোক ছাড়া এখনও তার জমি কেনার কথা কেউ জানতো না।

* * * * *

অত্যন্ত গরীব নকুড় বাগদি, গ্রামের চৌকিদার, তিন চারটি ছেলেমেয়ে নিয়ে ঘর করে। তার সামান্য এক বিঘা জমি, বাবুদের কাছেই খাজনা করে নেওয়া। জমিটা তার উচু, সেইজন্তু বেশী বরষা না হলে তার জমিতে ধান হবনা, কারণ উচু জমীতে জল থাকে না, শুকিয়ে যায়। তাই সে পাশের খাল থেকে জল নিয়ে ফসল ফলাবার চেষ্টা করে। লম্বা গভীর খাল বারোমাস জল থাকে। বারোমাস ডোঙ্গা চলে হাটের ঝালামাল যাতায়াত করে। আগে আগে, খালের ধারে যাদেরই জমি তারা খালের জল টেনে নিয়ে চাষ করতো। সম্প্রতি বাবুরা নিয়ম করে দিয়েছেন, খালের ধারের কোন চাষী, তার জমিতে খালের জল নিতে পারবে না, নিলে জরিমানা দিতে হবে। উপরি উপরি তিন বছর ধান না হওয়ায় নোকুড় এবারে খালের জল চুপি চুপি কয়টি প্রতিবেশীর সাহায্যে বেশ খানিকটা নিজের জমিতে চালান করেছিল। বাবুদের টের পাবারও সম্ভাবনা ছিলনা। কিন্তু অধিকা ভটচাষ্যের ছেলে ঠিক খবরটা ভটচাজকে দিয়ে এসেচে। ফলে বাবুদেরও কানে উঠতে দেবী হোলোনা। নকুড়কে তলব হল কাচারীতে,—বিচার সভা বোসলো, রামও বেরোলো, নকুড়ের পনেরো টাকা আর সহযোগীদের চারজনের দশ এই পাঁচিশ টাকা জরিমানা হোলো। তিন দিনের মধ্যে আদায় চাই। খবর দেওয়ার জন্তু ভটচাষ্যের তার মধ্যে থেকে পাঁচ টাকা পাওনা হল।

নকুড়কেই সব টাকাটা দিতে হবে। কিন্তু এত গরীব সে কোথা পাবে টাকা? বাবুরা বলে তা আমরা কি জানি,—জমি বাঁধা দিয়ে দিবি। জমি বন্ধক দিলে আর খালাস করতে হবেনা এ জীবনে, একথা সবাই জানে।

খবরটা যথাকালে পাঁচির কানে গেল। মুড়াকে দিয়ে পাঁচি নকুড়কে বোলে পাঠালে রাত্রে নিশুতি হলে নিশ্চয় একবার পোলের হাটে তাদের ঘরে এসে যেন সে পাঁচির সঙ্গে দেখা করে।

স্বজ্ঞাতি বৎসল পাঁচি নিজের জেঠাকে এক পয়সা কখনও দেয়নি কিন্তু লুকিয়ে লুকিয়ে জেঠিকে দিতো, আর তার নাম করতে বারণ শুধু নয় দিব্যি দিয়ে ছাড়তো। কারণ পাঁচি তার বিপদ বুঝতো, জানাজানি হলে বিপদ বা অশান্তির সীমা থাকবেনা। যাই হোক এখন এমন কৌশলে পাঁচি নকুড়কে টাকাটা দিলে যাতে লোকে জানলে ত্রৈলোক্যই নকুড়ের জমি বাঁধা রেখে টাকাটা দিয়েচে।

এইভাবে পাঁচির কাজ চলতো, তার প্রচ্ছন্ন দাত্রীমূর্তি কেউ দেখতেও পেতোনা, হাবা গোবা মেয়েটি নিজেকে প্রচ্ছন্ন রাখবার কৌশলটি এমন জানতো তাকে কেউ সন্দেহ করতেই পারতো না। তার খুড়ো জেঠারা তাকে এক নম্বর কেরেট, কঙ্কুস এই সব বোলতো,—পাঁচির চরিত্রের এদিকটা তাদের কল্পনারও বাইরে।

সম্প্রতি কিছুদিন থেকে পাঁচি যেন একটু ব্যস্ত হয়ে পড়েছিল। আগেই বলেছি কয়টা ছেলে তার সঙ্গে ঘনিষ্ঠতা করবার চেষ্টা করছিল। সে সাবধানেই আছে কিন্তু তারা একটু যেন বেশী বেশী তার দিকে লক্ষ্য করছিল। তাই একদিন পাঁচি বাবুদের ছোট বৌকে গোপনে সব কথাই বলতে গেল। কিন্তু সংকোচবশতঃ খুলে সব কথা বোলতে পারলে না এই ভেবে যে, তাকে এ বিপদ থেকে বাঁচাতে পারবে কি ছোট বৌ। তার সাধ্য কি? তবুও যথাসম্ভব আভাসে তার উপর নজরের কথা বললে এবং এই ব্যাপারের গুরুত্ব কতটা তাও বললে, এর চেয়ে বাড়াবাড়ি ভাল নয়। এখন থেকে একটা বিহিত না হোলে তাকে এ গাঁ ছেড়ে চোলে যেতে হবে, এইটুকু ও জানালে। ছোট বৌ বুঝলে পাঁচি একটু ভয় পেয়েচে। স্তন্দরী ছোট বৌ মানুষটি শুধুই যে সরল ও দয়াবতী ছিল তা নয়, পাঁচির উপর তার মমতার সীমা ছিলনা। স্বামীর সাহায্য সে পাবেনা তা ছোট বৌ জানতো,—তাই আজ ছোট বৌ তাকে ভরসার কথা বলতে পারলেনা। পাঁচি তা বুঝলে। কিন্তু আজ ছোট বৌয়ের কাছে এসে পাঁচি আর একটা কিছু পেয়ে গেল,

সেটাও কম নয়। তাহাতেই তার ঐ ভয়টা অনেক পরিমাণেই হাল্কা হয়ে গেল। সৎ বস্তুর প্রভাব এমনই হয়ে থাকে। বিশেষতঃ পাঁচির জীবনে তা অনেকবারই হয়েছে।

বাবুদের ন'কর্তা কোলকাতায় থাকেন, ছুটির সময় তাঁর মেয়েরা এসেছিল। তাদের সঙ্গে পাঁচির দেখা হয়ে গেল। কি চমৎকার তাদের স্বভাব, সুন্দর ব্যবহার। বড় মেয়েটির এখনও বিবাহ হয়নি, প্রায় তারই বয়সী—একটা পাস করেছে, দ্বিতীয় পাশের পড়া পড়ছে এখন। ছোট মেয়েটি অপূর্ণ সুন্দরী সেও পাশের পড়া পড়ছে। তারা পাঁচিকে খুব ভালবেসেছে, তারা অনেক গল্প করলে পাঁচির সঙ্গে। ছোট বোঁএর মুখে পাঁচির চালের ও ছুঁধের কারবারের কথা শুনে ওরা ওকে খুব স্নখ্যাতি ত করলেই বরং আরো খুসী হয়ে বললে, পাঁচি, তুমি ভাই আমাদের চেয়েও কাজের লোক, আমরা লেখাপড়াই করতে পারি কিন্তু তোমার মত অমন বুদ্ধি ও চেষ্টার ফলে ব্যবসায় কাজে আমাদের বুদ্ধি যায় না। সেদিকে আমরা বোকা একথা স্বীকার করতেই হবে। শুনে পাঁচির মন উৎসাহ ও আনন্দে ভরে উঠল। লেখাপড়ার দিকে তার যে কতটা মন পড়ে আছে তারা ত তা জানতো না, জানলে আশ্চর্য্য হ'তো নিশ্চয়। আত্মবিশ্বাস ছিল তার প্রবল, এখনও তার বয়স বেশী মোটেই নয়, যত্ন করলে লেখাপড়া নিশ্চয়ই শিখতে পারবে। এ ধারণা তার দৃঢ়ই ছিল। কিন্তু কলকাতায় না গেলে সে কাজটা সুবিধা হবেনা,-- সেইজন্য কতোদিনে এখানকার কাজ শেষ করে কলকাতায় গিয়ে বোসে লেখাপড়ায় মন দিতে পারবে এই ভাবনায় এখন থেকেই সে দিন গুনচে। এক মুড়ো ছাড়া এর হৃদিস আর কেউ জানতো না।

এবারে পোলের হাটে ধুমধাম করে বারোয়ারী কালীপূজা হয়ে গেল। পাঁচি ষাধারণভাবে চাঁদা, যা তাদের সকল মহাজন দিয়েছে তার উপর এক পরসাদ দেয়নি। কিন্তু বিপদ করলে তার ভাই মুড়ো। কি জানি ফিকিরটা কে তার নাথায় ঢুকিয়েছিল, সে গোপনে পাঁচিকে ধরে বোসলো ভূষণদাসের অভিমত বধ যাত্রা দিতে হবে,—অর্দ্ধেক চাঁদা আদায় হয়েছে বাকীটা তাকেই দিতে হবে। পাঁচি অবাক, সে কি দাদা, আমরা কি ধনের মানুষ যে আড়াইশো টাকার অর্দ্ধেক দেবো, তুমি ওদের কথা শুনোনা। আমরা দুঃখী মানুষ, আমাদের ওসব রোগ ভাল নয়। প্রায় তাকে ঠিক করে এনেছিল পাঁচি কিন্তু মুড়ো ভয়ানক যাত্রা ভালবাসে, তার উপর এই হাটের সেও একজন মুকুন্দের মত। তার বিশ্বাস ছিল পাঁচি রাজি হয়ে যাবে, তার কথা

ঠেলতে পারবে না। এখন আবার তার আত্মসম্মতবোধ হয়েছে। তাকে যারা নাচিয়েছিল তারা বুঝিয়ে দিলে এতে তাদের অপমান, মর্যাদা ক্ষুণ্ণ হবে। শেষে সে মোক্ষম অন্তর্ভুক্তি ছাড়লে, বললে,—পাঁচি, আমি কখনও তোমার কাছে কিছু আত্মসম্মত করিনি এই আমার শেষ। পাঁচি মর্যাদাপূর্ণ হয়ে বোলে, বাট্ বাট্ অমন কথা আর বোলনা দাদা—আমার মাথায় হাত দিয়ে বোলা আর কখনও মুখে আনবে না? মুড়োর আত্মসম্মত রাখতেই হোলো। যাই হোক ফলে গ্রামে যা বাবুদের দ্বারা হয়নি তাই হোলো তাদের ক্ষমতায়।

সারা অঞ্চল, পাঁচ সাতখানা গ্রামের লোক ভূষণের অভিমতবোধ যাত্রা শুনলে। এই স্ত্রে পাঁচির সম্মান বেড়ে গেল।

একদল তাকে দেবীর কৃপাপ্রাপ্ত অসাধারণ নারী হিসাবেই দেখতে আরম্ভ করলে, তার মধ্যে ত্রৈলোক্য কন্য়ালই তাদের প্রধান—সেই ওটা আবিষ্কার করে। অপর দল যারা যৎপরোনাস্তি নীচ মনোভাবাপন্ন, তারা দুর্নাম আরোপ করে খুসী হোলো। পাঁচি কোনটাই গ্রাহ্যের মধ্যে আনেনি;— কারণ গ্রামের লোকেরা ছেলেবুড়ো সব প্রত্যেকেই কে কি প্রকৃতির তা সে ভালোমতেই জানতো, সেটা প্রায় তার বারো বৎসরের অভিজ্ঞতা,—তার সে অভিজ্ঞতার মূল্য ছিল।

বারোয়ারী উৎসবের পরের কথা। এক সপ্তাহ পরে এক রাত্রে, তখন প্রায় দুপুর হবে,—ঈশ্বরের ঘরে ঈশ্বর, পুঁটের ঘরে বো ছেলেপুলে নিয়ে পুঁটে ঘুমোচ্ছে; কেবল পাঁচি তার ঘরের মধ্যে আলো জালিয়ে লেখাপড়ায় ব্যস্ত। তার ঘরখানি বেশ পরিচ্ছন্ন, একটি সাধাসিদে কেরোসিনের অর্থাৎ দেবদারু কাটের টেবিল আর টুল তার সামনে—তারই উপর বসে পাঁচি হিসাবে মনোযোগী। দেয়ালে একখানা চকচকে রামদা, অপর দেয়ালে একখানা। ভোজালে;—এক কোণে একটা বর্ষা। পরিষ্কার বিছানা পাতা তক্তার উপর ঘরের সামনে দাওয়ার উপর একখানা মাদুর পাতা, তার উপর মুড়ো অকাতরেই ঘুমাচ্ছে। সে ঘরে শুতোনা, বরাবরই দাওয়ায় শোয়, আর পাঁচির ঘরের সামনের দাওয়াই তার প্রিয়—টুকি যেন পাঁচির গার্ড সে। সারা দিনের হাড়ভাঙা খাটুনির পর সন্ধ্যার পর ক্লান্তিতে সে আর সংজ্ঞা রাখতে পারতো না, ভাত খেয়েই সে পোড়তো আর মড়ার মতই ঘুমাতে। এখন, যখন পাঁচি ঘরের ভিতর আলো জালিয়ে তার সারাদিনের হিসাব-নিকাশ কোরছিল, গ্রামের ঈশান হালদারের ছেলে ফটকে এসে দরজা থেকে ফিস্ ফিস্ করে ডাকলে,—ছোটবাবু ডাকছে, পাঁচি, একবার বাইরে এসো।

পাঁচি প্রথমটা অবাধ, তারপরই যেন সহজ ভাবে বললে,—এত রাতে কেনরে, আমায় ডাকছে,—ছোটবাবু কোথায়?—সে বললে,—ঐ গাছতলায়। একটু ভেবে পাঁচি বললে,—আচ্ছা যা, যাচ্ছি। ফটকে চলে গেলে, পাঁচি সব শুধিয়ে রেখে, তারপর আলো হাতে নিয়ে বাইরে দাওয়ায় রাখলে, তারপর মাথার বালিসটা উলটে তার তলা থেকে খাপেভরা একটা নেপালী কুরকী বার করে, কোমরে কাপড়টা জড়িয়ে, খপ খোলা কুরকীটা বাঁ হাতে নিয়ে বাইরে এসে বেশ জোর গলায় ডাকলো, কৈ গো ছোটবাবু, কোথায়? ছোটবাবু একটা কাশির শব্দ করে উত্তর দিল, একটু দূরে খালের কাছ থেকে, তারপর আস্তে আস্তে বললে—এই যে, পাঁচি এইদিকে, এসো। গলার আওয়াজে পাঁচি বুঝলে বেশী মাত্রায় পানের ফলে এই অবস্থাই সম্ভব। আওয়াজ লক্ষ্য করে পাঁচি এগিয়ে গেল। দেখলে ছোটবাবু গাছের গুড়িতে একটা হাত রেখে দাঁড়িয়ে আছে, এগিয়ে এসে পাঁচির একটা হাত ধরতে গেল, পাঁচি একটু সরে এসে বললে,—ছোটবাবু তোমার এখনও চৈতন্য হলনা এতটা উচ্ছন্ন গিয়েছ?—একটু লজ্জা-ঘেরা কিছুই নেই? পাঁচির কথায় ছোটবাবু কোন উত্তর করলে না, ঘাড় হেঁট করে এমনভাবে বসে রইলো যেন বড়ই মন দিয়েই শুনচে কথাগুলো, কিন্তু পাঁচি বুঝলে ওটা নেশার ঝোঁক। তখন পাঁচি আবার বললে,—সেদিন ছোটমার ঘর থেকে আসবার সময় সিঁড়িতে আমায় ধরতে গিয়েছিলে।—ছোটমার মনে দুঃখ হবে তাই আমি সেটা চেপে গিয়েছিলুম,—তাই বুকি সাহস বেড়ে গিয়েচে? আজ একেবারেই ঘরে এসে উঠেচো। অমন সুন্দর বৌ ঘরে থাকতে, এসেছ কিনা বাগদীর মেয়ের কাছে, ছিঃ ছিঃ!

ছোটবাবু বললে,—তুই আর ধর্ম্ম কথা শোনাতে আসিসনি পাঁচি, তোকে আমি কত ভালোবাসি তা জানিস? পাঁচি অর্থৈর্য্য হয়ে বললে,—তা আর জানিনি, তোমাদের ভালবাসার কথা, শ্রাম মোড়লের বিধবাকেও তো ভালোবেসেছিলে, তারপর তার গর্ভ করে দিয়ে, কাছারীতে আনিয়ে নিছিমিছি গ্রামের দু'তিনজনকে মার-ধোর ক'রে শেষে দণ্ড, জরিমানা করে তাদের গ্রামের বার করে দিলে। বড়বাবু ভালোমানুষ, তিনি জানতেন না আসল কথা কিন্তু মেজবাবু আর গ্রামের সবাই তো জানতো কে ও কাজ করেছে? সে বেচারার যে কি হোলো, কোথায় বা গেল তা কেউ জানে না, এর কি কোন বিচার নেই? তোমাদের কাছে নেই কিন্তু উপরওয়ালার কাছে আছেই।

কে,—কে তোকে এসব কথা বলেছে? সব মিথ্যে কথা। ওসব কথা ছেড়ে দে। আমি তোকে চাই, আমি তোকে ভালবেসেছি, তোকে না পেলে

পাঁচি আমি পাগল হয়ে যাব। তুই আমার দয়া কর, ছোটবাবু এই বলে পাঁচির ডান হাতটা খপ করে ধরে ফেললে। পাঁচি তার নিঃশ্বাসে মদের গন্ধ পেলে,—তখন কিন্তু আর কিছুই বললে না। ছোটবাবু হাতখানা টিপতে টিপতে বললে, তোর হাতটা কি শক্ত রে পাঁচি ; এ যেন বেটাছেলের হাত।

পাঁচি বললে,—আমার মুখ তোমার ভাল লাগে ছোটবাবু ? বাবু তৎক্ষণাৎ বললে,—তোর ঐ চোখ রে, তোর ঐ চোখে কি আছে জানিস ? বলতে বলতে ধীরে ধীরে গাছটার তলায় ঢিবির উপরেই এসে বসে পড়ল। পাঁচির হাত তখনও ছোটবাবুর হাতে ধরা আছে—সে চুপটি করেই ভাবছিল। আর ছোটবাবু তার হাত ধরে মনে মনে ভাবছিল, বনের পাখী বোধহয় এখন বশ হল ! সে বাঁ হাত দিয়ে পাঁচিকে জড়িয়ে ধরে বললে,—তোর চোখ ছোটোই আমার মেরেছে রে পাঁচি। তুই ও চোখ পেলি কোথায় ? পাঁচি ধীরে ধীরে তার ডান হাতটি ছাড়াতে ছাড়াতে বললে,—আমিও মোরেচি গো ছোটবাবু,—তোমায় কি দেখে মরেছি জানো ? ছোটবাবু অন্ধকারে তাকে দেখবার চেষ্টা করে বললে,—তাহলে তুইও আমার ভালোবাসিস, সত্যি বল্লি, পাঁচি ?

নিশ্চয়, ভালোবাসি, বলে—ছোটবাবুর নাকটিতে হাত বুলোতে বুলোতে বললে,—আমি তোমার এই নাকটি দেখেই মোরেচি। কি চমৎকার নাকটি তোমার, এ রাজ্যে এমন কারো আছে ? পাঁচির সাহস দেখে পাঁচি নিজেই ভয় পেয়ে গেল। কামান্ন পশুর এই নগ্ন মূর্তি দেখে সে কখনও এতটা নিকটে এসে অভিনয় করতে পারতো না দিনমান হলে, ভাগ্যে এটা রাত্র। তার অঙ্গস্পর্শের প্রভাব,—ছোটবাবু কিন্তু বিশ্বাস করলেন তার কথাটা, - তার খড়্গ-নাসার স্মৃতি তিনি বাল্যকাল থেকেই ঘরে-বাইরে শুনে আসছেন। এই অবস্থায় যখন তিনি পাঁচিকে বিশ্বাস করে তাঁর আঙ্গুলগুলি পাঁচির গালের উপর চালনা করে আর পাঁচির আঙ্গুলগুলিকে নিজের খড়্গ-নাসার উপরে স্পর্শস্বর্থ অহুতবের অধিকার দিয়ে তার উদ্দাম ভোগতৃষা নিবৃত্তির নিশ্চিত পূর্ব লক্ষণ বুঝে নিশ্চিন্ত ছিলেন তখন পাঁচি, বিশ্বাসঘাতিনী তার আর একটা হাত নিয়ে এসে তার নাসার উপর কি যে করলে,—ছোটবাবু যন্ত্রণায় দাঁড়িয়ে উঠেই নাকে হাত দিয়ে চিৎকার করে উঠলেন—কি করলি রে সর্বনাশী, উহঁ হঁ হঁ কেটে দিলি, এ যে রক্ত ! তার নেশা ছুটে গেল।

পাঁচি ততক্ষণে বিদ্যুৎগতিতে নিজেকে নিরাপদ স্থানে এনে ফেলেচে। সেইখান থেকেই বললে,—ও কিছু নয় ছোটবাবু,—তোমার ঐ স্নান নাকের উপর ভালবাসার একটু চিহ্ন করে দিলাম ভুলতে পারবে না আর কখনও।

জমিদার বোলে আর কোন অসহায় প্রজার মেয়ের রূপ-মৌবনের উপর অহুরাগ দেখিয়ে তাকে সর্বনাশের পথে টেনে নিয়ে যেওনা—শ্রাম মোড়লের বিধবাকে যেমন করেছিলে। তোমার বিচার এখনো হয়নি কিন্তু হবেই, তার জন্ত তৈরী থেকো।

পাঁচি শুধু ডগার উপরে সামান্য একটু অংশই কেটে দিয়েছিল। নাকে-মুখে কাপড় চাপা দিয়ে ছোটবাবু তাড়াতাড়ি চলে গেল, যাবার সময় পাঁচিকে কেবল বললে,—আচ্ছা। তাকে ডালকুত্তা দিয়ে খাওয়াবো। তার দাঁত কড়মড়ানিটা পাঁচি শুনতে পেলো। ভয় পেলেনা পাঁচি।

পাঁচি তার ঘরে গিয়ে কুরকীটা ধুয়ে-মুছে যথাস্থানে রেখে, আবার খাতাপত্র নিয়ে বসলো। যখন তার হিসেব আর পড়ালেখা শেষ করে উঠল, তখন পূর্বদিক ফরসা হয়ে এসেছে। তা হোক তবুও পাঁচি ঘণ্টা খানেক ঘুমিয়ে নিলে।

যাই হোক এক সপ্তাহের মধ্যেই ছোটবাবু আমাদের স্মৃষ্ হয়ে উঠেছিলেন এবং চশমা ব্যবহার করতে আরম্ভ করেন ভালো দেখাবার জন্ত, কিন্তু ভালো দেখায় কিনা তা তিনি বুঝতে পারেন নি। কারো সঙ্গে সামান্যামনি হলে হাতের আঙ্গুলগুলি তাঁর উঠতে গিয়ে নাকের ডগায়—তবে এটা সত্য কথা আর তিনি ও কাজে নানেন নি।

পাঁচি কিন্তু এত কোরেও ছোটবাবুর কোপ থেকে নিজেকে বাঁচাতে পারলে না। ছোটবাবুর সঙ্গে রাগে তার দেখা হওয়া অবধি আজ কয়েক দিন একটা লোক অনবরত তার অহুসরণ করছে। লোকটাকে সে চেনে না, কখনও তাকে দেখেনি কারণ সে এ গ্রামের নয়। তাই সে লোকটাকে দেখিয়ে মুড়োকে জিজ্ঞাসা করলে, লোকটাকে চিনিস? হাটের ধারে মাঠের উপর লোকটা তখন একটা বাঙলা গাছের নিচে বসেছিল। মুড়ো অনেকক্ষণ ঠাঁহর করে দেখবার পর বোললে, ওয়ে উলটোনের হামিদ আলি। পাঁচি বললে, ঠিক দেখেছিস—ওকে জানিস? মুড়ো বললে, শুনেছি ও ডাকাতের সর্দার, ঘাটেশ্বরার হাটে যে সেদিন দাঙ্গা হয়েছিল ঐ তো করেছিল। বাবুদের বাড়ীতে ওর যাতায়াত আছে, চৌপার কাছে আসে জানি, আর কিছু জানি না।

*

*

*

পরদিনের কথা। তখন প্রায় সন্ধ্যা,—পাঁচি তাদের তুলসী তলায় দীপ জালিয়েই একবার খালের ধারে খোঁয়াড়ে হাঁসের তদারকে গেল, হাঁস সবগুলো ফিরে এসেছে কিনা দেখে-ওণে এলো,—তাড়াতাড়ি ফিরে যখন আসতে

—হঠাৎ দু'তিনজন বগা-গাভী গোছের লোক এসে পিছন থেকে তাকে জড়িয়ে, মুখে কাপড় গুঁজে, তার হাত দুটোকে পিছন দিকে বেঁধে, একেবারেই তাকে তুলে নিয়ে চললো।

পাঁচি দেখলে চার পাঁচটা লোকের সঙ্গে সে পারবে না, কাছেও কেউ ছিলনা, ঈশ্বর এখনও ফেরেনি, মুড়ো ঘাটেশ্বররায় গিয়েছিল জানতো—সেও এখন নেই, কাজেই সে বুঝা কোন চেষ্টাই করলেন না। তারা তাকে নিয়ে ডোঙ্গায় তুললে। ডোঙ্গার মধ্যে একজন ছিল,—পাঁচিকে তারা ভিতরে শুইয়ে দেবার পরই সে একটা কি এনে পাঁচির নাকের উপর ধরলে। অল্পক্ষণেই পাঁচির আর কোনও জ্ঞান রইলো না, তার দেহ এলিয়ে পড়লো।

*

*

*

পরদিন সকালে নিলাস্বরপুর গ্রামে খালধারে তাকে অচৈতন্ত অবস্থায় পাওয়া গেল। ত্রৈলোক্য ও আর সবাই মিলে তাকে নিয়ে এলো ঘরে। মুড়ো কাঁদতে কাঁদতে যখন পাঁচিকে তার বিছানায় শুইয়ে দিলে তখন পাঁচির দেহে প্রাণের কোন লক্ষণ ছিলনা।

পাঁচির এই যে গুরুতর আঘাত, শুধুই পাঁচির নয় হাটের উপর বাবুদের যত প্রজ্ঞা ছিল তারা সবাই ছোটবাবুর দুই চরিত্র-ঘটিত সকল ব্যাপারই জানতো, তারা সবাই ত্রৈলোক্যকে দিয়ে বাবুদের জানিয়ে দিলে, এ তারা কোনমতেই সহ্য করবে না,—ছোটবাবুর এই অত্যাচারের প্রতিবিধান তারা করবেই। ত্রৈলোক্যই ছিল ব্যবহার-জগতে পাঁচির ডান হাত, একথা সবাই ভালোরকমই জানতো। মূলে, সেও সবাইকে বুঝিয়ে দিলে, আজ অসহায় বাগ্দির মেয়ের উপর যেটা হয়েছে কাল তোমার-আমার ঘরে যে হবেনা একথা কে বোললে? কাজেই তারা এর প্রতিশোধ নেবার জন্ত দৃঢ়প্রতিজ্ঞ হয়ে উঠলো। সব খবর উত্তমরূপে জেনে নিয়ে রেলীর ত্রিলোচন বাবু ইলেন সহায়। আসামী কে জানাই ছিল, সাক্ষীসাবুদ নিয়ে তাকে চালান দিলেন কুলপীর নূতন দারোগা,—তিনি বাবুদের কর্ত্তি-কাহিনী আগেই শুনেছিলেন সকল কিছু। আর ঐ হামিদালী বিখ্যাত জেল ফেরৎ আসামী ছিল;—তার পূর্বাপর অপরাধের তালিকা চমৎকার সংগ্রহই ছিল। প্রথমে ডায়মণ্ডহারবারে ডেপুটির কোর্টে মকদ্দমা দায়ের হোলো, সেখান থেকে আলীপুর জেলা জজের সেসানেই গেল মকদ্দমাটা। এঁরা তাই-ই চেয়েছিলেন, আসামীর গুরুদণ্ডই তাঁদের কাম্য। এই মকদ্দমার ফল যা হোলো, তাতে সবাই সন্তুষ্ট হোলো। ঐ অপরাধীর পাঁচ বৎসর, তার সঙ্গী দুজন, তাদের তিন বৎসর করে জেল হলো।

পাঁচি, এই ঘটনার পর থেকে কিছুদিন সহজে ঘর থেকে বার হোতো না, কি ভাবতো তা সেই জানতো। কাজে-কর্মে ত্রৈলোক্য এসে সব কিছু বুঝিয়ে দিয়ে যেতো ;—বাকী যা কিছু মুড়োকে দিয়েই হোতো। প্রায় একটি মাস সে লোক-চক্ষুর অগোচরে ছিল। এই এক মাসেই সে তার ভবিষ্যৎ কর্মপন্থা স্থির করে ফেললে,—কাকেও কিছুই বললে না। তারপর কিছুদিন আগে সে যেমন ছিল তেমনিই চলতে লাগলো। একটা কর্ম তাকে এখানে আরও কিছুদিন থাকতে বাধ্য করলে, সেটা ঐ টিউবওয়েলের ব্যাপার।

এখন একটার পর একটা কাজ বড় কৌশলেই শেষ করে ফেলতে লাগলো পাঁচি।

তার প্রাণে ছটফটানি বেড়ে গেল একদিনের ব্যাপারে। হাটে সেদিন ন'বাবুর দুই মেয়ে এসেছে হাট দেখতে, সঙ্গে চৌধী দারোয়ান আছে পিছনে। হাট দেখতে কি পাঁচিকে দেখতে, ঠিক বলা যায় না। তবে এসেছিল এরা এটা ঠিক। কারণও একটু ছিল।

ছোটবাবুর কীর্তি-কলাপের পর থেকে পাঁচি বাবুদের বাড়ি যাওয়া-আসা একেবারেই বন্ধ করেছিল। ঐ বাড়ির ছোট বোটির কি জানি কেন পাঁচির উপর একটা দরদ, আর পাঁচিরও ততটাই মমতা যাকে বলে, তা কম ছিল না। দুই পক্ষেই এটা একটু প্রবলই ছিল? ছোট বো-এর নিজ সন্তান ছিলনা, বাড়ির যত ছেলে সবারই সে ছিল মা, আর পাঁচি ছোটমা বোলে গিয়ে দাঁড়ালে তাকে আর বাঙ্গীর মেয়ে বোলে মনে করত না। যাই হোক পাঁচি যাওয়া বন্ধ করলেও ছোটমা তাকে স্মরণ করতে ভোলেনি।

বাবুদের বাড়ির ঝি বিলাসী। ছোটবো গোপনে তাকে প্রায়ই পাঠাতো পাঁচির ঘরে। হঠাৎ পাঁচি যাওয়া বন্ধ করলে কেন এ রহস্য ভেদ করতে না পেরে সে অস্থির হয়ে উঠছিলো।

তারপর পাঁচিকে একরাত্রে ধরে নিয়ে যাওয়া, পরদিন অজ্ঞান অবস্থায় পাওয়া এসব খবর শুনে পাঁচিকে দেখবার জন্য ছোটবো ব্যাকুল, বড়ই উতলা হয়ে উঠলো। ছোটবাবুকে ধরে বসলো একবার পাঁচিকে দেখবার ব্যবস্থা করে দাও। কেঁদে সে চক্ষু দুইটি ফুলিয়ে ফেললে, পাঁচির উপর কি ভয়ানক পীড়ন গিয়েছে একথা মনে করে—তার প্রাণ কেঁদে উঠে। কিন্তু কিছুই বুঝতে পারে না। জানতেও পারে না তার বর্তমান অবস্থা। কোন উপায় না করতে পেরে কেমন মন-মরা হয়ে রইল কিছুদিন।

তারপর আদালতের মকদ্দমার কথা, বিচারে আসামীর জেল হওয়ার

কথা শুনলে। মনটা তার কতক শান্ত হলো বটে। কিন্তু পাঁচিকে একবার এখানে আনানোর ব্যাপারে,—ছোট বাবুকে কিছুতেই সে বাগাতে পারলে না। পাঁচির কথা শুনলেই ছোটবাবু বিষম ধমকে ওঠেন,—কে সে তোমার, তার জ্ঞাত এত দরদ কিসের, একটা বাঙ্গালীর জাত-কুল খাওয়া মেয়ে বৈ তো নয়। শেষে ছোটবাবুর ঐ বিপরীত মূর্তি দেখে ভয়ে সে আর পাঁচির নামগন্ধও করতো না, ছোটবাবুর কাছে। এমনই সময় ন'বাবুর মেয়েরা এলো কলকাতা থেকে। তারাও পাঁচির খোঁজ করলে। শেষে তাদের সঙ্গে ছোটবোঁ গোপনে পরামর্শ করলে। তারা তো এখানকার মেয়ে, খিউড়ি, বড় বাবুও তাদের ভালবাসেন,—সুতরাং হাটবারে হাট দেখবার নাম করে বড়বাবুর অহুমতি নিয়ে তারা হাট দেখতে আসবে আর পাঁচির খোঁজ নেবে;—এই ভাবের একটা ষড়যন্ত্র হোলো তাদের মধ্যে।

পাঁচি সেদিন সকালেই ঐ বাবুদের সঙ্গেই টিউবওয়েলের সকল ব্যবস্থা পাকা করে এইমাত্র হাটে ফিরে এসেছে। সোমবারের হাট, খুবই জিনিষ-পত্রের আমদানী, লোকজনও প্রচুর। ঐ দিনেই চালটা-ধানটা আসে বেশী। পাঁচি তার গোলার সামনেই দাঁড়িয়ে। তখন তারই চাল মাশা হচ্ছিল, রামে-রান, ছুইয়ে ছুই, তিনে তিন,—তাই দেখছিল। ধবধবে সাদা একখানা খন্ডরের সাজী পরা, বেশ চমৎকার আর্টসাঁট কোরে কোমরে আঁচলটা জড়ানো। তার কপালে মুখে ঘাম,—পরিশ্রমের গোরবে দীপ্ত মুখখানি দেখতে অত্যন্ত চিত্তাকর্ষক। কানে-কলম ত্রৈলোক্য কয়ালের সামনে দাঁড়িয়ে যে মাপের কাজ চলছিল সে তখন সেইদিকেই লক্ষ্য করছিল তাই প্রথমে তাদের দেখতে পায়নি। কিন্তু বড়ো মেয়েটি পদ্মা,—তাকে দেখতে পেয়েছিল সবার আগেই। ছোট বোনকে সে দেখালে ঐ দেখ পাকুল,—ঐ দেখ,—আমাদের পাঁচি নয়? তাইতো ঐয়ে পাঁচি! তারা দ্রুত পা চালিয়ে এসে পাঁচির হাতটি ধরে ফৈলে, বললে,—পাঁচি! কেন তাই তুমি এতদিন যাওনি, আমাদের বাড়িতে কলকাতা থেকে আমরা এসেছি। চলো, তাই, আজ, যেতেই হবে।

এক নিঃশ্বাসে পাকুল কথাগুলি বলে তাকে ধরে টেনে নিয়ে যায় আর কি!

পাঁচি একেবারেই স্তম্ভিত, ব্যাপার কি?—এয়ে একেবারেই অপ্ৰত্যাশিত। আনন্দ তার হোলো, এদের দেখে, তাই সে একটু মান হাসলে—বললে, আমার কথাটা যে তোমাদের মনে আছে আমি ভাবতেও পারিনি। মেয়ে দুটি যেন একটু নিরিবিলি যায়গায় পাঁচির সঙ্গে কথা কইবে এইটিই চাইছিল, তাই এদিক-ওদিক দেখে বড়টি বললে, চলোনা পাঁচি, তোমাদের ঘরে যাই। সেখানে

একটু বসব, একটু কথা কহিবো, চলো না ভাই;—তাকে অম্লরোধ করতে লাগলো।

পাঁচি দেখলে বিপদ, বাবুদের বাড়ির মেয়েরা পাঁচির ঘরে যাবে, হাটের মধ্যে চক্রসন্ধানী কতো লোক আছে তারা এই বিষয়টি কিভাবে বাবুদের আবার পাঁচির বিরুদ্ধে লাগাবে, বাবুদের মেয়েরা তো এসব জানেনা কিন্তু পাঁচিতে খুব ভালই জানে,—সে তো এখানকারই মেয়ে। সে বোললে,—আমার তো এখান থেকে নড়বার যো নেই দিদিমণি, আমার চালমাপা আরম্ভ হয়ে গিয়েচে যে। এখন তোমরা হাট দেখে-শুনে যাও পরে এক সময় আমি তোমাদের বাড়ি গিয়ে দেখা করে আসবো। পাঁচির কথায় তারা আশ্বস্ত হলনা; বড়টি চুপি-চুপি তার কানের কাছে বোললে,—তা হবে না, তুমি এখনি চলো ভাই, কাকীমা, তোমার জন্তেই আমাদের কত সাধ্যসাধনা করে পাঠিয়েছে, ছোট কাকী যে তোমায় কতো ভালোবাসে তা যদি জানতে, তা হলে কখনই এমন চুপচাপ থাকতে পারতে না।

পাঁচি দেখলে এখানে দাঁড়িয়ে দাঁড়িয়ে এসব কথা হওয়াও ঠিক নয়, দূরে দরওয়ান, চৌধী আহীর দাঁড়িয়ে, বড় বাবুর হুকুমে সেই তো মেয়েদের সঙ্গে এসেছে সব দেখচে আর অবাক হয়ে ভাবচে, ব্যাপার কি,—এরা কলকাতার মেয়ে, পাঁচিকে এতটা খাতির করে কোন হিসাবে? সে ভেবে পায় না। তবে সে পাঁচির সততার বিষয়ে নিশ্চিত ছিল। এখন পাঁচি দেখলে এইভাবে চলতে দিলে তাতে বাবুদেরই বিপদ বেশী। মহামুন্সিল হ'ল তার, কি করা যায়? ভেবেচিন্তে সে ধীরে ধীরে সেখান থেকে সরে এলো! পায় পায় বেশ সহজ ভাবেই সে তাদের এনে ফেললে খালের দিকে একটা বট গাছের তলায়, সেখানে অনেকটাই আড়াল ছিল। সেখানে দাঁড়িয়ে পাঁচি, কোশলে, নানা মিষ্ট কথায়, খানিকক্ষণ ধরেই সেই সুবুদ্ধি মেয়েদের ভাল করে বুঝিয়ে-সুঝিয়ে নিশ্চিত মনে বাড়ি পাঠিয়ে দিলে। ইতিমধ্যে তার যেটুকু জানবার তা জেনেও নিলে, আর তার ছোটমাকে যা বোলতে হবে তাদের কাছে বোলেও দিলে। সে এই খবরটা বিশেষ করেই পাঠালে যে, টিউবকলটা হয়ে গেলেই সে একদিন গিয়ে ছোটমায়ের কাছে বিদায় নিয়ে আসবে। আরও জানালে যে ছোটমার স্ব:খ সে সবার চেয়ে বেশী বুঝে;—কিন্তু সে নিরুপায় বোলেই যেতে পারেনি। তার দিক থেকে যেটা জানবার সেটাও জেনে নিলে—পদ্মা ও পারুল দুজনেই পাশের পড়া শেষ করেই পরীক্ষা দিয়ে ছুটিতে এসেছে। এই কথাটাই তাকে একটু নাড়া দিয়ে গেল।

তারা চলে গেল, আরও ভাবনার বোঝা যেন চেপে বসলো,—সে এখনও এখানে পড়ে আছে পড়াশুনা তার কিছুই এগোয়নি। হায় কলকাতায় থাকলে কত কিছু হতে পারতো। লেখাপড়া তাকে যে শিখতেই হবে! না সরস্বতীর মন্দিরে তাকে যে প্রবেশ করতেই হবে। এই যে তার ধন উপার্জনের চেষ্টা, কি জ্ঞান? ঐ বাণীর মন্দিরে প্রবেশের জ্ঞানই তো। এই বড় জাত, ছোট জাতের রহস্য ভেদ হবে ঐ বিচার মন্দিরে প্রবেশ করতে পারলে! এ সম্বন্ধে তার মনে কোন সংশয়ই নেই। এইভাবেই তার মধ্যে একটা উত্তেজনা, জীবন মরণের দ্বন্দ্ব যেন,—আজ যুগিয়ে গেল পদ্মা আর পারুল হাট দেখতে এসে।

তারপর নিজ জন্মভূমি ছাড়বার আগে পাঁচি কিতাবে সব-কিছু ব্যবস্থা করে নিলে এখন সেই কথাটাই বলে নিতে হবে। ঐ নলকুপের বিষয়ে আসল কথা এই যে, হাট বাবুদের,—পুকুর কাটালে মোটা টাকা পাওয়া যেতো, কিন্তু পাঁচি পুকুর তো কাটালেই না শেষ অবধি টিউবওয়েল হবে হাটে এই কথাই যখন ঠিক হোলো পাঁচি ত্রৈলোক্যকে বললে, যাই করি শেষ অবধি বাবুদের হাতে যেতেই হল দেখছি, এখন তুমি গিয়ে বাবুদের কাছ থেকে অহুমতিটা নিয়ে এসো জেষ্ঠা। তারপর, আশ্চর্য্য মেয়েটার বুদ্ধি—কখন যেতে হবে, কোন সময় বাবুরা একত্র বসে সব কিছু বিচার করে,—এটা শুনে প্রথমে বাবুরা কি বলবে, তার উত্তরে কি বলতে হবে;—তারপর তারা কি বলবে, তার উত্তরে কি বলতে হবে, যেমন করে পাখীকে রাধাকৃষ্ণ পড়ায় সেই রকম করে পাঁচি ত্রৈলোক্য কয়লাকে শিখিয়ে-বুঝিয়ে ছেড়ে দিল আর এই কথাটা বিশেষ করে বলে দিলে যা কিছু সে বলবে কেবল বড় বাবুর দিকে লক্ষ্য করে যেন বলে—অস্ত্র কারো দিকে চাইবে না।

পাঁচির সব কথা শুনে কয়ালের ভাল লাগলোনা,—মেয়েটার পয়সা হচ্ছে মাথাটা বিগড়েছে দেখি; আমার যেন কোন বুদ্ধি নেই। এইকথা ত্রৈলোক্য ভাবলে—তারপর কিন্তু এই ব্যাপারটার শেষ অবধি দেখে,—মনে মনে স্বীকার করতে বাধ্য হোলো, তার বিচারে ভুল আছে, পাঁচিকে সে বুঝতেই পারেনি। সে ফেরবার পথে, বাবাঠাকুরের থান দিয়ে আসতে আসতে নিজের হাতেই নাক কান মলে প্রতীজ্ঞা করলে যে আর কখনও পাঁচিকে বিচার করবে না।

যাই হোক এখন,—ভজ্ঞতার খাতিরে সে পাঁচির কথা শুনে তারই উপদেশ মত সব কিছু করবে স্বীকার করে সে জো বাবুদের বাড়ীতে যথাসময়ে উপস্থিত

হোলো। পাঁচি তাকে সময়ের কথাও একেবারেই নিখুঁৎ বলে দিয়েছিল। ওসব খবর তার চেয়ে বেশি কে জানবে? সাত বছর বয়স থেকে সে বাবুদের সংসারের হাল-চাল দেখে আসচে। কোন গুরু ব্যাপারে বাবুদের সঙ্গে দেখা করবার সময় হল যখন বৈঠকখানায় সকালের দিকেই তিন ভাই একত্র থাকেন। পাঁচিকে যাই মনে করুক ত্রৈলোক্য, বাবুদের বাড়ি গিয়ে যখন তিন বাবুর একত্র সমাবেশ দেখলে, তখনই তার যতো কথা অর্থাৎ পাঁচি যা যা বোলেছিল প্রায় সবই শুলিয়ে গেল। তিন বাবুকেই প্রণাম করে—কথাটা পাড়ার সময়েও সে একটু ভুল করলে। এইভাবে পাঁচি কথাটা আরম্ভ করতে বোলেছিল যে, হয়তো আপনারা শুনেছিলেন,—তার মা তৃষ্ণায় জল পায়নি, কলেরায় জল জল করে মারা গিয়েছে সেইজন্তু সে একটা পুকুর কাটাবার কল্পনাই করেছিল সেটা যখন হোলো না তখন এই ভাবেই মায়ের একটা স্মৃতিচিহ্ন রাখতে চাইচে। এটার খরচ তারই, তবে উপকার হবে হাটের, আর সে হাটের মালিক আপনারা। সেভাবে ত্রৈলোক্য কিন্তু বললে না,—সে প্রণাম করে গিয়ে বড়বাবুর কাছে দাঁড়াতেই বড়বাবু যখন তাকে জিজ্ঞাসা করলেন, কি খবর ত্রৈলোক্য? ত্রৈলোক্য বললে,—আজ্ঞে,—হাটে সবার তারি উপকার হবে আর গরমের দিনে জলকষ্ট বোলেই পাঁচি টিউবওয়েল একটা করাতে চায়। আপনাদের জমিতেই তো হবে তাই আমরা পাঠালে। আপনাদের হুকুম ছাড়া তো হতে পারবে না।

বড়বাবু মেজবাবুর দিকে চাইলেন—মেজবাবু তখন বললেন,—হুকুম—কিসের হুকুম? ত্রৈলোক্য বললে,—একটা জায়গায় তো ওটা হবে,—আপনারা যদি দয়া করে একটু স্থান দেন তাহলে ওটা হয়। মেজবাবু বললেন, তাই বলো জায়গা চাই,—তা, দাম দিতেই হবে। এখন ত্রৈলোক্যের মনে পড়লো,—ঠিক এই ঋণার পর কোন কথাটা বলতে হবে, আর ভুল না করে এবার সে ঠিক ঠিক বলতে লাগলো। পাঁচি বলে আপনারা জমিদার,—আপনাদেরই হাট, আমরা হাটের প্রজা মাত্র, আমরা ঘর জমির খাজনা তো দিয়েই আসচি। আর সামান্য এক আধ ছটাক জায়গায় তো ওটা হবে—ওটা আপনারাই, টিউবওয়েলের মত একটা সংকল্পের জন্তু দান করে দিন, এইটাই চাইচে পাঁচি। কোন কথাই আর বড়বাবু বললেন না; মেজবাবুর মুখটা গম্ভীর হয়ে গেল তিনিও কিছু বললেন না,—ছোটবাবু বললে এবার, কেন পুকুর-প্রতিষ্ঠা করলে তো অনেক টাকায় জায়গা কিনতে হতো,—সেই টাকাটা না হয় এই জমিতে দিলে। ত্রৈলোক্য বললে,—সেটা কোরতো দায়ে পড়ে, পুকুর কাটতে গেলে কিনতেই

হতো, যার নিজের জায়গা নেই। কিন্তু তা তো হোলো না, তাতে বেশী টাকার দরকার বোলেই তো হোলো না। এখন যেটা হচ্ছে—সেটায় অতি সামান্য জায়গারই দরকার, নাম মাত্র জায়গা। আর সেটা এমনই জায়গায় হচ্ছে—আসপাশে কারো জায়গাই নেই সবটাই আপনাদের। সত্য বলতে কি হাটের উপর এই কলটায় সর্বসাধারণের উপকার, বিশেষতঃ বাবুদের নিজেদের পক্ষেই বেশী উপকার। সকল মহাজন, স্থায়ী বাজারের দোকানদার, হাটবারে হাটের ফড়ে, খন্দের সবারই জন্তে এটা বাবুদেরই করে দেবার কথা। যাইহোক সবাই বাবুদেরই নাম করবে, এই সং কস্মে ঐ জায়গাটুকু দিলে। শেষে বললে,—যখন কলটা হবে পাঁচি একটা পাথরের লেখা মেয়ে দেবে তার মায়ের স্মৃতিচিহ্ন বোলে আর তাহাতে আপনাদের জমি দানের কথাও থাকবে।—এটা বোঁকের মাথায় বলে ফেললে, পাঁচির এ আদেশ ছিল না। মেজবাবুর টাকার উপর দমটা সবার চেয়ে বেশী, সে বলে কি, আমরা তাকে ঐ জায়গায় টিউবওয়েল করবার অধিকার দেবো, তার একটা দাম নেই, সে আবার তাতে খেত-পাথরের ট্যাবলেট মারবে, নিজের নাম জাহির করতে, তার দাম নেই?—এইবার ত্রৈলোক্য শেষ কথাটা বোলে দিলে বড়বাবুর দিকে চেয়ে, যদিও মেজবাবুর কথার উত্তরেই সেটা বললে,—ঐ এক ছটাক জায়গার দাম আর কতটুকু বাবু,—ঐ দাম দিয়ে যদি কিনতে হয় তাতে কি আপনাদের ইচ্ছা নাড়বে, সবাই বলবে বাবুদের কি এমনই অবস্থা হয়েছে,—

বড়বাবু চলে যাবেন বলে উঠে দাঁড়িয়েছিলেন, এখন তার কথায় বাধা দিয়ে বললেন,—সে কি চায়—লেখা অহুমতি? ত্রৈলোক্য বললে, লেখা অহুমতি দিলেই ভাল হয়, সে পাথরেও সেটা উল্লেখ করবে কিনা। বড়বাবু বললেন, আচ্ছা আচ্ছা, কাল বিকালে এসে ঐ লেখা নিয়ে যেও,—আমরা তিনজনেই তাতে সই দেবো আর পাঁচিকে বোলো, ওটা যেভাবে রেজেষ্ট্রী করবারও দরকার আমরাই করিয়ে দেবো।

ত্রৈলোক্য একটা ব্যাপারে আশ্চর্য্য হয়ে গেল। সঙ্গে সঙ্গে এই ভেবে অহুতাপ এলো তার মনে,—হায় হায়,—আমরা কত ছোট মন নিয়েই ঘর করি। এত দেখার পর মনে হোলো পাঁচি নিশ্চয়ই মা জগদম্বার বর পেয়েছে, না হলে আগে থেকে যা যা হবে শু জানলে কেমন করে?—তার শ্রদ্ধা বেড়ে তো গেলই—এ কথাটাও মনে হোলো, বাগদী কাওরা ছোট জাতের মানুষ, এ কথায় কি কোনো মানে আছে—

এইভাবে অহুমতি পাওয়া গেল। তার মায়ের নাম ছিল ভবি, ভাল নাম

ভবতারিণী। তারই নামে এটা উৎসর্গ, তার উপরে বড় অক্ষরে লেখা,—
মায়ের স্মৃতি।

ইতিমধ্যে সেই খেতপাথর ফলক তৈরী হয়ে এলো।

অমৃত্যু পাওয়ার সঙ্গে সঙ্গেই কাজ আরম্ভ করে দিলে, পাঁচি একটুও দেরী করলে না। তবে দুঃখের কথা এই, তার বড় সাধের পুকুর-প্রতিষ্ঠা হল না, এটা তার প্রাণে বেজেছিল। পুকুরের বদলে প্রতিষ্ঠা হল কিনা একটা টিউবওয়েল, প্রায় পাঁচশত ফিট নিচে পাম্পটা বসানো হোলো জমি থেকে আট ফুট উপরে আর তার পাশে একটা বড় চৌবাচ্চা হোলো তাতে চারিট কল লাগানো। যাতে ঐ বড় ট্যাঙ্ক ভরা থাকলে সবাই সহজে জল নিতে পারে। দুজন লোক দুবেলা কাজ করে ঐ ট্যাঙ্ক ভরাবে, তার খরচা পাঁচির। কাজটা ভালো হয়েছিল, সবাই একথা বলেছিল যখন উৎকৃষ্ট বালি এবং জল পাওয়া গেল। মিস্ত্রীরা সবাই তো বটেই গ্রাম-সুদূর তাকে ধন্য ধন্য করলে,—বললে, পাঁচি ভগবতী,—এ তল্লাটে এমন জল নেই, ভোগবতীর পবিত্র জল, এটা একবারেই পাতাল থেকেই আসচে।

এখন পুরুত মশাই একবার দেখতে এলেন। ঠাকুর মশাই বিস্ফারিত চক্ষে জলটানাটা খানিকক্ষণ দাঁড়িয়ে দেখলেন, সবার আনন্দ ও উৎসাহটা ও দেখলেন, সবার মুখে মেয়েটির উচ্চসিত প্রশংসাও শুনলেন। পাঁচিও সেখানে জল টানা দেখছিল। তার প্রাণে আনন্দ কম ছিল না কিন্তু পুকুর কাটা হোলো না এর জন্ত কেমন যেন একটু বিরস ভাবও ছিল তার মধ্যে। এখন পুরুতমশাই, কাঁসার মত খন খনে কণ্ঠস্বরে, যেন অসহ্য হয়েই রেগে বললেন, হ্যাঁ, হ্যাঁ,— এতে কি উপকার হোলো,—ছত্রিশ জাতে ঐ হাতলটা ঘুরিয়ে ঘুরিয়ে জল বার করবে, আর ভিতরের ঐ চামড়া ধুয়ে ধুয়ে জল বেরোচ্ছে—এতে কি ওর ভাল হবে? এই কথা শুনে পাঁচি তাড়তাড়ি চলে গেল ঘরের দিকে।

সেখানে প্রজারা অনেকগুলি ছিল, তারা আগাগোড়া সব কিছুই জানতো এর ইতিহাস,—এখন একজন তাদের মধ্যে বলে উঠলো,—পাঁচি যে বলছিল আপনাকে দিয়েই এটা পিতিষ্ঠে করাবে ঠাকুর মশাই, বোলছিল হাজার টাকা খরচ করবে, পাঁচশো টাকা দক্ষিণেই দেবে। তারপর আপনি মস্তুর পড়ে দিলেও শুদ্ধ হবে না জল?

আর একটিও কথা না বোলেই তিনি তার দিকে এক অভূত দৃষ্টি চাইতে চাইতে উঠলেন পথে।

মশাই হোক তার এখানকার কাজ শেষ হবার সঙ্গে সঙ্গেই বাবুদের ঘরে

বড় অশুভ ঘটনা ঘটে গেল। পাঁচির টিউবওয়েল যেদিন শেষ হোলো সেইদিন হঠাৎ সকালেই বড়বাবু হৃদরোগে নারা গেলেন। বাবার আগে পাঁচি এই আঘাতটি পেলে। গোপনে সে চক্ষের জল ফেলে ছিল, তার সেই প্রথম দিনের কথা, যখন সে বাবুদের বাড়ির কাজে লাগলো সেইদিন থেকে তিনিই পাঁচিকে ওখানকার সকল আপদ থেকেই রক্ষা করে এসেছেন। এইজন্য পাঁচির শ্রদ্ধার সীমা ছিল না।

ছেলেবেলা থেকে তার ছোট্ট শাক-সবজির ক্ষেত, তার পৈপে গাছ, কলাগাছ—হাঁসের পাল,—তার পাঁচটা গাঁই গরু, বাছুর, হেলে গরু দিয়ে দিলে সবকিছু তার জেঠা ও খুড়োকে। তার ভাই মুড়োর কাপড়ের দোকানখানি ত্রৈলোক্যের ছেলে গোকুলকে দিলে, অবশ্য তার লাভের অংশ বাড়িয়ে চালাবার তার ছিল। ত্রৈলোক্য দেখবে-শুনবে, যেমন চলছিল ঠিক তেমন চলবে। দোকানখানার ব্যবস্থা করে তার সেখানকার চালের কারবারের যতটা পারলে বাকি-বকেয়া আদায় করে, তার মূলধন যতটা বেশী সম্ভব আগে থেকেই ক্রমে ক্রমে উঠিয়েই নিয়েছিল।

যাত্রার আগের দিন ছোট বৌয়ের সঙ্গে দেখা করতে গেল। সে সময় বুঝেই গিয়েছিল,—ছোট বৌ তাকে নিয়ে একেবারেই নিজের ঘরে চুকে দরজায় খিল লাগিয়ে দিলে। তারপর তাকে বুকে জড়িয়ে ধরে বললে,—কেন তুই এতদিন আসিস নি বল,—তার চোখ দিয়ে ঝর ঝর করে জল ঝরছিল।

বল তাকে কে কি বলেছে?

কান্না পাঁচিরও অনেক জনা ছিল,—সে বেশী কিছু বলতে পারলে না, বেশী কথা সে মোটেই বললে না। কেবল শেষে পায়ের ধূলো নিয়ে বললে,—আশীর্বাদ করো যেন আর এখানে আসতে না হয়।

পাঁচি চলে গেল, ছোট বৌ কাঁদতে বসলো। বড় বৌ এলো, জিজ্ঞাসা করলে—একি তুই কাঁদতে বসলি কেন? ছোট বৌ বোললে, দিদি, বাপ নেই মা নেই এখানে কেউ সহায় নেই, আপনজন বলতে মেয়েটার কেউ নেই বোলেই মেয়েটা চলে গেল। এখানে তাকে কেউ বুঝলে না, তাইতো ও গেল, দিদি। বড় বউ বলে, আমোলো! বাগদীর মেয়েটার জন্তে তুই কেঁদে মরচিস? তোর সবই ছিটিছাড়া কাণ্ড! ওমা,—ও একটা শ্রুটি ছোট জাতের মেয়ে; ওর রূপ আছে যৌবন আছে—যেখানে ওর ব্যবসা ভাল চলবে ও সেইখানে গেল,—তা তুই ওর জন্তে কেঁদে মরিস কেন? ও ভাল হলে কখনও এমন ভাল জায়গা ছেড়ে যেতে পারতো?

* * * * *

মুড়ো বাগদীর ছেলে বটে কিন্তু তার গুণও বড় কম নয়। কি জানি ছেলেবেলা থেকেই তার একটা ধারণা হয়ে গিয়েছিল, যে-জাতেই জন্ম হোক না কেন ইচ্ছা করলে সবাই লেখাপড়া শিখতে, বড় বিদ্বান হতে পারে; ভদ্র আর ইতর বা মানুষ বড়ো ছোট তা তো নিজের দোষে আর গুণেই হয়—তার জন্মের সঙ্গে সম্বন্ধ নেই। কেবল পয়সা রোজগারটা ভাগ্যের কথা সেটা না লক্ষীর দয়া না থাকলে হবার যো নেই।

মুড়ো তার ছোট ভগিনীর মনের কথা ভালই জানতো, তার মধ্যে একটা আক্কেপ ছিল নিজের লেখাপড়াতো হোলো না, ছোট বোনটির লেখাপড়া করবার এতটা সাধ সে কেমন করে পূর্ণ হবে তাই ভাবতো। এটা তার গুহ্য কথা। মুড়ো বুঝতো কলকাতায় না গেলে পাঁচির লেখাপড়া শেখার সুবিধা হবেনা, সেই জন্তাই সেও যত শীঘ্র সম্ভব পাঁচির পোলের হাট ছাড়বার চেষ্টায় সাহায্য বড় কম করেনি। ইতিমধ্যে কাপড়ের কারবারে সে ব্যবসার মূল কথাটা বেশ বুঝে নিয়ে ছিল। সহজ সরল বুদ্ধি ছিল তার, গোলমালের মধ্যে তার মাথা খেলতো না। তার কাছে গোপনীয় বোলেও কিছু ছিল না। যাই হোক, এখন পাঁচি তাকে কিছু না বললেও, কিসে সে তার লেখাপড়ার সুযোগটা করে দিতে পারে সেইটাই হয়েছিল তার প্রাণের কথা।

সে যে মারের ভয়ে লেখাপড়া শিখতে পারেনি একথা তার মনে বরাবর কাঁটার মত খচ্ খচ্ করে বিঁধতো। কিন্তু তার কাপড়ের কাজটা আরম্ভের আগে থেকেই পাঁচি ত্রৈলোক্য জেঠাকে লাগিয়েছিল, মুড়োকে ভাল করে শুভঙ্করী আর পাটীগণিতটি তার সাধ্যমত শেখাতে হবে। তার উপর ভার দিয়ে নিশ্চিন্ত নয়, পাঁচি নিজে দেখে শুনে পরীক্ষা করে যখন বুঝলে যে ভাইটি তার অঙ্কে বেশ দড়ো হয়েছে, সে বেশ জমা খরচের ব্যাপারটা ধরতে আর আয়ত্ত করতে পেরেছে তখনই কাপড়ের কাজ আরম্ভ করে দিলে। কাজেই মুড়োর সাহিত্য পড়া হলনা বটে কিন্তু অঙ্ক তার যতটা চাই ততটাই লাভ হয়েছিল। বেশ ভাল রকমই হয়েছিল, সেটা পাঁচি জানতো।

মুড়ো আর ত্রৈলোক্যের সাহায্যে সে প্রথমাই চেংলা অঞ্চলে, আদি গঙ্গার ধারেই একখানা একতলা বাড়ি ভাড়া নিয়ে কিছু কিছু জিনিস চালান করে দিলে। তারপর সে একবার কালী-দর্শনে গেল। গিয়ে বাড়িখানা নিজে একবার দেখে এলো। পছন্দসই বাড়ি বটে দক্ষিণ আর পূর্বদিক খোলা,

পূর্বদিকে একটা মাঠ আছে। ত্রৈলোক্যকে খোঁজ-খবর নিতে বোলে সেবার সে ফিরে এলো পোলের হাটে। তারপর দিনক্ষণ না দেখে, প্রাচীন প্রথা না মেনে হঠাৎ সকালে তার জেঠী আর জেঠী ঈশ্বরকে জানিয়ে দিলে—
আমরা চললাম।

কখন কখনও আসবি ত? জিজ্ঞাসার উত্তরে সে বললে, জেঠী আশীর্বাদ করো যেন আর এখানে আসতে না হয়। সরল ঈশ্বর ভাবলে, মেয়েটা পাঁচ জনের মত নয় বোলেই এতো দুঃখ পেয়েছে, পাবেও বোধহয়। জেঠী একবার জিজ্ঞাসা করেছিল, হারে পাঁচি, বিয়ে করবিনি, সংসার-ধর্ম করবিনি? পাঁচি বোললে, এতটা ধর্ম তোমরা তো করেছ, আমি বিয়ে না করেই যদি তার ফল পাই তো সে মন্দ কি?—তার জেঠী বুঝলে না কথাটা, বললে, কি যে বলিস তুই, সময়ের যা তাইতো করতে হবে?

পাঁচি কলকাতায় এলো—।

আসবার একমাস পরেই পাশের ছোট মাঠটা একদিকে চালের আড়ত অপর দিকে উচু চালা করে একটা বড় দোকানে রূপান্তরিত করে ফেললে। কাপড়ের কাজটা হোলো মুড়োর, এখানে মুড়োকে ঐ নিয়েই তার অবস্থার উন্নতি করতে হবে। এখানকার আড়তদার হোলো গোপাল ভদ্র বোলে একজন দক্ষ লোক, ত্রৈলোক্যেরই পরিচিত। চারটি ডোঙ্গায় তাদের চাল আসে গোকান থেকে। আর পোলের হাটের কেনা-বেচা যা রেলীর সঙ্গে চলছিল সে কারবার ত্রৈলোক্যের হাতে রইলো, শনি ও মঙ্গলবারে সে এসে পাঁচিকে হিসাব-নিকাশ আর টাকা-কড়ি বুঝিয়ে দিয়ে যায়।

কিছুদিন পর পর পাঁচি মুড়োকে বললে, দাদা তুমি কিছু কিছু টাকা নিজের নামে জমাও না। মুড়ো বলে, তুই আমায় তাড়িয়ে দিবি নাকি? তোর মতলব কি? পাঁচি বলে কি, দাদা এত দিন তো কাপড়ের দোকান করলে, পাশাপাশি আমার চালের কারবারও দেখলে, হাতে থোকথাক টাকার সম্বন্ধ কতটা দরকার তা বুঝলে না,—এতে তোমাতে আমাতে ছাড়াছাড়ির ব্যাপার কেনই বা কল্পনা করলে বলো তো?

মুড়ো বলে, আমার ভাগে জমানো একটা থোক, তোর ভাগে জমানো একটা থোক আমি ভাল বুঝিনা। কেন সব তোরই থাকুক না। পাঁচি বুঝলে ও যখন সহজে বুঝবে না তখন ওকে একটু খুলে দেখাতেই হবে আর এইটাই ঠিক সময়। এই ভেবে সে বললে, শোনো আসল কথাটা। চালের টাকা কাপড়ের মধ্যে যাবে কেন, আর কাপড়ের টাকাই বা চালের মধ্যে আসবে

কেন,—দুটো কাজের দুটো পুঁজি ভাল নয় ? তবুও মুড়ো তার বুদ্ধি মতই বলে, আসলে সবই তো তোরই টাকা, আমার টাকা কোথা ? এইবার পাঁচি তার চক্ষুদানের প্রয়োজনীয়তা বুঝলে এবং মুড়োকেও তখন খুলে বুঝিয়ে দিলে—যে, তোমার নগদ পয়সা নাইবা থাকলো, তুমি যখন আমার সঙ্গে সমানে পরিশ্রম করেছো গোড়া থেকে তখনই একেবারে বিধিবদ্ধ নিয়মেই আধা-আধির সমান অংশীদার হয়েই আছ। তুমি জানতে না কারণ মনটা জানবার দিকে দাওনি। কারবার সংক্রান্ত এই নিয়মের কথাই আমি, জানি কারণ আমি কারবার করছি। এখন আর ওসব কথা তুমি বোলোনা। তোমার সঙ্গে আমার সম্বন্ধের কোন ব্যতিক্রম ঘটবে না, তুমি তোমার অংশ বোলে দাবী করলে। দাবী তুমি করোনি কখনই আর করবেনা বোলেই জানি, তাই আরও আমি তোমার অংশে আজ পর্যন্ত সব হিসাবই রেখেছি—বুঝে নিয়ে আজ আমার মুক্তি দাও।

পাঁচি বুঝিয়ে দিলে—তোমার ভাগে যে টাকাটা জমা আছে চলতি কারবার ছাড়া, সেটা তোমায় গুনিয়ে দিচ্ছি।

পাঁচি তার সেই মিশমিশে কালো মলাটের মোটা বইখানি এনে আজ এই তেরো বৎসরের সম্পূর্ণ হিসাব দেখালে,—কাপড়ের দোকানের যা কিছু। তারপর দুধের হিসাব। সব কিছু নিখুঁতভাবে পাঁচি মুড়োকে বুঝিয়ে দিলে। মুড়োর আয় এখন যা জমা হয়েছে তা প্রায় সাতটি হাজার টাকা। এখন থেকে সেটা তাকেই রাখতে হবে। মুড়ো বলে কি, পাঁচি ! টাকায় মাতাল করে বটে রে—আমার গা পা টলচে,—তুই আমার কি করে দিলি। নেশা হয়ে গেল যে। বেশ ছিলাম সবই তোর টাকা জেনে—একটা শাস্তি ছিল। এ আবার কি নেশা চুকিয়ে দিলি, বলতো ?

উক্ত ঘটনার কয়েক দিন পরেই মুড়োর একটু অবস্থান্তর দেখা গেল। ছট্‌ফটানিটা একটু যেন বেড়েই গেল। সবাই দেখে সে কেবলই চুপচাপ থাকে, কারো সঙ্গে বড় একটা কথা কয়না। কিন্তু নিজ আসনে স্থির হয়ে থাকতেও পারে না,—দোকান থেকে তিন চার ঘণ্টা অনুপস্থিত ; আবার এসে বসলো খাওয়া দাওয়ার ব্যতিক্রম বড় একটা তার দেখা যেতো না ; তবে পাঁচির সঙ্গে বেশী কথা কইতো না। মায়ের মতই পাঁচির প্রাণ ছট্‌ফট করে, তবে, এ আবার কি হোলো ;—হে না কালী—ভাইটিকে আমার ভালো করে দাও। আবার সে তবে হয়তো ঐ পয়সাকড়ির ব্যাপারে তার মনে বড়ই লেগেচে। দায়িত্ব তো কম নয়। আবার তাই ঝোঁকের মাধ্যমে

একটা কিছু করে ফেলবার মত তার বুদ্ধি নয়। এইসব সাত পাঁচ ভাবে বড়ই উদ্বেগে দিন কাটছিল তার। যাই হোক এইভাবে পাঁচ ছয় দিন কাটাবার পর,—একদিন সে বিকালে একজন ভদ্রলোককে সঙ্গে নিয়ে বাড়ি চুকলো। নীচের ঘরে তাঁকে বসিয়ে উপরে পাঁচিকে খবর দিতে গেল, সিঁড়ি থেকেই এই বলতে গেল, ওরে পাঁচি! ভাগ্যক্রমেই এমন লোক পাওয়া গেছে তুই একবার গিয়ে কথাবার্তা কয়ে দেখ, তারপর আমায় বলবি।

যে লোকটি এসেছিলেন, প্রৌঢ় বয়স্ক, পঁয়তাল্লিশ থেকে পঞ্চাশের মধ্যে বয়স, সাধুদের মত বড় বড় চুল, কাঁচা-পাকা দাড়ি গৌফ; কিন্তু লু যুগল ঘন আর কুচকুচে কালো আর তার নীচে উজ্জ্বল দু'টি চক্ষু। হঠপুঠ শরীর তাতে এখনও বোধহয় যোয়ান বয়সের শক্তি। প্রথম দৃষ্টিতেই তাকে বিচক্ষণ মনে হয়। নামটি তার গোলকবন্ধু বিশ্বাস বি.এ.; ভবানীপুরে কোন হাই স্কুলের শিক্ষক। ধীরে ধীরে আর মুহূর্তের কথা কওয়াই তার অভ্যাস। পাঁচিরও গলার স্বর ছিল মৃদু। সে যখন এসে দাঁড়ালো, প্রথমে আগন্তকের মূর্তি দেখেই সে কেমন একটা শ্রদ্ধা অমুভব করলে তারপর জোড় হাত করে নমস্কার করলে; গোলকবন্ধুও পাঁচিকে দেখে কেমন একটা সশ্রদ্ধ স্নেহ অমুভব করে প্রতি নমস্কার করলেন। এরপর গোলকবন্ধুই কথা আরম্ভ করলেন এই বোলে,—হাঁ গো মা, তুমি নাকি এখন কিছু লেখাপড়া করতে চাও? তোমার দাদার কাছেই শুনেছি, তাই জিজ্ঞাসা করছি।

পাঁচি অবশ্য তার কথার উত্তর দিলে, আর যথাযথই দিলে;—কিন্তু পাঁচির সঙ্গে যে সকল কথা হোলো, কথায় এখন আমাদের বিশেষ দরকার নেই। কারণ তার শিক্ষা-প্রসঙ্গে নিজের কথা, তবে তার মধ্যে বিশেষ কথা যেটুকু, জেনে রাখা ভালো।

ইতিমধ্যে কলকাতায় অর্থাৎ চেংলায়—আসবার পর পাঁচির প্রকৃতির একটু ইতর বিশেষ হয়েছিল;—কারো সঙ্গে তার আলাপ-পরিচয়ের সুযোগ হলে অথবা কেউ তার নাম জিজ্ঞাসা করলেই নাম বলবার সঙ্গে সঙ্গেই সে নিজেই, আমরা বাগদী, অত্যন্ত সহজ ভাবেই এই পরিচয় দিয়ে বসতো। তার পরেই আবার সেও, আপনারা? বোলেই প্রশ্ন করে উত্তরের অপেক্ষায় তার মুখের দিকে এমন ভাবে চেয়ে থাকতো তাতে উত্তরদাতাকে বিলক্ষণ একটু অস্বস্তি ভোগ করতে হতো। এখানেও সে গোলকবন্ধুর কাছেও তাই কোরে যখন, আপনারা? বোলে তাঁর মুখের দিকে চাইলে তখনই ইনি বুঝলেন যে,—এই মেয়েটি জাতি নিয়েই কোথাও বেশ একটা দাগা পেয়েছে তাহাতেই বিচিত্র

এই অভ্যাসটি তার হয়ে থাকবে। গোলকবন্ধুরও জানা ছিল তার অনেক স্বজাতি কলকাতায় এসে অনেক জায়গায় নিজেদের উচ্চ জাতি উচু বংশের বোলে পরিচয় দিয়ে গৌরবাশ্রিত মনে করে থাকে,—তবে তাকে কখনও সে কাজ করতে হয়নি কারণ, ঠিক সেইভাবে তাকে ঠিক জাতি নিয়ে কেউ কখনও সোজা প্রশ্নই করেনি। এখন এই মেয়েটি কিন্তু এমনভাবে নিঃসঙ্কোচে প্রশ্নটা করলে তাতে তাঁকে উত্তরটাও সে রকম ভাবেই দিতে হোলো। গোলক বললেন,—জাতিতে আমরা কৈবর্ত, ইদানীং মাহিয়া বোলেই পরিচয় দেওয়ার রীতি হয়েছে। কেন মা, জাতি নিয়ে তুমি এতটা উতলা হয়েছো বলতো ?

তার কথাগুলি এমনই স্নেহসিক্ত এবং মিষ্ট, পাঁচি মনে করলে যেন এবার সে বথার্থই নিজের লোক, যাকে অপনজন মনে করতে পারে এমনই এক আত্মীয়কে পেয়ে গেল। কারণ সে জানতো তার ত্রৈলোক্য জেঠাও জাতিতে কৈবর্ত, তবে তারা বাগদীর চেয়ে উচু জাত একথাও জানাতো। বিদেশে, অপরিচিত ভূমিতে বাঙ্গালী একজনের দ্বিতীয় বাঙ্গালী দেখলে যেমন মনে হয় পাঁচির তাই হোলো। সে একটু স্নেহের পরশ পেয়েই একেবারে মনের সকল কথা উজাড় করে দিলে গোলকবন্ধুর কানের ভিতর দিয়ে তার অন্তঃকরণের মধ্যে। সেই শিশুকালে মায়ের কলেরায় মৃত্যু, তৃষ্ণায় জল জল করে ছাতি ফেটে মারা গিয়েচে কেউ জল দেয়নি। তারপর তার বাবার মৃত্যু সর্পাঘাতে, স্বচক্ষে সে দেখেছে। তারপর দিদিমার কাছে মাহুঘ হওয়া, সেখানে স্কুলে যাওয়া, তার লেখাপড়া শেখার প্রবল ইচ্ছা থাকলেও তার জেঠা তাকে রাখেনি সেখানে,—নির্জ গাঁয়ে এনে কাজে লাগিয়েছে। সেই থেকে পয়সা কেমন করে হয়, কি ভাবে ধনসঞ্চয় করা যায়, তাইকে সহায় করে সেই চেষ্টাই করে এসেছে। গরমের দিনে গ্রামের কি ভয়ানক জলকষ্ট, কতদূর থেকে ময়েরা জল এনে প্রাণ বাঁচান,—আরও সেইজন্মই তার মায়ের নাম করে একটা পুকুর কাটাতে এই তার সাধ, সেই সাধ তার পূর্ণ হলনা, শেষে টিউবওয়েল করে দিয়ে তা শেষ করতে হোলো। তার কারণ যা বা ঘটেছিল খুঁটিয়ে বলে দিলে। জমিদার বাড়ির পুরোহিতের ফর্দ, দুই হাজার টাকা দিয়ে এক ব্রাহ্মণকে দানের কথা, কারণ বাগদীর পুকুর বোলে ব্রাহ্মণ ছোঁবেনা তার জল ইত্যাদি। শেষে টিউবওয়েলেই সঙ্কল্পের পরিসমাপ্তি করে কলকাতায় আসা পর্যন্ত সকল কথাই বোলে ফেললে। কেবল ছোটবাবুর প্ররোচনায় হামিদালী মিঞার সেই ভয়ঙ্কর অত্যাচারের কথাটা বলতে পারলে না।

এই বর্ণনা-প্রসঙ্গে গোলকবন্ধু আর একটা মহত্বের পরিচয় পেয়ে আশ্চর্য্য

হয়ে গেল যে এই বাগদীর মেয়ের গ্রামের প্রজাদের ঘরে—মেয়েদের এতটা দুঃখ, গ্রামের ছেলেদের এতটা জড়তা, আর পাঠশালায় লেখা-পড়ার শেখার ব্যাপারে ছোট জাত বোলে এমন দুর্ব্যবহার আর গুরু নশাইয়ের কি ভয়ানক প্রহার-শ্রীতির কথা বলতে,—তার চক্ষে জল এসে গেল,—আমার ভাইটি, একটু মুখচোরা কিন্তু বোকা মোটেই নয়, তাকে দুমাস ধরে এমন মেরেচে যে শেষে অর গায়ে ঘরে এলো সে, লেখা-পড়ার নামে ভয়েতে আর পাঠশালাে গেল না। কৈ, আমার বাড়িতে থিষ্টানী পাঠশালাে তো এমন মারে না, আমি দু তিন বছর পড়েছিলাম কখনও মারতে, কারো গায়ে কোন ছেলের গায়ে হাত দিতে দেখিনি। আমাদের গ্রামের সবই খারাপ হয়ে গিয়েছে, আর কিছু ভালো নেই; প্রজাদের ঘরে ঘরে দুর্গতির সীমা নেই—তাই আমি থাকতে পারিনি।

বাই হোক সেদিন গোলকবন্ধুর এক বিচিত্র অভিজ্ঞতা,—এমন অদ্ভুত মেয়ে তিনি আগে দেখেননি। তার মনের দুঃখের কাহিনী, বিশ বাইশ বৎসরের জীবন-কথা জানতে যখন আর কিছু অবশিষ্ট রইলো না তখন গোলক জিজ্ঞাসা করলেন, তা হলে এখন কি তুমি লেখা-পড়া শিখে পাস-টাস্ করতে চাও ?

পাঁচি সোজা কথাটাই বললে, পাস করতে আমি চাই না কিন্তু মেয়েদের যতটা সম্ভব পাসের পড়া পড়তে চাই;—আমি ইংরাজী ভাল করে শিখতে চাই, ভূগোল, ইতিহাস, আর আমাদের হিন্দু-শাস্ত্র বিশেষ করেই আয়ত্ত করতে চাই, যাতে আমি এই ব্রাহ্মণাদি সকল জাতি কেমন করে হোলো কতদিন আছে আর সমাজের এই ভয়ঙ্কর অবস্থা থেকে উদ্ধারের উপায় কি এই সবই যাতে ঠিক জানতে পারি; তার উপায় আপনাকে করতেই হবে। না হলে আমার জন্ম ও জীবন ব্যথা হবে। আমি আপনাকে পেয়েচি, মা কালী সদয়া হয়েই আপনাকে এনে দিয়েছেন, ঐ আপনাকে ধরেই আমি সব পাবো; এই বিশ্বাস আমার হয়েছে। আপনি আমার বাবা। যখন তার তেরো বছর বয়স তখন সে ত্রৈলোক্য জেঠাকে পেয়েছিল এখন সে বাইস বছরে গোলকবন্ধুকে পেলে।

শেষে বোললে, আমার ভাই কাপড়ের কাজ নিয়ে আছে, আর আমার ধান-চালের কাজ,—আমি সে সব দেখবার সময় ঠিক করে নিয়েচি। এখন রোজ সাত আট ঘণ্টা আমি লেখাপড়ায় দিতে পারবো; আপনি সকল কিছুই ঠিক করে দিন।

মুড়ো এই যে গোলকবন্ধুকে পেয়েছিল, এর মধ্যে একটু বেশ রহস্য আছে। তার আগে মুড়োর দৈনন্দিন কর্ম পদ্ধতির কথা অর্থাৎ দেশ থেকে চেংলায় আসা এবং স্থায়ীভাবে বসে যাবার পর তার সহজ কর্ম জীবনের কথা—

প্রতিদিন সকালে দোকানের চাবিতালা খোলা থেকে মুড়ো হাজির থাকতো প্রায় এগারোটা পর্য্যন্ত, এর মধ্যে পাশেই তাদের চালের আড়তে তার আসা-যাওয়া অনেক বারই ঘটতো। এগারোটার পর দোকান থেকে কাছেই গজায় স্নান করে বাড়িতে এসে খাওয়ার পর দোকানে এসে বসতো, তখন কর্ণুচাঙ্গী দুজন খেতে যেতো। তারপর ঘড়িতে চারটে বাজলে বাড়িতে গিয়ে কিছু খাবার খেতো। সে কলকাতার খাবার পসন্দ করতো না,—মুড়ি নারকেল, বড় জোর মুড়িতে তেল হুন লঙ্কার ব্যঞ্জন, না হয় দুধ দিয়ে চিঁড়ে নুতনগুড়, বড়া, চাপড়া, তাদের দেশ ঘরের যা কিছু এই সবই তার খাওয়া ছিল। তারপর সে পাঁচির কাছে একটু বেড়িয়ে আসি, বোলে একটা সার্ট পরে বেরিয়ে যেতো। সন্ধ্যার পরেই ফিরে আবার দোকানে বসতো রাত নটার পর দোকান বন্ধ করে একেবারেই বাড়ি ফিরতো এবং চাবির খোলেটা পাঁচিকে দিয়ে নিশ্চিন্ত মনেই ভোজনে বসতো। দুজনেই এক সঙ্গে খেতো, আর সেই সময়ে যতো ফালতো কথা। কাজের কথা প্রতি শনিবার, ত্রৈলোক্য আসতো সেদিন, একটু বৈশীক্ষণ কত কত কথা যে হোতো তার হিসাব নেই। শনিবার রাতটা থেকে রবিবার সব হিসাবপত্র টাকাকড়ি বুঝিয়ে দিয়ে বৈকালে ত্রৈলোক্য পোলের হাটের উদ্দেশ্যে চলে যেতো। এইভাবে তাদের কলকাতার জীবন সুখে ও শান্তিতে কাটছিল।

এর মধ্যেও মুড়ো পাঁচিকে একটু ভয় করে চোলতো, বিশেষতঃ সেই হিসাব-নিকাশের পর থেকে তার শ্রদ্ধা যেমন বেড়ে গিয়েছিল, সঙ্গে সঙ্গে একটা ভয়ের ভাবও কিন্তু ছিল, বিশেষতঃ কথা কইতে কইতে খাবার সময় পাঁচি মুড়োর মুখের দিকে এমন এক অদ্ভুত ভাবে চেয়ে থাকতো তাইতেই ঐ ভয়টা তার একটু যেন শিকড় গাড়তে আরম্ভ করলে। মুড়ো জিজ্ঞাসা করতো, কি দেখচিস বলতো আমার মুখে? পাঁচি যা বলতো মুড়ো কিছুতেই তার তল পেতো না, কারণ হয়তো সে বললে, তোমার মধ্যে কতটা সম্ভাবনা আছে তাই দেখচি। মুড়ো পাঁচির সঙ্গশ্রুণে খানিকটা বুদ্ধিমান তো হয়েছিলই, সে পাল্টা যদি জিজ্ঞাসা করতো,—কিসের সম্ভাবনা বলতো? পাঁচি বোলতো, সব দিকেই। এটা মুড়ো কিছুতেই ধরতে পারতো না। তার ঐ ধাঁধার ভাব দেখে পাঁচি বোলতো, হারা বাগদীর বেটা, ঈশ্বর বাগদীর ভাইপো কলকাতায় মদনবাবু হয়ে কতটা উঠতে পারবে তাই দেখচি গো দাদা।

যাই হোক এখন সেদিন বিকালে,—মুড়ো এসে পাঁচির কাছে খাবার চাইলে। পাঁচি তার খাবার বরাববই ঠিক করেই রাখে,—তাকে কিছু না বলে

এনে দেয় মাত্র। আজ দেখলে পাঁচি পেঁয়াজের কুলুরী গরম গরম ও বেগুনী এক কাশিতে, মুড়ির সঙ্গে এনে দিয়ে বললে, খাও। কিন্তু দাদা খেয়েই চলে যেওনা যেন। ক্যানরে? বোলে সে আরম্ভ করে দিলে;—কিন্তু তার মুখের দিকে চেয়ে দেখলে পাঁচির মধ্যে যেন একটা কিছু রয়েছে। যাই হোক পাঁচি আর কিছু বললে না, যেন শুনতেই পায়নি অথবা বিশেষ কিছুই বলবার নেই এমন ভাবটা করে একটু তফাতেই রইলো—খাওয়া শেষ হবার অপেক্ষায়। মুড়োও আর কিছু না বলে খাওয়াটা শেষ করে নিলে। তারপর মাথার পিছন দিকে হাতটা মুছে বললে, যাই একটু ঘুরে আসি।

তখন পাঁচি বলে কি?—শোনো দাদা, একটা কথা আছে। মুড়ো ভাবলে দোকানের কোন কথা হবে হয়তো। সে তটস্থ হয়ে বললে, নে: কি বলবি বল, বোলে বেঞ্চির উপর বসলো। পাঁচি বললে, যাবে এখন, বোসো না একটু দাদা। শুনেই মুড়োর খটকা লাগলো, ভাবলে, ব্যাপারটা তো একটু গুরুতর রকমেরই দেখছি। না হলে এমন সময়ে বসতে বলে কেন? একটু ভয়ও হোলো বোধহয় কিছু ভুলচুক বা কোন গোলযোগ কোথাও হয়ে থাকবে; মনে মনে ভাবতে লাগলো, সেটা কি হতে পারে?

হয়তো একটু সঙ্কেচ ছিল পাঁচির মধ্যে, সেও এখন বুঝলে বেচারী বুধা ভেবে কাহিল হচ্ছে।—এখন সে ধীরে ধীরে, অতীব কোমলকণ্ঠে কথাটা বোলেই ফেললে।—শোনো দাদা; এখন তোমায় কিছু লেখাপড়া শিখতে হবে।

তাই ভালো, তুই আমায় ভাবিয়ে তুলেছিলিস বোলে সে হেসেই খুন,—এই জন্তেই আমায় তোমার দরকার এখন?

হাঁ গো তাই,—আমার এই জন্তেই দরকার, একটু লেখাপড়া তোমাকে শিখতেই হবে। কলকাতায় এসেছ, অন্ততঃ বাঙ্গলা লেখাপড়া তোমার শেখা দরকার। মুড়ো বলে,—তোরই দরকার তুই-ই শেখ, আমায় আবার টানিস কেন? আমার দ্বারা ও হবে না, এখন আর আমার মন নেই। পাঁচি বলে, দেখো দাদা,—আমি বেশ বুঝি তোমার কি হবে আর কি হবেনা। হিসাবে যার মাথা এত পরিষ্কার ত্রৈলোক্য জেঠা বলে, যে তিন মাসে শুভঙ্করী, পাটিগণিত শেষ করতে পারে,—সে সব পারে। তুমি আমায় বোকা বুঝিও না। ইংরেজী না শেখো বাঙ্গলাই শেখো একটু। তোমায় পড়তেই হবে।

মুড়োর সংশয় লাগে, বলে আমি পারবো না,—নিতাই সেদিন বলছিল ইংরেজীর চেয়ে বাঙ্গলা শক্ত। বাঙ্গলায় অনেক ব্যাকরণের গোলমাল আছে।

তাতে তোমার কি, আমাদের নিজেদের ভাষা, কতো ভালো বই আছে, তুমি

কতো বিষয় জানতে পারবে ;—আমাদের বাজলা ভাষা বড় বড় লোক সঝাই বলে সারা ভারতের সেরা । তোমায় একটু মন দিতেই হবে দাদা, তোমায় শিখতেই হবে । মুড়ো তখন শেষ কথাটা বলে, লজ্জা করবে না ? পাঁচি বলে, ঘরে দরজা দিয়ে ভিতরে লেখাপড়া করবে, কোন অসুবিধাই হবে না,—আমি সব ঠিক করে দেবো । দোহাই দাদা অমত কোরো না, দেখোনা কি চমৎকার হবে । মুড়ো ভাবতে থাকে, কথা বলে না,—পাঁচি তখন বলে,—তুমি আরম্ভ করে দাও, তিনটি মাস করে দেখো, মন না লাগে ছেড়ে দিও ।

শেষে মুড়ো বলে যার ছেলেবেলায় হোলো না, এখন আমার এই চক্ষিণ বৎসর বয়সে হবে, কি করে বিশ্বাস করি ।

দেখো দাদা, এখন তুমি জানো ছেলেবেলায় যে তোমার হয়নি তা তোমার বুদ্ধির দোষে নয়, ঐ চামার গুরুমশাইয়ের দোষে, মারের ভয় না থাকলে তুমি ছাড়তে পারতাম না ? ওসব বোলো না,—তুমি দ্বিতীয় ভাগ থেকে শুরু করো, আমি জানি তুমি খুব শীঘ্রই উঠে যাবে ।

এখন মুড়ো কি একটা মনে মনে বুঝে বলে ফেললে,—আচ্ছা আমি পড়বো, কিন্তু আর কারো কাছে পড়বো না, তুই আগায় দ্বিতীয় ভাগ থেকে আরম্ভ করে দিবি,—রোজ সন্ধ্যাবেলা উঠে নটা অবধি পড়বো । সাড়ে সাতটায় দোকানটা খুলে সব ঠিক চালু করে দিয়ে এসে নটা পর্যন্ত দরজা দিয়ে তোর কাছে পড়বো ।

আনন্দে পাঁচি বললে, ভালো, আজ বুধবার, কাল থেকেই শুরু হবে, কেমন ? পাঁচি কোথা থেকে শিখেছিল, বিছারস্ত্রে গুরু শ্রেষ্ঠ,—সেই কথাটা বড়ই মধুরকণ্ঠে দাদাকে শুনিয়ে দিলে ।

তুই আমার গুরু হলি, আজ বোলে নয়, গোড়া থেকেই তুই আমার গুরু হইবে আছিস বোলে মুড়ো মহাউৎসাহে বেরিয়ে গেল ।

সে বেরিয়ে পথে চলতে চলতেই ভাবতে লাগলো, আমাকে যে এতটা কঁরলে মানুষ করবার জন্ত, গোড়া থেকে লেগে আছে, তার লেখাপড়া শেখার জন্ত, একজন ভাল লোক যোগাড় করে দিতে যদি না পারি তা হ'লে আমার বেঁচে লাভ কি ? তিন চার দিন পরেই গোলকবন্ধুকে সে পেলো তার দোকানের পাটে বসে বসে । তিনি কাপড় কিনতে এসেছিলেন । পরিচয় হয়ে গেল, তারপর তার বাড়ির ঠিকানা নিয়ে, পরদিন দেখা করে প্রয়োজনের কথা যথাসম্ভব সংক্ষেপে বলে তাকে এনে পাঁচির সঙ্গে মিলিয়ে দিয়ে তবে তার শান্তি ।

গ্রাম ছাড়বার পরও পাঁচির কথা গ্রামে কিছুদিন প্রবল ভাবে চলেছিল। হঠাৎ বড়বাবু মারা গেলেন,—তাতে পাঁচি বুঝেছিল যে বাবুদের এবার পতনদশা আরম্ভ হোলো। বড় বাবুর মৃত্যু তারপর শ্রাদ্ধশাস্তি এই নিয়ে গেল কিছুদিন।

পাঁচির কলকাতায় চলে আসাটা প্রথমে বড় একটা কারো লক্ষ্যের বিনয় হয়নি। তারপর পাঁচির গ্রাম ত্যাগ নিয়ে পোলের হাট গ্রামে বেশ একটা সারা পড়ে গেল। যতদিন সে ছিল সেখানে ততদিন যারা তার পিছনেই লেগেচে,—তার কোন কাজ যারা ভাল বলে দেখেনি, তার কারবার, তার উন্নতি, নিজেকে সবার আগেচরে রেখে তার সকল কাজ সুসিদ্ধ করবার কৌশল, বিপন্নদের অতি গোপনে সাহায্য এসব কিছুই লক্ষ্য করেনি,—এখন তারাই ভেবে আকুল হ'ল ও কেন চলে গেল এমন সুখের স্থান নিজের জন্মভূমি ছেড়ে—নিশ্চয়ই এর পিছনে গুঢ় রহস্য আছে।

অবশ্য, যেমন সকল বিষয়েই হয়ে থাকে, পাঁচির কলকাতা আসা বা গ্রাম ত্যাগ নিয়েও দুটি দল হয়েছিল; একদল, তার প্রধান হোলো গ্রামের বড় ধার্মিক, শাস্ত্রজ্ঞ এবং সর্বজ্ঞ অধিকা ভট্টাচার্য্য, যিনি জমিদার বাড়ির পুরোহিত। অবশ্য তার সঙ্গে গ্রামের অলস অকর্শণ্য আকাট মূর্খ ব্রাহ্মণ সন্তান কয়েকজন যাদের আলায় পাঁচিকে শেষ দু'তিন বছর দিবারাত্র অত্যন্ত সাবধানে থাকতে হয়েছিল, আর গ্রাম ত্যাগের অন্ততম কারণও তারাই। অপর পক্ষে ত্রৈলোক্য কষালের দল, তার সহযোগী হাটের অনেক প্রজা এবং ফড়ে। এরা পাঁচির গুণগ্রাহী ভক্ত। আসলে মেয়েটি বাগদী হলে কি হয়, সে বেশ বড় একটি দলের নৈতিক অবলম্বন হয়ে পড়েছিল। পাঁচি ছিল তাদের অর্থনৈতিক সহায়, তারা সবাই পাঁচির কাছে উপরুত। এদের প্রভাবেই ভট্টাচার্য্যের দল কাজে কিছুই করতে পারেনি,—তাই একথাও সত্য যে ওদের শত্রুতা থেকে বাঁচতে একা পাঁচির চরিত্র বলই পর্যাপ্ত ছিলনা।

পাঁচির টিউবওয়েল হোলো, তখনও তারা তার স্থান ত্যাগের কথা জানে না, কারণ পোলের হাট থেকে গ্রাম খানিক তফাতে, মধ্যে সরকারী বড় রাস্তা তার দুই দিকে দুটি মাঠ মাত্র ব্যবধান। তারা আশ্চর্য্য হয়ে যখন শুনলে পাঁচি এখান থেকে কলকাতায় চলে গেল তখন দলের সবাই আশ্চর্য্য হয়ে বেশ ভাল করে অনুসন্ধান চালাতে লাগলো গোপনে গোপনে। প্রথমে ঈশ্বর বাগদীকে কাচারী বাড়িতে ডাকিয়ে,—সওয়াল হোলো—পাঁচি কলকাতায় চলে গেল কেন?

সে বলে, আমি কেমন করে জানবো বাবু, সে যেয়ে কি আমার কোন কথা

বলে বরং তার জেঠাই খুড়ী এদের সঙ্গে কথা বলে, আমার সঙ্গে কোন কথাই কয়না ।

তুই বেটা জানিস, সে নষ্টা ছিল—বলচিস না, আমাদের কাছে । সাবধান ! কোন কথা ঢাকিসনি, বল খুলে সব কথা । এই পর্য্যন্ত শুনেই ঈশ্বর থর থর করে কাঁপতে লাগলো, তার মুখ গেল শুকিয়ে,—নষ্টা, কথাটা শুনেই ঈশ্বর বুড়ো মনে ও শরীরে ধাক্কাটা সামলাতেই পারলেনা ; ভাঙ্গা ভাঙ্গা গলায় বললে, ওকি বাবু, নষ্টা সে কেন হতে যাবে ? তার স্বভাব কে না জানে ।

ঈশ্বরের গলা ভাঙ্গা আওয়াজ, আর থর্ থর্ করে কাঁপুনি দেখেই তারা বিশেষতঃ পাকাবুদ্ধি মেজবাবু সিদ্ধান্ত করলে, ঠিক ধরা পড়েচে,—সে নিশ্চয়ই নষ্টা ছিল এ বেটাই ঠিক জানে । কিন্তু অনেক মার-ধর করেও ঈশ্বরের মুখ থেকে যখন কিছুই বার করা গেলনা তখন ছোটবাবু বললেন,—ও বেটা পাকা চোর, মিথ্যাবাদী এখন ধর্মপুস্তুর যুষ্টিরি সেজেছেন । এক বাড়িতে ঘরে থাকিস তুই জানিস না কি, হারামজাদা আমরা কি কিছুই বুঝিনা ? এইভাবে গেল দুচার দিন,—তারা কেউ বুঝলে না কেন পাঁচি কলকাতায় গেল ।

ঐ গ্রামের অলস লোক-সমাজ, আমরা জানি কেন এতটা পাঁচির বিষয়ে অহুসস্থানী হয়েছিল, পাঁচিও কতকটা আভাসে বুঝেছিল তাহার সহজ বুদ্ধি দিয়ে । বর্তমান অবস্থায় সে ছিল একটা অসাধারণ মানুষ । একে মেয়েমানুষ, বয়সের আকর্ষণও আছে, কিন্তু তাঁর চেয়ে ঢের বেশী ছিল তার সাবধানী জীবন-যাপন প্রণালী । ছোট জাত তারা, অথচ সেই ছোটর সঙ্কীর্ণতা নেই তার মধ্যে, সঙ্কোচের নামমাত্র নেই তার কোন ব্যবহারে । বড় জাতের সামনা-সামনি দাঁড়িয়ে সব কাজ মোকাবেলা করে নিতে, নিজ সৎ উদ্দেশ্যের পিছনে সোজা চলতে সে স্বয়ংসিদ্ধা, এমনই যে চরিত্র এই গ্রামের এক বিশ্ময়,—তাই এই অসাধারণ মেয়েটিকে শত্রুমিত্র যেই হোক কারো উপেক্ষা করবার যো ছিল না, করবে কে ?

• যারা তার শত্রু তারাও সবাই সামনা-সামনি তার কাছে এলে নিজেদের ছোট মনে করে । কাজেই সেই গ্রামের সবার লক্ষ্যের বিষয় তো ছিলই সে ।

পাঁচি নিজের মনে মনে জানতো তারা কি পদার্থ—তাদের যা উপজীবিকা । তাতে পাঁচির উপর কলঙ্ক আরোপ করবার লোভ সামলাবে কেমন করে ?—তাতেই যেন তাদের জীবন খানিকটা উন্নত মনে হয়, সুখময় উৎসাহ আসে ঐ কাজে । মিত্র তাবের যখন সম্ভাবনা নেই, কারণ তাদের বিরুদ্ধ প্রকৃতি, অথচ

তাকে উপেক্ষাও করা যাবেনা, তখন শত্রুভাবের মধ্যে দিয়েই সম্বন্ধের সার্থকতা বজায় রাখাই যে প্রাকৃতিক নিয়ম। পাঁচি জানতো এটা তাদের ভাত হজ্বের বৃত্তি। তাদের মধ্যে সে যুক্তিটা প্রবল ছিল তা এই যে, ও এত বয়স অবধি বিয়ে করেনি কেন? তারপর বনমালী বাগদীর ছেলেকে কেন বিয়ে করলেনা? অথচ তারা একথাও জানে যে ও চুরি অপরাধে দুবার শ্রীঘরে বাস করে এসেছে। তারপর সে ছিল দুর্দান্ত মাতাল আর অত্যাচারী—বাবুদের আশ্রিত এবং দাঙ্গাহাঙ্গামার সময় তাঁদের হাতের যন্ত্র। তাই পাঁচি যখন তাকে বিয়ে করবেনা বললে তখন বাবুদের সেটা ভাল লাগবার কথা নয়, যেহেতু বাগদীর ঘরের মেয়ের আবার অত বিচার কেন? নিশ্চয়ই এ তার চরিত্র দোষেরই প্রমাণ। এখন পাঁচির গ্রাম ত্যাগের পর এদেরই একটা ভয়ানক মাথা ব্যথার বিষয় হোলো যে, সে গ্রাম ত্যাগ করলো কেন? এমন সুখের পোলের হাট, যেখানে তার এতটা উন্নতি, এতটা ধন লাভ ও প্রতিষ্ঠা হয়েছিল, এমন সুখের স্থান সে কেন ত্যাগ করলে?

ভট্টাচার্য্য তো দার্শনিক পণ্ডিত, তার যুক্তি অকাটা,—প্রথম দফায় তার আবিষ্কার এই হোলো,—যৌবনে যে মেয়ে বিয়ে করতে চায়না সে ভ্রষ্টা নয় তো কি? যৌবন ও রূপ লাভ্য নিয়ে ও কি চুপচাপ বসে আছে? এ কি বিশ্বাসযোগ্য? কিন্তু একজনে ত ভ্রষ্টা হওয়া যায়না, দুজন চাই। কিন্তু কেউ খুঁজে পায়না, কে পাঁচির সেই প্রিয়জন বা দোসর পুরুষ যার সঙ্গে তার প্রীতি? কার উপর সন্দেহটা দাঁড়ায়? যতদিন পাঁচি এখানে ছিল, শত চেষ্টায়ও কেউ রহস্য ভেদ করতেই পারেনি, এও এক মুন্সিল হয়েছিল তাদের দলের পক্ষে। দীর্ঘ বাবুর ছেলেদুইটি কম চেষ্টা করেনি, তারা হস্তে কুকুরের মত পাঁচির পিছনে বেড়িয়েছে। রাতেও ছুতীয় প্রহর অবধি তিন চারজন দল বেঁধে চৌকীদারী করেছে হাটের পাশে বাগদী পাড়ায়। তবুও কোন সন্দেহ করবার মত জীব আবিষ্কার করতে পারেনি। তখন উদ্ভট কল্পনা আরম্ভ হোলো। অবশ্য যতদিন পাঁচি পোলের হাটে ছিল, তাকে যে কি সাবধানে থাকতে হতো তা বিধাতাই জানেন। সে সব কিছুই খবর পেতো যে দল যে ভাবে তাকে বিপন্ন করবার জন্ত যে সকল কন্ঠ-কৌশল অবলম্বন করেছে।

তার চলে আসবার পরেই তাদের কল্পনা উদ্দাম হয়েই উঠলো। কোন নূতন লোক যার প্রেমে পাঁচি বিবাহে বিমুখ এমন কাকেও ধরতে না পেরে ওরই মধ্যেই একদল সিদ্ধান্ত করলে, আর কেউ নয় ঐ ত্রৈলোক্যই হবে সেইজন—যাকে তারা খুঁজচে। এখন ত্রৈলোক্য লোকটা অত্যন্ত সরল, তার দোষটা এই

যে সে মনেপ্রাণে কখনও কুচিন্তা করেনি, পাঁচিকে সে মেয়ে আর মনিব ছাড়া অজ্ঞ কোনভাবেই দেখতে অভ্যস্ত নয়।

কথাটা যখন ত্রৈলোক্য কয়ালের কানে গেল, সে আর, মোটেই ভালমাহুষ রইলো না, সে যে কাণ্ড করলে তাতে সবাই দমে গেল। সে একেবারে ঐ দলপতি অধিকা ভট্টাচার্যের কাছে গিয়ে সোজা কথায় বলে ফেললে, দেখো ঠাকুর মশাই, আমি জীবনে কখনও কারো সঙ্গে ঝগড়া, অশ্বরস করিনি, আমার নিজের মেয়ের মত যাকে দেখে আসচি যদি তোমরা তার চরিত্র নিয়ে এ রকম ঘোঁট করো তাহলে স্পষ্টই বলে দিচ্ছি, তোমার দলের সব শালাকে তাতে মারবো। তারা চাঁড়ালেরও অধম, তাদের শাস্তি দিলে কোন পাপ নেই। কাকেও আর হাটে আসতে হবে না। একটিও ধান চাল কেউ পাবে না ঐ পোলের হাট থেকে।

ত্রৈলোক্যের ভালোমাহুষ, তার ভয়ঙ্কর মূর্তি দেখে সে দল সামলালো বটে, তবে এবার গ্রামের ভদ্রলোকের দল মাথা চাড়া দিয়ে উঠলো, এবার তাদের আবিষ্কার এমনভাবেই সবার উপরে গেল যে তারপর আবিষ্কারের আর কিছুই রইলো না; অবশ্য এর মূলেও ঐ অধিকা ভট্টাচার্য।

বাবুদের বাড়িতেই সেদিন পাঁচি-চরিত্র আলোচনা সভাটা বসেছিল, সভাপতির জায়গায় ছিলেন ভট্টাচার্য। তিনি বললেন এবার ঠিক ধরা পড়েছে,—বাবা, এ ভগবানের রাজ্য,—আর যায় কোথা, ঐ ভাই আর বোন, আর চাই কি?

ছোটজাত তো, ওদের কি সে জ্ঞান আছে? ওর প্রিয়জন বাইরে খুঁজতে হবে কেন ঘরের মধ্যেই তো আছে; না হলে মুঁড়া এখনও বিয়ে করেনি কেন, চব্বিশ পঁচিশ বৎসরের যোয়ান,—কেন সে পাঁচির এতটা অমুগত? ইত্যাদি ইত্যাদি। তারপর আরম্ভ হল যুগ বা কালের নজীর, এটা যে কলিকাল, কালটা দেখতে হবে তো? পুরুতমশাই মেজ ছোট দুই বাবুকেই লক্ষ্য করে তাঁর নব আবিষ্কারের কথা বেশ জোর গলায় বললেন। সঙ্গে সঙ্গে এটাও জানানো হলো তিনি ধার্মিক মাহুষ কাকেও ভয় করেন না। সত্যসন্ধ ব্রাহ্মণের জীবন তাঁরা যা কিছু জানেন স্পষ্টই বলে দেন। বললেন, আপনারা সরল মাহুষ, কেমন কোরে ঐ ছোটলোক নষ্টা ভ্রষ্টা বাগদী নাগীর কুচক্রের মধ্যে ঢুকবেন? গ্রামের ধর্ম্মের মাটিতে তো ও চলবে না, চাপা থাকবেনা বেশীদিন। ধর্ম্মের কল বাতাসে নড়ে যাবে। মেয়েমাহুষের ও-পাপ চাপবার জো আছে কি, আবিষ্কারের কথা এই পর্যন্ত বলে, তিনি

এবার ইজিতে, গৰ্ভ বুঝাতে নিজ হাত দুটি পেটের উপর কাঁপালো করে দেখিয়ে, সদৃশে বলতে লাগলেন,—তাই তাড়াতাড়ি একটা বিস্ত্রী চামধোয়া জল বেরোনো নল পুঁতে, জলকষ্ট দূর করবার লোক দেখানো একটা চং করে, ভাইকে নিয়ে সরে পড়লো কলকাতায়। আমরা কি বুঝিনা? কলকাতাই তো ঠিক জায়গা, সেখানে তো কেউ কাকেও চেনে না, সব পাপই ঢাকা দেওয়া যায়। আরে বাবা এ ধর্মের স্থান,—পাঁ-ভুঁয়ে তো ও সব হবার যো নেই! না হলে দেখুন না, মেয়েটার পেটে পেটে বৃদ্ধি, তুই নিজে তো উচ্ছন্ন গেলি, ভাইটারও মাথা খেলি? তুই যে চুলায় ইচ্ছে যা না, মুড়োটাকেও টানতে গেলি কেন? তার পৈত্রিক ভিটে, বাবুদের দেওয়া চার পুরুষের ধান জমি, তাকে ভিটেচ্যুত গ্রাম ছাড়া করলি কেন? আর তার কথাও বলি, তুই এক কাজ না হয় মনের ভুলে বয়সের দোষে পড়ে করেচিস, তা বোলে শেষ অবধি তারই আঁচল ধরে রইলি, এঁ্যা—

পাঁচির জ্যেষ্ঠি তো কেঁদেই খুন, ঈশ্বরকে ডেকে বেশ মুখ ঝামটা দিয়ে বললে, এসব শুনচোনা, কালা হয়েচো—তটাজ মিনসে কি সব রটাচ্ছে?

ঈশ্বর ভাল মানুষ লোক, বলে, বলতে দেনা, চাঁদে কলঙ্ক লাগেনা, আমাদের পাঁচিকে যিনি দাগ দেবেন তার নরকেও ঠাই হবে না।

জ্যেষ্ঠি বলে, আচ্ছা, আমরা ছোট জাত বাগদী, কাওরা, ডোম, আমরা তোমাদের গোয়াল কাড়বো, ঘুটে দেবো, পুজোয় বাজনা-বাঁদি বাজাবো, আমাদের ঘরের কথা নিয়ে তোমাদের এত মাথা ব্যথা কেন? তোমরা বড়ো আছ বড়র মতই থাকোনা, কে তোমাদের কাছে যাচ্ছে—

ঈশ্বর বলে, কি জানিস, ঐ যে পয়সা! হারার বেটি, বাপ মা মরা মেয়ে তার পয়সা কেন? তারপর সেই পয়সা ধারকর্জ করতে এসে কেউই পায়নে, যে! মেয়েটাই কি কম একগুঁয়ে, কাকেও একটা পয়সা ধার বোলেও দিলেনা,—আমি জ্যেষ্ঠা, আমায় পর্য্যস্ত নয়। আমি ওর বাপের বড়ো—এঁ্যা বল না মাগি?

জ্যেষ্ঠি তখন হাউ হাউ করে কাঁদতে কাঁদতে বোললে, তুমি মদ খেতে আমায় মার ধোর করতে, তাই তোমার ওপর ওর রাগ ছিল যে গো, সেই-জ্যেষ্ঠেই তোমায় দেয়নি, ওগো—আমায় তো দিতো, মাসে দু তিন টাকা করে—এই পর্য্যস্ত বলেই তার মনে পড়লো যে পাঁচির বারণ আছে কাকেও একথা বোলতে। তখন,—ওমা ঝাঃ, বলে ফেন্নু, মা, মা, কালীর দিকি করেছিছ যে;—মা গো, কি পাপ কর্নু? হেই মা কালী! তবে ঝাবার সময় ঝা দিয়েছে, ঐ যে দু-কুড়ি আড়াই গড়া করকরে টাকা খোলার মধ্যে

বাঁধা, সে কথা তো তোমায় বলিনি। দোহাই যা রক্ষে কোরো যা গো ! বোলেছিল বড় বিপদ না হলে খরচ কোরোনি জেঠি। তা আমি তো পুতু পুতু করে সবই রেখে দিইচি। যা কালীই জানেন তা থেকে এক পয়সাও খরচ করিনি তো। তোমাকেও দেবোনাতো, সে বলে গেছে ঝে মেরে কুটি কুটি করলেও তোমায় কেন না দিই। হুহু আমায় কেন ছোট বোঁকেও তো অতোই দিয়ে গেছে। সে চালাক মেয়ে কেমন পেটে করে রেখেছে, আমি বোকা বলে ফের তোমার কাছে। হাঁগা চলোনা এই আমাবোন্তেতে যাই আমরা মায়ের থানে, মাকে দেখে আসি, আর দিকি ভান্ডার জন্তে পুজো দেবো—চলো না,—মেয়েটাকেও দেখে আসবো।

তাল মাহুষ ঈশ্বর বোললে, ও বাব্বা, সে কি কম খরচের ব্যাপার, কলকোতায় কালীঘাটে যাওয়া-আসা, পুজো দেয়া, আমা দ্বারা হবে নি। জেঠি বলে, তুমি কেন ভাবচ আমার কাছে ওয়েচে তো টাকা,--শুনে ঈশ্বর সাবধান করে দিলে; পুঁটেকে, ছোট বোঁকে বলিস না যেন। জেঠি বলে, বলবো না ক্যান্, দুঘর এক সঙ্গে গেলে হবে কেন, এবারে আমরা গেছ, এরপর ওরা যাবে তখন আমরা থাকবো, সেই তো ভালো। পাঁচি তো সেই কথাই বলে গেছে বাবার বেলা; দু'ঘর এক সঙ্গে ভিটে ছেড়ে যেতে তার বারণ। মেয়ে হলে কি হয় তার বিলি-ব্যবস্থা সাত মুহুরীর কান কাটে। বাছারে,—

যাই হোক, এখন স্বামী-স্ত্রী মিলে একটা দিন ঠিক করে ফেললে, মেয়েটাকে দেখে আসবে একবার, বাবার সময় অনেক করে যেতে বলেছিল। সে রাতটা তার গুণকীর্তনেই কাটালো। পাঁচী বোলেছিল, জেঠি! আমি আর আসবুনি, তোরা ঝাবি নিশ্চয়, ঝখন ইচ্ছে ঝাবি, মায়ের থানে ঝাবি, আমারেও দেখে আসবি। তবে খবরদার দুঘর এক সঙ্গে ঝাসনি, একবার তুই গেলি জেঠাকে নিয়ে, খুড়োখুড়ি রইলো ঘরে, আবার যখন খুড়োখুড়ি গেল তোরা রইলি ঘরে। ভিটে ফেলে কখনও ঝাসনি। ভিটের উপর তার দম কতো।

ওদিকে জমিদার বাড়িতে ছোটবাবু আর ছোট বোঁ, দুজনের মধ্যে এমন ব্যবহার-বৈচিত্র্য ঘটলো যা পূর্বে কখনও ঘটেনি। পাঁচির গ্রাম ত্যাগের কথা ছোট বোঁ কিন্তু কিছুতেই ভুলতে পারলে না। বাবুদের বাড়িতে বিলাসী বোলে যে ঝি,—সে ছিল ছোটমার বড় অহুগত আর মহান দরদী সখী। পাঁচি-সব্বন্ধে যে সব বিষয় পোলের হাটে এবং তাদের গ্রামের মধ্যে আলোচনা

হোতো তা সব ঐ বিলাসী ছোট বোয়ের কাছে এসে বোলতো। তা ছাড়া কলকাতায় পাঁচির কারবারের প্রসার, তারা যেভাবে দিন দিন উন্নতি করছিল ত্রৈলোক্য কন্নালের মারফৎ ছোটবৌ-এর কানে আসছিল। কাজেই পাঁচি যাবার পর গ্রামে যে সব কানামুখা, পাঁচির কলঙ্ক প্রচারের কাজ ভট্টচাষি অস্থিকার দল চালাচ্ছে—সে সকলও এসে বাবুদের অন্তঃপুরে পৌঁছেছিল এতে ছোটবৌ কম আঘাত পায়নি। কি ভাগ্যি পাঁচির কানে এ কথাগুলো যায়নি,—ছোটবৌ ভাবতো,—তা হলে সে এদের কি মনে করতো, কে জানে? তার দুঃখের সীমা থাকতো না নিশ্চয়ই। তারপর আজ আবার স্বামীর মুখে যে কথা শুনলে তাহঁতে তার আঘাত তীব্রতম হয়ে তাকে ক্ষিপ্তপ্রায় করে তুললে। ইতিমধ্যে স্বামী-স্ত্রীতে পাঁচির সম্বন্ধে কোন কথাই হয়নি।

তার পিজালয় কলকাতায় বৌবাজারে। ছোটবৌ ঠিক করলে এবার কলকাতায় গিয়ে কালীঘাটে যাবে। পাঁচির সঙ্গে দেখা করে তার দুঃখ-দুঃখের কথা আলোচনা করবে। এই ঠিক করে এক সময় ছোটবাবুকে ধরে বসলো, আমায় কলকাতায় যাবার ব্যবস্থা করে দাও, দিন কতক ঘুরে আসি। ছোটবাবু বললে, হঠাৎ কলকাতায় কেন এখন, আর নিয়েই বা যাবে কে?

এখন বড়বাবুর মৃত্যুর পর দুই ভাইয়েতে যতো কাজ ভাগাভাগি করে নেওয়া হয়েছে। ছোট বাবুর হাতে এখন হাটের বন্দোবস্ত আর খাস জমিজমা বিলি-ব্যবস্থার ভার। লোকটা এখন টাকা কিসে আসে সেই ফিকিরেই সব কিছু করতে। সময় সময় জ্ঞায়াজ্ঞায় বিবেচনাশূন্য হয়েই চলছিলো, পয়সা পয়সা কোরে। যাই হোক এখন তিনি হাটের সব নূতন ধরণের অর্থবৃদ্ধিকরি ব্যবস্থায় অত্যন্ত তৎপর, কাজেই এখন তার পক্ষে ছোটবৌকে বাপের বাড়ি রেখে আসা সম্ভব নয়। এখন ছোটবৌ কর্তার মুখে যখন শুনলে, নিয়েই বা যাবে কে? তখনই বললে,—

কেন, তুমিই রেখে আসবে আমায়, তারপর যখন ফিরবো, আমি লিখলে আবার গিয়ে নিয়ে আসবে। শুনে ছোটবাবুর মেজাজ একটু গরম হতে আরম্ভ হোলো, সে বললে, আঃ বড়ই যে হুকুমদারী করচো ঘরের ভিতর বসে বসে,—আমার যাওয়া সম্ভব নয়, হাটের ব্যবস্থা নিয়ে গোলমাল চলেচে, এ সময়ে আমার এখন থেকে এক ঘণ্টার জন্তও নড়া হবে না।

ছোটবৌ এরপর যখন জিজ্ঞাসা করলে, হাটে হাঙ্গাম কিসের, নূতন ব্যবস্থাই বা কেন? এবার ছোটবাবু স্ত্রীকে একটা আঘাত দেবার জন্তই বললে, ঐ বাগদী হারামজাদী পাঁচির গোলা নিয়েই ব্যাপার,—

ছোটবৌ তো অবাক, আঘাত তার লাগলো বটে কিন্তু একথাও বললে—
ভদ্রলোকের মতই কথা বলোনা, গালমন্দ কেন একজনকে, যে এখানে নেই ;
তার কি অজ্ঞায় হোলো, সেতো সব ভালো ব্যবস্থাই করে গিয়েছিল।

না, সে মাগী তার গোলা এখানে রেখে গেল আর একজন কাজ করবে সেই
গোলায়। সে এখানে থাকবে না, তার নামে গোলাই বা থাকবে কেন ? যে
সেই গোলা নিয়ে কাজ করচে এখানে তার নামেই ঐ গোলা রেজেষ্ট্রি করে
দিতে হবে।

ছোটবৌ বললে, আমি কলকাতায় থাকি, যেখানেই থাকি আমার গোলা
যদি এখানে থাকে, এখানেও আমার কারবারের উপযুক্ত ব্যবস্থা যদি করে যেতে
পারি, তাহলে দোষ কি আমার নামে গোলা থাকলে, তাতো বুঝতে পারলুম
না। তার কারবার চলচে এখানে, গোলা অস্ত্র লোকের নামে বিলিই বা হবে
কেন ? একথা শুনে ছোটবাবু যুক্তির দিক দিয়ে ছোট হয়ে গেলেন, রাগও
বাড়লো, কিন্তু একটু সামলে নিয়ে বললেন, যে এখান থেকে একেবারে চলে
গিয়েছে, কালামুখ দেখাতে আর কখনও আসবে না, তার নামে কোন গোলাও
আমার হাতে থাকবে না। তা ছাড়া এখন নূতন একজনের নামে আমাদের
খাতায় রেজেষ্ট্রি করে নাম জারি হলে আনাদের তবিলে কিছু টাকা আসবে,
তা ছাড়া একজন বেস্তাকে যদি আমরা না রাখি হাতে ?

ছোটবৌ বুঝলে, যেভাবে এদের কাজ চলেচে ভগবানের দণ্ড থেকে এরা
বাঁচতে পারবে না ; বললে—দেখো, না জেনে-শুনে রক্তের জোরে, একজন সৎ,
যে কখনও কারো প্রতি অজ্ঞায় অধর্ম করেনি এমন লক্ষী মেয়েকে মুখে যা
আসে তা বলো না, সাবধান করে দিচ্ছি, তুমি এতে ঠাকুরের কোপে পড়বে।
এর নাম ছন্নমতি—

এবার বাবুর পৌরুষে আঘাত লাগলো স্ত্রুতরাং তিনি বললেন, তোমার বড়
দরদ, তার সঙ্গে তোমারও নাড়ীর যোগ আছে দেখছি। শুনে হেসে উঠলো
ছোটবৌ, বললে, আমায় যা খুসী বলো আমি সহ্য করবো, গ্রাহ্যই করবো না,
কিন্তু ঐ নিরীহ, নিফলক চরিত্র মেয়েটির নামে যা-তা বলবে আমি সহ্য
করবো না ; তুমি গ্রামের কতকগুলো পাতকী, মহাপাপীর সঙ্গে থেকে যা কিছু
শুনেছো সে-সব ভুল ভুল ভুল।

ছোটবাবু বললে, তোমার কাছে হিতোপদেশ শুনে কাজ করবার মত সদয়
নেই, ওগো সতী, বেশী বাড়াবাড়ি কোরোনা, তোমার পেয়ারের সেই বাগদিনার
এখান থেকে অত তাড়াতাড়ি পালাবার কারণটা কি ? কি বোলে ঢাকবে ও র

সে কলঙ্ক ? এত বয়স হোলো নিজে বিয়ে করলে না কেন, তাইটাকেও বিয়ে করতে দেয়নি কেন ? ভাই বোনে অত টান কেন ? আর কিছুদিন থাকলেই তার স্বরূপ বেরিয়ে পড়তো যে ; ভাইবোনের নষ্ট স্বভাবের কথা কে না জানে এ গ্রামে । মেয়ে-মাহুষের পাণ কতদিন ঢাকা যায়,—না পালালে উপায় ছিল কি ?

দুই কানে হাত দিয়ে ছোটবো বললে, ছি, ছি, হে ভগবান, তুমি এমন লোককে আমার স্বামী কোরেছিলে কেন ? একমাত্র অপরাধ তার, সে বাপমা থেকে ছোট জাতের মেয়ে, কখনও কারো প্রতি কোন অস্ত্রায় করেনি, বামন কায়েতের ঘরে জন্মালে আজ অনেকে তার পায়ের ধুলো নিতে—তাকে তুমি যা মুখে আসে তাই বলবে । এখান থেকে যাও তুমি বাইরে, তোমার নিজের কাজে যাও,—

ছোটবাবু দেখলে, এ ছোটবো সে লোক নয়, এর মুখে যে কথা সে এখন শুনলে, এমন কথা আগে কখনই তার মুখে বার হয়নি । এ কি মূর্ত্তি ছোটবোয়ের ! দেখতে দেখতে চক্ষু তার রক্তবর্ণ হয়ে এলো, মুখের ভাব তার এমনই পরিবর্তিত হয়ে গেল যাতে ছোটবাবু একটু আতঙ্কিত হয়ে উঠলো । কিন্তু তা সত্ত্বেও তার কথাটা বলতে ছাড়লো না,—দেখো, বেশী বোলবো না কেবল এইটুকু ভেবে দেখো, এই বোলে,—নিজের উদরের উপর হাত বুলিয়ে দেখিয়ে :—মেয়েমাহুষের এ পাণ ঢাকা যায় না, শিবের অসাধ্য—আর কিছুদিন থাকলেই তার স্বরূপ বেরিয়ে পোড়তো ; তাই না এত তাড়াতাড়ি কাকেও না বোলে না জানিয়ে রাতারাতি ভাই বোনে চম্পট । তুমি এ কথা বিশ্বাস করবে না ? আচ্ছা তা হলে সে এখানকার এতটা সুখ-সুবিধে ছেড়ে পৈত্রিক ভিটের মায়া ত্যাগ করে পোলের হাট থেকে চলে গেল কেন :—বোলতে পারো ?

ছোটবো কেমন যেন কতকটা ঝিমিয়ে গেল প্রথমে, মুখখানা তার মড়ার মতই ফ্যাকাশে—তারপর স্নান হয়ে গেল ; সে ধীরে ধীরে বোসে পোড়লো । সেইখানেই । কিন্তু অতি অল্পক্ষণেই, ঠিক যেন মুহূর্ত্তেই সে সামলে নিলে নিজেকে, সঙ্গে সঙ্গেই তাড়াতাড়ি গলায় আঁচলটা দিয়ে জড়িয়ে নিলে, হাঁটু মুড়ে বোসলো সেইখানে,—তারপর দৃঢ় কর্ত্তেই বললে,—

হাঁ, আমি বলতে পারি,—বলচি শোনো,—জীবনে কখনও ভাল সজ করোনি, ভাল মাহুষ চেনোনা, তার উপর পুরুষ, জমিদারবোলে ঐ দশে, কেবল দণ্ডদাতা বোলেই দেখে এসেচো নিজেদের । বিবাহ করেছ, কখনও

ভালবাসা দাওনি, নারী প্রকৃতির সঙ্গে অপরিচয়ই তোমায় এতটা বিপথে নিয়ে গিয়েছে। এখন শোনো, কেন সে এখানে থাকতে পারেনি, তার মত স্বভাব, প্রকৃতি, সং চরিত্র মেয়ে, অল্প দেশ হলে সেই দেশের লোকে যাকে মাথায় করে নিতো। একা, সহায়হীন, একটি মেয়ে, তার উপর কি পাশব অত্যাচারটাই না হোলো। কেন? অপরাধের ভিতর সে জাতে ছোট তাই তোমাদের পাতকের জন্তেই না তাকে এতটা সহিতে হোলো : রক্তের জ্বরে কেবল তার পিছনেই লেগেছো, অথচ সে তার স্বভাবের গুণে সবাইকে আপন করে নিয়ে যে উন্নতি করে গিয়েচে এরকম ক'টা তোমাদের উচু জাতের মেয়ে দূরে থাক কটা ছেলেইবা করতে পারে? সেটা ভাবে দেখেচ কি? তার ফলে সে পেলো কি তোমাদের কাছে? নিজের বুক হাত দিয়ে বলো তো, নিজে তুমি তার কি সর্বনাশ করেচ তাকে নষ্ট করতে না পেরে? মেয়েমানুষের যার চেয়ে আর অপমান নেই, অসহায় নারী-জীবনের উপর স্থগা আসে, যে অত্যাচার, গীড়নের পর আর বাচতে ইচ্ছা হয়না তার পরেও তাকে এই নরকে থাকতে হবে? সেই অত্যাচারের চরম দণ্ড অবশ্য বিধাতার বিচারে, যথা সময়ে নিশ্চয়ই পেতে হবে। এখন নিরীহ ঐ মেয়েটার মন নিয়ে দেখোতো পুরুষ বীর,—ঐসব সহ করে এখানে থাকতে প্রাণ চায় কি, যেখানে চারিদিকে ঐ পাতকের সাক্ষী তার উপর তোমাদের লোলুপ দৃষ্টি তার দেহটার উপরে রয়েছে, ঐ অত্যাচারী দানবদের দৃষ্টি সকল সময়েই তাকে আঘাত করচে, সে আঘাত কি কখনও বন্ধ হবে যতদিন না তার দেহের সব আকর্ষণ নিঃশেষে লুপ্ত হয়? তবুও তাকে থাকতে হবে তারমত একজনকে, যার নিজের অর্থ-সামর্থ্য আর এই নরক তুল্য স্থান ত্যাগ করবার সুযোগ-সুবিধা আছে? তবুও তাকে সকল কিছু ব্যবস্থার জন্ত থাকতে হোলো কিছুদিন নিরুপায় হয়ে। এখন তাকে কলঙ্কিনী বললে, তার পিছনে যা খুসী অপবাদ দিলেই বা কি হবে, সে যে তোমাদের পাপের অধিকার ছাড়িয়ে যেতে পেরেচে এইটাই কি তার মহত্বের একটা বড় প্রমাণ নয়? আত্মশক্তির এমন পরিচয় আর কোথায় পেয়েচ?

বোলেই পায়ের কাছে জ্বরে জ্বরে মাথা ঠুকে, ছোট বৌ বেরিয়ে গেল ঘর থেকে। ছোটবাবু হতভম্ব, তার সব কিছু ভিতরের পরিস্থিতি ওলট-পালট হয়ে গেল। কি কথা শুনলে সে আজ!

* * * * *

ইতিমধ্যে পাঁচির অভিজ্ঞতার পুঁজি বেড়ে চলেছিল কলকাতায় এসে।

প্রথম থেকেই স্বাধীন প্রকৃতি বোলে তো বটেই, তা ছাড়া আগাগোড়া গায়ের প্রজাদের সমাজ দেখে—তারপর এখন বিদ্রোহাসের ফলে পাঁচির মনের মধ্যে একটা প্রবল আত্মবিশ্বাস তাকে এমনই উন্নতমনা করে তুললে যা ভাবায় বোঝানো যায় না। তার নিজ অন্তরের আলোই তাকে বুদ্ধি ও কল্পশক্তিতে অটুট করেছিল। কিন্তু এ জাতে, ছোট বড় সমাজের মধ্যে এই উচু নীচু অধু পল্লীগ্রামে নয়, কলকাতাতেও আছে আর ভালই বুঝলে যে সেটাও ঐ পল্লীগ্রাম থেকেই আমদানী। এখানকার যে উচুনীচু জাতিভেদ সেটা অন্তরকম, পাঁচি তার হৃদিশ একদিন ঐ কালী বাড়িতেই পেলে।

সেদিন সন্ধ্যায় সে গিয়ে নাটমন্দিরের যেখান থেকে মায়ের মূর্তি একেবারে সামনা সামনি দেখা যায়,—মাঝে মাঝে ভীড় সরিয়ে তাদের দেখবার অবসর করে দেওয়া হয়, সেইখানেই দাঁড়িয়েচে। সে দাঁড়িয়েছিল সবার পিছনেই। চির সাবধানী পাঁচি কখনও আগে গিয়ে কোথাও দাঁড়াতো না, সব সময়েই সে সবার পিছনেই থাকে—পাছে কোথাও তার জাতের কথা ওঠে।

উজ্জলবর্ণা বিধবা গিন্নী-গোছের একজন ঠেলেঠুলে আগে ভাল করে দেখবে বোলে এগিয়ে এসে দাঁড়ালো,—তাতে সহজেই পাশের আর একটি ক্লীণাক্ষী বিধবা শ্রামবর্ণা শ্রোতার গায়ে গা লাগলো, তার কাপড়ট ও খানিক লাগলো তাঁর গায়ে। তখন তিনি তার দিকে চেয়ে,—মর মাগি, কোন ছোটজাতের মেয়ে তুই, গায়ে গা দিয়ে মরিস কেন ?

যাকে এই মিষ্টি কথাটি শুনতে হোলো তিনিও গিন্নী এবং মনে হয় বিশেষ বুদ্ধিমতী। উত্তরে বললেন,—ওগো গায়ের রঙ একটু সাদা না হলে ছোট জাত হয়না, আমরা কাওরা—বাগদী নই, আমরা কৈবর্ত মাহিষ, আমরা ছোট নয়।

বামন গিন্নী রাগে গর গর করতে লাগলো, বললে, কি আমার বড় জাতগা, কৈবর্তো—ভারি বড় জাত রে ?

এবার সেই কৈবর্ত গিন্নী যা বললে তাইতে বামন গিন্নীকে ঠাণ্ডা হতেই হোলো।

বলি ও বড় জাতের গিন্নী, রাণী রাসমণীর নাম শুনেছ, আমরা তারই সজাত কত বামন তার চাকর আছে। তোমাদের ছেদা ভক্তি তো সব ঐ পয়সায়। পয়সা মা পয়সা, এখন পয়সাতেই মানুষ বড়, পয়সাতেই মানুষ ছোট। তোমার বামনাই-এর দেমাক এখন চলবে না মা, সেকাল আর নেই। বোলে বামন গিন্নীর আগে সোজা এগিয়ে গিয়ে দাঁড়ালো। দর্শনের সুযোগ যখন এলো তখন সেই কৈবর্ত আগে দেখলে। বামন গিন্নী গজ গজ করতে করতে পাছে গায়ে

আবার গা লাগে সেই ভয়ে আর এগিয়ে যেতে পারলে না। পাঁচি ছিল তাঁর পিছনে, তাকে দেখেই বামন গিন্নী খপ করে হাতটা তার ধরে ফেলল, বললে, মা, তুমি আমার আগে থাকতো, তাহলে আর কারো গায়ে গা লাগবে না, মাসের মুখখানা দেখে একেবারেই বাড়ি চলে যাবো,—ঘরে অনেক কাজ পড়ে রয়েছে, মা।

পাঁচি অবাক হয়েছিল প্রথমে, তারপর তার মুখ থেকে বেরিয়ে গেল, আমরা বাগদী যে, আমরা ছুঁলেন? শুনেই বামন গিন্নী,—কখনও নয়, কক্খোনো নয়, তুমি বাগদী বোলে আমরা ঠকাতে পারবেনা, মা।

পাঁচি আর কোন কথাই বললেনা,—ভাবলে বাদ-প্রতিবাদ এখানে না করাই ভালো, কোন লাভ নেই—বরং এক্ষেত্রে হয়তো ক্ষতিই হবে।

তার মনে আজ একটা বিষয় স্পষ্ট হোলো,—সমাজের এক শ্রেণীর লোকে জাতের গোড়ার কথাটা জানেনা, কেবল জানে ছোঁয়াছুঁই, আর বড় জাত আর ছোট জাত। তারপর ফিরে এসে যখন সে এই গল্প গোলকবন্ধুর কাছে করলে, শুনেই তিনি হেসে উঠলেন—বললেন, আসল কথা এখন কি দাঁড়িয়েছে জানো মা, যাদের আর্থিক অবস্থা হীন, তারাই জাতের গৌরব আঁকড়ে ধরে আছে, তাইতে দুঃখ-দারিদ্র্য কতকটা সহ করতে পারচে। এই বড় জাতের আর ছোট জাতের মধ্যে অবস্থায় তারতম্যেই শ্রেষ্ঠ নিকৃষ্ট বিচার হয়, বিজ্ঞা জ্ঞান সংস্কৃতি দীর্ঘকাল চলে আসার জন্তই বামনেরা শ্রেষ্ঠত্বের দাবী করে,—না হলে লেখাপড়া বা উচ্চতাব জ্ঞান ও সংস্কৃতির সুযোগ পেলেই ছোট বড় হয়ে যায়, একথাটা ভেবে দেখার অবসর নেই কারো। অনেকদিনের সামাজিক নীতির চাপে ছোট যাদের বলা যায় সে জাতের প্রসার হতে পারেনি। কিন্তু এখন ইংরাজের আমলে আর সেদিন নেই; এখন সুযোগকে করায়ত্ত করতে যে বা যারা পুরবে তারাই বড় জাত। সমাজে তারাই শ্রেষ্ঠ। না হলে ধর্ম্মমাত্রেরই সন্দাচারের অধিকার সকল বর্ণেরই আছে,—এই দেখনা, তোমার পরিচ্ছন্নতা দেখেই তো সেই বামন গিন্নী তোমারই হাত ধরে আশ্রয় প্রার্থনা করলে। না হলে, যখন বাগদী বোলে শুনলে তার বিশ্বাস করতে প্রবৃত্তিই হোলো না কেন—এইটাই কি উৎকৃষ্ট প্রমাণ নয় যে জাত ছোট বড় কারো বংশ বা জন্ম দিয়ে সাব্যস্ত হয়না।

অধ্যবসায় অসাধারণ থাকায় পাঁচি তার কারবারের খুঁটিনাটি সকল কিছু দেখাশুনার পরও অধ্যয়নে মনোযোগ তিলমাত্র শিথিল হতে দেয়নি। অল্পদিনেই তার সব কিছু দৈনন্দিন কর্ম্মক্রম যথারীতি অভ্যস্ত হয়ে গেলেও তার আরও

জানবার আগ্রহ বেড়েই চলেছিল। সময় বিশেষে প্রশ্নের উত্তরে গোলকবন্ধুর কাছে সে জেনে নিয়েছিল, এখন এখানকার বিষয়জ্ঞান সমাজের মুখপাত্র কারা। আর মনে মনে এই আশাও পোষণ করে এসেচে একদিন না একদিন সে তাঁদের কাছেই প্রশ্নের গুঁচ প্রশ্নের উত্তর মিলবে, প্রশ্নের আকাজক্ষা মিটবে;—এই সমাজের জাতি ব্যবস্থার মূল কথাটা শুনতে পাবে। যত কাজই করুক তার মনে ঐ ছোট জাতের সঙ্কোচ বরাবরই লেগেছিল। তাই একদিন যখন কথাপ্রসঙ্গে শুনলে যে গোলকবন্ধুর সঙ্গে মহামহোপাধ্যায় হরপ্রসাদ শাস্ত্রী মশাইয়ের আনানুনা ও পরিচয় আছে—সে ধরে বোসলো, তাকে একদিন নিয়ে যেতে হবে তাঁর কাছে।

গোলকবন্ধু স্বীকার করলেন। একদিন তিনি একলা গিয়ে শাস্ত্রী মশাইয়ের সঙ্গে দেখা করে পাঁচির সম্বন্ধে সকল কথা, শেষে, সে তাঁর কাছে আসতে এবং কিছু জানতে চায়, জানিয়ে, একদিন তার আসবার কথাও বললেন। শাস্ত্রী মশাইয়েরও মেয়েটিকে দেখবার ইচ্ছা হোলো। ফলে একদিন পাঁচির অদৃষ্ট প্রসন্ন হলো। গোলকবন্ধুর সঙ্গে সে নিঃসঙ্কোচে গিয়ে শাস্ত্রী মশাইয়ের বাসায় উঠলো। তখন তিনি বেনেটোলায় থাকতেন। পণ্ডিত ব্রাহ্মণের কাছে পাঁচি শুধু হাতে গেল না। গোলকবাবুর সঙ্গে পরামর্শ করে পাঁচি বেশ কিছু ভাল আম ও মিষ্টান্ন-জ্বায্য আট দশ টাকার সঙ্গে নিয়ে গেল।

পাঁচি তো তাঁকে গলায় আঁচল দিয়ে গড় হয়ে ভক্তিতরে প্রণাম করে দাঁড়ালো। শাস্ত্রীমশাই তখন একগদা প্রুফ নিয়ে সমাহিত। কিন্তু তা সত্ত্বেও তাকে দেখলেন, জিনিষগুলিও দেখলেন এবং প্রসন্ন ভাবেই তাকে বললেন, বস, তুমি বোস এখানে, বোলে সামনের একটি আসন দেখিয়ে দিলেন। এখানে এসে পাঁচির প্রশ্নে যেন অদ্ভুত এক শ্রদ্ধাপূর্ণ বিশ্বাসের ভাবানুভূতি প্রবল হয়ে উঠলো, আর কাগজপত্র পুস্তক পরিপূর্ণ আধারগুলি, যেন জ্ঞানে ভরা এখানকার বায়ুমণ্ডল, দেখে তার অন্তঃকরণ উদ্দাম প্লকে পূর্ণ হয়ে উঠলো। সে গিয়ে শাস্ত্রীমশাইয়ের আসনের নীচে বসলো, বললে, এইখানেই আমি বসি। শাস্ত্রীমশাই বললেন, —এসব এনেছো কেন? পাঁচি বললে, গুরু ব্রাহ্মণ এঁদের কাছে কি শুধু হাতে যেতে আছে? শাস্ত্রীমশাই বললেন, আর কখনও এনোনা, বুঝলে? পাঁচি বুঝলে।

শাস্ত্রীমশাই তার মুখখানির পানে লক্ষ্য করে বললেন,—বিছাবতী হতে চাও? পাঁচি নিরুত্তর—মুখটি নীচু করে হাতে হাত কচলাতে লাগলো। বলতে যাচ্ছিল, আমরা ছোট জাত, এইভাবেই অনেক কিছু তার মনে এলো।

বটে কিন্তু মুখে কথাটি বার হলোনা। ভালই হোলো—শাস্ত্রীমশাই কিছুক্ষণ পরে জিজ্ঞাসা করলেন, হয়তো এখনকার অনেক বই পড়েছ, তুমি বঙ্কিমপড়েছ ?

পাঁচি সবিনয়ে অথচ বেশ স্পষ্ট ভাষায় নিবেদন করলে যে তাঁর উপস্থাসগুলি প্রায় সবই সে পড়েছে।

শাস্ত্রীমশাই বললেন, তাতে তো বঙ্কিমের সকল পরিচয় নেই, তাঁর কৃষ্ণচরিত্র, ধর্মতত্ত্ব অমূল্যলীলন, গীতার টীকা এসব পড়তে হবে, তারপর তাঁর আরও বিবিধ প্রবন্ধ প্রভৃতি অনেক কিছুই আছে যা এখন হয়তো বাজারে পাবেনা। পুরানো কোন কোন মাসিকে বেরিয়েছিল, আমার কাছে সংগ্রহ করা আছে, তোমাকে আমি দেবো।

পাঁচির মনে হোলো,—আমি কি ওসব বুঝবো,—কথাটা সে বলেও ফেললে। শুনে শাস্ত্রীমশাই বললেন,—ঐ গোলকের কাছে পড়বে, তাতেই দুজনের কাজ হবে।

এবার পাঁচি একটু বেকাস কথা বলে ফেললে,—যা জানতে এতটা আমার ইচ্ছা, তাঁর ঐসব বইয়ের মধ্যে পাবো,—তাই কি ঐসব পড়তে বলছেন ?

ইতিমধ্যে শাস্ত্রীমশাই নিজ কক্ষে মনোনিবেশ করেছিলেন—পাঁচির কথা শুনে বললেন,—যা বলছি তাই করো না গো,—তারপর এসো তোমার কথা শুনবো। এই বোলে দ্বারপ্রান্তে দৃষ্টিপাত করলেন। একটি মেয়ে দাঁড়িয়ে দেখছিল পাঁচিকে আর শুনছিল তাঁদের কথাবার্তা,—তাকে বললেন, একে ভিতরে নিয়ে যা। সে পাঁচিকে বড়ই যত্ন করে ভিতরে নিয়ে গেল। প্রায় আধঘণ্টা পরে ফিরে এলো তখন সে যে বাগদীর মেয়ে একথা তার আর মনে রইলো না। তবে একটা সন্দেহ তার মনে রইলো, তার উপহারগুলি শাস্ত্রীমশাইয়ের ভোগে লাগলো কিনা।

ক্ষই হোক এখন এই কথা ভেবে পাঁচির প্রাণ আনন্দে ভরে উঠলো যে, ভাগ্যে সে পোলের হাট থেকে কলকাতায় এসে বসতে পেয়েছিল, তাইনা এই ভাবের এক শ্রেষ্ঠ পণ্ডিত ব্রাহ্মণের সঙ্গে, তাঁর পরিবারের সঙ্গে, এমনভাবে মিলন ঘটলো। কয়েকদিন পর্যন্ত তার মনে অবিরাম তার জন্মভূমি আর গ্রামের কথা উঠছে—তার সঙ্গে এখানকার বর্তমান বর্ধমান পরিবেশের তুলনায় তাকে এখন ব্যস্ত রাখলে।

শাস্ত্রীমশাইয়ের সঙ্গে দেখার প্রায় সপ্তাহ খানেক পর একদিন সকালে একটি ছোকরা, বেশ ভদ্রঘরের মতই বেশভূষা, এসে মুড়ো অর্থাৎ মদনের দোকানে জিজ্ঞাসা করলে ; এখানে পঞ্চমা দেবীর বাড়ি কোথায় ?

পাঁচির ভাল নাম লেখার সময় সে পঞ্চমা, লিখতো,—এটা মুড়ো জানতো কিন্তু দেবী বলায় এইটু ভড়কে গেল। —সে জিজ্ঞাসা করলে পঞ্চমা দেবীকে কি দরকার,—কোথা থেকে আসে। আপনি? সে বলে, আমি আপাততঃ পোলের হাট থেকেই আসছি। আমাদের দেশ ছিল, মগরার কাছে মড়াপাই লক্ষ্মীকান্তপুর; ছেলেটি বললে, আমার কথা তারই সঙ্গে,—আপনি শুধু একবার তার বাড়িটা বোলে দিন, তাহলেই হবে। কাজেই মুড়ো ভাবলে, বোধ হয় পাঁচি জানে এর কথা। পাট থেকে উঠে বললে, আপনার নামটি কি, তাকে কি বোলতে হবে? সে বললে, আমার নাম হোলো রাম নারায়ণ দাস; একবার দেখা করতে চাই তার সঙ্গে।

পাঁচিকে বোলতেই সেও আশ্চর্য্য হয়ে গেল, আমায় আবার দেবী বোলে সম্ভাষণ করতে এলো, কে রামনারায়ণ—আচ্ছা তুমি ডাকো তাকে দেখি তো! ছোকরা এসে বেশ শ্রদ্ধাবনত শিরে জোড়হাতে নমস্কার করে বললে, আপনিই পঞ্চমা দেবী?

পাঁচি একখানা টুল দেখিয়ে বললে, বহুন,—তারপর বললে, আমাকে দেবী বলতে কে আপনাকে বোলেচে, আমরা বাগদী, আমরা কি কখনও নামের সঙ্গে দেবী বোলতে পারি? এখন বলুনতো আপনার কথা।

সে বললে,—আমায় চিনতে পারলেন না, আমি রামনারায়ণ,—আপনার মামা যে চিন্তামণি আমি তার সম্বন্ধী যে, এক সঙ্গেই আমরা ওখানে তো ছিলাম, আপনি যখন ছ' সাত বছর অবধি ওখানে ঝুঁঠানদের স্কুলে পড়তেন, আমরা এক বয়সী ছিলাম,—এক সঙ্গে কত খেলা করেছি, মনে নেই? তারপর আপনি ওখান থেকে চলে গেলেন পোলের হাটে আপনাদের গ্রামে, আপনার জেঠা নিয়ে গেল।—মনে পড়ে না আমাকে?

পাঁচি বিস্ময়-বিস্ফারিত নয়নে তার দিকে চেয়ে বললে,—ওমা, সেই রাম-নারায়ণ,—মা গো, আমায় দেবী বলে দেখা করতে এসেছ এখানে? যতদিন পোলের হাটে ছিলাম, ততদিন কি একবারও মনে পড়েনি? এই এখন তোমার মনে হোলো?

সে বলে, আমি ম্যাট্রিক পাস করি চার বছর আগে;—বেহালায় আমার এক মামা থাকে তার কাছে থেকেই আই-এ পর্য্যন্ত পড়েছি, পাশ করেছি,—এখন জেনারেল পোষ্ট অফিসে কাজ করছি,—কলকাতায়, বোঁবাজার কপালীটোলায় বাসা করেছি। পুজার ছুটিতে আপনার মামার বাড়ি মগরায় যাই, সেখানে শুনলাম আপনি একজন গণ্যমান্ত কারবারী লোক হয়েছেন

পোলের হাতে। আমি সেখানে গেলাম, শুনলাম সেখানেও আপনার কারবার আছে,—আপনার জেঠাই আমায় এ সব কথা বললে, তারপর ত্রৈলোক্য কয়ালের সঙ্গে দেখা করিয়ে দিলে। তার কাছে সব কিছু জেনেই এখানে আসছি।

পাঁচির প্রাণে ভারি আনন্দ হোলো। তাদেরই জাতের একটি ছেলে,—আই. এ. পাশ করে একজন বেশ ভদ্রলোক হয়েছে। আমায় আবার দেবী বোলে ডাকতে চায়। এটা ওর বাড়াবাড়ি,—কালীঘাটে এসে ধান চালের আড়ত আর কাপড়ের কারবার করলেই কি দেবী হয়ে গেছি। বেশ মজা তো, আমাদের মামার বাড়ির বড় মামার সেই স্মৃতি রামনারায়ণটা এত বড় কাজের মানুষ হয়েছে,—তার ইচ্ছা হোলো জিজ্ঞাসা করে তার বিয়ে হয়েছে কিনা। কিন্তু এমনই একটা লজ্জা এলো সেই লজ্জায় তা জিজ্ঞাসা করতেই পারলে না। তবে সে তাকে একটা ঘা লাগালে এই বোলে,—তুমি আই. এ. পাশ করলে তো চাকরি করতে গেলে কেন? পাঁচি একথা খুব ভাল করেই জানতো যে চাকরি করে কখনও অভাব মেটে না, বাবুদের সেই মাস মাইনের উপর সারা মাসের সকল খরচ বেঁধে নিতে হয়। গ্রামের বামন কয়েকঘর বাবুদের তো সে দেখেছে, ধার দেনা করে বড় বড় দায় মেটাতে বাবুরা জেরবার হয়ে পড়েছে, মাসের শেষে,—যার যেটা পাওনা, মুদি, গয়লা, এদের দিতে পারেনা—ধার আর ধার করে করে জীর গায়ের গয়না পর্যন্ত বাঁধা, তা ছাড়া, লোকের কাছে কত ছোট হয়ে থাকতে হয়েছে। বামন হয়ে ছোট জাতের খোসামোদ করতে হয়—সে সব দুঃখ পাঁচি অনুভব করেছে যে! কাজেই কথাটা রামনারায়ণকে বোলতে পাঁচির আটকালো না যে, আই. এ. পাশ করেচ তো চাকরি করতে গেলে কেন?

ছেলেটি,—একথাটা আশা করেনি,—সে ভেবেছিল আই. এ. পাশ শুনেই পাঁচি মোহিত হয়ে যাবে, তারপর এতবড় গভর্ণমেন্ট অফিসে কাজের কথা শুনে সে সন্তোষিত হবে। এখন উত্তরে তাই সে অপ্রতিভ হয়ে গেল, তার মুখখানা শুকিয়ে গেল, - বললে,—চাকরি না করে কি করব? বাবা যে মারা গেলেন, মা, ভাই, বুন; এদের খাওয়াতে হবে, বুনর বিয়ে দিতে হবে না? পাঁচি বললে,—তা হোক, চাকরি করতে করতেই তো মরে যাবে, দুঃখ শুচবে কি?—আমি তো কতো দেখলুম,—তোমার তো সেই বুড়ো বয়সে একশো দেড়শো মাইনে হবে, তারপর না হয় পঞ্চাশ টাকা পেনসান হবে—কতই বা হবে বাপু? আবার বিয়ে থা আছে তো?—

সে বললে, না,—এই সংসারই কষ্টে চলে, তার উপর বিয়ে করে খরচ যোগাবো কি করে,—বিয়ে কোরবোনা ভেবেচি।

এইবার পাঁচি সত্য সত্যই রামনারায়ণের প্রতি একটা আকর্ষণ অনুভব করলে। বেশ শক্ত ছেলে তো! সে বললে, এখন এসেচো, একটু জলটল খাও, ঠাণ্ডা হও—তার পর ভাত খেয়ে নেও। বোসো একটু আমি আসচি। তাকে বসিয়ে সে বেরিয়ে এসে প্রচুর জলখাবারের ব্যবস্থা করে—তাকে একবারে জানিয়ে দিলে যেন এখানে পাঁচি তাকে পেয়ে ধন্ত হয়ে গিয়েছে।

সেই রাতে পাঁচি যখন শুয়ে পড়ল তার শয্যায়,—সারাদিনের কাজের পর—তার নিত্য অভ্যাসমত কিন্তু ঘুম তার চক্ষে এলো না, এলো নানা চিন্তা, আর একটা নূতন অপরিচিত ভাবের আলোড়ন সুরু হয়ে গিয়েছে তার মনে। বুকের মধ্যে প্রবল আলোড়ন, সঙ্গে সঙ্গে মাথা যেন ভার। এমন কোনদিনই তার হয়নি। তার মনে আগাগোড়া যত কিছু আশা, উত্তম, কষ্টপ্রবৃত্তি কাজ করেছে সব কিছুই যেন তলিয়ে যেতে লাগল, স্কুটে উঠলো কেবল তাদের গ্রামের, বিশেষতঃ ঐ ছোটবাবুর ব্যবহার; তারপরেই তারই নিযুক্ত সেই নরপশুর নিঃস্বপ্ন পাশবিক কাণ্ড—তার জীবনে সে আঘাত সহ্য করে আবার তার প্রিয় কষ্টকে ধরেই জীবন পথে চলতে চলতে এখন সে ঐ গ্রাম ত্যাগ করে কলকাতায় এসেছে তার সাধ পূর্ণ করতে—এখানে নূতন উত্তমই কষ্টও সুরু করেছে,—কিন্তু এখানে এলেও ঐ কথাটা যে কিছুতেই মনের তল থেকে একেবারে মিলিয়ে যায়নি। কাজকর্মে, নানাবিধ সংকল্পায়, কালীঘাটের তীর্থমাহাত্ম্যে চাপা থাকলেও মাঝে মাঝে যখন তার মন একটা প্লানিতে ভরে যায়,—এক অবর্ণনীয় যন্ত্রণা ওঠে, বুক থেকে মাথা পর্যন্ত যেন আগুনের জ্বালা আরম্ভ হয়ে যায়। তারপর বহুকণ সে যেন কোন কাজে উৎসাহ পায় না। ঐটাই কি তার জীবনে এতবড় একটা ক্ষত হয়ে থাকবে?—তার নিরপরাধী প্রকৃতি কিন্তু ঐ ব্যাপারটাকে চাপা দিতে পারে না। সবার শেষে তখন গ্রামের এক শ্রেণীর লোকের ব্যবহার, ঐ নিয়ে তাকে পীড়নের প্রবৃত্তিই তাকে সবার চেয়ে বেশী পীড়া দেয়। কি অদ্ভুত মানুষ প্রকৃতি!

যাই হোক,—আজ সে বিছানায় শুয়ে নিজার অভাবে ভারি মাথা ও বুকের যন্ত্রণায় ছটফট করতে লাগলো,—তার ঘুম এল না।

* * * * *

ছোটবোঁ আজ যে মূর্ত্তি দেখিয়ে ছোটবাবুকে স্তম্ভিত করেছিল ইহজীবনে

সেভাবের পরিচয় ছোটবাবু ত বটেই আর কেউ কখনও পায়নি। তার মন বুদ্ধি স্তম্ভিত, তারপর ছোটবাবুর মনের মধ্যে একটা ভীষণ ঝড় বইতে আরম্ভ হয়ে গেল। প্রথমে এই কথাটিই বড় জোরে ধ্বনিত হতে লাগলো,— হে ভগবান, এতদিন আমি কি করে এসেছি; আজ আমার একি বীভৎস মূর্তি ছোটবোঁ দেখিয়ে দিলে আমার চক্ষের সামনে, আমার এমন কুৎসিৎ রূপ তো আগে দেখিনি। একখানা কালো পরদা যেন সরে গেল, তারই মধ্যে প্রকটিত হয়ে উঠলো যে কালো কুৎসিত মূর্তি তেমন করে স্পষ্ট রেখায় এমনটা পূর্বে কখনও আর দেখা যায়নি।

আসলে এটা পাঁচির নৈতিক প্রভাব; উপযুক্ত মুহূর্তে পাঁচির প্রতি ছোটবোয়ের আন্তরিক প্রীতির ফলে ছোটবাবুর অন্তর ক্ষেত্রের জড়িমাকে সত্যের স্বচ্ছন্দ আঘাতে চূর্ণ করে দিলে। সঙ্গে সঙ্গেই ছোটবোঁ-এর দিব্য-মূর্তি তার পাশে, স্বর্গের মাধুর্য্য নিয়ে স্ফুটে উঠলো। তখন ছোটবাবু নিজের সেই মূর্তি আর দেখতে চাইলে না; কত কুৎসিৎ সে, চক্ষু বুজেও তার সেই মূর্তি ঢাকা পড়লো না, অন্ধকারের সঙ্গে মিশেও যেন মিলাতে চায় না— আরও স্পষ্ট হয়ে তাকে যেন ছেয়ে ফেলতে চাইলে সেটা।

ছোট বউ তখন তো নীচে চলেই গিয়েচে—ডাক্তারে পাঠালেও হয়তো আর এখন আসতে চাইবে না তার কাছে। ছোটবাবুর বড়ই ইচ্ছা হতে লাগলো একবার স্ত্রীকে ডেকে তার পায়ের উপর মাথা খুঁড়তে খুঁড়তে বলে, ওগো আমার ক্ষমা করো,—এখন আমি বুঝেছি সব কিছু সত্য, যা দিনের মতই উজল তা দেখতে পেয়েছি। আর আমার ভুল নেই,—তুমি দেখো, আর আমি মিথ্যাকে প্রশ্রয় দেবোনা,—আমি দেখেছি, কোন্ নরকের নারকী, মহাপাতকী আমি। অমুশোচনার আশ্রয় এইভাবে জ্বলে উঠলো লোকটির মধ্যে।

সে রাত্রে ছোটবাবুকে সবাই অন্তরকম দেখলে। কারো সঙ্গে কোন কথাই নেই তার। সঙ্গে সঙ্গে মতিও পরিবর্তিত হলো, হাটের ব্যবস্থা সব পড়ে রইলো। অতি অল্প কথায় ছোটবাবু গমস্তাকে বোলে দিলেন, পাঁচির গোলার মালিক পাঁচিই থাকবে;—পূর্ব ব্যবস্থার কোনো ব্যতিক্রম হবে না। সেই রাত্রেই লোক পাঠিয়ে ষ্টেশনে যাবার পালকীর ব্যবস্থাও হোলো, পরদিন ছোটবাবু স্ত্রীকে নিয়ে প্রভাতেই কলকাতা যাত্রা করবেন।

ওদিকে ত্রৈলোক্যও কালীঘাট যাবে। তার ছেলে অমুকুল,—যে কাপড়ের দোকানখানা চালাচ্ছে সে বাপের মতই বুদ্ধিমান, নিরীহও বটে,—তাকে

আরও কিছু গুরুতর কাজের উপদেশ দিয়ে বলে গেল, আমি কলকাতা চললাম, হয়তো আজ না ফিরতেও পারি। অবশ্য এরকম মধ্যে মধ্যে হতো। নিয়মিতভাবে যথাকালে ত্রৈলোক্য পাঁচির ওখানে গিয়ে হয়তো র'য়ে গেল দুই এক রাত্র। কান্ধার্ব শেষে রাত্রে কালী-দর্শন করে,—পাঁচির সঙ্গেই আতিথ্য গ্রহণ করে পরদিন সকালের গাড়ীতে পোলের হাটে ফিরে এসে কান্ধার্ব আরম্ভ করে দিতো। এখন খাতাপত্র নিয়ে সেও রওনা হোলো কলকাতার গাড়ি ধরতে পাঁচির বাসার উদ্দেশে।

* * * * *

সেদিন প্রথমে অবশ্য পাঁচির জেঠা সস্ত্রীক ঈশ্বরই পৌঁচেছিল পাঁচির বাসায়। গিয়ে দেখলে তাদের মুড়ো, এখানকার মদনবাবু—মুখটি চুন করে তক্তাপোষের এক ধারে মাথায় আইসব্যাগ ধরে আছে আর এক সাম্নেবের পোষাকপরা ডাক্তার পাঁচির অচেতন শরীর বকযন্ত্র দিয়ে পরীক্ষা করচে। মুড়ো তখনই বাইরে এসে তাদের জানালে, পাঁচির পরশু সকাল থেকে জ্ঞান নেই, এখন তারা যেন ঘরে না ঢোকে।

তার পরেই এলো ত্রৈলোক্য। তারপর বেলা বারোটা নাগাদ এলো সস্ত্রীক ছোটবাবু। ছোটবো স্তম্ভিত। পাঁচির অবস্থা দেখে তার সংজ্ঞারহিত হবার মতই হোলো, তাড়াতাড়ি পাঁচির পাশেই বিছানার উপরে বোসে পড়লো সে। ছোটবাবু মুড়োকে জিজ্ঞাসা করলে, ব্যাপারটা কি ?

কাঁদতে কাঁদতে মুড়ো বললে, ডাক্তার বোলেচে মাথার শির ছিঁড়ে রক্তস্রাব হচ্ছে না কি ভিতর ভিতর,—বলচে প্রাণের আশা খুবই কম। পরশু সকাল থেকে জ্ঞান নেই, বিছানা থেকে ওঠেনি।

এমন সময়ে চোখ রগড়াতে রগড়াতে আর একটি ছেলে এসে তাড়াতাড়ি ঘরে ঢুকল। তাকে দেখেই মুড়ো বললে, তুমি এরই মধ্যে উঠলে, কেন রামনারায়ণ,—আজ ছুরাত তোমার ঘুম নেই, একটু ঘুমিয়ে নাও। সে বললে, ঘুম হবে না আমি বসচি তুমি বরং একটু ঘুমিয়ে নাও এই বেলা।

ছোটবাবু জিজ্ঞাসা করলে, এ কে ? মুড়ো বললে, আমার বড় মামার স্নমুন্দি।

পাঁচি আর জাগলো না

শিল্পাচার্য্য প্রমোদকুমার চট্টোপাধ্যায় প্রণীত

মুক্ত পুরুষ প্রসঙ্গ ৫৮

হিমালয়ের মহাতীথে ৫৮

অবধূত ও যোগসঙ্গ ৫৮০

যমুনোত্তরী হতে গঙ্গোত্তরী ও গোমুখ ৩৮

শ্রীমদ্রামায়ণ প্রথম সর্গ

সাধক কবি রামপ্রসাদ ৮৮

মহাপুরুষ বিজয়কুমার

শ্রীমদ্রামায়ণ দ্বিতীয় সর্গ

শ্রীশ্রীকেদারনাথ ও বদরীনাথ ৩৮

শ্রীমদ্রামায়ণ তৃতীয় সর্গ

মরণবিজয়ী চীন ৩৮

দুরন্ত দক্ষিণ আফ্রিকা ৩৮০

মলয়েশিয়া ভ্রমণ ৩৮০

সর্ব-স্বাধীন শ্যাম ২৮০

মুক্ত মহাচীন ২৮০

শ্রীমদ্রামায়ণ চতুর্থ সর্গ

সর্বসমতা ৩৮০

শ্রীমদ্রামায়ণ পঞ্চম সর্গ

সর্বস্বারা (পঞ্চাঙ্গ বসম্ভাট) ২৮০

সত্যচরণ চক্রবর্তী প্রণীত

ঠাকুরদাদার ঝোলা

ঠাকুরমার ঝোলা

দীনেশচন্দ্র সেন সম্পাদিত - রামায়ণ মহাভারতের

সর্বশ্রেষ্ঠ সংস্করণ

কালীদাসী মহাভারত ১৬৮

কুন্তিবাসী রামায়ণ ১২৮০